

OHIO STATE
UNIVERSITY
LIBRARIES

A NOTE TO THE READER:

Because of its value and condition,
this volume has been microfilmed to
preserve its content.

Please check the Libraries' catalog
for location of a copy of that
microform.

Thank you, 8/27/1993
DG
The Preservation Office



✽ نهالستان ✽

هر زمانکه خامهٔ جامهٔ موزون ترانهٔ دلکش آواز معرفت پرداز
ساحهٔ ملسای صحائف لطایفمهای فیروزهٔ فامهٔ بال کشای پرواز ✽
و محرك جناحی حقیقت و مجاز اوله ✽ خیابان مصنع طرح
اوراق ایچون طرف طرف قد کشیدهٔ رونق و شرف اولان
موزون درختان صف بصف سطوز نهالستان ترا کیم هموار
ترتیبندن اسماع مجلسیان چمنصفهٔ قبول ایچون سرآغاز ابتدکی
اسمجاع بلغایسند مستحسن المدلولک

✽ نظم ✽

✽ ای جوش هزار زمزمه تو ✽ ای بی همه با همه همه تو ✽
✽ هر مرغکه دارد این گلستان ✽ دارد ز تو صد هزار دستان ✽
(نثر) بعد ازین بلبل خوشنواى عاشقانه صدای ناطقهٔ زمزمه ساز
سوز و کداز که میان اغصان سروستان شاخ برشاخ الواح
مرتبهٔ الرقوم مرتبهٔ الرسومده اظهار صیت و صدای پراصول ✽

و ابداع صوت و نوای قرین القبول ایچون ترنمات نکات آمیز مدعا
 قیلغله شورافکن بزمکاه دماغ و سوز بخش سینۀ داغ زاغ اولد قیجه
 اتحاف صماخ اثر پر و هان منطوق و معقول ایتدیکی نغمات
 عبارات محیر العقولک ابلغ و احسنی ✽ صلوة و سلام فخر المرسلین ✽
 و منقبه و مدیح آل و اصحاب کزین ✽ ایدوکی قرار داده
 دانشوران دار الافاده ختم و تعییندر

✽ نظم ✽

✽ بر مدحت اینچنین شهنشاه ✽ ✽ کی ره برداین کدای کمره ✽
 ✽ مداح توفاطر السموات ✽ ✽ ناطق بفضیلت تو آیات ✽

در زمین بوسی عبودیت ✽ و بندگی حضرت صاحبقران جمعظمت
 و سجده شکر و نعمت سلامت ذات ظل خدا که ✽ سایه عدالتش
 مایه راحت و رحمتست ✽ مضمون معنی دار ذات مطلوب الدوامی
 بیت القصیده جهانده متضمن نکته انتظام اولان شهر یار عدالتکیش
 بنده پرور کردون غلامک سجع مسامع نواز مدیح جان پسندی ایله
 دو مصراع یکپاره حمد خدا و نعمت رسول مستزاد اولق قدیمی
 قاعده مطرده دیباجه بندان صحیف آثار ایدوکی معلوم دل
 دانشپذیر کامل خردان روز کاردر ✽ خصوصاً آفتاب عالمتاب
 طلعت پاک تابناکی نورپاش قبه افلاک اولوب برج حل تحت
 مرصع نردبانه شرف اجلال اولهلی هر روز فیروزده بختی عالمه
 همدم عید و نوروز ایدن ✽ و تأثیر تاب آفتاب احسانی نهالستان

هفت اقلیه نشو و نما فزای امن و امان بنخصیص حسیض دل یاران
معرفه ضمیر برجیس خاصیتلرینک تعلق و انجذاب فیض رسان شوکت
و شان اولان عظمتلی پادشاهن

✽ نظم ✽

✽ جناب حضرت سلطان مراد اعظم کیم ✽

✽ وجودیدر اثر خاص خالق الاشیاء ✽

✽ تناسی لازمه نطق لازم الاشعار ✽

✽ دعاسی واجبه کک راقم الانشا ✽

✽ او پادشاه فضائل پناه عادلکم ✽

✽ دکل مکارم اوصافی قابل احصا ✽

✽ یتدی هربری بر شهریاره مایه فخر ✽

✽ هزار خاصه که ویرمش جنابنه مولا ✽

✽ فضیلت ایچره علم هم مسخر آ که قلم ✽

✽ کمان کشیده مسلم دلیر و مستثنا ✽

✽ نهانخانه فکرنده دائما موجود ✽

✽ مخدرات نکاه و عرائس معنا ✽

✽ عماد و میر علی رشک ایدردی بی شبهه ✽

✽ کوریدی ایتدیکی مشق جلی بی بی پروا ✽

✽ جنیت ره اجلالی ابلق کردون ✽

✽ شکار کتری شهباز تیرینک عنقا ✽

✽ سورنجه اسبنی مشوار گاه معرکه یه ✽

✽ توزینه ایرمه که قادرمی باد پای صبا ✽

✽ نظام دولت عظماده خود وزیر خرد ✽

✽ وکیل مطلق فرمانگزاری صبح و مسا ✽

- * مشیر رأینہ منقاد سر بسر عالم *
- * وزیر عزمنہ وابستہ جملہ دنیا *
- * نہایتی ابتدائی تدبیر و ضبطی اسکندر *
- * نہ کوردی کوردیکی دارات و شوکتی دارا *
- * زمان دولتی بازار عدله وقت رواج *
- * نگاه رغبتی کالای فضلہ نقد بها *
- * خدا وجودینی حفظ ایلیہ خطاردن *
- * درونی شاد اولہ دولته تاب و زجزا *

(نثر) بر شهنشاه عالیه فضائل پناه صاحب تیغ و انتباه در که * فلك الافلاك
 ذات سنجیده صفاتی جمیع عوالم حیثیاتی محیط اولوب برمدلول (وزینا السماء الدنيا
 بمصابیح) سماء معجز سیمای طبیعت انور لری هزاران هزار تابنده اختر معرفت
 خداداد ایله منور اولدیغدن قطع نظر اشعه اجرام نیر حواسی تربیه نباتات
 قابلیاتده درکار اولغله * دائما مراکز قلوب کائناته فیض بخش سرور بلکه
 تحقیقا افراد ارباب هنر پیدر پی افاضه عنایات نوبتو ایتمکله حجرات مشاعل
 جهوره شعله فکن (نور علی نور) اولوب اول ظل خدای مستعالم سایه
 سعادتایه سنده ملاک الامر عالم عرفان اولان عالی همتان دیار اذعان شمار یخ
 دماغلرنده شکفته و رونما اولان شقایق حقایق ترتیب دسته تعبیر و پیشکش
 بزمگاه تحریر ایتمشله * یعنی کوهکن نهادان کیتی بیستون استعداد احیای
 موات کالائده اعمال ادوات اجتهاد ایدوب اول طائفه نك بعضی رواج متاع
 فضیلت ایچون ربع مسکون فنونده محل محل وضع شهرستان تصانیف
 مقبوله ایله نامدار * و بعضی آخری فریفته رنگ و بوی معارف اولغین ترتیب
 شکوفه ستان حسن ادایه میلان ایدوب دامن کوهسار سخنوریده جابجا
 طرح کلاستان نظم * و ترتیب باغ و بوستان نثر * ایتمکله صاحب اشتہار
 اولمشلردر و کیمی پای تخت نظم بدیع النظامده نوبترن ملک الشعرا بی اولغله
 تکمیل عنوان * و ترتیب دیوان ایدوب (ع) غلغله صالیدی عالمه ولوله

نقاردهن (نثر) وزنی اوزره طمطراق سمنله قبه چرخ معلایی پرصدا قیلش
 * وکی رتق وقتق مضمون و معناده صاحب ید بیضا اولدیغندن حسن
 تدبیرخامه حاضر جوابی ايله اتمام مصالح مهمه مدعا پردازیده مسلم جناب اولوب
 منشی چاپک قلم دیوانخانه معلطاسم یعنی عطار دفرخنده رقم کبی رفعت
 مقام * وخدم وحشم الفاظ و عباراتله نام و کام بولمش لر در * ازان جمله
 بوفیر خام دست کوته فلم دخی اول خاقان محشم جشم سیاره کشم
 حضرتلرینک زمان دولت علیه لرنده فیض نظر التفات و مساعدۀ همایون
 اثر عیم البرکات شهر یار سبیل هر مرتبه قطع مرانب و پایه پایه ارتقاء مسلم
 طرح مناصب مناسب ایدوب نیچه قصبات مداین مثالده نیل عز و قضا *
 و احراز ختم و امضا تیسرندن قطع نظر حالا محکمه انشای بلاغت آشیانه ده
 صاحب نقض و ابرام ممضی سخن مسلم کلام اولوب (ع) المنة لله تعالی
 و تقدس (نثر) مسوده برهمزده خاطر دن منقول مسطر مستقیم تحریر اولان
 مترجم و مخترع نیچه مجلدات اهالی پسند خوش طبعانه * و آثار بی مانند خاطر
 زاد فقیرانه * پیشگاه نگاه اکا بر صدور * و حضور مشکل پسندان صاحب
 نظر دورادوره عرض اولند قجه کیمی تشریف قلم امضالری ايله
 تاجدار افتخار * و کیمی خلعت آفرین تحسین اقتضا ايله شرفیاب اعتبار
 اولوب هربری هزاران هزار احسانه بهانه * و باعث لطف مخصوص
 شهر یار زمانه اولمش در (واما بنعمت ربك فحدث) امر جلیل الشانته امثالا
 تکریر مقدمه مباهاتده بی اختیار اولق لازمه قصه خوان زبان حکایه پرداز
 اولدیغی کبی دور چپ اندازدن انتهاز فرصت میسر اولد قجه اول عالی
 حضرتک نام با احترامی تعوید کله کوشه دیبا جه سی اولغله مستلزم بقاء ذکر
 جیل اوله جق خیر الخلف صحیف آثار پریشان اوراقه رابطه بند جمع و تلفیق
 * و شیرازه کش تحقیق و تنیق * اولق خدمته صرف مقدور عاجزانه واجبه
 ذمت همت اولوب همیشه بونعمت عظیمه شکرین ادا ایچون کلک
 نژاد عابد لقاسمجادۀ صحیفه روی نیاز فرسوده قیاب کریان کریان

جبهه ساي خاك نياز اولق فريضه خاده عباسي عمامه اخلاص طرازدر

✽ نظم ✽

✽ حضرت پادشاه دورانك ✽ ✽ بكادائم دعاسيدراوراد ✽
✽ يالهي بحق جاه نبي ✽ ✽ عرو دولت هميشه افزون باد ✽



آغاز نامه عنديب قلم ✽ درين باغ وراغ صحايف متضمن الحكم ✽ ومنفهم
شدن داعيه شوق رقم ✽ از ترانه عاشقانه آن بلبل دلکش نوای دلکشانغم



بولائي منشوري کشيده رشته سطور ايدوب جده مغوره مجله مسطورده
دسته دسته آويخته دکان صحايف ونموده جوهر طلبان چارسوي معارف
ايدن کهر فروش کمپايه ✽ ترکسي ✽ اندک ماهيه ✽ هيولاى مدعانك بوهيت
مخصوصه ده صور تيزير ظهور اولسي باینده بوجهله معذر نخواه ✽
و کرمجوى منصف نظران مکار میناه اولور که جانب استاد استعداد دن
سربازار هنر وریده رخصت یافته تگ و پواولوب سمساران تحف و تفاریق
معارف کونا کون ايله کسب آشنایی ايدرك کتاب شا کرد دستگاه سخن
سنجی ونکته بیانی اولهلی بو آرزوی نهان ✽ سودا کر جانه سرمایه خلیجان
اولمشیدیکه رسوخ داد وسستد افاده واستفاده ایچون خواجکیان بسیار
مایه بندرگاه علوم ادله جزئیات منشور ومنظوم ايله آزمایش بصیرت
نوهوسان تجارت رابطه منطوق ومفهوم ایدوب ✽ ابتدا کتاب سنجیده
خطاب گلستان عارف شیرازی ✽ واول قابله مسبوک اولان نسخ برکزیده
ملایان حقایق پرداز ايله استفتاح صباح الخیر شباب ایده گلشاردور ✽
فی نفس الامر اول معتبر معیار نظر اولان درج الجواهر اکابر معجز سیر ✽ مالا مال

دینار حسن معارف
جسارت و شجاعت
اصول

کهر ❦ و بارهای نصایح و عبر اولمغله آغاز موسم نوجوانی لرنده سرمایه
کسب و کار نکته دانی ❦ بلکه رأس المال کامرانی و جاودانی اولوب
پیران کهنسال خانه خراب دخی آرزوی غنیمت عود الشبابی ❦ اول کتاباره
امرار نظره دفع ایدوب صحبت و انجمارده و کلکشت و چنارده همواره
دستخوش پیر و جوان اولمغله زوایای عالمدن بر کوشه یوقدر که بازار قبوللرینه
کساد ❦ و خیر مایه رغبتلرینه فساد طریان ایلیه ❦ حقا که مأثر نفسان
خطه فارس بوتقریب ایلده دست روزکاره بر تحفه یادکار هر دم بهار اهدا ایدوب
مدی الدهور باعث بقای ذکر جیل ❦ و سبب کرما کریمی بازار سعی
و تحصیل اولمشلردر ❦ کاش کاش یاران سخن پروران قلم و رومدن بری
زبان ترکی اوزره اعمال قاعده (حذا حذوه و نحاحوه) قیلوب سمت انشای
دلاراده بر نوع مخترع خاص تازه و طری دهره ارمغان ❦ و هدیه بهیه هنر
پروران آخر زمان ایلیه که لسان خوش بیان ترکی اطراف چنستان السنه
مختلفه دن اقطاف ازهار عبارات برگزیده بلغا پسند ایلده مستثنا و اجتناء ثمرات
(خذ ما صفا) ایلده مستحسن طباع سلیمه راست معیاران مذاق آشنا اولوب
بومر تبه ده مساعدت حسن اداسازکار ایکن ❦ روامیدر که تهمت بی اختیاری ایلده
سخنوران ملک عثمانی شرمسار ❦ و حیت بحالتفزای عجز و توانیدن روی
غیر تکش یاران روم شکسته رنگ انکسار اوله ازین سبب

❦ نظم ❦

❦ دلم چورنک زلیخا شکسته در خلوت ❦

❦ غم چو تهمت یوسف دویده در بازار ❦

(نثر) دست اندیشه هیرنم پاره ملاحظه ایلده تحریک آتشدان افکار ایتدجکه
حجره فیمای واسع دماغ پر شرار ❦ و سرپای اندام تحمل داغدار اولورایدی
تا اول زمانکه

❦ نظم ❦

❦ منم چو کوی بمیدان فسمحت مه و سال ❦

❦ بصو بجان قضا منقلب ز حال بحال ❦

(نثر) تقریب دور مناصب ایله مبتلای کشمکش * و بوحال بعض قصبات خوش
آب و هواده صحبت یکدمه سی بالضروره جان بیکسه محض غنیت اولان
معقول فهمان اقساق طبیعت ایله قهوه پیمای مصاحبت ایکن

* نظم *

* درین قفس بچه دل خوش کند گرفتاری *

* نه نکستی ز کلی نه پیامی از خاری *

(نثر) شراره سی منقل پراخکر جکردن چهیده دهن شکوا طراز اولوب
لبان تکلم * هجوم عزمای هموم عبوس الوجه ملازم الصحبه دن تبخاله دار
شکایت اولدقده ساده لوحان هوس آموز حضاردن بر آفته حریف *
معتدل ترکیب میانه ظریف * سوز درون فقیر محنتکشه تاب آور تحمل
اولد یغندن بی اختیار زخم جانہ مر همسای ترحم و علاج سودای جنون
افزای تنهایی باینده رقیه خوان تکلم * اولوب بوحالده محنت آلود غمہ کنج
خانه ده آرام حرام * بلکه اقتطاف اعشاب انشراح کدر ز دایچون لازم اولان
جانب کلزار نزهتکده عزم خرامدر دیو تأید مدعا سیاقنده

* نظم *

* اوتورمه گوشه تاریک حجرده یحیی *

* کنار گلشنه چق شعر دلکشا دیهرک *

(نثر) فتواسنی جزدان دهن عنبر پاشندن ابراز ایدوب دلالت طرف چنزار ایلہ
دردکلو کبر درونه چاره ساز اولدی تمام کیفیت رحیق تفرجه نشوہ دار سرور
اولوب (ع) کنار کشت و لب جو بغم زیان دارد (نثر) مسئله سن تصویر و تحقیق
ایچون بر مفرح و دلکشا مسیره جنت آساده سجاده بی سایه پیدا وزره لب جوی
دلجوی کدرشوی روح افزاده طرح افکن بزم حریفانه و حلقه بند جمعیت
مستندانہ اولوب (کل اناء یترشح بمافیہ) دوات و قلم میانه و مجموعه سرگذشت
همه کس میدانہ کلدی

✽ نظم ✽

✽ هر سر که داشت در ته دل کنج اتروا ✽

✽ خود را بجلوه گاه سحر یقین قرار کرد ✽

✽ هر دلی که بود بسته دم از سردی ملال ✽

✽ با صد سرود زمزمه شکر هزار کرد ✽

(نثر) مجلسیان معقول آشنا هر اجعت انبان حافظه قیلوب هر بری نقل
حکایات خوشمزه خاطر نشانترین طبق زبان ایله سرخوان میانه کتور دیلر
بو غربت زده کم تحمل دخی گوشه گیر سفری سفره خاطر اولان خانکی حلوائی
سرگذشت بلا کشان عشق و محبتی فقیرانه در میان و منظور و مسموعم اولان
تفاسیس و قایع صحیح المأل اهل ابتلا دن بعضی بر آورده زبان ایتمه کله ✽
دعوا به معنی عاشقه نشان یونندن ضیافت هم صحبتانه بذل همت
عاجزانه قیلمدم

✽ نظم ✽

✽ سوز کیم زبانه کله کویا زبانه در ✽

✽ بن عاشقم سوز مده بنم عاشقانه در ✽

(نثر) حریفان مجلس آرایکسره دامنبوس تمنا اولوب ✽ بارک الله تحسینی
هم نفس شیء الله رجا ✽ ایتدی لر که ذائقه اذعانمز لدا یذ حکایات مجنون صفتان
دشت عشق و محبت و سرانجام فرهاد طینتان بیستون درد و محنت ایله
اگر چه شهد کام اولدی

✽ نظم ✽

✽ ذوق نمانده بود ز خونا بهای تلخ ✽

✽ اینک حلاوت همه در کام تازه شد ✽

(نثر) لکن نیاز مند خدمتگذاران خامه چابک خرامکه حصه غائب اولق ایچون
بر مقدارین تعبیه ظروف صحیف ایتمه کله حلوا المذاق ساز ناشنایان خوان کلام
اولق باینده تسمیر ساق اهتمام ایده لر دیو بالاتفاق مبحث التماسه نتیجه پرداز ابرام

اولد یلر نه حال ایسه واجبه انجاح مرام احبایه کربند اقدام اولوب
از منه قریب العهد ایچره شهادت رأی العین ایله ثابت الوقوع و یا مناوله ایدی
تواتر ایله نهاده سرسماط شیوع اولان نوادر حکایات سدید المضمون یک یک
ثبت دفتر آثار متشعبه الشجون قلمشیدی لکن آثار نظره حقا هنوز اصلا حیدیر
قلم تنقیح * و تریه تکریر نظر ایله شرفیاب آداب تنقیح اولمدین بو آواره
آرام دشمنه فرخ پی قضا رهنمای مسافرت اولوب

✽ نظم ✽

✽ فلک دل چقمه دین کناره دخی ✽ روز کار آتدی یر دیاره دخی ✽
(نثر) رفقات و فوق توفیق ایله ره بهای سیر و سفر و تماشا کری اشکال
و صور ایله کامرانی بخش سیاح نظر اوله رق قطع منازل امانی ✽ و طی
مر احل شادمانی ایدوب

✽ نظم ✽

✽ شهر خوش آب و هوا یعنی ستانبول که اگر ✽ طرحی کور سه بهستی او نو دردی آدم ✽
(نثر) محط رحال قرار ✽ و بهانه ملازمتله چند روزه منز لکه کار و بار من
اولد قدده علی شیر دوران ✽ یعنی سرایی پناه اهالی علی رضایی جناب عالی لریکه
حضرت یکانه استاد عالی نژاد ✽ و مشکل کشای دولت عالی شاه شامخ العباد
✽ نظم ✽

✽ بلند مرتبه مفتی الانام عالیجاه ✽ جناب حضرت یحیی افندی طال بقاه ✽
(نثر) خواهر زاده سی ✽ و شاگرد خاص دارالافاده سی اولمق تقریبه چین
جبین ذات سعادت رهینن زمین دانش و ادراکی سجده گاه ایده لی همواره
خورشید باهر المعان فضیلتلرندن استفاضه انوار فضائل و کمالات اتمکله
خورشید فلک کبی یکانه دور روز کار ✽ و مابه الافتخار سهر دوار اولوب
عاقبت کار مصر قاهره ده قهرمان شیر صولت غابه مولویت ایکن مقهور
بنجه ضرغام حمام اولوب حالا اول بقعه ده آسوده ✽ و دیده حیاتی خواب
نوشین رحمت ایله غنوده در ✽ اول اثناده بهجت آباد استانبولده مرجع
وملاذ فحول ✽ و مسند آرای دیوانخانه رد و قبول ولوب دارالضیافه

کتبخانه لری مزد حمکاه اهالی ❦ و بوریا پاره صف النعال آستانه لری
ملتئم شفاه موالی ایدی حقا که ذات معرفته غلبه عشق مفرطی بر درجه ده
ایدیکه هند و عین بلکه اقصای خطا و خسته بر سخن فهم و نکته شناس
یاران مشربدن خبردار اولسه ارسال رسائل التفات ایله تحصیل متعذر اولیحق
تعیین عساکر ❦ و سپاه الطاف ایله احضار بارگاه اهالی پناه ایدوب
مستغرق نوازش و احسانی پیشنهاد ایتک مشرب عنایت سانی ❦ و لازمه دائمه
شان سماختنشانی اولغله کل یوم کنار شادروان بزمکه اجلالی اردوی
دانشوران و قصر ثمن طرح التفاتی سخن ثمانیه کبی مستعدان عنایت منزل
و مکان ایدی

❦ نظم ❦

❦ نه مجاسار قورلمشدر نه ساغر لر سورلمشدر ❦ محبت باده سینه بکرز اولمزه کورلمشدر ❦
(نثر) میعة الشباب دولتی نوبهار عمر یاران اولوب کلشنسرای عزتفرای
مهر بانیلرنده رندان معرفتک سوردیکی عیش و دمار ❦ و برامکه اخلاق
دلپسند کرامیلرنده اهل دلاک کوردیکی رعایت و کرملر ❦ تذکری مهج
دزیای خون ❦ و طغیان انکیز جیحون سرشک لعلکوندور

❦ نظم ❦

❦ بیلن بیلورنه وجود اولدینگ او محمد و مک ❦ جهانیه بردخی کلز نظیری هر حومک ❦
(نثر) یوما من الایام سندنه باغ بلاغت طبق حسن تعبیر ایله پیشکش محفل
اهالی جایلاری قیلدیغی نوباهه معارف کونا کون ایله تفکر اشناسنده اول
محصول شکسته نهال خامه بندکی اولان میوه خام ❦ یعنی مسودات وقایع
نوظهور تازه رس نامی تمام بین اقدام و احجام ❦ پیشخوان نظر پاک راست
بیلنرنده درمیان اید یحک کمال مر تبده چاشنیکر قبوللرینه خوشما کلوب تاب
آفتاب فیض ایله پرورده ❦ و تمام رسیده و پخته ثمر مایع ❦ و انکور کثیر
المنافع منزله سنده اقبال کوستر دیلر و دست خزینه دار اعتبار ایله اولقدر باغبان
طبیعت فرومایه نهادی وایه دار عطیه تحسین و کامکار جوانر سینه آفرین
قیلدیلر که حدیقه سینه دن سرزده اولان هرتازه نهال بالا کشیده اوج کالی

تربیت * و توده توده میوه خوشکوار بلا غتله پیش گاه دکا کین صحایفی
 پرزیب وزینت اتمک بالضروره لازمه ذمت همت اولدی * واول کر مکار
 هنر پرورک تازیانه تحریض رغبت انگیزی باد پای قلمی مشوار گاه مدعا پردازیده
 باد صبا کبی چالاک خرام ایدوب سرمزل اختتام مضرب خیام کلام اولق
 لازم کلدی * و مقدما موضوع اوعیه اوراق اولان نفایس حکایات غریبه
 حصه دار چاشنی عشق اولوب یکسر سرگذشت بلا وارزان محنته
 مخصوص ایکن اول فضا ئله آب صواب اندیشک القاء خاطر سداد انتماری
 ايله هر طوره موافق وقایع شتی * و هر وادی به مناسب آثار مختلف فحوی ايله
 بر مجموعه دلپذیر پسندیده املا * و اختلاف مشارب عالمیانه بناء هر کسه
 خواهش دانش آموز استعدادی اوزره صورتمای معنی اوله جق بر تحفه
 نوپیدا اولسی انبب واولی کور لکله کف دست همتله دهن راویان
 صحیح الکلامدن ربوده عیار فهم تیز دست اولان غرائب آثار حیرت افزا *
 صحن بوستان معاینده چیده یمین نظر درست بین اولان قضایای تعجب
 فرمایه ضم والحاق اولوب * و قتا که منظور و مسموع بر نیچه اخبار
 صحیح الوقوع * بو وجهله صور تیاب التصاق اولندی * رشحه آرزوی
 سابق البیان یعنی لسان ترکیده نظیره کلستان و بهارستان * ابداعی ناودان
 خامه پریشان کار فقیر خاکساردن ریزان چن بیان * و طری ساز حرم
 سبزه زار عرفان اولدیغنه شکر فراوان ایدوب افنان تعبیرات پسندیده سی
 خیابان سایقه هموار اثر دن سر زده * و صف صف سر راه سطورده
 جنبشهای ظهور اولغله سایه فکن چهره ارمسوده اولدیغی جهتدن (نهالستان)
 ايله تسمیه مناسب کورلدی * و بو حدیقه ذات البهجه پر حکم و عبره که ساحه
 خاطر کشاسنه بر نیچه سر سبز و خوشنادرخت بار آور حکمت ثمر * فیض
 حق ايله سایه کسرتدر * اقسام فوا که حکایات کونا کونی یکدیگر دن ممتاز
 اولق ایچون هر نوع مناسب بری برندن جدا قیلمیوب تقسیم فهرس کتاب *
 خصوصنده تعبیر فصل و باب محلیده لفظ معنی دار نهال اختیاری قاعده
 براعته چسبان اولق ملاحظه سیله استصواب کرده خجسته دانش نصاب
 اولدی (نهال اول) رشحات حکایات اسخیا کرمکار ايله تازه وتر (نهال ثانی)

عنادل سرانجام عشاق زاره لانه ومقر (نہال ثالث) رنگ وبوی وقایع
 شتای مختلفۃ الآثار ایلہ بہار آور (نہال رابع) مسافر پیام آور مضامین
 کما تدین تدان اوزرہ سایہ کستر (نہال خامس) میوہ آبدار شیرین کوار اشمار
 صلاح وتوبہ کاری ایلہ بار آور ونیمہ زمان آلودہ دامان شرور ایکن ماء طہور
 اہتدا ایلہ طیب وطاہر اولان نتیجہ پذیران حسن خاتمہ نک ثمار اثری ایلہ
 پرزیب وفرذر

﴿ نظم ﴾

﴿ این پردہ نو کہ کردہ ام ساز ﴾ انجام زبخت وازمن آغاز ﴿
 ﴿ سو کند بیادہ کاند رین جوش ﴾ تہ جرعہ کس نہ کردہ ام نوش ﴿
 (نثر) مرتب سماء خوان برخوان معنایہ خاییدہ دندان استعمال اولان فواکہ
 مضامین تلوث پذیر ایرادی علوہمت پاک طینتہ نسبت ناروای مشرب
 غیر تکش اولغلہ استعارہ کھن جامہ پارہ پارہ ایلہ غرالمک ﴿ یعنی دوش دلال
 ابتدالہ چاکچاک اولان خفتان تعبیرات فرسودہ دامان وکریبان ایلہ عید گاہ
 انسجامدہ خرامان اولق شاہد شیرین شمائل سخن سینہ زادہ مایہ عار
 اولدیغی کی ﴿ بوزار خور آثار تازہ تربیتک مقوی فواکہ ترتیبی غبار آلودہ اولہ
 مرتب بزم انس نادرہ سنجی اولان ناطقہ صاف مشرب عالی کوکہ ناموافق
 ناموس حیت شعار اولوب

﴿ نظم ﴾

﴿ سخن غریدن ایتمہلہ استمدادی ﴾ کرچہ کیم روح لرندن ایذرم استمداد ﴿
 (نثر) نیک وید میان مجلس تعبیرہ کلان کندی محصول بوستان جان ﴿
 وتریت کردہ باغبان زبانزددر ﴿ حلاوتبخش ذائقہ قبول ہنرمندان اولمرسہ
 باری مایہ تفکہ یاران مزاح آشنا ﴿ ویا کاغد حلوائی تمسخر اولوب وایہ
 مخلب ومنقارز اغان طعنہ سیرا اولہ

﴿ بیت ﴾

﴿ باہمہ کج نغمہ کی خندند ز اغان چمن ﴾ عند لی کرزند ناگاہ الحان درست ﴿
 (نثر) ہر چند آلودہ اوساخ سہو وخطا ﴿ وممشوق کلک ترزیق طراز یاوہ

بیا اولدیعی تقدیر جده دامن مشکسای تغافل کر مکاران زمانه اولقدرمالامال
عبر عفو جیلدر که نسیم عنبر شمیم انصاف برکنارنی تحریک ایلسه تقصیرات
قاطبه کائناتی پرنفحه اصلاح ایدوب رعاف قلم کرم روی سیاه مسوده خرافاتی
کارنک الطاف * وبوی مشک قبول ایله معطر الاطراف ایتک دیزینه رسم
وراه سخن فهمان سینه صافدر * باشد که عالیکهران حق کوی حقیقت
شناس کار سیابه اعتراض بی موقع ایله تلوین صحیفه آثار ایدن ناقص
نظران ستم طریقه سبلی قفا شکن از دراء حواله ایتک ایله حدلرین بیلدیروب
حایه عرض مخدوم ادیب استعداد نسخه قریحه زاد باینده بذل همت ایله
عندالله والناس شایان اجور بی قیاس اوله لر

نظم

* هر محنت و جوژه صبر ایدر دل * الا غم طعنه ارازل *
* هر درده تحمل ایدر آدم * الا غم طعن نامسلم *
* کاوان و خران هرزه کاری * سوز نیدو کنی بلیدی یاری *
* فریادی قوای دل غم اندیش * مرهمی قبول ایدر دل ریش *
* هب چکدی بودردی اهل عرفان * بو زخله خسته جمله یاران *
* اشخاصه ایله جدالی * سدر سکا رغبت اهالی *
* قدر سخنی بیلن اکابر * عرض ایتده التفات وافر *
* سن جوهرنی کتور میانه * ایتز کهری تاف زمانه *
* سن طور مده اول همان کهر پاش * دامنه صاچیه نقد شایاش *
* قفل در فضله ویرکشایش * سیرایت نیچه اولور فلکده بخشش *
* بازار کهر ده اول کهر سنج * تحسین ثمین ایله دز سنج *
* موسمیدر قیل ای سخن ساز * داد و ستد مقاله آغاز *

نهال اول که رشحات حکایات استخیا کرمکار ایله تازه وتر و دیده تماشا بیان
غیر نمایان اولان احسان و کرمه دائر صور وقایع حکمت اثر در

حکایت لطف پادشاهی * لازال مؤبد ابالعون الالهی * در ضمن مقدمه
اعتذار لایق * از تکرار وقایع زمان سابق * منبع النیل سماحت وایشار اولان
کهن اسنخیای پیشینه روزگار که جبل القمر خبشه زمین درم نثاری
والبرزهفت ماهه راهودشت قفقاق کر مکاریدرلر * ماندقله هفت آسمان
هربری کندی زمانلرنده بلندهر تبه برر طود شامخ عائبان متواتر الاحسان
اولوب دامن کوهسار همتلرندن سرزده وینایع کف کفاینکار لرندن منشعب
هزاران هزار خارج خط لاستواء عدوشمار * جداول انهار و آثار نشیکاه
مصر عزیز الاعتبار * خواطر ابرار منسکب اولدیغی بطون کتب
نوارینخده مسطور وهربری بادره نادره کریده حاتم طی کبی ضرب المثل
عالم اولدقلری تعاور السنه منسجم تعبیر قصه کذارن راسخ کلامله بین الانام شایع
ومشهوردر * اول مقوله مابه الافتخار مؤلفات اسلاف افاضل * که شهر تیاب
عالمیان اولمغه تکریر بیانی مقوله تحصیل حاصلدر * بو مختصر محقرده ملترنم
تقوم نویس قلم اولیوب عزیمت مشاطه کک صورت آرای راقم الحروف
بووجه اوزره قرار داده در که اعصار قریبه ده هویدا اولوب هنوز مخطوبه عربان
عذب البیان تحریر وامللا اولمیان مخدرات ابکار آثار نویدای جمله آرای تنق
والا طراز انشایه چکوب مشاهده دید اروقوعی نور بخش انسان العین جان
ویاستماع وصف عالم آرای شیوعی شوق افزای کوهکن اذعان اولان تازه نکار اسماری
بیت الزفاف تعبیر و بیان ایچره جلوه نمای تحقیق و تبیان ایللیوب خصوصاً
سینه خزینه الطاف پادشاهان عالمدن سر داده جلوه گاه اشتهار اولان
عرایس نقایس حکایات عواطف و عنایات متمتع الا حصانک بعضی جلوه کر
منصه دفتر * وساعد افکن آغوش مسطر اولوق خصوصنده جهینه
الاخبار بلاغت اولان خادمان عنبر سیمای اقلام * کوهر نثار جانب خواجه
سرای طبیعتدن رخصت یافته جواز تذکار اولسه * یعنی مناقب سخا کاری
شهریاران جلیل القدری لوح بیانه ثبت ایتک لازم کلسه اوراق دولت آبادی
رنک هفت آسمان * انجق داستان احسان و شهنامه کر ملرندن بر جز مختصری
اولمغه امکان اولوردی

❖ نظم ❖

❖ لوح چرخ اوزره حساب اولسه الوف کرمی ❖

❖ نقطهء انجم تابان اوله من صفر جل ❖

(نثر) پادشاهلر که وجود بهبودلری جود مصورده همیشه کار و کردارلری
بذل زروسیم و ایثار تحف و کهر در ❖ عند التحقیق سکان هفت اقلیمک جمیع
اعمار صد ساله لرنده بذل و نثار ایتد کلری مجموع اموال ❖ تحت نشینان سلطنتک
بر لحظه ده کمتر فقیره ایثار ایتد کلری اندک عطیه لرینه بر ایر او لمیوب
فی نفس الامر آثار حساب احسان اول سعادتیناهلرک لازمه شان سماحت نشانلری
اولد یغندن غیری هران و هر زمان ابداع کرم کونا کونه معتاد اولد قلرندن
چندان تحریک کر شمه زار تعجب ایتیموب شعله خورشید کف مکرمت پاشلری
دیده کائناته بارقه غای استغراب اولمز ❖ و روزمره هزار کونه کرملری معاین
باصره ادراک اولمغله اذهان عجائب سنجان دهره اخطار نکته
(ان هذا الشئ عجاب) الیز فلهذا بزم در عهده جافیء جنایت کار خامه
پریشان اطوار من انجق میانه حال و یاتنک دست عدیم النوال ایکن بذل ماملک ایدن
سخنی مشربان فر خنده فال احوالیدر که فی الجمله خیرت انداز عقول
وافهام اوله ❖ لکن مع هذا حضرت جهانبان عدل و اکرم ❖ پادشاه سرپای عالم

❖ نظم ❖

❖ شاه شاهان دهر خان مراد ❖ تا ابد در سر یر ذولت باد ❖

(نثر) حضرتلرینک بوبنده جامع الاثار حقنده بر قاعده (ارباب الدول
ملهمون) بر کرم کرامت نمونلری ظهور ایدوب هزار بار کلاب آداب ایله
شست و شوی دهن کلک مدعا یرداز دنصکره اول نادره احسان شاهانه
بیانی ایله سر لوحه نکار دیباجه صحائف لطائف شعار اولمقده نقاش
خرده کار خرد بی اختیار اولمشد القصه (سنة اثین واربعین والف
هجریه ده که هنگام تنجیح مسوده برهمزده در ❖ رائق و فائق مهمات امور اولان
اجله صدور ❖ بالای استحقاقی خلعت بخت طراز منصب ایله نازنده خرام
دیوانخانه امتیاز ایتد کده انقضاء ایام توقیت ایله زمان ترقب و انتظار
انجام یتوب ❖ بعد الوقت نه توقف و آرامد زمان مساعد و نه اقتضای غیرت

اقران ايله ابروی تحمل حسود کش ترتبه سرمایه استدانه موافق اولوب
 نه حال ايسه مدد کاری نسامح ايله بسیج حرکت * وغره غرای مولدالتبیده
 سحر کهسان روپراه مقصد گاه اولق اوزره رأی ممتنع التحویل عزیمت *
 قرار داده ایدی * لکن مقدما طول مدت ملازمت سببيله پریشان حالی
 ضرورتنه بر مطنه کرمدن مجلا ایفا ایتک اوزره اون یک اجه مقداری استقراض
 اولوب اول محله نه انجاز وعده مجال * ونه تدارک مبلغ معهوده امکان اولوب
 میان دوا آتش جگر سوزن طاعتکداز ده کباب ایدم * بو اندیشه واضطراب
 اثناسنده صاحب مال صاحب الادیال استعجال اوزره اولوب دین لازم الادایی
 حاضر ومهمیا اعتقاديله تهیئه ساز کیسه استیفا * واحتمال مطلق وتعالی
 اخطار تفکر گاه ایتیوب بی پروا * منتظر تسلیم وایفا * زانو بزانو مصاحبت
 اندیشه کشا اولدی * هنوز طرفیندن قحح باب سؤال وجواب اولمندن
 حسب المرامه دهشت وحجاب * مزرعه جانه صاعقه باراضطراب اولوب
 آیانه مقوله بن درخت تعاله التجا ایدوب نوجهله بهانه پرداز دفع اولق ایچون
 رهیاب کز گاه تسامح اولسم دیو جاسوس نگاه تحیرنکران چارجهت درودیورا
 تضجرایدی معذورا ولسون اجه کزی تدارک ایدمک جوابی اجه ایتدیکنندن
 غیری نه یوزله اول مقوله مقاله بی اثری اسماعه توجیه ناطقه مناسب اوور که
 بویابده یک مقدمه مسکته بسط اولسه خیالات فلاسفه کبی فسانه فاسد الاستدلال
 اولوب مبلغ معهود موجود در جوابی ايسه مقالات ملاحده کبی بین البطلان بر کذاب
 هرزه مأل ایدوکی ظاهر حال ایدی * عاقبة الامر منصبدن ارساله رجای
 مساعدنه دن غیری درمان اولمز دیو بو مضمون اوزره ترجمانی وسائط ايله عرض
 تمنا فکرینه دوشدم اما سابقه وعده بی خلاف اقتضای عقد اللسان تعبیر اولوب
 هر بن مو چشمه سار عرق اضطراب انکیز اولمشیدی یارب نه چاره ونه تدبیر ممکن که
 شرمسار خلف وعد اولیوب پیش هم صحبتان منافق روشده مهان تلاشی
 ابتذال اولیم دیو افکار حیرت آمیز ايله پریشانی عقلمدن اوضاع شتر کریمه بدیدر ایدوب
 دادخواه تقاضا پیشه بی ثقلت طلیدن اشغال امیديله ترتیب ساز سلب وتذکیر
 مهمات سفر یوزندن اغلو طه فرمانروایی خدمتکارانی روپوش چهره سرخفام
 نجات اوزره ایکن (مضرع) آمد بهار دفتر کل شد ورق ورق

✽ بیت ✽

✽ مرده ای دل که مسیحا نفسی می آید ✽ که زانفاس خوشش بوی کسی می آید ✽
 (نثر) جانب دروازه دن دبد به اقدام ظاهر اولوب کوردك که بستانیان حدیقه
 خاصه سلطانیه دن ایکی سرو زینده خرامکه پیرایه سر مستعد السعاده لری
 اولان کلاه زرد فام سر سرو اوزره خورشید ثریا مقام منزله سنده
 بریق افکن سرپای اندام اولوب جلوه کنان قدم نه پیشگاه اکرام اولدیلر
 وبالبداهه مختوما بردستمال مالا مال ایچره ممسك و مضرب مهر عالم ارادن نشان
 آور زراتور شعله کستری سعادتلی و عظمتلی پادشاه کرامتیناه (سلطان مراد)
 ظل الله حضرتلرینك عطیه بهیه سینه لردردیو ایصال یمین میامن قرین چاکر
 کترین ایدوب درعقب سر کجوددن هدیه سربستانی سلطانیه ✽
 وفرستاده همنام دربان روضه رضوانیدر دیو پراشهب عربی نژاد همحال
 صافیات جیادی زیرزین فقیر سفرگزین ایتدی لر الله اکبر اول محلده بوفتوحات
 غیبیه ظهوری برهمزن کار بار عقل و شعور اولوب اول عطای برجای بی رجای
 سلطانی هزار خم خسروانی طلوسی کنج شایکان غناسن و پردی برطرف
 شرف التفات صاحبقران اسکندر نهاد برطرفدن خجالت اعتذاردن مقدم
 ادای دین شین افزایه حصول استعداد برطرفدن تدارك برك ساز سپاهیان
 اعداء دیه سرمایه امداد تیسری بروجهله خاطر غمکینی شاد ایتشد که

✽ بیت ✽

✽ بروجهله هیچ بیانه صفیر ✽ دریادر اونا و دانه صفیر ✽
 (نثر) فی الحال ثقلت باردیندن خلاص ✽ وریزش آبروی رجای شرم
 آود ایله احیای قواعد عرقویه اولمخدين نعمت ادا ایله فرخناك ابتهاج
 اولوب بقیه کنج بیرنجی جوهر جان کبی در بغل همیان کتمان ایدوب
 شرمه توابع و خدمتکاران ایله فرح و فخور و کامران هر خطوه ده هزاران
 بار تکرار دعای دولت سلطان دور زمان ایدرك جانب منصبه عطف عنان
 اولندی (والحمد لله العزیز المستعان) حقا که سعادتلی و عظمتلی خاقان عالی
 تبار هزاران هزار کس و نا کسه کیسه کیسه درهم و دینار ایشار و نثار ایتکده
 بی اختیار اولوب افراد عالمیانك سبب نشو و نمای درخت آسایشلری

حوض فسیح الا کفاف الطاف من مترشح ایدوکی امر مقرر در اما بومینه
صاف سینه اخلاص خزینه (مصرع) من خود چه کسم کیم کدام
(نثر) بویه کتنام سرکوی یکمی ایکن خصوصاً هم تصادف زمان سفر
هم تقاضای وام خواهان ایله پهن دشت جهان کوزیده تنکنای مقر اولدیغی
حالده حضمر همتری بوجه اوزره مدد رس جان منقطع النفس اولدیغی
کرامت شان سعادت نشانلرینه اعظم براهین ایدوکی قراردادده همه کسدر

❖ نظم ❖

❖ گرمدن اوز که سعادت اولور می آدیده ❖
❖ علی الخصوص اوله وقتنده رونمای ظهور ❖
❖ سخا ایله آکیلور هب اکا بر اسلاف ❖
❖ عطا در ایلین ارباب دولتی مشهور ❖
❖ نته که دور ایده بونه جریده افلاک ❖
❖ کرمله نام شهنشاه دهر اولوب مسطور ❖
❖ هزار کونه عطاسی یاد اولندجه ❖
❖ بودر امید اوله بولطنی ابتدامد کور ❖

وزرای کامکاران دولت عایه دن قایج علی پاشانک قرق بیک الجدییه بر غلام
اشترا ایدوب بعده احساس تعلق ایتمکله غلامی و بهاسنی صاحبینه بخشش
واعطا و مستغرق عطا قلد یغیدر

کشتیان دریای سخا ❖ دربند کشای خاق الوداد بذل و عطا ❖ هر حوم
و مغنوره قیودان علی پاشا که وزیران کامکاران دولت عایه عثمانیه بیننده
جود و سما حنده علم و مانند برامکه و حاتم بیباک عطای مبدول الکرم ❖
بر سعادتمند عالیشان مسلم همدر ترتیب تبجمل و کامرانی به صرف کنجینه

نقید اثنا سنده آشنای دوات و قام بر غلام مطبوع القیافه آرزو مند تملک اولوب
 کوش بند کان مآدون للمعامله فی بوم نکوش تنبیه اکید ایله تشنیف ایلدیکد بازار اسیر
 فروشانه حواله جاسوس نظر قیلوب قابل علم وصنعت کتابت برنوجوان
 تربیت کرده من ادا اولد قده وساطت مصلحت زار دزهم و دینار ایله برآورده آغوش
 استصحاب ایدملر ❧ آناردخی حسب الاشاره کار گزار اتمامی مساط اتمام خدمت
 ایتد کلرنده بر امام زاهد سیما ❧ کندی مکتب تربیه سنده نشو و نما بولمش
 طفل زر خریده سنه بالا کشیده اوجگاه علم بلوغ اولنجہ بذل وظائف
 همته الباس خلعت معرفت و یمین استعداد دین زینت پذیر خاتیم کتابت ❧
 و بالغ فصل الربیع شباب اولد قده بعض محذورات ناموس شکن صدور ینہ سن
 وسالتک استعدادی زمانیدر ❧ مبادا اول مقوله همت غیر تفرسا ایله دامن پاک
 خاندان عفتی آلوده افتضاح اولمق لازم کله باری (ع) علاج واقعه پیش
 از وقوع باید کرد (نثر) لازمدر کتد بید قنده چالاک خرام شـ نماخانه تدارک اولوب
 جمال حالی یرایه هنراه عالم غریب ایکن ممکنکه آسانه دولتند ان عالمده خاکروب
 عبودیت اوله رق کندی واصل دولت ❧ و بکا سرمایہ منفعت اوله دیوب
 کربند علاقه سن تسایم پنجه دلال ایتشیدی ❧ اول حالده وکیلان مصلحت
 پرداز پاشای سرافراز ❧ تصادف ایدوب اثر مجود آداب یله شرفیاب اولان سیمای
 معرفتماسی منظور چشم تجربه سیخ کار گزاران صدا قتشعار اولد قده

❧ نظم ❧

❧ بارک الله زهی قامت فر خنده خرام ❧
 ❧ لوحش الله خوشا بنده خورشید غلام ❧
 ❧ یراشور لوح قر اولسه اکا بازو بند ❧
 ❧ یاقشور قصر فلك اولسه او خورشیده مقام ❧
 ❧ مشتری اولسه روادرا اکا برجیس فلك ❧
 ❧ اولسه لالای نکمبانی سزا در بهرام ❧
 ❧ بویله بر یوسفی وزن ایتدی میزان سپهر ❧
 ❧ مستحق آنی عزیز ایلسه مصر ایام ❧

(نثر) تمام دلپسند و خاطر خواهلری اولمغله بعد المزایده عهده و کیلان پاشاده
 قرق یک اقیه ده قرار ایدوب علی سوم الشرا حضور قیودان پاشایه کتوردیلر
 اولدخی انا مل خامه سای اقلام آسانی گرفته کف دست تجربه آموز ایدوب
 صغیفه جان اوزره تعلیق سطور تعلق * و مشق کشیده انجذابه استعدادین
 کوروب بی تردد ثمن مذکوری عدو ادایه کیسه کشای ایفا اولدی * لکن
 بومقوله پرورده کنار محبت بهوده آغوش تملکده سر داده سمت اضاعت اولق
 خلاف عادت * البته بووضع مستبعد العقولک بر حکمتی * و دائره فهم ظاهر
 بیندن بیرون علی وارد دیوا احتمال نداشتکاری امام ایله بر از ادیره یمانه کلامد نصکره
 مولانا بوحلقه بکوش اطاعتی فرزند جان پسندک منزله سنده عالم صغردن پیش زانوی
 تعلقه شیر و شکر مهر و محبت ایله پرورده نعمت * و پیرایه پذیر تربیت قلمش سن *
 حالا سبب بیع و ازله سن نهاده پیشخته بیان ایتک لازمدر * شاید حاسد
 فاسد لقای و سوسه * لوح ضمیر ساده نقشکده مشق حروف پشیمانی قیلوب
 (حالة الخطب) واهمه کذر که عز مکة القاء خس و خار قیل و قال نقاق
 انکیز ایتکله دامن مضاحت چاک اور خصوصت اوله

* بیت *

* قالمزسه کراول کوشه دامن الیزده *

* الدن نه کلور چاک کریبان الیزده *

(نثر) حالا سرمایه اختیار در دست ایکن ندیم صواب اندیش ملاحظه
 دور بین ایله استشاره عاقبت کار ایتک مناسبدر دیوار خای عنان نخیرایلدی
 * امام بی پروا کلام * ثابقدم بازار غلام اولوب کر مکار المعه فکن مرآت
 صور غای خاطر لری اولان شعله جواله احتمالات بعیده مانند برق خلب
 عديم المفاددر * نهاية الامر خاندان عصمت پناهنده بر نور سیده دختر نازنینم
 قد کشیده طاق زینده جفت حسن و جمال اولوب * پیش ازین بومر دمک
 چشم جان طفل ناشسته لب ایکن تردد اندرون بیت الاحزان ایدر ایدی
 رفته رفته زانورده مکتب ادب * و حالا بحسب الشباب مستعد شور و شغب
 لهو و طرب اولمغین بو ایکی آتشپاره عالم افروز بیننده محتمل که تلاحق
 زند و زنده تعلق و انجذاب ایله آتش انداز خاندان سامان والدین اوله جق

نارهٔ فضاحت شرور انکیزه مؤدی شرارهٔ فجور ظهور ایلیه دیو لامحاله
 ایکسندن برینک ازالهٔ نقشی کتابهٔ محراب استحباب اولدی * دوشیزهٔ پاکیزه
 دردانهٔ صدف صلب آفت زایم اولغله زیب حقهٔ خاندان اولسی * تحتم
 ولی فقرای اهل جهانت مستقل بیوت و حجرات خارجیه تدارکی وظیفه‌لری
 اولدیغندن غیری ترتیب آخور و عز بنحانه * و بنای قصر و کاشانه یه عدم
 قدرتاری ظاهر اولغله بوفرزند مجازی که بیکانه زاده در * گاه و بیکاه بریق
 انداز نخلخانه * و شعله فکن بیت الخاوهٔ ویرانه اولق نه لازمدر بوجهتدن
 استخدام شاندن یأس کلی نتیجهٔ احدی الراحین اولغین سبیکهٔ سیم خام
 اندامی تقدینهٔ محصل المرامه تبدیل * و بهاسی ایله مهمات جهاز دختری
 ترتیب و تکمیل * مناسب حال تشوش مال اولوب بورای صواب انما فیصل
 عزیمت اولمشدر * خصوصاً بزم کبی ضعیفا خدمتده آفتاب جالی
 متواریٔ سحاب الحما اولیجق طالع تیره بختی ابد شعله کیر نور سرور اولیوب
 نتیجهٔ کاری مثال زاع و زغن جیفه خوار کورستان * بجد و جهد برایی آفچه
 وظیفه ایله قیم و صلا خوان اولمقدر * سلطانم کبی وزیر عالیشان درگاهنده
 جار و بکش میدان * و کفش کردان خادم و دربان اولور سه سایهٔ دو لنگرده
 مصره سلطان اولور * حالا بو ترتیب بیع و شرا تدقیق اولسه * بلکه ثواب
 عتق رقبه مرتبهٔ سنده امر نافع * وایکیز حقنده دخی عام المنافعدر *
 بو تقدیرجه احتمال ندامت ندن خاطره کلور دیوب روی دلدن تمشیت
 یعه قرار ویردی پاشای کاردان دخی (ع) جان جاهل بسختی ارزانی
 (نثر) مضمونی اوزره معارضهٔ نصیحت کونه دن فراغ * و قیامای بهای
 غلامی نقد و تعداد * و قبض مشترا ایله اکمال نظام بیت الخزانهٔ مراد ایلدی *
 امام افلاس پناه اولمرتیه تقدینهٔ بحسابی عالم خوابده کور سه غلبهٔ نشاطدن یناب
 بلکه شادمرک اولوب ترک دفعینهٔ حیات ایتسی بی اریاب ایدی * ظاهر افرح
 و فخور و کامیاب * حضور وزیر عالیشاندن قاقوب طرف قرارگاه اصحاب
 و احبابه شتاب ایلدی پاشای عارف نهاد اذکیای مقریندن بعضن حوالهٔ
 تعقیب ایدوب امام نه حال اوزره سمت محنتکده سنه روانه اولور کورک اگر
 صحیفهٔ برهمزه ده ریش درازینهٔ حوالهٔ کزک بنان ایدوب تار موی

ژولیده سن مقراض انامل حیرت انگیز ایله تحریکه بشایوب رفتارنده تغیر *
 و سیما سنده رنگ تأثر نمایان اولور سه * نیم راهدن عودت ایتدیروب
 حضوره کتورک دیوامر ایلدی * شاطران چاپکیا دن برقاچی دنباله رو
 امام اولوب کوردیلر که برایکی خطوه خرام ایتمدین بابای باع البشر اوضاع
 متلا شیانه پیدا ایدوب سراسیمیکی غبار حیرتدن پرکار اقدامی
 چپ اندازانه رفتار ایله تا یل عین و یسار ایاز * پس فرستاد کان عودت های
 وهوی مغلطه آمیز ایله عنانگیر اقدام و حضور کامکار مذکوره ایاب ایچون
 محرک دوال اجمال اولدیلر رجوع اضطراری ایله پیش وساده اجلا لده
 زانوزده امتثال اولیجق حضرت پاشای عالیشان کندی بالذات سبابه
 حکمت آشناسی ایله نبضگیر شریان امتحان اولوب کف دست تجربه بی
 نهاده سینه بیناب امام خانه خراب ایتد کده بیچاره بی مضطرب حال
 و طپیده دل * بلکه ککرده هوش و لایققل بولوب مولانا انکار ندامت *
 و ستر علاقه محبت بعد ازین مفید اولمز که سخنه پر ملال شاهد الحادر
 (عدو الرجل حقه و صدیقه عتله) چونکه بی ملا حظه عواقب مخالفت
 صدیق خرده مرتکب اولدک مقرر که بازارنده خائب اولوب ناخن پشیمانی ایله
 تخریش روی غزیمت نامناسبه مواظب سن اما بزم کرم طینت و علو همت
 خصوصاً پیرا منکر انجمن اخلاق اولان ندیم مر و عمرستی بو حقیقان محنتده
 مضطرب الحال ندامت قومن * امدی معلوم خاطر اندیشناکک اولسونکه
 غلامی بعینه و بهاسی اولان قرق یک ایچه بی اتمامه سکا هبه صحیحه ایا اعطا *
 و بی مداخله ریب وریا بخشش و عطا قیلدم * بعد ازین فراغ بال ایله
 روا ته سمت بیت الضلاح اولوب جماعت حواسی پریشان سر محله هموم
 اولمدن منع و محراب دماغکده تکبیر افتتاحی حضوره جمع ایتک کرکسین
 دیدی * سبحان الله بیچاره امامه برحالت الوردیکه مصروع و بیجان
 سینه طپان واشک فشان ساحه زمینه دوشوب نیچه زمان دمه السروری
 سجده مرجان ایدوب سجده سهو حیرتدن رفع سرب سامانه امکان اولیوب
 نقش قالیچه دیوان اولدی رشحه التفات ایله دیده بیدار صحوا و لیجق
 حضرت پاشای کامران بوا حسانی دخی علاوه باب شاهانه قیلوب روی

شرم آلودینه کلاب افشان خطاب اولدیکه ایامولانای مکرم * و جاروبکش
 میدان امام اعظم * بنیزده چون بومقوله معامله مسرتنا پیدا * و مناوله
 صهبای مهر و وفا هویدا اولدی * و جناب اخلاصاً بلری بولطف مختصریدن
 بو مرتبه ده منتدار اولاق کورلدی بندخی لطف طبع امامانه کزدن
 رجا ایدرمکه بو غلامی آزاد و حجله نشین عفت اولان کریمه خیرالاولادی
 مز بوره نامزداز دواج ایتکله ککند و کزه داماد ایدوب پرده محذور
 سابق البیانی برداشته دست اجتهاد ایده سنرا کردختر فرخنده احترامامزاده در
 کندی عبد مشتری اعتاق ککرده مزه انکاح مستوجب ملامت
 ناقصات العقاد رنزاغی خاطر کذار * و صاحبه البیت خلیع العذار ایله ماده
 گفتگوی کشاکش و آزار اولورسه بویبده محل ثابت قدم بی پروا کلام اولوب
 پرداخته شورانگیر و اهمه اولان خیال خام و حیت جاهلیه عوامه اعتبار
 ایتیه سز که اول مقدمه فاسد المعنی دانشور عقل سدید الحركات حضورنده
 وارد الفحوی اولدیغی تقدیرجه حالیا محاط علمك اولسونکه بولخطه ده
 زمره کتاب دیونی سلطانیه التحاقنی پایه سریر عالم مصیره عرض و تلخیص
 ویکرمی بیک آقچه برزعامت محمول ایدی اکتا ترجیه و تخصیص ایتدم * ماده
 عتق رقبه سنده نوع سیبیت سبق ایتکله کندی عتقاء مخصوصم کی صف
 امکداران در دولتیناهه التصاقی ککفایت ایدر ایکن مقتضای همت
 اول مرتبه ایله اکتفای تیوب مز بوری و سمه دارتینی ایدوب مدد الحیاة تمشیت
 ابوتی الزام ذمت قیادم سندخی برادر موبعوله ماوله خواهرم اولوب مخدومه
 با کیزه کهر کندی صلبدن سرزده دخترم منزله شده در مقدا جهاز اعدادینه
 قرق بیک آقچه امداد و بعد الیوم ممکن اولدقچه تعیین راتبه و ایراد * فریضه
 نهاد سماحت اعتیاد کدر دیوب علی الفور انجامز مواعید ایله امام صاحب بخت
 سعیدی برشکله قودیلر که غلبه سرور و جدانگیر ایله حضار مجلسدن تاب
 و تحمل کیدوب درودیوار و بلکه هر ستنک ره کذار نعره صبارک اللهی آسمانه
 پیوندایتدیلر و شرفه دماغ امامدن مؤذن عقل ایسه ابتدا الله اکبر تعجب
 اثر دن ترک منظره شعور ایدوب دمبسته حیرت لطف بدیهی الصدور اولدی
 (التحصه) فرموده پاشای ستوده رأی اوزره مصلحت عتق بنده و تزویج

دختر تابنده ❖ فی الحال صورتیاب ظهور اولوب غن غلام اولان مبلغ ایله بالتام
مال موهوبی در کیسه انضمام ایتد کد نصره جمعاً سکسان یک آقچه نقد
کامل عیار ایله شکر الطاف کرد کار ایدر لجناب دولتخانه به امام و غلام ناز کخرام
کامران و مسرور و شادمان ❖ بیله جه روان اولدیلر قدم نه دهلیز الباب
اولوب مادر دوشیزه خبرداری ماجری اولیجق که خانه ویرانه بی غریو و غلغله
سور و سرور ایله گرمابه زنانه دوندروب خواتین محله و ابکار غایات قوم و قبیله
جوانبدن شتابان و دست افشان هجوم ایدوب سقف خرابه زاری سطح زمینه
برابر ایتک مقامنه واردیلر بو ائشاده دق باب اولوب تراحم تهنیه کذاران و تفاق
متعجبان و فور احسان مغلطه سندن نیچه زمان احساس صدای حلقه باب
ممکن اولدی بعد التوقف ظاهر اولدیکه طرف ولی النعمدن آدم کلوب بعض
خبر عرض و ابلاغنه منتظر ملاقات پدر در تحقیق بومر تبه احسانه ندامت
کلمك اولز آياسرور بيهوده من خواب و خیاله دوزخی دیواندیشناک دروازه
چقدی اما و همدن جانی دروازه دهندن چیه یازدی مکر پر آغای نامدار
جانب پاشای مکر متکاردن فرستاده پرسش حال اولوب نبایغ پیام و ایصال
سلام و کلام سیاقنده والده و دختره اوندن زیاده قاش فاخر و بر مقدار
حلی و جواهر ارسال بیوردیلر و مشروط امام اولان منزل مختصریده آرام
بار و پیشگاه اصحابنه بعد ازین مخالف مکاندر محله فلانیسه ده بر مکلف
مسکن دخی هبه و تمليك و جتن ارسال ایتدیلر دیوب تسلیم امانت ایلدی ❖
بو کره اهالی محله بیننده قیامت قویوب یاد و آشناییکانه و احبای حریفی زیارت
واخیا کرده علی پاشا بودر دیو بر برینه اشارت ❖ و احبابنه حکایت ایدرک
مواظب دعای دولت اولمشلردر

قپودان بحر محیط احسان ❖ قلیج علی پاشای عالیشان ❖ کامی افندی مرحوم
حقنده ظهوره کلان کرم بیکران ❖ و بخشش بیایانیدر

کر مکار سماحت کیش و مکارم اندیش مآرا البیانک براثر جان پروری * دخی
عننه راویان صحیح الخبرایله معرض تحقده جلوه کر اولمشدر که * مشاهیر
سجاده روبان شریعت شریفه دن کامی زاده افتدی مرحوم حکایت ایلم
والدعالی کهر که زماننده اقسام فضل و هنر بتخصیص فن الهی پسند انشاده
یکانه دور قدیم ایدوکی مقرر در * بر مدت امتداد فصل الشتاء عزل هموم آور
مر حومک تخلیه کیلار و انبار * و تخزيب سقف و جدار صبر و قرارنده در کار
اولوب شدت سرمای عجز و کدر بیخ و بن شجره انتظامی زیروز بر قیاش ایدی *
بوا ثناده هنکام عید قریب اولوب قریب و بعید احرار و عبید آرزوی لبس جدید
مهیا سازی اسباب سروره ترتیب ادوات سعی اکید اوزره ایکن
❖ نظم ❖

❖ عید ست و خلقی هر طرف دامانکشان بایار خود ❖

❖ مسکین من بی صبر و دل حیران شده در کار خود ❖

(نثر) اول ایام مبارکده بزه نسبت ایام مصیبت * و سحر که عید فرح لقاشام
شتاکی ظلت پاش قساوت اولوب * قائم وقاعد توابع واجب الرعایه دن
یکرمی قدر تهی کیسه * و کهن جامه پیرا من کرد بزازستان تدارکز اولوب
جمله سنک آب ودانه * و پوشش و آشیانه لری عهده کفالت پدر و وابسته اولمغله
هربری امید پاپوش و جامه ورجای قبا و عمامه ایله خجیازه کش آرزو * بلکه
میانلرندن بعضی نیچه تکلیف عنیف ایله بر طرف ساز سامان آبرو اولد قلرندن *
پدر پیر خیره سر محنت عجز ایله کدرناک * و بنده فقیر در بدر ملاحظه آزار توابع
واکدار پدرله هلاک ایدم (ع) اوز محنت پایمال و من زغر بت پر ملال (نثر)
یوم عرفه ده که وقت قدوم مقدمه الجیش سرور ایدی رنجور بیخضور
کمکرده راه شعور * حریم جامع حضرت سلطان محمد خان جهانگیره
دوشوب خبر باد قافله حیات * و مر حبای قاندهات ایچون سنک مصلایه قریب
بر کوشدیه غریب نشسته مظلومانه ایله سایه افکن ارام متلاشیانه اولوب دولاب
حرکات کائنات نمایان ایتدیکی صور و اشکال رنگارنگ تماشا سیله نواز شکر
تسلی اولق ایچون نگاه حیرت آلودی لالای طفل آرزو مند پر هوا قیلمشیدم *
اجناس مختلفه برر طریق ایله نیل آمال ایدوب کیمک جیب و دستمالی سکر

و بادام ايله مالامان * و کیمی دامن و پشمالک پر تحف و تغاریق ایدوب متوجه
تالطیف اهل و عیال * کیمی بندن بتر محتاج نیم حبه فقیر عذیم النوال *
کیمی خدم و حشم و مال و منال کثرتدن آر و روند فراغ بال اولوب وارد و صادرک
بعضی خاکسار عجز و پایمال ابتدال * و بعضی آخری شاهوار اشهب زرین
رخت اولوب توفرا سباب احتشام خرام جاه و جلال

✽ نظم ✽

✽ هر کس صفاده دامن مقصوده ال اوروب ✽
✽ دامنکشان روانه سمت قرار گاه ✽
✽ بن زار و مستمند سرر آه غصه دن ✽

✽ محروم عیش سیر حزن همزبان آه ✽
(نثر) بوهای وهوی تک و بوی عالمانی کوروب آتش جگر علوکش چرخ
اثیر * و سوز سینه علم آه کی آفاقگیر و بلند تأثیر اولوب کندی نغمه مقدمه
پرداز بخت معقول * و الزام طبیعت لجوج طینته مرتب ساز اجوبه قرین القبول
اولدم که سکان محنت خانه اجمالا احوال مضایقه کل و کیر خاطر شکندن
آگاهلردر * ولی کلیت ضروره کلید من قرین وضوح اولیوب جزئیات صلاتک
ظهوره کلیمک مرتبه لری هنوز خاطر گذار لری دکلدرد * اقل مرتبه نقد
عیدیه و مختصری پاپوش و عرقیه مقوله سین امر مقرر یلورلر * فردا که
بحکم الضروره مرآت حالده صورت یأس کلی نمایان اولوب نقد کاسد رواج
سرشک ايله پیدای رطوبته محتاج اولدقلرین کوروب دامن تصور لری
مالامال اشک حسرت اوله عیاذا بالله غوغای فلا کتدن صحن خانه صحرای
قیامت * و عرق خجالتدن میدان سینه دریای ملامت اولور * خصوصا
پابسته قید رقیب اولمیان خدمتکاران قناعت کش که مجموع من دیکساله زین
رأس سنه ده بیراملق ايله استیفایه قرار ویرنلر در یکسره بیزار خدمت * و طرف
طرف سر نهاده بیابان نفرت اولماری تحقق بولور * پس نه حال ایسه رسن تدبیر
امروزی حواله کردن فردای اهل مال ایتیوب البته چاره پردازی تسلیمه کاریده
تهیه نقد استعجال مناسبدر دیدم * و متانت انسداد ابواب استدانه نک رصانت
سد اسکندرله دعوای تساویسی قدیمی خاطر نشام اولمغله اول سمته صرف نظر

و بیهوده میلان ایتوب اول زمان اشتهار کرم قپودان پاشای عالیشان شهرت
معن زانده آفت جان ❖ وجود حاتم والطاف برامکده طعنه زنان ایدی ❖
وفی الجماله والد مر حومه میانلرنده علاقه آشنایی اولوب اهالی پرستکی
جهنندن برایکی دفعه دعوت و بنی دخی طقیل خوان سعادت اولق تقریبه ملتفت
تجاء رعایت ایتدیکی بارقه خلیجان انکیز طبیعت اولدی فکر ایتد مکه حالا
بر بهانه ایله دروازه قصر انعامندن حلقه جنبان احسان ❖ و نیچه خورشید
کف شر فبخشندن فیضیاب انعام اولدیغم پرتو لطفه چهره جان توا بعد لاهه
رسان درمان اولام هماندم عطر فروشان مأنوس المعامله دن برینه کلفشان
نیاز اولوب سحر که عید مبارک اثر در اکرام تهیه کزاران ایچون بر مقدار کلابه
محتاج زدیم فی الحال دومینای دیده کی یکی شیشه بی مال مال ماء الورد بیشال ایدیجک
ایفای ثمن ایچون دست بجیب ادا اولدیغمده استغفر الله کیسه مصارف
صندوق امانت جامده فراموش کرده تلاشی استعجال اولمش انجق برهه
من الزمان خدمتکار ایله ایصال اولنور مقدمه سنه تثبت ایدوب وثوق
حریفه اعتماد ایدوب بیباکانه خرامانه ایله توجده دولتسرای سردار اسخیا ایتدم
دلات رفیق توفیق ایله بارگاه اکابر نشینه کیردم کوردم کندی معزز و مکرم
وساده کامبخشیده هر بعنشین استقلال اولوب پیشگاهنده خرمن کل کی
بر توده زر ❖ و جابجا اجناس انقود مختلفه ایله مواضع متعدده زیب و فرو پر مشلر
وضع مستندانه ایله اداء خدمت بساط طوبی قیلوب جانب پدردن اصناف کلدسته
دعا سیاقنده تختگاه ادرنه ایله علاقه من معلومی المی اوزره مکار میناها طرف
ادرنه دن بعض احباب پدر داعیلرینه بر مقدار کلاب کوندر مشلر ایدی تقسیم
مخاف اولیاء النعم قیلنوب سلطانم حصه سنه بو محقر مرتبه بی هزار شرم
و حجاب ایله ارسال ایدوب کندولر مشغول دعای دولت ❖ و خست هدیه دن
خونچکان نجالت اولد قلرنده اشتباه بیور لیه دیوب نازکانه دستگاه نظر لرینه
نهاده و کوشه چشم رجایی تجسس وضع پاشایه آماده قیلوب نیم رفتار ایله
صورتهای ایاب ❖ اما کنار خاطر دن مترقب لطف خطاب ایکن اول نظام
الملک آصف نظیرک بشیری حسن تعبیری اشارت فرمای تقرب اولوب پیشگاهنده
زانورده آداب اولدیغمده میان بندمده اولان دستمال پاره چرک آلودی آلوب

مکرر ابر نیچه مشت زرایله مالا مال ایدوب بوالتوننی پدر پیره ایصال خدمت *
 و جائیزدن یوم نائی عید ده سیر و صفای طوبیخانه یه دعوت ایله دیوتنبیه ایدوب
 عنف و عظمتله بنی کوشمه بعض اسرار پوشیده اسماع ایتک صورتده تکلیف
 تقدیم ایدرک تا حضورینه کتوردی آیانه کار بوالعجب پیدا اوله دیوب بوملا حفظه ده ایکن
 کوردمکه ایکی دست کر میو ستیله دوجیب پر عیمه ادخال زربانه مشغول اولوب
 طورر دامن زبانی پر کل آل ثنا قیلوب دنیا دنیا کامیاب و دریا دریا صهبا
 کش مسرت اولوب

✽ نظم ✽

✽ بی شرب مست اولور دل مستانه مز کورن ✽
 ✽ هب شعله سز طو تشمده ویرانه مز بزم ✽
 (نثر) از قالدیکه غایبه کیفیت سرور اضاعه بضاعه حیاته باعث اولوب
 سرکران مرک نا کهانی اولم تعداد حسنات ایچون پابانه جویای جای تنها اولوب
 کیدرکن رهگذارده برخرابه مسجد محله یه کلدمکه اشتیاق کف پای
 جماعت ایله کهنه بوریای سوراخ سری چشم و کوش و حسرت جمال
 عبادت ایله باشند ایاغه داغ داغ اولمش ✽ و جماعت ضعیف الحال
 عناکب ✽ فرش حصیرک عمل مانده و دهن آلود اولدیغن کوروب باشد که
 زمانیه صاف دلان خلاف سمتدن مسلمانلر پی غلط کرده قدم نه دخول
 اولدقده فرش صفوف ایچون لازم کله دیوز وایای مشرف الانهدامنی
 کارخانه نسج هوا کیر ایدوب اهل محله مکتوبه صلاته چارتکیر الوداع ایتکله
 دروننه ارواح مجرده دغیری کیرمدن قالمش نه حالده ایسه کتابه دروننده
 (ومن دخله کان آمنا) آثارندن شمه احساس اولمغله قتحباب ایچون جناح
 تزلزل نماسنی تحریک ایدهیم دیدم مکر که زمان قدیمده دو مصراع دری ابنیه
 بنی امیه ایچون مرفوع دیرینه برایکی پوشیده نعش و تابوت موضوع اولمش
 حرکت پای شتابدن برهمزده انهدام اولوب صدساله استخوان دیر مرده کی
 ریخته فرش خاک اولدی عجله حرص امیرایله اندیشه پس و پیش ✽
 و پروای وسوسه و تشویش ایتیموب ثبات مجنونانه برله صحن مسجدی جایگاه
 و کندی جن کی اول کنجه نکهبان و آغوش حرصی توده زره مار پاسبان

ایلدیم و دست اهتمام ایله نصاب احسانی حساب ایتدیکمده جناب والد
فضیلتاً به تعیین ایتدیکی بشیوز آلتوندن زیاده و مخصوصاً بکالطف و تخصیص
ایتدیکی اوچیوزه قریب زرناب عاقل فریب ایدوکی ظاهر اولوب سجده
شکر ایچون جبین تضرعی اولقدر سوده زمین ایتدیکمه سرلوحه جبین نقش
زمین و زمانه و روی بور یاد معالسرور ایله سلسال روانه دوندی اول محمدن
شتابان سمت فرمان آراسنه میدان اولوب فرداسی ذکور و انات توابع صغار
و کبار خدمده جسمان اولان مهمات البسه و پوشیدنی بی سرپایی سراپا
کندی حصه مدن نقد ثمن ایله داخل آغوش اشترا * و تحمیل جالان بارکش
چا بکیا قیلوب شادمان امانه شادمان رقص کنان و دست افشان و پای
کوپان ذهلیر الباب عزتکده به کلوب نردبان بالاخانه دیده جانه سطح مستوی
کورینوب التونلر جناح دولت اولغله طاوس زرین دم و بال کی جولانه بشلدم
و کتبخانه پدر پیرومشوش ضمیره کیردم بیچاره پی کراند یشده ده سر بزاقوی
حیرت بولدیم تقبیل کف پای ایله شر فجنش لب عبودیت اولدم *
و نظر کاهنده اقدام ادب اوزره قیام و مشرق زمین دهانندن ترقب
هوب نسیم کلام ایتدم * زیرشصت ابروان غم انکیزدن کشادده ناولنگاه
و در عقب کانون درون شعله ریزدن بروجهله طوب انداز آه سینه گاه
اولدیکه سقف خانه سطح جهنم کی سیاه * و آماجگاه سویدا تأثیر نظره تباه اولق
مقامنه واردی * یعنی بنی مقابله سنده کوروب تدارک احوال تیره بختان توابعه
عجال اولد یغندن تمنی مرک و کار و بار ثقلت فزای حیاتی ترک صدنده
اولد یغنی کوستردی

❖ بیت ❖

❖ چو یافتم محل گفتنی با و کفتم * کدا بعرضه میدان فضل رانده فرس *
بوکینه بوالهوس و نقیرن دفینه لطف و کرم مدد رس علاج درد مضایقه
بابنده بر تدبیر هجنت پذیره منساق اولوب خاطر شریفه کران کلزسه و نقیصه
کستاخ مستور دامن عفو شققت طرازری اولور سه حقه سر بمهر سری
کشاده دست تقریر واذیال حواس ناجفه المشک تعبیر ایله تعطیر ایده بن دیوب
تکریر الشام دامن رجا ایدرک احساس توجه قبول آمیز رغبت انکیزدن صکره

تفصیل ماجرای حکایت و کندویه مخصوصاً امانت اولان بشیوز دیناری
 زیب پیشخته خدمت قیدم سبحان الله پیر بیچاره نك قامت خکشته سی
 فی الحال دال دولت و صحیفه روی شکشته رنگی نسخه فال سعادت اولدی
 ونشئه سرور بدیهی الظهور ایله پیکر جان هر مدیده سی جوان تازه طلعت
 وچن حال پڑمر ده سی نیدسان احسان ایله شکوفه ستان جنت اولوب
 دامن دامن کلغیه دعائی نثار بالای حال * و شراب دیناری ایله دفع
 حفقان ملال ایتدکد نصره بنی دخی حصه دار نعمت ونوال غنیمت مال
 ایتک آرزوسیه نقدینه پاش مقال اولدیکه ای مردمک دیده جان چون
 بویعقوب کنعان زمین محنتی یوسفستان کامرانی به ایصال ایله قریر العین
 احسان ایلدک * یعنی اتمام کرم ایچون بوسرمایه سعادتدن مقدار کفایه
 داخل جیب استحاب ایدوب اولا کندی مهمات نفس نفیسنی برهمزن
 شماتت حساد اوله جق هر تبه ده وفق مراد اوزره تکمیل * و کوچه کرد
 بیت السرور اولان محزون دلان مشتمل القیافه نك بالبداهه لوازم عیدیه لرین
 تحصیل ایله صورت پرچین نفرین باد لرین شکفتی انشراح تبسم ریزه
 تبدیل خصوصنده هندسه فتوت مردم نهادانه اوزره بذل سعی جیل
 ایدوب گروه دردمندان توابعه بوشب شب یلدای فلاکت * و بوشجر که
 عید صباح روز قیامت ایکن

❖ بیت ❖

❖ آن شب قدریکه کویند اهل خلوت امشب است ❖
 ❖ یارب این تأثیر دولت از کدامین کوکب است ❖
 (نثر) بر لحظه ده شام وصال ولایه القدر اجلال اولد یغن بلدرمک
 کر کسن دیو کل قند التفات ایله دماغ جانی حلوا المذاق ایلد کده کندی
 وایه مخصوصم اولان اوچیوزه قریب زرفرخنده نصیب ایله اول مصلحتلر
 جمله صور تیاب احضار اولد یغن تحقیق و اشعار ایتدم عیش برعیش
 وفرح بفرح ودم بر دم تعاقب لمعان سرور ایله طور سینای سنیه سی تجلیگاه
 (نور علی نور) ویت المقدس دماغ قدسی چراغی سماعخانه وجد انکیزان
 سوق وجود اولوب سبحان الله القادر القیوم خرابه مسکن نمونه بیت الحزن

ایکن آن غیر منقسمه عشرت آباد واول عبوس المنظر اشخاص نادان
نژادك هر بری بر پری پیکر آدم زاد فرشته نهاد اولدی وغلغله سرور ايله
طاق رواق خانه بی بر باد ایتك مقامنه وارد یلر

(بیت)

❖ زلزله صالیدی عالمه حیرته صالیدی آدمی ❖

❖ زمر مہ سرود من طنطنہ درود من ❖

(نثر) یوم ثانی عید میسر الامانیده اجابت دعوت وشکر کزاری
موهبت ایچون جبهه سالی خاکپای کابنجش وزار تپناه اولوب شرف
بزم عالی ❖ وداخل مجلس العیش محروس الحوالی اولدیغمزده نماز عصره دك
مستغرق نعمای التفات ایدوب اثنای توادر جام کلماتده مستوره جله عفت
مستعدہ خطبه رغبت همشیره من اولدیغن مکر دهن بی پروا سخن پیردن
عیار مدرکه سی بر طریقله ربوده جنکال استدلال ایتش ❖ ومومہ ترتیب
جهاز لازمه حال ایدوکن بلش ❖ اما بزم چشم امید من سرمه ناك غفول
اولوب سیروتماشای میدان عیده مشغول ایدك اتفاقا خوانسالار زمان ❖
طی سماء جمعیت قیاب بوی حلوای معنای (فانتسرو) رسیده مشام اذعان
اولیحق گوشه چشم بیم انگیز ايله ازدحام خاق بر طرف اولنجه جلسه
خفیه اشارت علیه لری صدور ایلدی بو حالده یکر می طوناق قماش فاخر ❖
وبر مقدار حلّی و بر کیسه نقدینه جیل المثر میدانه کلوب بواقشه کونا کونی
پرده نشین حرمسرای عصمت اولان مخدومه پاکیزه نهاد ايله والده لری اولان
مختکش مریه اولاد بیننده حسب المراد قسمت وجواهر نقود ايله پیرایه
بخش روی جهاز اولغنه همت رجا اولنور دیوب بر مختصری کیسه دخی
حرم روبان خدمت اولان جواری و غلمان شکور العبودیته علی مراتب الاستعداد
مزد اطاعت اولسون دیوب هنگامه گاه عیدده جمال قیدی مورت ملال
اولماق ایچون کندی بارگاه اجلالرنده بارکش ائقال اولان پایزن اسیرلین
برینه تحمیل ❖ وجانب قرار کاهمزه ایصال بیوردیلر سخن خانه بو قدر متاع
فاخر ايله مالامال اولدیغن توابع فرخنده فال مشاهده ایتد کلرنده بر زمان
حیران احسان و تعجب کریشان اولوب کلبانك دعایی پیوسته طاق آسمان

مخاف

ایتدیلر حال متاع و مال اولان پایزن زحمت کشیده رسم و راه اکرام
ورزان اوزره برقاچ اچمه بخشش ایتک لازم کایچک پایزن دامنوسی پدیه
متوجه اولوب کندی بنده کزله بومعاملهیه حاجت یوقدر دیوب قبولدنازاید رزغم
ایلدک مکر بزی قضیه دن آگاه قیاس ایدرایمش متانت عقلمی کور یچک خداوند بنی
مأمور جل اشياء موهوبه ایتد کلرنده خاندان حضرتده جاروبکش خدمت اولوب
علی طریق الهیه تملیک ایتشلر در دیدی بوضیمه احسان دخی تته الطاف
کیران اولدیغی باعث تزايد حیرانی وتابد ورقیا مت سبب شناخوانی قاصی
دورانی اولمشدر

دلا

❖ بیت ❖

❖ بارک الله زهی سخا و عطا ❖ ❖ روح الله روحه ابد ❖

————— ❖ ❖ ❖ ❖ ❖ ❖ ❖ —————

دولت سلطان سلیمان خان ختم کانه بدون بکر بکیسی اولوب نیچه زمان
دیار انکر وسده ایام کامرانسی متمد اولان مصطفی پاشا نک بعض آثار
سخا وجود عطا سیدر

————— ❖ ❖ ❖ ❖ ❖ ❖ ❖ —————

مسند جلیل القدر سخایه شوکت و شان و یرنلرک بری دخی نغرسدیدا الحجره
بدونده مرابط سرحد اسلام ایکن ❖ بعض وشاة فتنه انکیرک کمند سور
کند حاسد پسندی ایله کردن بسته کزند ❖ و ربه انقیادی رسن غضب
ناگاه کیر پادشاهی یه تسلیم ایدوب محنوق دوال قهر سخت پیوند اولان ❖
میر میران بدون مرحوم مصطفی پاشا در که اول قطرک احوال دیدکان کهن
سالی ❖ جواهر مناقب جلیله مکارمک زیب قلاده تقریر ایتد کجه ❖ باصره
فهم دور بین مستعینی شعله تحیر سبلانک تعبیر ایدوب ❖ الان دیار انکروسک
پیر صد ساله اری یاد داشت کرم تذر ایله ناله سنج و او یلا پرداز تفجع وانکسار ❖
ومادر ثکلی زمانه جنین و الاسف ایله نوحه طرازان اضطرار اولدیغنده
شبهه یوقدر ❖ صاحب سماحت مومی الیهک ثعبان سورنای بلند آوازه
اشتهاری ❖ صیت و صدای کرمه دم چکوب ❖ چار جهت عالمدن افراد
بنی آدم و خوش طبعان عرب و عجمی منجذب سمت بارگاه مکارمپناه ایتد کده

مهم

بیت

قیو کده خسته کوکل منجذب همیشه مکر

او کهر بادر ایشیکک طشی که گاه قیاز

(نثر) صاحب نفسان موسیقی دان استانبولده * بحورجی زاده نام موثوق به صاحب کلام * میرمیران عام الاحسان مارا البیانک مفتون طور وانعامی اولغله * سالهادر دولتدارنده تقسیم دو بیت مدیح ایله محفل آرای بزم اندساب اولوب بعد وفاته سرکردان ممالک فسیحة الارجا ومصاحب اولدیغی احبایه ترنات روایت جود و سخاسایله زمزمه سنج ثنا اولمش ایدی * بر مجلسده متعاقبا صدور ایدن داستان فضل واحسان بوجده اوزره توفیق اصول روایت ایلر که بر کون گروه مقربان واکا برله دیوانخانه اجلانده حاضر ایدک * اسیران کافرستاندن بر ناتوان بشیوز آلتون بها ایله رهیاب خلاص اولوب دریوزه اعیان ایچون دأره نیاز ترتیب * وبالای صحیفه ده نام پاشایی تسطیر * و پیشگاه عالیحضرتده اول ورقه التماس آمیزی ابراز ایله عرض مرامه مقدمه پرداز تقریر اولدی * ابتداء کلامده بومقوله حسناتده آخرک مشارکتی نه لازم دیوب تماما یهاسنی تسلیم ایدی * در عقب بر محتاج آخر ظهور ایدوب صاحب وقعه وخسرانیده یم دیو * نصاب مذ کوره قریب احسانه آرزو مند اولدیغنی * بر سمت ایله کوش مصاحبان مسموع الکلامه افاده * وامید وار استشفاع اولق صورتلارین کوستردی * آنلردخی صرفی ایله تقیید ایدوب پیش ازین برناهراده خاطر خواهک مرتبه سنی بذل ایتمش اولدیلر حالا سنک ایچون ثقلت و یرمک مخالف ابد در حصول املاک مجلس آخره موقوف اولسون دیو فردایه تعایق ایتدیلر * حریفان بزم آرانک معامله معهودانه لرندن استدلال حال ایدوب * علی الغور آنیدخی انجاس مرام ایله مسرور البال ایدی * اول مجلسده غازیان پر خاش پرستدن برینه دشمن در کین علی طریق المفاوضاته هجوم ایدوب کندونک و هم رکابی اولان شهبازان معرکه زار غزانتک اسب واسباب واسلحه واثوابک بالکلیه تاراج ایدوب برقاجی دارلقراره * وبعضیسی موئل نجات اولان قله کھساره القاء وجود ایتکله * بقیه السیف وزخز دکان ساطور غدر و حیف اولانلر سروپا برهنه مجلس پاشایه کلدیلر

ارکان دیوان سرشک افشان ترجم اولوب تلافی خسران جمله مرزه لازمه
 شاندر دیوهربری میزان استطاعتلری مساعد اولدیغی مرتبه ده امداده
 کربند میثاق اولدیله * جمال بسیم پاشا اشیراز کدرنمادن * نقش چین چین
 هویدا قیلوب کان سخت عتابدن حواله تیر خطاب ایدوب مسند میر میرانیده
 نشانده حکم سلطانی اولنر یالکن محافظه تغوردکل بلکه بومقدار امور ایچون
 قولمشدر * عرض جلیل الشان پادشاهینک تحمیلی یوقدر که حریفانه ایله
 ترتیب مهمات برهنه تنان * و تکمیل لازمه دردمندان اولنه * هر بریکزدولت
 پادشاهیده مستقل برر منصب صاحبی اولوب * بومقام عزیز المناب صوب
 سلطنتدن بوعبد معلوم الحاله مفوضدر سزک بومقوله احوالده لازمه
 شانکنز اول زمانده صورتپذیر اولور که کندو خانه کزده کار فرمای استقلال
 ایکن برحاجتند ناتوان * عرض منظومه بریشانی قیله و یامسند نشین کامکاری
 اولان و کلای شهر یاری کندی خزانه استعدادلرندن بذل وایه امداد
 ایتد کارنده بنی سونلر ونان ونعمتم ینلر بومختکش اضطرابه چاره ساز
 اولسونلر دیو اشارت فرمای عنایت اوله * والا حضور ولایه عالیقدارده ادبدن
 طشره حرکت و داد و دهش بوالفضولانه وضع کستخی فزادر دیوب روی
 حضاری نیلی فام طیانجه توبیخ ایتد کد نصکره اول جمله ک سراپالوازم
 شتاسین مهیا * واول مرده دلان عجزی فیض کرمه احیا بیوز دیلر اوصدده
 ورای سرا پرده اجلالدن دربان دامن درمیان بر فقیر آفته نهادک عرضحالک
 صونوب آرزومند جزئی عطیه و امید وار مختصری صدقه اولدیغن
 بیلدردی ملحوظندن زیاده انکدخی دامن تصوری مالا مال نقدینه آمال
 اولوب کتد کد نصکره کوشمال عتاب خشم آلود ایله نیچون بومقوله
 امید واران مر حقه واسطه طلب واحسان اولور سز لازمه در که هرامینه
 خواه بینوا کندی بالذات حضورمده بی پروا عرض مرام ایلیه * دیوحواله
 دور باش خطاب ایلدی * بعد زمان کثرت محاسن مندفع * وخواص
 ندما ایله باب ملاطفندن پرده تکلیف مر تفع اولیحق بعض شاطر مشربان
 بیباک سخن حجر افروز تحسین اولوب (ع) مکارم بناها هزار آفرین
 (نثر) بوکون ظهوره کلان کرم بیکران ایله جمله من شادمان اولمشوزدر دیوب

سپند پسند ایلله بزم اجلالی عنبر آلود مداهنه و جناب میرمیران سخايشه
 تحريك مروحه اندیشه استهزا قیاب خالصا لوجه الله ظهوره کلیان عطائک
 نه فاندسی وارد بزم ایندی کمز کرملر جله غرض آلودوبی نفع و سود درد یچک
 دماغ فقیره و سوسه اشتباه رهیاب اولوب اکتاه سر جواب ایچون دامنبوس
 استفسار اولدم بیوردیلر که ابتدا اسیر زندان مشرکینک بهاسنی ایفاده
 بندغیری آدمک مشارک ثواب اولمسنده بخل ایتشیدم اول حسنه آلوده
 چرک ضنندرو نیاز مند زانینک اسعاف دلخواهی سیاق شفاعت همصحبانه
 دوشمکاه حسبی اولیوب نوعا صحیفه خاطر لرینه انکشت اعتراض طوقنوب
 تعلیق فردا ایتدکارینه بهعضورلق یوزندن صدور ایتشیدی اول سروپا
 برهنه غازیان صاحب وقعه خصوصی خود مناقشه احباب ایلله ظهوره کلوب
 نخوت حکومت و رعونت جاه و دولت ایلله آلوده اولمشیدی شخص رابعده
 ترجانی بواب و صدور خشم و عتاب منضم اولدیغندن غیری جمله سی
 میان جمعیت و میدان تراجم افتده و یریلوب آینه عطا سراپاژنک آلود
 ریادر دیو تاثر تام ایلله ملا متکر نفس خود کام اولدیار ❖ ناقل سدید الروایه
 زمزمه پرواز حکایه اولدقدنصکره ❖ بو ترانه تحقیقی فروداشت قانون
 ذکر جیل ایلله که مسرت مال موسیقی اول کرملر عالیقدرک مفتون طرز عنایت
 شعارلری اولغله ❖ بقیه مدت حیاتنده در دولتدارندن انقطاعه مجال اولیوب
 یالکز برسنه کامله ده کندی کف کرم نثارندن پاشیده سریتیم حال تشویش
 مالم اولان نقوده رقش حساب اولدم ❖ ایکی یوک اقیچه دن تجاوز ایلدی ❖
 یالکز بنم کی نیم انتساب مشکرک التقربه اولان احسانی بونصابه واصل
 اولیجق ❖ سائر پیرامن کردان خرمن التفاتنه همواره بیدریغ و مبذول اولان
 عطیه بی حسابی داخل جمعی کون دفتر تعداد اولمق نیجه قابلدر ❖ رحمت آلود
 مر قومک راویان اخبار آناری متفق الکلمه درککه خلع فاخره ارباب
 احتیاقدن غیری جامه و قبای فقرا ❖ ولوازم پوشیدنی سروپای محتاجان
 بنوا هر سال مبارکده الوف الوف مبذول هر کونه صنوف ایدی بوندن ماعدا
 هر رأس سنه ده متعین و متقرر اون بیک آلتون خورشید اثری جدا کانه ظروف
 قرطاسیه و کرباسیدیه وضع و ورای بالین مز رکشده بردولابه ترتیب

و اعداد ایدوب نهانی فقرای مستحقینه ایشار ایتک عادت لازمده سی اولوب
حتی زمان بذل کنجینه روح روانی رأس سندیه تصادف ایتکله مختلفاتی
مضبوط قلم حساب اولدوقده دولاب معهود ایچره اناده بذل و نشار ایچون
اون ییک دیناره هنوز وضع ید ایشار اولنماش بولنوب کاغد پارهلر ایچره بعینه
عقیده مسکی مثال پیچیده اوراق کونا کون * و کندی وضع و ترتیبی اوزره
دست تعرض بیکانه دن مصون ابکن وایه کف سرف تاراج کران زمان *
ونفس تصور حرمانی داغ درون آرزومندان اولمشدر

بیت *

* زمانده هزاران کنج قارونه فنا و یردی * دو کندی نقد عمری لیک نام نیکی باقیدر *
(نثر) بوغریبه ذنابه التحقیق تذیل خلعت زیبا طراز حکایت سخا کاری
مشار الیهد ممشوق زردوز خامه دلکشا تعلیق اولق ایجاب کرده مناسبت
مقامدر وقتا که قدم قلم خوش رقم میدان مدحت کبری خاتم عصرده خایده
رخنه فتور اولوب قصه کز ارناطقه مفاد سرمایه مدعی الهله بو محملده بسته دم
وابکم اولق مقامنه واردی * پیران کهنسالدن عبد المؤمن اغانام روزگار
دیده ایام و علفوف فارغ بال بیرار از نام و کام مجلس فقرا جلیس منشی سطور
بی انسجامده گوشه نشین کهنه کلیم مصاحبت اولوب کلک مدعا نویس
فقیرک مشغول پرداخت نسج مدیح کرمکار مذکور اولدیغندن بیخبر *
ووظیفه نوک خامه مساحه سماحه آکا بر جلیل المآثر اولسندن غفولی مقرر ایکن
بی پرده سر آغاز نوادر سالف ایام ایدوب زمانزده اکا برووز رادن نیچه سی
کنار سرحد رومه سایه افکن رایات اجلال اولمشدر اما رسم و راه داد
ودهش * وقانون شناسی عطا و بخششده مصطفی پاشا امر حومه مدانی
برامیر الامر اایالت کامرانی کورلماشدر دیوب اندام رعشه ناکی کیفیت
طرمد همچون تذکار آثاری ایله اهتراز نشاط انگیز بیدار ایلدی جله مضامین
خسنا تندن خاطر نشانی مرتبه سن اتحاق مشتاق سامعه قیلسک امتنان
دل و جان مقرایدی بو توجیه حواله کوش قبول ایله مفردات آثاری
محسوب قلم بیان اولق امر عسیردر * غایت مافی البال بو نخبه الاطواری
محاکی حال (القطرة تنبی عن الغدير) دیر که ایالت بدونده کار فرمای

بی پروا ایکن کندی قلو و حکومتده بذل ارامل و ایتام ایتدیکی خزانه
 بی نهایت دن قطع نخر هر سینه اطراف و جوانبده تجسس محتاجین ایدوب
 حتی ایالت بوسنه یه متعاق اولان الویه نك قصبات و قراسنده رتبه دولتدن
 ساقط عزیزالقوم ذلت کشی هر سینه آدماری کلوب دفتر ایدرلر ایدی
 و حسب حالری معروض خرد خرده بین عنایت رهینی اولد قده مراتب
 واستعداد و ماندگان حرمانه موافق عطیه واحسان صدور ایدوب یالکز
 خطه بوسنده جهازین ترتیب و کندی اعداد و امدادی ایله ایصال بیت
 الزفاف نصیب ایتدیکی مخدرات ابکار و ایتام بی مری و مددکاری بعد وفاته
 محسوب رقم عد و شمار ایتدیله ید یوز یکر می عدد در یتیم شاهوار * کر مکار
 مذکورک زرناب احسانی ایله پیرایه یاب ترصیع نظام و دخول حقه
 ازدواج ایله زینت پذیر حصول مرام اولدیغی متبیین اولمشدر * دیو پیر
 روغن ضمیر سدید المقال صحیح التقریر بوجوه کرانبهای خبر عبرت پذیری فص
 خاتم سطور زیننده تحریر اولمق ایچون هدیة حاسه ازعان فقیر کثیرالتقصیر
 ایلدی * و هر چند تصدیع مجلسیان فتور آلوده موجبدر اما بومضید
 مختصر مقبض سن دخی تعلیق ککوش عبرت شنوان روزگار ایتکده
 بی اختیارم دیدی و ضمیمه ایراد آثاری سابق الذکری ایتدیکه زمره علمای
 فضل آشنایه محبت * و جزئی بهانه ایله کلی رعایت و عنایت مسلوک رهرو
 همی اولمغین فقراء طائفه قضاتدن پانچوه نام خراب آبادک قاضی سینه
 راست کلدن عزل بی هنکام ایله مصیبتکش آلام اولوب ممتنع الادا قرق بیک
 اقیه دین واجب الایفاسی قالب خیال تهی ککیسه تصور مانند افاعی
 هلاهل ریز و اراق فلاکت انکیز کردن عقل و سوسه یافته بیج بر بیج و خم
 بنهم اولمش * و عقرب صفتان غرمانیش الحاح طلبیله سینه سامانی زخم
 آلود یأس ممتنع الدوا قیلش بر طرفدن کلاب عواقر خدمه ناب زهر آلود
 هوسلری خلیده استخوان پاره آرزوی محال اولدیغندن هربری نباح آزار ایله
 کریبان و دامننه صارلش * و بو تراحم اسباب اضطراب ایله طاقتی
 طاق اولوب بیچاره قاضینک کشاکش محن کونا کون عقل و فکرین آلمش *
 و مرتبه احساس حیاتدن قالمش ایدی (بواثنا ده حدام درد لتمدن پاشادن بری

خضر فرخ قدم وار مصادف هنگامه جدال * و نظر انداز قیل و قال اولوب
 کل کوش قاضی بی نسیم تبشیر ایله شکفته قیلدیکه بوخس و خار اضطرار بک
 رفع و از اله سی موقوف نیم خبر صاحب الدولة در فی الحال تحریک دامن همی
 شعله فروز عنایت اولدقده خاشاک مضایقه دن اثر ناپیدا و جحره تارک درونک
 بر لحظه ده پر نور وضیا اولق مقرر در بر هفتقه صبره مجال اولورسه دامن اجلالی
 نیم بوسگاه شفا عیودیم اولسه ککر کدر وره کذرده سنک کی مضطرب
 حالک تشویش بال پرملانه کسب اطلاع ایدن عامه توابع ابلاغ سمع جلیله
 مأهول در * و هر زمان بکا بوندن زیاده ارمغان اولز که کشت و کذار اوزره
 اولدیغکز دیار لرد بر محنتکش اضطراره راست کله سزالبته کلوب پیشگاهمده
 نهاده بساط کوشه افاده قیله سز دیو تنبیه اکید پیور شلردر (همانکه
 بیان واقع حال ایتدم انبجاص مر امکده لحظه توقیفی خزینه دار گرفته حرام
 ایدوب سنی و خراش اندازان دماغ حضورک اولان سوقیان عوعوزنی
 بر لحظه ده محصل المرام و شاد کام ایتک تحقیق عهده کفالتده در دیوب
 اسب صباخرمه تازیانه اقدام حواله قیلدی * قاضی فقیر جزر و مد خوف و رجاده
 لکدزده کشاکش امواج تحیر اولوب نه حال ایسه درت بش کون قدر
 زمان زبانه آزار اشتخاص آتشین نهاددن آسوده قالدی تمامی اسبوعده
 حریف صداقت ردیف معهود * طرف عیم الشرف پاشادن نوازشنامه
 التفات ایله حیا بخش جان قاضی فلاکت نفس اولدی * و بالتام بر کیسه ده
 قرق بیک اجه دین معود ایچون معدود و بر کیسه ده خر جراه و دفع مضایقه
 خدام ایچون نهاده و موجود او توزیک درهم پاکیزه نقود تسلیم یدنا توان
 غم فرسود ایدوب زمزمه ثنای عالمیان پیوسته طباق فاک و طنطنه انداز چرخ
 کبود اولدی * دیو منظومه کلامه ثبت مقطع اختتام ایلدی * تحریک چن
 خنده زار تعجب راقم الحروفده نسیم روایت پیر صادق لهجه * بوجهتدن
 درکار * و هیچ لجه استغراب ایتکله باعث تلاطم امواج افکار اولشدر که
 میراب خامه غدیر مسوده دن ریاض صحایف تنقیح و تبیضه اساله آب حیات
 حکایات منایح و عطایا قیلدیغی اول کهنه ندیم بوسیده عقلاک معلومی اولیوب
 عته پیریدن قطع نظر مقتضای خلقت بلاهت پروردی ایله بومقوله یه بی پرده

اطلاع اولی و امتداد کتابت منقبت مر حوم مذ کورده فتور اطناب ایله عارض
اولان رعاف بینی قلم بو محله انقطا عیدیر اختتام او لوب صد کلام ایله
بوی مناسبت و آشنایی اول خیره سریده ماغه نسبت خیال باطل ایکن اول محله
بی تقریب احضار و تذکیر احوال سخا پیشه مرو تکیش مذ کوری
زبانزده تقریر ایتدیکی قضیه اتفاقیه محسن روحانیت و اخلاص نیت
کر مکار مغفر تمام بدن نشئت ایتک فهم اول نور بلکه بومر تبه ده مصدر
آثار کرامته حل اولسه اولور

✽ نیت ✽

✽ نوله مخصوص اولور سده بی منت ✽ ✽ کرم اصحابنه کرامت شان ✽
✽ نیجه دلمرده بی ایدر احیا ✽ ✽ بودر الحق کرامت انسان ✽

مشاهر کر ماء دور قدیمدن مخترع طرز خاص دیوانی کتابت ✽ یعنی تاج
زاده صاحب سماحت آثارندن بر مقدار در

دیباچه کتاب تذکرة الاسخفاء پیشینه ایام اولان رئیس الکتاب عالی مقام تاج
بک زاده مر حومکه کف جواهر نثاری نظم جواهر حروف ایله صحیف بیضاء
اکوانه نقش انداز اعجاز اولدیغی کی نثر کرم و نشر آثار همم بایند یکانه
سرافراز و سخنی مشربان بیبال عطا پندیده ندمای دائم العکوف الطافنی
متهم عیب اصراف ایتکله شهر تیاب امتیاز اولمشدر حتی زمانه سنک شاعر
سجده مقالی (ع) استاد پسندیده سخن یعنی مقالی (نثر) بو وجهله
مدیح صحیحنده قصیده پرداز بلاغت ✽ و بو حسن مطلع بدیع النظام ایله
تاج بخش منظومه مدحت اولدیغی زبانزد یاران معرفتدر

✽ نظم ✽

✽ ویرن کمال شرف شیوه خدا داده ✽

✽ عطار د فلک جود تاج بک زاده ✽

(نثر) اختراع طرز کتابت دیوانیده بر کز دقین لطافت ظفر بولوب تازه وادی
 اعجاب انگیز قلم ایتمکله منشور شرف دیوانه رونق خاص ضمیمه ایدوب
 حال طرز معارف اوزره تحریر بروات عثمانیه قانونی نشانی کلک مر اسیم شناسندن
 قلمشدر ❖ کندینک سالها خدمت تعلیم خدمه ادب آموز بار گاهی ایله
 شرفیاب عزت اولان خواجه باب صد اقامتاً بنیدن تصحیح روایت ایله اثبات
 کرده منشی تحیفه طراز حکایتدر که بر شب هنگام دارالضیافه عشرت آباد جنت
 مقامده زمزمه رندان معقول فهم و پر اصول ❖ و اکثر کزیده یاران
 سداد آشنای استانبول حلقه بند جمعیت اولوب رحیق تحقیق بحث شوق
 و نشاط ایله سرگرم و نشو و دار ❖ و کندی کیمیاء نگاه مکر متیله سبیکه دل احبابی
 قراضه زره همیار ایدوب احیاء موات غمده ساز کار اولدیغی اوزره سیمیا خنده
 مزاح خاطر کشا ایله اماته قلب اکدارده همکنان مجلسیان در کار اولمشرایدی

❖ نظم ❖

- ❖ شویله بر مجلس ایدی بزم صفایوری کیم ❖
- ❖ صقلوب آتش اولوردی غم شرمیله شراب ❖
- ❖ یولنه اولمشدی کرچه که پاره پاره ❖
- ❖ لیک یول بولدی تا اولمیحق پخته کباب ❖
- ❖ فضله بر قاعده مأذون ایدی گاهی طنبور ❖
- ❖ یک اصول اوزره ایدردی حرکاتن مضرب ❖
- ❖ دامن چنکه تشبثله دخول ایتشیدی ❖
- ❖ سایه سنده هله معفوایدی فریادرباب ❖
- ❖ شیخ و صوفی نوله حظ ایتسه اول مجلسدن ❖
- ❖ فرض ایدی ترک ریائنده و واجب آداب ❖
- ❖ برك کل کیی نثار اولدیغنه اطرافه ❖
- ❖ درهم وزر دو پریشان ایدی دائم زرناب ❖

(نثر) ممالك معتبره دن برينك منشور ضبط اياتن نكاشته كلك سحر آفرين
 * پيش ازين ايصال جانب ناهن دبرات همایون ايتشیدی اول مجلسده
 مزد کتابت بيك عدد حسنهء کامل عيار برمطلي دستمال فاخر کرانها ایچره
 طرف امیرالامراء صاحب یرلیغ بایغ موجب الاستعلا دن ارسال اولنوب
 منظر یاران صفایماده نظر صاحب خانه سخا پرست زرد شمنه نهادهء دست اكرام
 ایتدیلر شخص هديه آورك دامن پرزر التفات وافر قلندقدنصكره دستمال
 مالا مال دن فص ختم امسالك ایدوب روی احبابه كهر پاش خطاب اولدیکه
 بوموهبهء الهیه نهاده سر صندوقه رسیده وضبط اولنسه یالکز ككندی
 وایهء مخصوص من اولوب اما بومقوله انجمن احباب و مجلس یاران صداقتما بده
 ورودينك حكمت خفيه سی بر قاعدهء (الهد اياتشترك) جمله من بونصاب
 هديه غيبه ده مشترك اولمقدر دیوب مجموع حضاره كيف ما اتفق ذكر اولان
 هزار دیناری بذل و ایشار ایدوب كندودن غیری هیچكسی بادی دست حرمان
 ایتدی * بعده خواجهء مذکور صحیح المقال تذیل بحث و روایت ایلر كه
 بنم رثايت هیئت و كشافت خلقتم اول رندان سبك روح ايله زانو بزانو نشست
 مصاحبتنه نامساعد اولمغله میانهء خدام مأذون الدخول رنكنده پروانه
 وارگاه فانوس مجلسدن طشیره ترد دوگاه پیرامن شمع جمع افروزه آمد
 شد اوزره ایدم اول حالده كنار نیم صغهء اجلالده بولندم تخمینا اوتوز قرق
 آتون قدر میان دستمالده ككندی حصه سی اوزره قالمش طور رایدی
 اول دستمال فاخره آنی دخی پیچیده قیابوب بكا خطابا خواجه افندی آبدست
 آلدیچه بود دستمال رفع رشحهء وضوء مصلحتنه ساز كار اولور دیوب جانب
 آغوش قبوله انداخته قیادی * فی الحقیقه اوتوزه قریب التون اولوب
 دستمال زر كشیدینی دخی ایکیبك آچهیه نقد ایلدم بونك امشالی رشحات
 احسانی اكثر ایامده مایهء رطوبت سرور انكیز یاران اولوردی دیوزرمعتبر
 خبر مكارم شعاری ايله كر بند حكایت قیادی بونخبه الاسمار ككوشنر دفقیر
 جامع الانار اولدقدنصكره الله اعلم اوتوزیل مرور ایشیدیکه بقیهء یاران
 قربادن هاشمی چلبی مر حوم ايله مكالمهء احوال كذشتكان عالم خلاانده
 مر قوم مر حومك جودت كتابت و آثار جود و مكرمتی تذكر اولنوب

مجلس مرقومی وفق روایت خواجه اوزره تحقیق و سوزنی دده و عذاری
 مرحوم و سائر نکته سنجان روم ایله اول بزم پر نشاطده پیرامن نشین سماع
 انبساط ایدک نصاب الف کاملده بندخی حصه دار مقدار خسین اولوب
 معامله دستمال مالامال پیشگاه نظر مده وقوع بولشدردیوراوی سدیدالمقالی
 تصدیقده نصکره منظومه ثنایی مستزاد ایدوب مرحومک فذلکة الحساب
 عطاسی محسوب قلم کرام الکاتین اولدن غیری طریقه بیاض تعدادده
 کلک امر دشکدره فردات کرمی زنجیره حساب جزر اصمده داخل ایدی
 گاهی صورت ظاهرده بخشش درهم و دیناره مجلسک تحمیلی اولدجه
 کاغد پاره لاله عقیده تقسیم ایدوب احسان مراد ایتدیکی یارانه کلقد مسکیدر
 تنها ده ترطیب دماغ ایدرسزدیو ناز گانه تسلیم زرناب و بو وجهله احبابی
 کامیاب ایلر ایدی دیوب زرنار دامن بیان و غنا بخش سودا کرجان
 اولدی

✽ بیت ✽

✽ سخاندن اوز که اولور می جهانده آب حیات ✽
 ✽ یتربو دعوی اثبات ایچون بو ایکی دلیل ✽
 ✽ بری بو زنده ایدر نیچه مرده فقری ✽
 ✽ بریده زنده قالور تا بخشش ذکر جیل ✽

سرمایه داران تجار دن بری کشتی شکسته وفلاکت زده ایکن برخواجه
 کامکاره دوچار اولوب بعد الیأس التام قرق بیک آلتون بخشش ایله شاد
 کام اولدیفیدر

سودا کران سود پیمای حلب شهیدان حاجی ابراهیم نام تاجر صاحب کاروبار
 درت یوک اقچه سرمایه ایله عزم سفر دریابار ایدوب نا کههان صرصر قضا

وقدر سوار اولدیغی سفینه سن شعب فنا ایتکله هر تخته پاره سی دستخوش
امواج قهرانگیر اوله رق بر رسمت مخالفه دوشوب کنیدی سرویا برهنه صندل
کشتی به القاء وجود ایتکله قدم نهاده ساحل نجات اولوب روزی چند قطع
بادیه ابتلا ایدرک (ع) بلا و محنته یا هو و مر حبا دیه رک (نثر) بندر محایه کلوب
پیش ازین سرمایه داراقدار اکن حالا جیب تصرفنده دفع دغدغه جوع
ایده جک نیم حبه سی بولما مق ذلتی مشرب حیت پرستنه آفت جان *
وسبکباری افلاس و تهی دستی وجود محنتکشنه غایتله کران کلوب
* نظم *

* میگذارد جگتم هرگاه میخواهم مراد * در نهاده یدلان عرض تننا آتشست *
(نثر) دمبستی عجز ایله هیچ کسه کشف راز ایده میوب کنار بحر اندیشه ده
صید ماهی اوهام ایدرک بو خیال خام فتاده شست متفکره سی اولدی *
یعنی بو تدبیری تدارک وجه معاشده مفید و کارکر صاندی * و محط رحال
سفر گزینان عالم اولان کاربان سرای موئل القبائل نکهباننه تقدیم دست آویز
مر حبا ایدوب روی تجددن مقدمه پردازد روع مصلحت آمیز اولدی
* و دیدیکه سفینه انتظاریم ایام ناموافق ایله لنگر انداز عمان اولوب کندیمزه
تهیه مسکن و مهام لازم آرزوسی داعیه تقدیم یک دوروزه اولمشدر *
امروز یافرد ابار خانه من کانبجه برکوشه ده چایگاه مختصری تدارکی مر جودر
ان شاء الله تعالی بضاعه من و روئنده مناوله اقتداح دادوستد میسر اولیجق
امیددر که * سیر بزم اختلا طمزدن نواله ربای انتفاع اوله سرزیدی *
شخص رباطی مهمان نواز و مسافر محب اولمغله خرافات حریفی قالب جد صرفه
منسب کورمکله توجیه سمع قبول ایدوب مر حبا سنج اهلا و سهلا اولدی *
لکن بورباط مالا مالده تراحم واردیندن مسکن مخصوص تدارکنه
امکان یوقدر هست اینقدر که خواجکیان نامدار عجمدن بری سابقا برکوشه
حجره به تعلیق قفل تصرف قیلوب بداء محتاج قرار اولیق احتمالیله بر قاج
سنه نک اجاره بطالیه سن پشین تسلیم ایدوب کتد کده * کلید علاقه سن
برداشته دست فراغ ایتما مشدی * درون حجره اذعان جهلا کی خالی و تنها
واسباب علا یقندن مبرا ایدوکی معلومدر * جائز اولور سه اول حجره به نقل

ادوات قرار ایده سز که صاحبی یقینلرده کاک احتمال بعید در ولوسلم کله
 دامن تدبیر آخره تشبث اولنه دیوب بی پروا قفلانی شکسته کلپتین چسارت
 قیلوب حاجی ابراهیم فلاکت ندیده اول کوشه ده رخصتمای آرام اولدی
 اما حقیقه سرانجامنه کسب شعور ایتیوب کیه دسته دروغنی اعشاب
 وعقاقیر خاصیت دارنفس الامر اعتقاد یله نهاده مطموره اعتماد ایلدی *
 اول کون در بزازستان کونک جناح صندل فامی کشیده ومصرع ابنوس
 رنگی کشاده اولجه * حاجی ابراهیم فلاکت زده نک سمسار مخپله سی
 سر بازار افکار فاسده بی کوشه کوشه جست وجو قیلدیکه نه طریقله
 پیدای ابروی کاره ترتیب فسانه تدبیر ایلله جر وسؤال منفور الطباعه ندیم
 حیثدن عار ایدوب * باب استدانه یه ایسه عنا کب تعسر اولقدر پرده کش
 امتناع اولمشیدیکه عنقا مشربان قاف اقدام * هتک معجز تعذرینه
 هر نه مرتبه ده اعمال مخالف اهتمام ایتسدر کار کر اولیوب خرمکس ناچیز کی
 پابسته دام اضطرار * وطنین خیت آمیز ایلله خراش انداز دماغ روزکار
 اولق کورینه وردی (القصه) کشمکش اضطراب تردد ایلله بیتاب ملال
 تضجر * وخون آلود جره تاریک تحیر ایکن دروازه تابخانه جهانه پرده
 نیلی فام ظلام آویخته اولوب * اذان مغربده صدای هیئت الله اکبردن
 عامه کوچه گردان سر محله کسب وکار * پریشان جانب دارا لقرار
 اولوب شهری و غریب کیم وار ایسه جانب آرامگاهنه تحریک پای رفتار
 ایتد کده

✽ بین ✽

✽ هر کس بوقت شام چو بیند عیال خویش ✽

✽ مسکین غریب جفت شود باملال خویش ✽

(نثر) حریف رباطی تفقد حال مهمان ایچون نواله ما حضری ایلله قدم
 نهاده سخن مسافر خانه اولوب بانک عشایه دک پیشخان یاریده ترتیب
 نقل غمکساری قیادی * بعده چراغ دستنده اولان شمع فروزانی آرایش
 سمسار کانون ایدوب امشب نه حال ایسه غمخواری دل وزار ایلله آرام *
 ودفع توحش تنهایی ایچون تجرع خونابه آلام ایدرسز * علی السحر که

سفینه باد آورک انکر تأخری برداشته همت نوییان چالاک دست اولوب
 اعانه شرطه توفیق ایله رسیده سا حاکمه سلامت اوله بارو پنجاهی جدا گانه
 بر جای مناسبه وضع واسکان مصیحتی علی الرأس والعین دیوب ترانه دعای
 شب بخیری دمساز فرو داشت خیر بادیدرک سمت آرا مکانه توجه قیادی *
 مهمان خانه خراب هم صحبتان قلق واضطرا بله قالوب * برخشت پاره
 ناهمواری بالین محقر و بور یاحت چاکماکی بستر ایدندی * وجعلی تجلد
 ایله تقلید کامرانی خوابنوشین ایلدی

(بیت)

* از توشه عقل و جان تهی دست * بر گوشه نطع خالک بنشست *
 (نثر) لکن تقاطر باران اشک خسرتدن حجره دیدلنده مسافر خواب راحت
 قرار ایده میوب * طوارق دهشتغزای مهوم کونا کون فتح روزه نه چشم
 سیاله فشانه رخصت و یرمیوب

* بیت *

* نه بالو خواب میسر نه بالو یدارم * نه بالو عافیت اورز نه بالو یمارم *
 (نثر) اول فسو نکرده وحشت آباد ایچره تراحم اشباح هائله اوهام *
 قرای متصرفه سن عمل تدبیر راحت بدنندن عاطله قیلوب سبحان الله فلک دلی
 صرصر بخت سیاهم نه طرفه کرداب اضطرابه دوشوردیکه دست و پاشکسته
 جلاد فلک اولدیغم یتر کندی دست سوء صنیعمله جمال حامی سیهروی
 فصاحت و اوز اختیارمله کندی بازار ملامتده سیاست ایتدم نه بلا ایدیکه
 بی سبب ادعای کامرانی ایله طبل تهی دماغ دروغه حواله چوماق لاف ایدوب
 بومقوله صیت و صدای شرم افزا ایله شهره شهر پشیمانی اولدم *
 علی الصباح که دیر صبح صادق نهاد سر لوحه نکار جریده آفاق اولوب
 مضبوط کیسه چرخ اولان نقود نجومی کندی سرمایه میاهاتی اولمق
 اوزره دعوی تزویر، سالک اولان تیره بخت شب سیه کاسه نک مسوده
 حیلله آمیزک بیاضه چقار مغله صورتحال آشکار و سفینه و مال ادعای برق
 خلب اوج کزاف ایدوکی پر تواند از دل صادق نفسان روز کار اوله *
 نه یوز ایله انجمن سرمایه دران صداقتابه رو براه * ونه کوز ایله صحیفه روی

رباطی به بی منفعتله نگاه مکن اولور دیوب سرببی سامان حالنی پاره پاره
 ساطور ملامت وسینه چاک آمانی شرحه زارندامت ایدرکن ناکهان
 جاسوس نظری سطح مربع طرح حجره نك احد اضلاع اربعه سنده
 برخشت ناهمسواره دوش اولدی * پای تردد مسافران قدیم اول قطری
 زمانیه رخنه دار ایدوب هنوز امر آسویه سنده معمار تقید اعمار ادوات
 تشبید ایتماش ویامبال پرستان قارون صفتدن برآز مال بریسی مدخر
 دینه ایدوب * آمد و رفت قطار حشرات الارض ایله سربوش خم کمانی
 مماثل سمت ظهور اولش اوله فی الحال بلا توقف واهمال

* بیت *

* بیتاب دل دوشرسه نوله کنج عشقنه *

* مفلس خزینه بولسه نیچون ایتیده شتاب *

(نثر) موضع مذکوره ثبات بی اختیارانه ایله القاء وجود غم اندیش ایدوب *
 ندش محل مزبور ایچون تحریک تیشئه اهتمام ایتدکده برسبوچه خاکی
 نهاده ایچره بیک عدد مشعشع و منور و ممسک و معتبر زرناب معتبر خالص عیاره
 ظفر بولوب * آزالدیکه مهمان مبارک قدم فرخنده قدوم شادمانی
 ضیافتی ایچون کبش جانی قربان و (ع) شکر نعمت مزید جمعیت (نثر)
 مضموننده نقد حیاتی فدای شکرانه احسان ایده

* نظم *

* شکرانه نقد عمری ویرسم عجب دکل *

* چون نعمت زیاده ایدر شکر بر عزیز *

* فضل خدای کور که بو تفصیر شکر ایله *

* هر لحظه حاصل اولدم بیک نعمت جدید *

(نثر) نتیجه سخن اول حجره چار گوشه تسخیر دولته وفق چار اندر چار اولوب
 بردمده ابودرداء فقرا یکن مالک دینار فخر اولدی وقوت مالیه ایله کسب
 زور بازوی ابتهاج واول زر خاصیتدار ایله علاج خفقان احتیاج ایدوب
 مزاحمه انکیز حجره جان اولان بیکانه اشخاص کریه القاء احزانی قوت قلب ایله
 طرح و اخراج ایلدی واول کیجه شوق ترتیب مهمات سپاهیان ایله عظم پناه

مسند کامکاری اولوب اتمام خدمت فردایه تعیین خدمتکاران فکر و تخمین
وز غنچه نوآیین طرازی دوات ایله فریب روز اول ایچون مشق مسوده
چنان و چنین ایله آرام بخش دل اندوهکین اولدی و تدریجاً زرینه جناح
سحر کاشاده اولنجه منظره دیده سنه تعایق پرده خواب ایتیوب دولاب
ملاحظه دن ابراز تحف و تفاریق افکار کونا کونه مشغول اولوب سپیده
دمکه صیرفی بسیار مایه روز کار نقره نجومی اسراف * و زرناب آفتابی
جیب مشرقدن اخراج ایله دیان بازار فلکده عرض ابتهاج ایتدی *

حاجی ابراهیم کامران سر بازاره خرامان اولوب کنج باد آورک بر مقدارنی
انات بیت و بساط مسکنه صرف ایدوب بقیه سنی محفوظ کربند کتانی
قیلیدی و براننده نکین اخفا ایله (استرزه بك) نقش فص حکمت پذیر یدر مختوم
ساز چاک همیان اولدی * و شخص رباطی ایله تجدید معامله دوشینه ایچون
استشاره وجوه کسب و کار ایدوب اگر چه سفینه پر خزینه مزک سرعت
وریدنده روز کار مخالف روش چپ اندازانه حرکت قیادی * و بارخانه
و خزانه کرداب تأخر بی اعتداله دوشدی * لکن عجاله الوقت بر از مختصری
سرمایه ما حضریکه در بغل استصحابدر مناسب حال اجناس فاخره دن
صواب دیدر آئی پسندیده کزه مصروف اولق خاطر خواهمزدر که انسان العین
تعلقز ابتدای آشناییده مخف روی صداقتا کز دن تفأل کار اتحاد اتمکله
صحبتکرده بمن و برکت * و طرفه همچون الفتکرده کیفیت خیر و منفعت
ملفوظدر

* بیت *

* نیچه نیچه کرم و سردیله کور شدک عالمک *

* کر چه غربت چکدک اما آشنا کسب ایلدک *

(نثر) امیدر که دلال صاف نهاد مرو و تکز بازار کان شاگرد نوکیسه طبعته
دلال داد و ستد نفع و سود اوله دیوروی دریایه مشرف برجعیتگاه قومده
بی پروالاف کامرانی ایله تعذیب همصحبان ایدر کن * نا کههان مزد حکاه
معار اولان لب دریاده آثار هنکامه کثرت پیدا ولدی * کوردیلر که برکشتی
کشاده باده بان لنگر انداز ساحل بحر اولوب * سواران سفینه یک یک ساحه

سلامته وضع قدم فلاح ایتدیلر ❖ احیان بندر عادت معروفه اوزره پرسش
چونکی واردین ایچون اسکله یه هجوم ایدوب حاجی ابراهیم پریشان میانه
دریاده قالدیغی سفینه اولاق احتمالیله تهینه دیده روشن ایله مزده رسان
اولمه یوز طوتدیلر

❖ قطعه ❖

❖ کل کی اتونلرک سوزنده اخکر چقمسون ❖
❖ الحذر همیاندن پیچیده اژدر چقمسون ❖
❖ منتظر کن یاره اغیار ایتسون نا که ظهور ❖
❖ صید آهوفکرین ایلرکن صقن خر چقمسون ❖
(نثر) اول بینوای کم سرمایه نو غنچه مقالتک رنگ وبوی سداددن بیوایه
ایدوکن یابوب ❖ جواب تردد آمیز ایله یمین ویساره نظره تحیر آتهرق
بزم کشتین اولمده محمل اما بعض علامات مغایرت هویداد ردیویش
وپسه نکه انداز روبه فریبانه ایله تجسس کر پزگاہ (این المفر) ایدرکن
میان مسافران کشتی سواردن یروجیه ومشکل خواجه نامدار متشخص
اولوب حریف رباطی یه توجیه نظر التفات ایدوب اولدخی توجده دامنبوسی
خوش آه دی صد دنده کوهر نثار تحف تحیات اولوب خلال پرسش
احوال واثناء فتح الباب جواب وسؤالده آیاجره مترو که مز خس وخاشاک
علاقه بیکانه دنه مظاف الساحه میدردیو محض قرارگاه معهودی زبانه کتوردی
❖ رباطی نعم الجواب نعم ایله مقابله ایدوب خداوند سعادته بو خطه دن
نقل احوال علایق ایده لی هیچ کسک پای تعرضی درون حجره ده تشرعبار آلایش
ایتموب دیروز بوتاجر قرنداش سفینه سن عمانده ترک ❖ و صندل سوار تقدم ایتشیدی
❖ خالی مسکن بولمافله برکوشه سنده بسط کلیم پاره قراره ❖ کستخی
رخصت یکدور و روزه صدوری قابل انکار دکدر ❖ بویجه لک ثقلت مزاحه سی
تکدیر طبیعت ایتزسه صبحکاهان اکا آخر جای قرار تدارک اولمه دیدی
حاجی ابراهیم بیستاره اول محله انامل حیرت انگیزی شانه ریش تشویش ایدرک
ایستاده اقدام لرزه ناک تردد دیو لمغله اول تاجر نوظهور حجره نشین بونلر میدر
دیو هدف نبال اشارت قلیدی ❖ هماندم بیچاره نیک بقیه هوش حیرت آلودی

تاراج امواج باس اولوب (ع) نه جای قرارونه راه کریز (نثر) شهنه بی امان قضایه
 تسلیم کریبان رضادن غیری چاره بولدی * خواجه کاسران بوجوابی که
 طرف صاحب کار بانسرادن تلقی ایتدی * وضع معقول اولمش یولندن
 زهر خند قبول ایله تبسم ریز استصواب اولدی وروی ملاطفندن الین الینه
 آلوب معیت اوزره خرامان سمت حجره دوزخ مشال اولدیله * اول کیجه
 استدانه صحبت ایله صورت اکرآمده حاجی ابراهیم فلاکتاً بی کوز حبسنه
 چکوب رنجیر نگاه مسلسلی کردن جاننه بند * ودو شاخه تقید اهتمامی
 سخت پیوند ایلدی * هر چند که تطییب خاطر بهانه پرداز نشست و قیام
 اولمش ایسه دست التفاتی دامگیر عزم ایدوب زمان خواب نوشینه دک
 پاسبان محافظه اهتمامی حواله اطوار حرکاتی قیاب * برایکی دفعه گاه
 بهانه دفع ثقلت * وگاه تجدید وضوء استراحت ایچون پیشگاه حجره
 چقد قه خدمتکاران قلاش طیتندن برقاچن مؤکل دستیاری خدمت
 ایتک طریق ایله بکلدوب روی رعایتدن عین ویسارنده پروانه وار دامن
 درمیان عبودیت اولق اوزره نیم خطوه حرکت فرست ویزمدیلر * تمام
 حجره دیده رینه طلیعه خواب وضع قدم هجوم ایدوب هر کس پریشانی
 تاتار نوم ایله رونهاده کریز گاه حضور ایتک زمانی کلد کده * خواجه
 مکرم جناب * حاجی ابراهیم فلاکتاً به توجیه خطاب ایدوب نقدر
 زجت ایسه خوابگاهکزی برکناره چکوب مستریح کاشانه بال اولک *
 بن خدمتکاران ایله محاسبه ایراد و مصارف یومیه ایده یم دیدی اول محبوس
 آزاده صورت تحریک زنجیر اطاعت ایدرک کنار لحاف تجلدی برقع روی
 واهمه قیلوب آیا مدفن ماله مراجعت اولنورسه حال حراجم نیه مجراوله
 دیو جولاح خلیجان وسوسه باف اندیشه پردازک نسیم دفعه وهم انگیزی
 دستانچه روی شرم آلود ملاحظه ایدوب رشحه چین سر شک اضطراب
 اوله رق ساعد اندیشه بی ستون زنج و اضطجاع بالین ملال ایلدی *
 در این حال جناب خواجه مزبوری پوشیده پرده خواب ظن ایدوب محرمان
 رازدن برینه فرمان ایتدی که زوایای حجره می نبش * و مال مکنوزی پیرایه
 تخت ابراز ایده * حسب اشاره اولدخی مباشر خدمت اولوب * لکن

حاجی ابراهیم ظفریاب بیرنج اولدیغی کنج معهوده توجه ایتیموب سمت
آخردن برار ازاله کشفات خاك ایتد کد نصکره * خشت سرپوشنی
برداشته دست همت قیلوب * برانا مختوم ایجره مقدار هزار زر ناب
محیرالا بصاری اخراج * و آرایش نظرگاه ابتهاج ایتدی * بعده
برکوشدیه دخی حواله میتین تقید قیلوب بیک دیناری دخی ضمیمه هزار *
وقطر ثالثدن کذالك الف کامل عیاری اخراج * ونهاده * پیشخته خواجه
کامکار ایلدی * مره رابعه ده کنج معهوده کلوب موضع مالی مانند دماغ
تاجر مفلس ککرده عقل و ادراک تهی بولوب * خواجه بی واقف حال
ایتد کده کیسه دهانه مهر بند سکوت اور مق اوزره تنبیه اکید دنصکره
نقود موجوده بی که تمام اوج بیک التوندن عبارتدر بریشتماله پیچیده *
وورای بالینه نهاده قیلوب برطریق

✽ قطعه ✽

✽ حضور ایله او یور اول خواجه غنا پرور ✽

✽ که ایده کیسه پر مالی زیر بالین سر ✽

✽ فقیری کور که اگر دوشده کور سه همیانی ✽

✽ بولور او یاندیغی دم زیر سرده بر اژدر ✽

(نثر) وقتا که پیچیده دسمال شب اولان زر بحساب نجوم * اقتا کرده

قار باز صبح اواق زمانی قریب اولوب * اسراف کنجینه اوقات ایدن

محموران سراسیمه سرخرابات غفلت محاسبه نقود اشک ایدرلرمی دیو

پیشقدم زاویه دهر اولان صوفی صاف نهاد صبا * جاسوس وار آهسته

آهسته شکاف روزندن استکشاف حال حجره نشینان راحت وصفا * و نازگانه

تحریک چارشب هوا قیلدی * و مقدمه الجیش سحر قدومن * بلبل نفسان

مناره پیرا * بانک صفا بخش مولا ایله اسیر زنجیر زنجی شام اولان بیطاقان

عذاب خوابه تبشیر و انبا ایلدی * جناب خواجه * آهسته خرام خوابگاه

حاجی ابراهیم فلا کتپناد اولوب نسیم تعبیر صباح الخیر ایله تحریک کلبن سامعه سینه

عزیمت قیلدی * و شبنم الفاظ کرم آشنا ایله طراوت بخش کلکوش اولوب

بیت

نوقت خفتن و هنگام فرش و بالینست

بیابین که بدستم چه جام رنگینست

(نثر) ای یار مکرده صدیق * و رفیق * حالدم صبحگاه توفیققدر *

سرکران خارغم اولق ناروا * و سائق تقدیر الهی میانه مرز طرح افکن

آشنایی اولش ایکن مناوله پیمانه الفتده تابع وسوسه تقصیر اولق ترزیق

و ناسزادر دیوب تکلیف قرب و صحبت ایلدی

(منوی)

فرصتکه هوای تیزپردر * ایرمک اکا بردخی هنردر *

فرصت دیدیکدم سهردر * کویا که صبای خوش اثردر *

افسوس اولور اول نسیم نافع * بر غفات یکدم ایله ضایع *

خورشید سهردن ایتدین جوش * بزبر ایکی ساغر ایدلم نوش *

خورشید هوای قلدین نرم * بزبزم صفای ایده لم کرم *

جام سحر اولدین طر بریز * بز نشو هنر ایدلم سحر خیز *

(نثر) حاجی ابراهیم خواب آلود بیدار بخت استماع فسون التفات ایله

ناچار بیدار اولوب مالش چشم خوابناک ایدرک حمام ایجاب ایتش دیوب

پرتاب خارج باب ایله تخلیص کریبانه شتاب اوزره ایکن * خواجه

عالیجناب بزه دخی ضرورت کر مابه سرکرانی نتیجه خواب اولمشدر

برایکی قبحان قهوه ایله ازاله اوساخ دماغ ایدلم * پس آنکاه معاروانه

سمت حمام اولوز دیوب * بوجمله دخی خلاصه فرجه امکان بولیوب بی اختیار

حضور خواجده نشست نومیدانه یه قرار ویردی * بومحاده خواجه

کامکار توابع و خدمتکارانی گوشه ابروی پرچین اشارت ایله خارج جردیه

دفع و آرایش کثرتی بالکلیه رفع ایتد کد نصرکه تقدیم ایمان غلاظ ایله

مقدمه پرداز استفسار اولدیکه تمام کنه احوالندن کندوی خبردار * و مال

مدفوندن اثرباب اولدیغی مرتبه بی تقریر و اقرار ایده * حاجی ابراهیم سالک

صراط مستقیم اولمخی حصول جنة العدن فلاحه قریب و انسب کوروب

جمع سرانجام حالک ثبت صحیفه (النجاة فی الصدق) ایتکله پیشگاه

ذهن خواجهیه عرض ایلدی ❧ وکشتی شکسته وفلاکت زده لکک ❧
 ودامن دروغه تشبث ایله سمع رباطی بی انبانی حقه بازه دوندروب ❧
 بعده ندامت واضطرابه متوجه عالم خواب اولدقده ❧ نظری جای کتزه
 مصادف اولوب ککیفیت نبش و اخراجن کماوقع حق تعبیر اوزره
 ادا و تقریر ایلدی ❧ و مالک بر مقدارنی لوازم خانهیه مصروف ❧ و سائری
 موجود در دیوب اندامی ایله پیش نظر خواجهیه نهاده قیلدی ❧ تمام
 حکایه بی خواجه عبرتگزین کنجیده سمع یقین ایدوب حاجی ابراهیمک
 ظفر بولدیغی آلتونلری و راء بالیندن قبض ایله حاجی ابراهیمه بخشش واعطا
 قیلدی ❧ و دیدیکه ای برادر صداقتقرین معلوم خاطر پاک صفو ترهینک
 اوله که ❧ بو ذکر ایتدیکنک آفت دور روزگار بنمدخی سرماییه اقتدارهی
 تارمار و تلاطم امواج قهر کردکار ❧ کشتی رفاهیتیم شکسته سنک بوار ایتک
 توهیمی ایله اکثر کذر گاهم اولان دیار ❧ و بنادر صاحب اشتها رده ❧
 بو وجه اوزره بر مقدار مال مدخر مستور و مخفور ایتک دیرینه عادت طبع
 صاحب نظر دور آدور مدر حالا بفضلله تعالی سفینه وجودم واصل کنار
 سلامت ❧ و سرماییه سعادت اولان مال موفوریم دردست و کیلان عافیتدر ❧
 بو نعمت عظیمه شکرانه سیچون لازمدر که سنک کبی خسران دیده لره مددرس
 و چار دساز و سرماییه بخش اعانت اولغله سرفراز اولهم ❧ الحاله هذه بو مقدار
 معلومی معذور طو توب جائز اولور سه بر سفر بنمله هر افقتی مقرر ایدم سنکه
 تجربه بصیرت آموزم مباشر ککار تجارتک اولیحق امیدر که میان دشمن
 و دوستانه برهمزن کار و بار شبات اوله حق آبروی انتفاع ایله حسن ایاب ❧
 و حصول کامرانی بحساب میسر اوله دیوب ❧ جواهر نصایح مفیده بی
 علاوه بار منت قیلدی ❧ امثال اول سالده معازیمت هندوستان ایدوب
 دستیاری اعانتی ایله برسنه کامله ده تمام اون بیک آلتون عزت مشحونه
 دسترس اولوب کامران و شاد کام جانب وطنه عطف زمام خرام ایدوب
 بعون الله تعالی العزیز العلام ❧ واصل کنجینه مرام اولمشدر

❖ قطعه ❖

❖ هزار آفرین اول کرمکاره کیم ❖ ❖ کور نجه رفیقک رهین ملال ❖
❖ دریغ ایتیه کنج مقدوری هب ❖ ❖ ایده بذل سرمایه جان و مال ❖

صورت احتیاجده مضطرب حال ضرورت ایکن مقتضای سماحت
جبلی اوزره برفقیره شیء یسیر بذل ایتیکله سحر کهان خزانة غیبدن مال
کثیره واصل اولدیغیدر

آلفته دلان مستندانہ اطواردن بر کداسیمای امیرانه همت ❖ فقیر اندام
مستغنی طبیعت که لطف طبع و سماحت فطرتدن صاحب وایه اما ❖
نصاب جاه و مالدن کمپایه ❖ واندک مایه ایدی

❖ بیت ❖

❖ کیسه و همیان تهی از سیم وزر ❖
❖ سینة وجان معدن در و کهر ❖
(نثر) بعض آرزوی مأمول الحصول ایلہ دار السلطنة استنبولہ کلوب امتداد
ازمنه قراری بر همین کار و بار اقتداری اولوب ❖ وخامت هوای غربت
بیچاره بی تفسیده لب کربت ❖ ولزناک تب تاب فرسای ضرورت قیلش

❖ نظم ❖

❖ ایکی کون بر منزل آرامگاه ایتز هلال ❖
❖ ضعف غربتدرایدن محنتکشی رق و هزال ❖
(نثر) اتفا قاجاء لازمهء افلاس اومستسقیء حرمانی ❖ اورام آلام ایلہ
پر آماس ایدوب کنار شادروان جماعتده آب زلال عبادتله تسکین آتش
جگر کداز ویرر ظل السجده ده ❖ کسب راحت انشراح ایچون اقامت
نماز نیتی ایلہ جامع مؤسس بنیان فاتحیه ده قبل صلاة المغرب گوشه کیر صف

نیاز * و ترقب آواز (حی علی الفلاح) ایله سبحانه کردن ذکر جیل
 صمد بی نیاز * و صنوف صلحاء مختلف الطباعه دیده عبرتله نکه انداز
 ایکن کندویه قریب و همزانو بر محتاج ناعراد سیرته روبرو اولوب *
 جاسوس فراستی سخنه وله آمیز خریفدن استدلال ایتدیکه اول پریشان
 اوضاع مضمحل شمائل (ع) پراکنده روزی پراکنده دل (نثر) عارضه اضطراب
 ایله کندودن بترخیره سرولایعقل * بلکه طاعون فقر ایله دمبسته یکی مرتبه
 هلا که موصلدر مقرر که ایامی چند شهره قصبه حلقومندن قوافل اغدیة
 سادرلمق کذران ایتمهکه طاس معده سینه نیم حبه صدقه قوت ایشار ایدر
 بولنامش * و سامان حیثه مانع ذل طالب اولمخه کندی دخی تدار کدن قالوب
 سودای احتیاجی علاجیذ یرتد بیر اولق ممکن اولمامش * پس مقتضای مروتی
 اجزاءقاعده جوانمردی به مقتضای اولوب کیسه مقدوری مساعد اولدیغی
 مرتبه ده حصه بخش امداد اولق ایچون جیب رخنه داراقتد ارینه
 مراجعت قیلدی * کور دیکه مجموع نقود موجوده عدد هفتاده منحصر
 اولوب یتش افجه دن بر حبه زیاده سی یوق که تدبیر دفع مضایقه سنده
 کوکانبجه چاره پرداز احسان اوله و کندینک عوائد کفافی عقارات
 عنایات غیبیه دن معین * و تدبیر بدن معیشت خصوص صنده منشور جاه
 مباهااتی توقیع رفیع (الرزق علی الله) ایله معنون ایدی * بالآخره نفس قناعت
 پرستنی ایشار ماملکه ارضا ایدوب رواید ر که بن فوز نصاب سبعین
 ایله کامران * و بونا مراد کیسه تهی * غم احتیاج ایله نالان اوله

✽ بیت ✽

✽ خدا کریمدر البته ایلز محروم ✽

✽ مرادینه ایریشور هر کشی خدا دیه رک ✽

(نثر) هر چه باد آبا دیو موجود ناچیزی ایشار ایدوب کندی امر مده
 قناعتکزین فیض کردکار اولق کر کدر دیوب دراهم معدوده معهوده نک
 التمشنی فقیر مذکوره بروض حکیمانه ایله ایصال و کندی حوایج لازمه سیه
 اون الحقه ترکی ایله لکتفا قیلدی (سبحان الله) سیای کدای بینواده
 غلبه نورسر وردن بر شعله عالم افروز هوید اولدیکه دور خسار زعفران رنگی

چهره دیومرده کی دهشت انگیز ایکن بر لحظه ده زیب طرفی محراب اولان ایکی
 شمع شب آراماننده بریق افکن قبه معلا اولوب اهتر از نشاط ایله گاه اوتوردی
 گاه طور دی قیام وقعود ورکوع و سجودی بر برینه قاتوب الله اعلم غلبه
 جنون شو قله ارکان صلاتی برهمزده اختلال ایادی واول صدقه بخش
 بیغرض نقشی خضر فرخ پی اعتقاد ایله دامننه پیچهن المدد اولمق صورتلرین
 کو ستر دی شویله ایتدی که لطیفه ندامت کلوب هزار حیلله ایله پنجه
 هجومندن تخایص کر یبان ایادی * سحر کههانکه پنجه خورشید فلاك جیب
 مشرقدن ظهور * و بذل نقود اضوا ایله دامن دهری پر نور ایدوب
 کامرانی فیض ایله روی بسیم زمانه پر خنده ظهور اولدی * اول کرم
 پیشه جوانمرد بذل اندیشه * روانه سمت قرمان * و متوجه جمعیت گاه
 اقبال و اقرا ن اولوب آغوش بنانی هنوز معانقه قبحان قهوه ایتشیدی * شکل
 ارازلده بر روح مصور قالیونجی اوندی * کندی کار مهمی ایچون
 ره نورد استیجال اولوب کیدر کن عیار نظری بالبداهه جمال جوانمرد مذکور
 خلیده اولدی * مکر زمانیه پینارنده سابقه آشنایی رابطه اختلاط اولوب
 یکدیگردن جداییلری امتداد بولمغه * مقراض دوری * پر نیان الفتلرین
 چالک ایدوب رفو کر قضا حالا بخیه زن تلاقی اولدیغی ایکسنگ دخی
 قباچه محبتلرینه صورت بخش زیب اتحاد اولدی جلیقه خفیفه اوزره تداور
 پیمانه مصاحبت یکدمه خلاننده اول اوند پیماند نوجوان مر حبای احسان ایله
 دوستکائی بخش رفیق شفیق اولوب * خیلی دمدر دماغ باصره نشوه دار
 کیفیت صهبای ملاقات اولماش الحاله هذه بر مصیحت همه تفرقه انداز
 حواس اولوب دورودر از شرفیاب مصاحبت اولمغه زمان مساعد دکادر
 عباله الوقت کیفیت احوال معاش کزدن ذایقه ادراکی چاشنیکی و قوف
 ایتسه کز که سائر اوقات جدایی بیانی موقوف زمان آخر اوله * زیرا بنم
 شمدیکی حالده بهارستان عالم پر کل صد برك سیم وزر * و سنک سیمای ملال انگیزک
 نیلوفرستان حزن و کدر * و مجرای سیول سرشک کده سبره طراوت ناپیدا
 و محالنده خس و خاشاک انفعال جلوه کرد * سد ثله ضرورته هر نه مرتبه
 کفایت ایدرسه بیدریغ ایدوکنده اشتباه اونیته دیوب جانب مخاطب دن

جواب لاونعم هتك پرده تجلد ایتدین بلا توقف یمین کر مرهینن حواله
جیب همت ❦ وانا مل مشکل کشاسن مأمور حل عقده کیسه مروت ایدوب
بیتدد و قبول ❦ جفت جفت تعداد زر شریفی نهاده باشادی ❦
ونه مصلحت ایچون مشغول شمار اولدیغن اظهار ایتوب کنندی کار مخصوصه
اعداد ایدر شکنده بمحاسب ❦ عددینار مخیر الابصار ایدرک ❦ نصاب ستینه
کلد کده حالا بومر تبه کفایت ایدرمی دیو تکلفانه استخبار کیت ایشار سیاقنده ❦
حریف قرض واجب الادا زعمی ایله غمناک اولسون دیو ❦ استغفر الله
بونا چیزی تکرار طلب خاطره سی نه دن خاطره کاور تلفظ هبه شاید دامن
ناموس همت پرستکه ایراث غبار عار ایلیه دیو بو طریق اوزره لب جنبانی
استفسار اقتضا ایتدی ❦ مر جودر که حسن قبولی ایله تحمیل امتنان واسترقاق
بندی ایچون نقد رضایی ثمن درمیان قیله سن مضمونی نهانی تقریر ❦
ونازکانه افاده سامعه بشارت پیری قیلدی ❦ وازین طرف حیرت سروردن
تدارک مکافات تشکر ❦ ومضمون (اعزک الله) اوزره ایضای عوض تذکر اولمندی
اول جوانمرد باذل الکریم مانند خضر فرخ قدم چنزار مجلسدن غائب اولوب
برمر حله یردن دست یاهونمایی بالای سرالوداعه قیوب اوزاقدن اشارت ❦
واسماع صوت آفرینه مجال اولیه جق محلدن تبسمیز معذور باد اوله رق ثبات
شهبازانه ایله سمت مقصد کاهنه وضع قدم عزیمت قیلدی ❦ ازان مغربده التمش نقره
سیم بذل ایدن فقیر بمقداره صلاة فجر عقبنده هر درهمه بر دینار عوض
ویرن جواد کریم پرور دکارک سرعت ظهور احسانی حیرت انداز عقل
انسانی اولمق نه ممکندر حضار مجلسه حکایت حال ماضی و حال ایدوب
توکل پیشکان صادق نهاده باعث تأکد حبل المنین اعتقاد ❦ وهوس
آموزان مکر متکاری یه سبب متانت ملکه بذل وامداد اولمشد.

❦ قطعه ❦

❦ مدح اهل سنخایه ناطق قدر ❦

❦ معنی پاك حضرت قرآن ❦

❦ قورمی ارباب جودی هیچ محروم ❦

❦ کرم و فضل ایزد منان ❦

بر عزیز مقدس جنابه احبا بندن بر بذل شیء قلیل ایدوب عن توجه درویشی
بر کاتیل نیل آمال جلیله ایلہ مظهر اجر جزیل اولد یغیدر

صدق مقالی مجمع علیه اجله فصول ❖ وقرار داده حقیقت سنجان دستکار
وقبول اولان یاران موثوق بهمدن بر صدیق سدید الا داکندی حسبجالی
اولق اوزره تحقیق حکایت صحیح الفحوی ایدر که ❖ بر مصیلت مهم الحصوله
صرف مال ایلہ وضع ید و وصول متین الانحصار اولدیغی سببیدن
مالک اولدیغی اشیاء نفیسه بی بازار نقد ایچره مبدل زر ناب محیر العقول اولوب
تمام در تیوز آلتونه مهر بند تحصیل ❖ و آماده شروع مقدمات نیل
ما مول اولمشیدم

❖ قطعه ❖

❖ زرله حاصل اولور جهاند مراد ❖

❖ نیل آماله زر در اصل اصول ❖

❖ زر خورشیده اولسه مالک ❖

❖ چرک اولمزدی کردشی معقول ❖

(ثر) مصیلت مذکوره نکتہ تحت لزومی بر مرتبه ده ایدیکه آبروی
کار و کردار ❖ بلکه نتیجه اوقات و اعمار اولوب ❖ ترک و مسامحه سی
مرک هنکام جوانی کبی سبب تأسف صد ساله ❖ و صورت فوتنده صرف
سرمایه حیات ایلہ تلا فیزی بین الاستحاله ایدی بوباعشدن ذکر اولتان
چار صد زری مانند داغهای درون صندوق محافظه ده بر وجهله مکتوم
و مخزون ایتک لازم کلش ایدیکه ❖ فرضا کیسه وجودم مقراض پنجه
مات الموت ایلہ چاک اولسه مکنیدر که بردانه سی سرداده سمت پیرون اوله ❖
اتفاق اعزده کر امتیاهدن بر مظنه سرغی ❖ و مخزن کزن العلوم لارینی

عارف بالله مستور الحال ايله بشزده علاقه انجذاب محکم * وقصر عشق پاکنه
 سلم تعلیم خلیاب زوال اولق مرتبه لرندن عالی اولوب * بنیان رصانتیناه کاخ
 محبت عاشقانه من خورنق وذات العما ددن متین و مستحکم ایدی
 بعضی مهمات متعذر الاندفاع حسبیه الی آتونه محتاج اولوب * لکن ظهیرید
 توکل ايله ستر تشاوب امید واری ایدوب حضور سرمایه داران کامرانیده
 خیازه کش آرزوی استمداد اولق منافی مشرب آداب درون همت
 قرینی اولدیغندن مجامعه آروغ زنان غناده رو کزدانی استغنا ايله
 معامله ایدرایدی * بوکینه خاکپای عزیزان صاف سینه اگرچه اول مرتبه ده
 مظنه مال و یدل و عطایه مستعد الحال دکل ایدی * لکن عزیز باهر التمیزک
 محرم راز معاملات اولق ملا بسه سیاه بکانبست روی مقصود مهم الوجودندن
 رفع برقع تسترایتک مناسب ایکن * نظر اطلاع فقیردن دخی دوشیره
 خاطر خواهنی پوشیده پرده کتمان ایدردی * ولکن آثار تلاشی ممتنع
 الحفادن استدلال پریشانی طبع پرصفاسی محسوس عین الیقین اولدوده *
 بهر حال پنجه زر معتبر ايله جمعیت خاطر عزیز میسر اولدیغن بیلبوب
 بر شبانگاه اول جان بدن همیان بلکه همیان بدنده جایگیر مشابه جان
 اولان نصاب چارصددن الی عدد شریفی خاقانی نهادی افراز *
 و موضوع دستمالجه تیار ایدوب * میانه مزده کثافت منت * واکاهی پروانگان
 شمع خدمت پرده کش نجالت اولمق ایچون بعد صلاة العشاء سینه خانه بی نقش
 ماسوادن مبرا * وزرینه تاج پرلمان شمع شب افروزی ربوده مقراض اطفالیلوب
 التونلری بروضع نازگانه ايله نهاده پدشگاه اهدا * ورجای لطف و قبول ايله تقبیل
 زانوی تمنا قیلدم * بووضع نامر ایانه فقیر * دل آگاه عزیز عرفا نپناهده
 جایگیر تأثیر اولوب اگرچه نسیم نفسی ظاهرا انجمن تحسین ایتدی اما باطنا *
 ریحانزار سنینه سی بر نفحات الانس آفرین اولوب نافحه المسک سرورک حقه
 سویداده محبوس اولسی تأثیر شمیم توجه عالم کیرک فزونی قوتنه باعث اولق
 ملاحظه سیله بوی مشکین همتی روزگار تعبیره الدریجق کم تأثیر اولوردیو صمیم
 دلدن ذوقه دایر طریق بیرون از تعبیر ايله عطرسای دعا اولدیکه دامن
 مشاهده پرعبیر تأثیر اولوب * شامه یقینم احساس نفحه سرعت قبول ایتدی *

ایکیز دخی معطر دماغ شادمانی اولوب بعد زمان کلچین شکوفه زار آمال اولوق
 عزیمتیه ❖ صوب کلشن سرای استانبوله دامن بر زده نهضت اولوب
 شمه بوی کرم مغمه سی اولان حدائق درگاه دولتیناه ارباب جاهه یوز سوردن ❖
 اول عصرده مقتضای بشارت مختلفه ناطوران باغ کا بخشی اوزره کلدسته
 مراده ناخن ظفر خایده قلیق بشیوز التون حق القهوه تقدیمه موقوف اولوب
 بن دکل قنده رستم توان اولان یکنه پهلوانان تهرمتن دبارگاه استعداد
 اولمرتبه مقروض البذل پریشان زمین ایشار ایتدیکه ❖ صندلی نشین مراد
 اولوق امر محال کورنمکه ❖ ناچار موجود و معهودیکه الی عددی
 جناب عزیزه نصیب اولغله اوچیوز الی التون باقی قالمشیدی وسیله
 حصول آمال اتخاذ ایدوب فک آرزوده هر برینی برنجم رخشنده فرض
 ایتکله شب امل دراری دینار ایله تابنده اولوق فکرنده ایدم

❖ شعر ❖

❖ اذاما کان فی القنديل زيت ❖ اضاع البيت وانتفع المقنديل ❖
 ❖ فبرطل ان اردت الحال تمشی ❖ وما تمشی سوی حال المبرطل ❖
 (نثر) فیض توجه عزیز خورشید ضمیر ایله صخره صمدان سخت اولان
 دل آهین اشعب طینتان عالم ملایمت مکر متله بکا نسبت موم اولوب مال
 معهودی دست طمعکاران زمانه تسلیم ایچون خانه بخا دور ابواب ایدوب
 نیاز مندی قبولنده دامن اقدام ایله بذل کنجینه رجا ایتدیکه نیم حبه یه
 سرفرو ایدن ناقص خلقتان کرسنه چشمه برمرتبه ده کامرانی استغنا
 عارض اولدیکه نیم همیانچه ایله عرض ایتدیکم زرناب حیرت افزایه
 قطعانکه انداز نفات اولیوب بی منت التماس و تمنا مقصودم اولان مصیبتی
 مفت و مجانا پیوسته حصول ایتکله فقیری کامران ایتدیلر الحمد لله
 العزیز العلام حالمه نسیت الی التون ایشاری خنده انکیز شماتت کزاران
 ایکن بکا سرمایه تجارت رابحه اولوب بقیه مال دست ضبطمده قالمغله
 خیرمایه انتظام اولدیغندن غیری بر اولقدر نقدیند بولی ایله نیچه ایامده حصولی
 مستبعد عقلا اولان مراد خاطره مدت قایله ده مجانا ظفر بولوب محصل المرام
 و مسرور شاد کام اولدیم غبطه انکیز حسد پیشکان لئام اولدی

❖ شعر ❖

❖ انفق فان الله كافل عبده ❖ ❖ والرزق في اليوم الجديد جديد ❖
❖ المال يكثر كلما انفقته ❖ ❖ كالبر ينزح ماؤه فيزيد ❖

(نهال ثانی که) عتدایان حکایات عشاق زاره مقر ❖ و میان افنان سطور ندن
زمنه سرانجام اهل ابتلا کوش زد جاوه کر خیابان خبردر ❖ اقسام نغمات وقایع
پراصولی بوجه اوزره ابلاغ سمع قبول قیلنور

برخواجه نامدار سرمایه صبر و قرارک باخته نردبازی عشق یار ایتمکله رأس المال
عقانی اسراف بیخانه ابتلا ابواب ادلاس جنون ایله سمسار بازار فلاکت ❖ وبعد
زمان واصل دینه کرامت اولدینیدر

خلال سال عشرین والف هجریه ده مشاهدراق السطور اولان امور و تحقیق
الصدور دندر که سرحد مرز بوم رومده کثرت محایب واله قریب ایله رشک آوراغ
ارم ❖ بر سواد اعظم دلکش فضای دلکشا حرم که

❖ بیت ❖

❖ قور قرم جنده ده عشاق راحت بولیه ❖
❖ او کر نوره شیوه خوبان استانبولی حور ❖
(نثر) مصر اعلی در بایان پری پیکر فرشته منظر لینه آبروی روی شیوه ریز ❖
ونقش چین چین عشوه نکیزایدی ❖ بنادر فرنگه فریب اولق تقریدله خواجکیان
ربع مسکونه محط رحال تیجات اولغین برخواجه صوف فروش صوفی خروش
هرای لقا که شیوه شاهد بازی ایله مناسبتی نمودار کفایت پشه و عنقاایدی ❖

عدد پیمانه قریب استرآن تحمل کش مرتب قطاریله ضرب طویله نزول ایدوب
رباط عالی بنارینک برنده حل جرة الحبال احوال ❖ و ترتیب مهمام خط و ترحال ایچون
یکدوسه روز آرام بر استیجا لدنصکره در و دیوار مسافر خانه زمانه (ع)
زلنا ههنا ثم ارتحلنا (نثر) نفشی نکاشته قلم لسان الحال ایدوب طریقه معتاد
اوزد یارو پیکاهیلله برایکی ساعت مقدم گروه خدم و حشمه رو براه مقصد گاه ایتدی
وکندی بعض حوایج فراموشکرده ایچون روی تأخر کوستوب
اول کون یربوع حفره انزوا ❖ بلکه زیر زمین اختفاده یوزنا پیداوادی ❖ شبانگاه
توایع و خدمه که اولین منزله ایصال قطار پیکاه ایدوب خداوند کار
بانسالارک قوناغه کلیسی امل بعید المری ایدو کندن آگاه اولدیارورود قانله
صباحه دك سیاره شمار چرخ انتظار اولوب

❖ بیت ❖

❖ کیجه لر انجم صیارین صبحه دك ❖

❖ ای شب هجرک بکا روز حساب ❖

(نثر) تفقد جوهر وجود خواجه ککشته ایچون ترکان چشم ترقی غریبال
اعید بیرایتار عافیتکار مواضع خطرناکک بر ندلعل بدخشان شریان اولان قطرات
خون بدیع السیلانی کده همترازوی جوهر یاندر پیرایه دشنه تبغ حرامیان اولدیغن
مقرر یلوب بارخانه یه امنای بیت المال اولان یغما کران تیز دستک ناخن
تعرض خیده قطی و همی الله باز کونه یولندن تدبیر سترحاله منساق اولوب
خواجه نامنی میانلندن برینه تخصیص ایدوب رهنمائی احدی الراحتین ايله
روانده راه بندرگاه اولدیله (ازین طرف خواجه فقیرک آدماری کندین ترصد ایچون
جانب شهره حواله دورین تجسس احتمالی بر طرف اولنجه منخسف کوکب
احتراق یافته و جودی تحت الارض اختفادن پر توانداز جو ظهور اولیوب

❖ بیت ❖

❖ من بکلخن ساختم تکلیف کلزارم مکن ❖

❖ مرغ آتش خاره رباغ گلستان دیگر است ❖

(نثر) مرتاض هزال زده عقل پادرعقالی پیغواه زار محله خاموشانی ترخیج مصطلبه
می فروشان ایدب (ع) بزه سخن صفادن کنج تاریک بلایکدر (نثر) یوب تا اول

زمانه دك خفاش غارناپیدایي * وسمندر گلخنزار ناشکیبایی ایدیکه بارخانه ايله
روانه اولان توابع وخدمتکارانک تخمینا بندردن گذار * و حوزة حکومت فرنکه
ایصال مهار قطار ایتد کیری معلومی اولدی * بس خواجه بینوا
زوایای تیرایدن بیدار اولوب بعض کذرگاهلرده حیران حیران جولان محزونانه *
ونظر حسرت آلود کریه پاش ايله اوضاع مجنونانه به بشادی * اطوار تلاشی
نمائی شبنم کلکوش احباب اولیجق بعضیار آثار سحر و فسون و بعضیار
امارات عشق و جنونه نسبت ایدوب بی قیدان شهر * اندازة ادراکیری
مساعد اولدیغی مرتبه ده بالای حالته خلعتطراز تخمین اولدیله *
یوما من الایام کرسی نشینان وعظ و نصیحتک ختام مجلس تذکیرونده دامن
همت آلود توجه ارشاد انکیرلرینه پنجه زن استمداد * وناله برانداز داد
و فریاد اولوب

* مثنوی *

* دریغا که کم شد سراپای من * من از خویش کمگشته ام وای من *
* بمن جور دوران زحد میروود * سپهر سراسیمه بد میروود *
* دلم را بیفشرد دورا نچنان * که خون جگر کشت ازوی روان *
(نثر) لله تعالی و تقدس بن محزون منقطع نفسه * و غربت زده بیکسه مددرس
اولمق ککر کسر که دیار یکرده براوز که درد بیدوای تحمل گذاره دوش *
و بر طرفه داروی طاقتربای مدهوش ساز ايله محروم عقل وهوش اولدم
کنندی و طمنده سیرلر کی صاحب سر و سامان * و هزار دلخسته غم
شفابخش دوار سان ایکن روامیدر که شهر یکرده برفتنه آخر زمان سببیه
بوشکله ککروب مظلوم دهر بی امان و مشوش دماغ سودای
احزان اولم

* نظم *

* خدا روای کورور آستین شفقت ايله *

* بنم کوزمدن اقان قانلی یاشی سلیمد سین *

(نثر) مضنوننده بعض خرافات نادر برابر ايله مایه درد سر صادق نفسان
اولدیغی خبر کوی چرکان اشتهار اولیجق بر کره صرصر شیوع نشر غبار

گفتگو ایدوب آیا بو غریب غریب اطوارك پریشانی احوالی نه علتدن حادث
و بو یوزدن تغیر سیمای ملال انکیزی نه بلادن منبعث اولمشدر

✽ بیت ✽

✽ بو آشوبه می لعلکمیدر صهبامیدر باعث ✽

✽ قیامتی قویر اول قامت بالا میدر باعث ✽

(نثر) قیافت کثافت پیاسنك همت خوش طبعانه می مساسی یو قیقه شور
عشق واه آزارالم کشیده سیدر دینه بارخانه سی ایسه منظور باجستان عیون
اولانه نصاب کامرانسی شهر تیاب تواتردر نه کونه طریان افلا سدن
مغیلا نزار جنونه دوشمش معناسی ویریه دیو بر بخت طویل الذیله دانش
آموزان سداد آشنی شهر ✽ منتهای ادراکاری اوزره تعلیق خاطره احتمالات
ایتدیلر ✽ بر سحر که مفتون لیلی مانند نیلی خرگاه اولان قیس آواره
نهاد آسمان ✽ جامه زربفت مطلادن جسمی عریان ✽ و چاك کربان
افقدن داغ فروزان سینهن سن دیده دهره عیان ایلدی

✽ بیت ✽

✽ مجنون عشق تهمت محض است زانکه او ✽

✽ تاب ستم نداشت جنون را وسیله ساخت ✽

(نثر) جانیه وقبا و سراویل و پیرهن قیدندن مبراغول اندام و برهنه تن سر
بازارده اعلان سفاهته باشایوب بانك و اوویلا و فریاد های های ایله

✽ نظم ✽

✽ وجود زاریمه قیدم غم نهان ایدرك ✽

✽ بولاممی چاره عجب دردیمی بیان ایدرك ✽

✽ اونتدیرم کبی دنیا به قصه نوحی ✽

✽ بو حال تیه کوزم یاشنی روان ایدرك ✽

(نثر) مضمونی دمساز نفیر آه سوزنای کلوی ناله ریزنی ✽ ناره دشنام بخت

سیاه ایدوب

✽ بیت ✽

✽ شرح این آتش جانسوز نکفتن تا کی ✽

✽ سوختم سوختم این سوز نهفتن تا کی ✽

(نثر) بحران حرارت عشق ایله بیتابان خلط کلام اثناسنده تصریح نام
دلدارى تسبیح زبان تکریر (ع) عاشقم عاشقم بیانك بلند (نثر) نعره آسمان
پیوندین افاقیر ایتکله فی الحال سرمکتومی روغن دیبای روز کار و پلاسپاره
فضاحتی آرایش دوش دلال اشتهار اولدی

✽ بیت ✽

✽ لاله داغ سیهك صقلیه من بر هفته ✽

✽ عاشق البته ایدر سوز درون اظهار ✽

(نثر) بیمارۀ خانه خرابك آتش نیستان سامانی اولان آتشپارهك نام و نشانی
معلوم همکنان عالم اولیجق تیره صحاف واقعه هجنت نصاب خاندان ✽
عار و ناموس دلبر خورشید عذاره آتش نثار حیت ✽ و خرمن عرض عریض
پدر و مادر و لالیان بد کهره صاعقه پاش غیرت اولوب ✽ شراره شرور اولان
خدمه پر غرور ✽ درد مند مسلوب الاختیارك برک گاه وجود ناچیرتی
شعله تیغ آتشتاب ایله سوزان ناریداد ایتکه تحریك قداحه فساد ایتدیله ✽
لیکن بورسمه بیگانه رسم و راه الفتك دفعه حله پوش شهادت اولمسی بالای
استعدادینه نامناسب ✽ و دامن پاك (من عشق وعف کتم) ایله سترعیب
ابتلایه قادر اولیان یتیم برهنه تن بی ادبه بویوزدن کورنمك واجبدر که
ساعت عمری انواع شکنجه اضطرابله گذار ✽ و اسباب حیاتی کرو متاعب
نوبنو اولوب هر لحظه معاینه صد گونه آزار ایلیه دیوب بالاتفاق زناراضراره
کره بند میثاق اصرار اولدیله بیخبرلر که (ع) هرگز نمیردانکه دلش زنده
شد بعشق (نثر) اول نامراد شا کر زبیداد ✽ آب حیات عشقی بر جام
مطلسمدن نوش ایلشکه

✽ بیت ✽

✽ هر که می عشق ازین جام خورد ✽

✽ زنده کی یافت که هرگز نمرد ✽

(نثر) بنابرین درگاه شاه عشاق سپاهدن اول درد مندسیه بخت تیره
روز کاره ❖ راتبه ضربات پیدرپی ❖ و وظیفه صدمات قهر واستهزاء
هی هی تعینی سرمایہ حیات وآبروی کار مباحات اولشیدی ❖ سبحان الله
عقاریت رقبای بجماره محنت آشنایی راست کلدیکه اولقدر سنکسار قهر
ایدرلایدیکه چاک آورا طاس افلاک اولان سررخنه دار فلا کتمدارینه متعاقب
الترول اولان سنکیاره سرپای چنزار دهره تکرک آفرسان ایکن
اولینوای سنکین دلاک شوره زارحانه قطرات نیدان کی همواره طراوتبخش
احسان اولورایدی

❖ بیت ❖

❖ سنک کلسه یاردن عاشق او پر باشینه قور ❖

❖ کویا احسان ایدرخوان کرمدن نان اثر ❖

(نثر) بوعبد فقیر برکون دیوانه هرزه کرده بداء مصادف اولوب برق افق
استعجال اولدین کوردم ابلهانه اغاز خطاب وداعیه سرعت شتابک
استخبار یوزدن معامله مکالمه آمیزایله استدعای حسن جواب ایتدم ❖
هنوز وظیفه یومیه من واصل اولدی ❖ هر بن موهو جمع الکلب آرزوایله
بردهن اشتها اسیر اولمشدر لله تعالی مصاحبت بیفائده ایله اشغال ایتمه
درد و آلامه واروب نفایس رایکان حجرومدر ❖ و کوپال تیغ وتبرله حوصله
امید ناشتا و کرسنه چشمی سیرایدین بعده صفای خاطرله کلوب ترتیب بزم
تقریر اولنه دیوب ضرب وآزاره بروجهله اشتیاقن کوردمکه تعبیری
درد سر تحریر اولور بر لحظه دنصکره چهره فکار و خون آلود زخماک که
فقیره القاء ظل ثقلت قیوب زعینجه انجاماز وعد مصاحبت ایتک صورتلرین
کوستردی ناچار توجیه سمع تسامح ایتدم معاذالله اندام خون آلودی کوه پاره
شقایق زار اولمش اما بروجهله زخم جفادن شادمان ومنندار احسان که
قصبه حلقوم فواره شربت شهد امتنان ❖ و دهان تزریق پاش شکسته
دندان عصاره شکرستان سپاس جانان ایدوب آرزوی تکرر نعمت جفا
کاری ایله هر زخم خونپاشی خیاره کشان ایدی

❖ نظم ❖

❖ دلم سوخت بر حال دیوانه ❖ ❖ که می کشت برخاک دردانه ❖
 ❖ سری پر ز سودا دلی پر زیار ❖ ❖ بر آورد فریاد شوریده وار ❖
 ❖ ز بهر پرستیدن آن صنم ❖ ❖ بملک عدو آمدم از عدم ❖
 ❖ و کر نه مراد من هستی نبود ❖ ❖ سرو برک بزدان پرستی نبود ❖

(نثر) نتیجه سخن تمامی سالده اول مجنون وقتک چهره حاله ضرب دست
 توابع دلبردن اصابت ایلین طیانجه قهر و مقت و لکد و مشت جور و جفا
 و کویال و عصای اهانت و از درا که عند التحقیق دیوانه زنجیر کشک
 جانیه صفا ایدی قلم قدر تدن غیری ادوات تعبیر ایله تحت الحساب احصایه
 کلمک متین الامتاعدر

❖ نظم ❖

❖ بدین نوع آن غریب درد بردرد ❖ ❖ ز کردون دور باش فتنه میخورد ❖
 ❖ بدل جز عشق بازاری نبودش ❖ ❖ بجز دیوانگی کاری نبودش ❖

(نثر) بوا ثناده بعض نیک سکالان عالم داعیه ساده لوحی ایله اصلاح مزاج
 مشد الاختلا لئه ساعی اولوب (ع) مرض عشقه دوا ایلیه من افلاطون
 (نثر) ضابطه سندن بیخبر اولد قلرندن درد مندی گاه بندپند مشایخ ارشاد
 پناهه ادخال ❖ و گاه مضیق حبس شکنجه پردازان عرف ایچره کردن بسته
 سلاسل و اغلال ایتدیار لیکن (ع) هیئات تضرب فی حدید بارد

❖ بیت ❖

❖ سویاک طبییه یوق یره عرض دوا ایدر ❖
 ❖ بیمار درد عشق قبول ایلز علاج ❖

(نثر) جاء ابتلاء محرقه نك داروی دوا بخشی جناب حکیم مطلقک شفاخانه
 لطفندن غیری محله نایاب ❖ و تسکین تف و تاب بحرانی تخریک مروحه جناح
 عزرائیل علیه السلام ایله صورتیاب ایدوکی بی ارتیاب اولغین

❖ بیت ❖

❖ ای جان طبیی خسته عشقک روامیدر ❖
 ❖ درمان امیدین ایلر ایکن درد ناک اولور ❖

(نثر) اشربه نصیح و بند * و تریاق فاروق قید بند * تحلیل مواد سوداویه سنده
 سودمند اولیوب کتد یکه جنونی مز داد * و ماده اختلال دماغی تسکین
 پذیر اشتد ادا اولدی * بالاخره اوضاع نا هموارد یوانه عشقه تاب و تحمل *
 وجودناز پرورد جانانه منافی سامان حیت اولوب * اضطرار ملوق عارایله
 ناچار ترك دیار اولی کورندی * و اول خورشید پاره مهر فلک کی برج وطندن
 آواره دوشوب دفع بلای ثقلت مجنون فرهاد طینت ایچون بهانه تجارتله توجه
 راه عزیمت قیلدی * عاشق زار حاکی نهادر وی حالی روزان و شبان
 فرش قدم پیدا دایدوب * آخر کار جست و جوی آثار قافله یار ایچون
 اول آواره بیقراره دخی طی فیافی اکد ار لازم کلوب

* بیت *

* کورد مکه چاره یوق بکاسبر و قرار ایله *

* دوشدم جرس کی یوله فریاد و زار ایله *

(نثر) بر شب ترك ماواي جانان و خیر باد کرده رقیبان ایلدی * لکن محبوب نازنین
 سفر کزینک نه محامده عنا نکش پای آرام اولد یغندن خبردار اوله میوب
 پای تخت ادرنه مقیم طرق و جمع قبائلدر * هر نریه عزم ابد رسد سخن دلاراسی
 کذر که قافله عزیمتی اولمغله هنگام هر ورنده بریق مهر دیداری
 پر توفکن هر آت جان اولمق قابلدردیوب

* نظم *

* شاید ترجم ایده کوروب خا کسارنی *

* عرم کینجه بکلیه ین رهگذارنی *

(نثر) اول دیار جنت نشاء بعض خرابه زارنده نیجه زمان پنهان اولوب بخت سیاه
 چپ اندازی آنده دخی مساعد و صول مرام اولایحق (ع) سن حرام ایتدک
 بکاد پناه عثمان ایلرک (نثر) دیه رلک و طالع شوم و نا هموارینه شوم ایدرک
 خطه پاک ادرنه بی کشفدن منطف الساحه قیلوب

❖ نظم ❖

❖ دفت و سخن زیاد میکرد ❖ ❖ وز دایر خویش یاد میکرد ❖
 ❖ نالان ز غمش براه میسوخت ❖ ❖ وز ناله او گیاه میسوخت ❖
 ❖ میکرد خروش بخود دانه ❖ ❖ میریخت سرشک دانه دانه ❖
 ❖ زینسان بدرونه شغبناک ❖ ❖ برخاسته و فتاده چون خاک ❖
 (نثر) دهیده شهر بشهر سرشک دیده ایله طرف رهگذارنی جیحون زار
 حسرت ایدرک و طنکاه قدیمی اولان دیار اناطولی به دوشوب سیاح بسیار آشنای
 نظر بردخی سیر جمال جانان ایله قریرالین و آنکمال خاکپایی ایله کامین اولق
 نیجه میسر د ردیو الوداع احتمالات ملاقات جسمانی ❖ و مر حبابی
 لقای روحانی قیلوب

❖ بیت ❖

❖ جان و دل را در ره جانانه خود باختیم ❖
 ❖ هر چه غیر او بود کردیم دیگر الوداع ❖
 (نثر) مضمونی اوزره عالم عالمیاندن یزار ❖ و دهانه مهر سکوت اوروب
 برکوشده ساکت وصامت عازم قرار اولوب آینه دلده مشاهده دیدار یله
 قناعت اختیار ایدی

❖ بیت ❖

❖ گرفتار محبت را نشانهاست ❖ ❖ کلب خاموش و حرفش بر زبانهاست ❖
 (نثر) حریفک اختیار صمت بردوام ایندیکی تلاشی جنونداشیدر دیوا قربای
 عقارب سیما سی تأثیر جذبات رحمانیه احتمالی جاننده عطف زمام
 ملا حظه ایتمد یلر لکن

❖ بیت ❖

❖ کرد کار مقدس الاثار ❖ ❖ هست خود پالوپاک خواهد کار ❖
 (نثر) آرایش بشریتدن صابون و اشنان وجد و حال ایله تنظیف استار سر
 و تطهیر دامن ظاهر قیلوب سرماییه قیل و قالی دخی مقدمات اتلاف ایتدیکی مال
 و مناله ضمیمه اتمکله لوٹ کثرتدن طیب و طاهر قیلوب ❖ و بو قدر ماه
 و سال سبیکه و جودی آتش سوزان محبتده قال اولدیغندن قالی حاله

و نقصانی کماله مبدل اولوب ❖ جسر متضعع الاساس میلان صوریدن
قنطره مجازه مرور ❖ آندن جنت الانوار حقیقه عبور ایتمکله بر مقامه
وار مشیدیکه بیان ذوقی دانش اهل حاله مخصوص و منحصر در

❖ بیت ❖

❖ نیازه مانع اولور صمه بیر بانی عشق ❖

❖ لسان حال کبی چونکه ترجمان بولنور ❖

(نثر) راوی صحیح الخبر تحقیق نتیجه احوال ایدر که نیجه زمان بو وجه
اوزره دبسته و کوفته لب خوش نشین کنج حول ایکن بر کون
بالداهه حقه سر بهر دهندن سر پوش سکوتی برداشته دست تقریر ایدوب
مجامع ناس اولان مواضع مز دجکا هده رفع عقیده تشویق ایله سر آغاز
هنکامه کبری قیلوب ایها الناس شهر مزه شهر یار و دیار مزه خنکار کلیور
اقامت مراسم تعظیم واجلال ایچون دامن درمیان اقدام اوله لم دیوب
مهمان مشکوک القدومه غائبانه تحریر استقبال و ترتیب مهمات میربانی به
اشغال کوستردی بیقیدان سبکسردن بعض هوا پرستن باد پیا حریفک
بو قدر ماه و سالد نبرو صوم وصال صمه مداوم ایکن حالا بو عقیده پاره کلام ایله
افطار صیام سکوت ایتدیکی حکمتدن خالی دکدر آ یا بو طرفه دعوائک معناسی
نه یوز دن نتیجه نما اوله دیوب اوضاع شتر کر به سن تماشا کنان پاینه دوشوب
فنا ی قصبه دن برایکی فرسخ گذار ایتد کلرنده

❖ بیت ❖

❖ ان سوخته خراب سینه ❖ ❖ اورنک نشین بی خزینه ❖

(نثر) ترتیب صفوف مستقباله ❖ و تماشا کنان هرزه کردک کیمین و کیمین یساره
تعین ایدوب قاعده ملوک اوزره صف آرای اجلال اولدقده کور لر که
(ع) اذا طلعت فلا شمس ولا قمر (نثر) مقالنه ماصدق بر ماه عالم آرای
ستاره وار ❖ بر نیجه توابع و خد متکاری احاطه قیلوب طور مسافران راه پیاده
کیمی پیاده و کیمی سوار رفتار صبا کر دار ایله نور پاش روز کار اولوب
کلور لر قریب اولدقچه ظاهر اولور که میانلرنده آفتاب فلک کبی آفاق
دهری پر ضیا قیلان دلبر تابنده اختر مکر خواجه و امق نهاده ک سر مایه

عقلنی تاراج ایدن یارپری رخسار ایمش (ع) قوت جاذبه عاشق ایدر کاری همان
(نثر) قلاب جاذبه عشق ایله راه سه ماهه دن شد حال ایدوب هرگز وطن
دلرباد ن قرارگاه عاشق اولان دیاره سفر تبحار مسبوق الوقوع دکل ایکن
حیات بخش عاشق خسته حال اولق ایچون اودیاره سایه انداز اجلال اولمش
وتلا فی تقصیرات سالفه ایچون راهه دوشوب کلش

✽ نظم ✽

✽ چه خوش باشد که بعد از روز کاری ✽

✽ بامیدش رسد امید واری ✽

(نثر) باریک الله نه وقت سعید وزمان عز جاوید اولور که سالها محنت کش
فراق اولان مهجور و مشتاقه حصول سعادت لقا ایله نشئه حیات
جدید پیدا اوله ✽ روزی چند سفره نازونیا در میان ✽ ورطل کران
مهر و وفار ایکن اولوب ✽ بو قدر زماندنبروطی ظلمات سلیمات ایله سرکردان اولان
سکندر جان عاشق رهنمایی خضر توفیق ایله عین الحیات جمالی ایاغنه
کتوروب زلال مشاهده دیدار ایله ریان و بو آثار تجب فرمایی مشاهده ایدن لر ظهور
سر خدایه حیران اولوب هوا جس هوای بشریتدن بری ایدوکی معلوم اولمغله
بو حالت عبرتمونی کرامته حل ایدوب الان بعض مضطربان کشمکش خوف
ورجا باد صبا ی نفسندن التماس نفحه دعا نیردل پاک فیض بخشندن
استفاضه انوار هدا ایتکله مرجع کائنات و معد حصول مرادات اولدیغن
حکایه ایدر (ع) خدا قادر درایلرسنک خارا دن کهر پیدا

بر عاشق زار و مستمند سینه فکر محبوبنک سفر استانبوله تو جهندن خبردار
اولد یغنده بهانه تشیع ایله تادر شهر استانبوله کلوب تماشای عجایب شهر ایتدین
عودت ایتدو کیدر

الان کلکشت پهن دشت حیات ایله نازنده میدان مباحات اولان یاران صحیح
الکلمات روایتی ایله بخت صحت وقوعی مقید سجل اثبات اولمشدر که
بلادرومک برنده قاضی زاده لکله شهرت یافته یرمخدوم صاحب جمالک حسن
باکالنه بعض آشفته دلان آوارکان عاشق زار مفتون و بیقرار اولوب مناسبت
طلب علم ومذاکره ایله اکثر ازمنه ده مطالعه طاعتندن بهره مند اولمشلر ایدی
اما اشقیای مریخ جنبش زحل گردشدن بردیو سیرت نکتماب بد طینت
خرمکس شهد جمال اولوب سائر پروانکان شمع محبت ذباب اسا کنار طاس
حلواى سکرین آشناییده پرواز ایدوب شمه بوی التفات ایله خرسندایکن بو حریر
خیث الحاقه دائمی نین تعجیر ایله یارو یارانی بیخضورا زارونیش جفای
قهر امیر ایله محبوب احبابی جانلرندن بیر ارایتمشیدی

❧ شعر ❧

❧ اذا كان الثقیل جلیس دار ❧

❧ فواللساکنین سوی الرخیل ❧

(نثر) اول ژاړخای بی ادبک ثقلت راحت کدازی صحن سرای عالمی تنکنای
حجیمه دوندیروب عاقب هجوم شوم رازلانه سندن رهر واضطرار و ترک دیارده
ناچار اولدبار و ارزوی طریق دانشمند ایله که طایفه علومه نتیجه کاردر بسج راه
استانبول و تهیه اسباب ورود و نزوله مباشر اولوب بر فصل زمهر یرده که
تأثیر هوای شتادن کلخن دوزخده آتش سوزان متجمد اولوب زبانه لر
شوشه یخ کبی افسرده و سنک خارادن زمان تلا حق زند و زنده دن
شراره یرینه یخپاره جهنم اولغله حجر قد احه سنک بده ایدی

❧ بیت ❧

❧ دزدی نکرده و کسی رانکشته ی ❧

❧ ای قلیبان چرا بزمستان سفر کنی ❧

(نثر) نصیحتی ایله عمله روز کار چب انداز رخصت ویر مملکه محضا
دفع ثقلت شخص کرانجان قباحات نافهم ایچون دستعجلا عزم راه ایتدیلر
ومن بور منفور الطباعی آگاه سمت مقصد گاه ایتیوب درون شب تیره دن

قافله آه مظلومان ستدیده کی او جکیر استان سعاد تنه او لوب کتدی لر
تقا طیر برف و باران کدر و یرد کچه ❀ حمد الله اول همرنگ شام شتا اولان
عبوس الوجه کریه القساک یخپاره مقالات بارده نادر برابردن مبرد دکلردیو
کستاخ روسیاهک پیکر ثقلت بارندن شکر ایدرک بر هر حله کذار ایدوب
(ع) نه عدودن حذر نه بیم رقیب (نثر) ازاده از غم اغیار همرکاب
یار اولدقلرندن منتدار مساعده روزگار اولوب کیدر کن کوردیلر که
سر راهده بر شمع ناهموار سد کذر که روان اولوب طورر آیانه مقوله پیکر عجیب
وصورت مهیب اوله دیو دوردن توجیه نکاه تقیید قیلدی لر قریب اولدچقه ظاهر
اولدیکه فرسخ کر یزان اولد قلمی بد شکل و بد قیافت رقیب بد طینت اخبار
شیا طبن ایله آگاه راز مسافرت اولوب سمت آخر دن تقدیم ایدوب
بر جای مضیقده یوللرین آلمش اما بر هیئتده که حسن لباس پوشید نیدن
ظاهر و باطن سترعیب وجود و دفع ضرر سرمای قهر آلودایده جک بر شیء
ناچیزی نمایان اولیوب کندویه و سوار اولدیغی بار کیر نحیف خریکریه
لازم اولان جل و افسار و پای بند و شکل و غیری جمله بارخانه عدمده مهیا اولمغله
اسافل نکبات هوا پرستان هرزه کاره مخصوص بر میشین طولامه دن غیری
برودوشنده لباس پلاس اطلاقه سزاند و عباناییدا اولدی اگر چه
اول امر دن نظربد بین یاران حریفه دوش اولدقده خوف التزام هر افقی
تهییج لجه حفقان ایتشدی لکن بو وجهله عور و برهنه و بی مهمات
سفر اولدیغن کوردکلرنده بو طور بیسانان ایله بو موسمه امتداد حرکت
امر محال ایدوکی مقرر در نهایت الامر ضمن تشنعهده براز هرزه خواری
تشنع ایله تصدیع یاران ایده اول تقدیرجه یا لکن بر شخصک بو قدر
کروه انبوهه جوری کار کرو نتیجه بخش اثر اولمز دیوب بر برینه تسلیه
فرماومع الکر اهه مقدمه پرداز هر حبا اولدی لر و برایکی خطوه تشنع
رهروان ووداع قافله جانان ایتد کدنصکره عودت وایان مقرر بلدیلر
حریف خرطریف بی محابا همعنان یار اولوب اندام ثقلت باری ایله تعذیب
رفقا ایدرک تا منزل واریجه یلجه رفتار ایلدی سحر کهانینه طور پیشین اوزره

عریان و نالان شبهنکام منزل ثانی به القاء راحله بی زاد و نان ایدوب یوم ثالثه
 ینه بو طرز بخرد ان ایله هم رکاب جانان اولیحق تحریک سمت سفر له دلداری
 بنجد تجیز رقیب دن تخلیص و بویانه ایله کندیمزه تخصیص ایتدک اعتقادنده اولان
 ساده دللرک سمند فکر تلمری سنکلاخ حیدر تده نعل ریزندیر اولوب سبحان الله دامن
 حضوری بو خار بلادن خلاصه چاره یوق انیحق مقدمات بود یوبد نهاد مکر
 و فساد ایله شهریمزی باشمزه زندان ایش ایدی حال ادر دندن طاعنه دوشوب
 یویان بیابان اولدق ینه غول چنکستان کبی یانمزدن جدا اولدیغی نه بلاد
 صخره عمای وجودینه تیغ سه اوصوب سمدن نازل اولان طوفان قضا اثر ایتدیجک
 بوماهینده اولان وجود خیسده تیراه ضعیفا بنجد کارکر اولق متصور در دیوب
 و تبرع خونا به قتلیدن غیری تدبیردن مایوس اولوب نیرنجات او مناع مضحک سن
 رقیه زهر خند تعجب ایله ابطاله مشغول اولدیلمر (القصه) اول پیاپی معرکه
 جای عشق و محبت و رستم هفتخوان درد و فلاکت نه کمان سخت فلکدن
 نزول ایدن تیر بلای سهادن متأثر و نه تیر سحاب روی زشت رقیب دن پریشان
 اولان تکرک طعن و برق و باران شتم و لغن ایله مقدار زره متکدر اولوب لنکان
 لنکان پای دندارده افت و خیز درد مندانه ایله تادر وازه حصن حصین
 ستان بوله وار نیمه پویان و دوان اولدی تمامی شهر کامنده مدت سفر لری
 نهایت بولوب

بیت

کل حد یقده دنیا رخ جمال جهان

که یعنی شهر ستان بول شامخ البیان

(نثر) مقابله نظر انده بدیدار و برج و باروی قسطنطنیه که دار الحجاب طرفه آنارد
 کنکره دروازه ده قله فلک کبی اشکار اولیحق ادرنه قیوسی دینه کله معروف
 اولان باب معلا طاقه متصل خارج دروازه ده واقع خندق حصار اوزره
 بنا اولشان جسر معهود اوزرنده شخصی مذکور عنانکش سمند رفتار اولوب
 مهیای یاهو و صورتی الوداع اولدی یاران سبب توقف بی مناسب بتدن
 برسان اولدق لرنده شمدن کرو سز صاغ بز سلامت صله طرف لرنده بر خدمت
 واریسه موقوف اشارت در دیوب

بیت

غریبکدرانی خوش طوت افندی اشته بن کتدم

کوکل دیرلر سر کو یکده بردیوانه مز قالدی

(نثر) وصیتنامه سن دست فراقله کف سمع جانانه تسلیم و درون پای تخت
حسرة لامصاره توجیه کوشه چشم التفات ایتوب کذر که جانان اولان نشیب
وفراز کوه وهامونی چاروب مژگان ایله رفت وروب ایدرک و موطی اقدام سمند
صباخرام دایردن التقاط کحل الجواهر واستشمام نفحات الانس آشتایی ایله
جان زار فرقت کشند تسلی بخش اوله رق جانب وطنکاهه عطف رمام عودت قیلدی
شرزمه رفق دادن خصه دار نصاب انصاف اولان کرم پیشکان صاف
بی اختیار زخم درونه حقه تر جدن مر همسای اولوب روامیدر که بومقوله
موسم هجوم عسکر سر ماده دغدغه غوغای وفور برف و باران ایله سخن جهان
معرکه جای بلا ایکن تحمل مشاق و آلام و راه یکماهه دن شد رحل اقدام
ایدوب کله سن و عرب و عجمده اشتهار عجائب مصنوعات ایله یکنه دهر اولان
شهر عذیم المثل کلمشکن سیر و تماشای نفایس آثاری ایله ضیافت باصره ایتدین
محروم آرجوع ایدوب کیده سن محض جنون بی مزه دنشایی پریشانی تلاشی به
وجود ویرمیوب البته بر ایکی هفته آرام بعده جانب صله به اماله جلم اجام
ایتمک کر کسن دیوب حواله شفعا اقدام و ابرام ایتدیلر قطعا بر مفید اولمیوب
مراد خاطر زارم مخدوم محبوب القلوبی تشیع ایله مقام خدمتده بولمق ایدی
المنه لله تعالی اول خدمتی ادایه روزگار مساعد اولوب آرام جان با خجائیم اولان
جناب جانانی سلامت سر منزله ایصال و میدان وصالی یار و اغیاره
طاپشیروب دل زار نامرادی سرکردان بیابان ملال ایتمک میسر اولدی

شعر

هنيئاً لارباب النعيم نعيمهم

وللعاشق المسكين ما يتجرع

(نثر) دیوب تازیانه رجعتی حواله سمند عزیمت قیلوب کریان کریان طی منازل
ایدرک وطن قدیمه کلدی حقا که مجنون روشن بیابان ابتلا دن طور
عقله ناچسبان نیچه وضع غریب خنده ریز تعجب انکیز صدوری جایگیر

سا معده یاران اولمشدر اما صاحب نصاب عقل واذعان ایکن راه یکماهه دن
بتخصیص ایام شتا وهنکام استیلای عسکر سرما ده بر آیلق یولدن
تشییع جانان ایدوب * مقدم سیر و تماشای استانبول ایتش دکل ایکن محضا
مقصود جانی اولان مصلیحت تشییع دلبردن غیری غرض آخر اولمق ایچون
دروازه شهر عدیم الماله کلوب درون عجائب مشخوئه توجیه نظر التفات
ایتمدین رجوعی امر نامسموع * و بومقوله سهل ممتنع مسبوق
النظیر ایدوکی عدیم الشیو عدر

* قطعه *

* مجنون عشقک عقله اولمز علاقه سی *

* یوق آنلرک مداخله سی اختیار ده *

* هامون نور داو لوب کیمی کیمی کوهکن *

* هریری بر اثر قودی بوروزکار ده *

* دیوانه صمه رند جهاندر اوینوا *

* نامینی اکدیره فاک بیدار ده *

سراسیمه سران ابتلادن بری معشوقنی اغیار ایله سیر و صحبتده کوروب
استیلای حرارت عشق ایله برجسر معلادن کندوی جانب آبه بی محابا
پرتاب ایتدیکیدر

پرکار کلک راست کرد ارجامع الآثار دائره قضیه سابقه ده پیرا منکر دمر کز نامیسی
اولان دلبر تابنده عذارک ایام بهار جوانیسنده عندایبان نوا ساز عشاقدن بری
خبردار اولور که بر مسیره جنت آساده نیچه زاغ و کلاغه اسراف نعمت دیدار
ایدوب اغیار ایله سیر و صحبتده وسکان رفبایه بذل نزل و صلتده در * هماندم
دوش تحملدن بار کران صبر و سامانی انداخته ییقراری قیلوب جلوه گاه

دلداره شتاب ایلدی * دخول نشستگاه ناصرخسرو اولمغه نزهت کدمیه مشرف
برجسرمعلاده زیب وزینت کارزار جنتی بالای صراطدن تماشایدوب مترددان
اعراف خوف ورجا کی زیروبلا خرام متلاشیانه قرار و یروب بالای طاق کهکشان
آسادن نشیمگاه مسیره ده قامت موزون خرام جانانک سروچمن کی قیام قیامت *
ورفتار ششون ریزه و شر باسنی ایده بلا دین ایله سرو و تماشایه مشغول ایکن *
اتفاقا اشیان بیکانه خودن بری اول محل محل الراحة دن گذار ایدوب آواره پریج
وتابک آثار حیرت واضطرابک کوریجک پرسش دائرة ملال واستکشاف مواد
احتلاک زبانه کتوردی * دردمند بیصبر و سکون عمود آهی سینده دن سقف
سنرای سرنکون ایدوب

* قطعه *

* بن المده محاسن اغیارده جانان ایسه *

* دل گرفتار بلا زندانه دوشدی جان ایسه *

* هیچ قطار شوق بجز شاهراه سینده دن *

* طور هنر ایشلر کاربان محنت و احزان ایسه *

(نثر) المدد المدد نیچه دلخسته رنج حسد اولمکه جویبار اشک حیون

مثالی خاک پاینده روان ایدرک قد کشیده اوج حسن و جمال اولان سرو سرافراز *

حالا سایه فکر سراغیار * و بن مستند زار زمین قهر و جفا ده پامال عجز و انکسار *

و برک خزان کی خوار و خاکسارم * بوییداد فلکدن داد و فریاد *

* بیت *

* بر سروی بسلم نیجه ییل باغبان اولوب *

* سرکشک ایتدی اولدخی دامکشان اولوب *

(نثر) وزنی اوزره زبانه پاش جواب * و حریفدن امیدوارر شحه لطف خطاب

اولدقده اول معنوه غفات پیشه خیره سر * بی فکر عاقبت حال * زعم فاسدی

اوزره لطیفه باردما له تحریک لب مقال ایدوب بیچاره سکا دکه علاج و تدبیر ایل

شفای صدروت علیه خاطر میسر دکدر * همان وقتیه کندنی بوجویبار

قهرینه القایله که بوندن اوزکه دردینه دوا * و تب تاب فرسای بجرانه و حرارت

جای لازمه عشق جانانه بوندن غیری برء الساعة شفاء مامتصور دکدر دیوب

هنوز اول بیابان کرد که صخره پاره کلام خامی رخنه غار دهانندن غلطان حسیض
افصاح اولدن عاشق بیتاب فی الحال کندوی جسر معلا دن پر تاب ایدوب

✽ بیت ✽

✽ رفت از عالم ریاضی برد داغ مهر او ✽

✽ حمد لله کز جهان مقصود حاصل کردورفت ✽

(نثر) قعر کردیده سنک لخت و جودی غرق اب اولق حالتی عیان اولیجق
مسیره ده کلکشت چتراره مشغول اولان آزاده روان تفرجکاهک (اعجمی طریقه)
صداسندن لجئه درونلری تلاطمپذیرا کدار ✽ وغدیر حنینلری موجخیز اشمیراز
اولوب محل حادثه یه تشریک پای شتاب ایتدیلر دلبرمه پیکردخی مسارعت ایدوب
اعمال چنکال تقید ایله اول غوطه خوار اضطرابی قعر آبدن اخراج واول واجب
الصلب سیاستگاه محنت عکس قضیه اوزره بای کج خرام نابرجاروندن بر درخته
آویخته قیلدیار مناهذوم داخل کالبد بدناماسندن بر از قطرات مطلق الحیات ریزان
و چکان اولغله شعله رمق باقی ینه شمع نیم مرده وجودندن فروزان اولغله
یوز طوتوب برایکی ساعت بیتاب و طاقت سر نهاده ز توی ناتوانی اولدقدن مسکره
حجره جسمنده نورزندکی باهر اللمعان و آهسته آهسته اقتدار حس و حرکت نمایان
اولوب یار مسیحادم حضر قدم دخی بی اختیار روی حالنه اهرار کف ترجم
وایه نثار کلاب تکلم ایتد کده بورشحات التفاتله اول سرگردان رنده
بوار سبات غشی و دم بستکیدن بیدار اولوب یار پری سیمایی سر بالیننده
مروحه جنبان نوازش کور مکه فی الحال جنبش و اهترازه کلوب حرارت
حسرتی قرین تسکین و سوزلوعه فرقتدن براز امین اولدی دلبر ناز
پرور که حریف جگر درک بومر تبه سرباز لغز و استیلای آتش عشق ایله شراره
وجودین مهلکه کردابه القا ایله اختیار مرک و فتاده بیبا کلغن مشاهده
قیادی شایان خنجر غزه ناز اولان عاشق زار دلفکار کشته تیغ تغافل اولسن
روا کور میوب

✽ بیت ✽

✽ انرا که بزوا الفقار باید کشتن ✽

✽ انصاف نه باشد که بساطور کشی ✽

(نثر) بعد الیوم زنجیر جود مسلسلہ بدل کردن حالی آغوش التفاتہ داخل اولق
مناسب درد یوب ❖ حریف کند مہربانی ایلہ بند ❖ ورسن لطف مستدامی جانہ
پیوند ایدوب بعد ازین شیرازہ اختلاط گوشہ زلالت تفرقہ انفصامتہ اختلاف
اولماق اوزرہ تأکید عقد میثاق ❖ و تجدید عہد انفاق ایتدیلو بوسیلہ نفرت الفتہ
و محنت محبتہ منقلب اولوب پیرامن کازار جمالی استیعاب خس و خوار التبحا ایلہ
تغیر پذیر اولجہ اول بلبل شیدای بینوا نہال تقریبہ اشیا نسا ز وصال اولوب فصل
الربيع شباب وجوانی لری بو حال اوزرہ گذران ایلدی


❖ بیت ❖

❖ محبتدن غرض ضمیمہ کہ قیس و واما ق اولمقدر ❖

❖ ہنر بر حالت ایلہ وصل یارہ لایق اولمقدر ❖



صوفیان ریاکاران دن بری مذمت یاران عشق عادت ایدینوب قضا ایلہ کنندی دخی
مبتلا و فضاحت غلام پرستی ایلہ رسوای عالم اولوب ایام جداییدہ استرداد
ہدیہ ایلہ روسیاهی افتضاح اولدیغندر



ظاهر پرستان صورت آرا ❖ و باد بدستان ریا پیمان

❖ بیت ❖

❖ زاهد اود کلو ثقلت تاج و قبا ایلہ ❖ اوچق امیدک ایتزایدی ایلہ اولسہ ❖
(نثر) مضمونہ ماصدق معنویہ بدبخت و احق مطلق بر صوفی تراشیدہ سببیت
سکہ صورتکہ

❖ نظم ❖

❖ نہ قبولش خوش و نہ کردن رد ❖ ❖ همچو اعراب ہمزہ بر ابجد ❖

(نثر) درون سیاه پریشان اطواری مجموعه فلسفه خرافات و سیای رسوای
 بانهجاری انموزج نقوش اوهام و خیالات کردن ظاهر الاعوجاجی بالان
 بار کران فظانطت * چهره بی بره سی شام شتا کی مسوده اندوه و قساوت *
 اندام ناموزونی بعینه غول و دیو * اوصاف ناهمواری همیشه مکرو و فضول
 و ریو اولوب

* نظم *

* بتر از کوه پاره بلخی * سخنش در خوشی نه در تلخی *
 * شده سردی نصیب درازلش * نوحه بسیار خوشتر از غزلش *
 (نثر) تأثیر زهر پرورع باردن جویبار دماغی بروجهله افسرده ایدیکه رهرو
 اخلاق حمیده شهر بند وجودینه رهیاب گذار اولیوب برد العجز مثال کلخن
 دوزخه مایه انجماد و تکرک الفاظ و عبارات نادر برابری درد سر دانش
 واستعداد اولمشیدی

* بیت *

* ستم بر غول باشد غول اگر گوید کسی اورا *
 * چرا از غول گاهی سرزند افعال انسانی *
 (نثر) اول فظ غلیظ القلب رساله پریشان ارتعاج وجودندن مقدمه لطف طبیعی
 بالکلیه سلب و مسائل شتای نخوت و رعوتی جمع و درج ایدوب ترخان روح
 حیوانیسی ضبط سوق درونه شکنه جدی صرفی مأمورایت کله ندیم خوش صحبت
 تبسمی سواد نهادندن نفی بلد و مزاح براعتدالی اماته قلب ایدر ساعی بالفساد در
 دبوسر محله طبیعتندن اجلاورد ایتدیرمش ایدی مسائل فقهیددن کتاب نکاحی
 از بر قیلوب قواعد نحویه دن مررت بنسوة اربع ترکیبندن غیر یسندن بیخبر
 تنافر حروف خلقتی خاطر خراش اهل هنر برهبنقع هبنقه سیر صورت آدمیده
 خرابتر ناهمواری پیکر ایدی

❖ رباعی ❖

❖ حقا که فقیه ما فقیه خوبست ❖

❖ دو چیز علمهای بوی منسوبست ❖

❖ از فقه همین که مسح زانو فرضست ❖

❖ وزنخو همین که مبتدا منصوبست ❖

(نثر) طریقه زندان پسندشاهد پرستیده احتمال پاکبازی ملحوظ بلکه مقرر ایکن
مذهب ناممذنبده کشره برابر وصفه فنکو حاتی بالغ منتهای جوع اولوب
مساعده قوت مالیه سندن غیری سیمیای حیلہ ولاف ❖ و کیمیای دروغ
وکذاف ایله جوارى پوشیده فروج کندیده بغل جمعیت بار بلا سند سراسر ایدی
اول نادان محبت یاران دشمن عدوی جان اهل دل اولدیغی باعثدن جمع اهل
عرفان اولان محله کلام دکل واجبدرد سلامت است تکاف لازمه شعار دیانت
بیلوب شوخ مشربان معقول فهمی دائما تشنیع و تعیبی عادت ❖ بلکه زعم
فاسدی اوزره کفره نسبت ایتکی مقذاف لسان هذیان پاشنه مهم الادا
بر مصیحت فرض ایتشیدی بر کون دستار پریشانی وارونه ❖ و خرقة ملوث نشان
آلوده دامانی باز کونه بر طرفه طرز ناهموار ❖ و برخلاف رسم آدمی وضع
غریب الآثار ایله (ع) یولده زنجیرین سورر دیوانه شکن بنفش (نثر) وزنی
اوزره اطوار بخودانه ❖ و او خناع لایعقلانه ایله هوی وهای فریاد و واولایی
آسمان پیوند ایدر دارالقهوه جمع انظر فایه کلوب میان اشرف صاحب
وقارده جای قرار وار ایکن پریشانی جئون ایله اشارت اکرام آمیز یارانه اعتبار
ایتموب پایین صف النعالمده نکبات وعاعه مخصوص بر کج مزبله زار بیفرش
و بساطده خاک نشین اولدی ❖ و بی مناسبت و مساس آه و ناله یه آغاز و نفس
خرخری بالغ پاشن ریشات سامعه خراشنه اصول ثقیل اوزره دمساز ایدی
بو وضعی احباب اعجاب ایدوب اکنتاه اسباب تبجنی پیرایه زبان استفسار
اولدقده بووجه اوزره قرین وضوح اولدیکه اراذل اترک بی معنیدن برسنباز
آویختنی کلمشیدی خرنکشدرندن برسیه چرده پیرامرد سوخته خرمنشه مفتون
اولمشکه سیلی روزگار چهره بی نور و فرین سیهقام ایدوب بالکلیه اثر لطافتی

ناید و نهال وجودینک سرسبزی و طراوتی انقطاع آب و تاب جوانی ایله محروم
نشو و نما ایدی (القصه) بر وجهله دلبسته رسن بیجا بیج محبتی اولمشکه مجدد
فسانه ایل و فرهاد اولدیغی تحقق بولمش

✽ بیت ✽

✽ عشق ار چه شکنجه ما جرا یدست ✽

✽ رسوایی عشق بر بلا یدست ✽

(نثر) سرعبر فضاحتی طبائیه استعجزا ایله سرکردان میدان اشتها را ولیحق
بوکره اندام صالنه سامورنه صحت حورجه ایتک نوبتی یاران ستم سجنه دوشوب
پشمینه عرض موهوم الوجودینی دشمنه طعن و تشنیع ایله پاره پاره ایتکه
فرصت بولدیله

✽ قطعه ✽

✽ باش اول سمنه و تند اولجه کان ✽ ناوک اندازه تیر عودت ایدر ✽

✽ تیر دشنامی ایدی جک پرتاب ✽ سنیده غیریلر مذمت ایدر ✽

(نثر) مقدار سنه کاهه اول میئت منجک العوام ایله مجلس رستبازانه ملازمته

آبرو ✽ و روزان و شبان عرصه هنگامه کبریده یانرنجه تک و بوا یدوب

✽ نظم ✽

✽ بکوان دعوی عصمت کجارت ✽ که زینسان جله بربادهوارفت ✽

✽ کجارت آن نماز و زهد و پرهیز ✽ کجارت آن نیاز خلوت انکیز ✽

(نثر) صف موزون قیام جماعتی کردا کرد تماشا ئیان ملاهی به تبدیل و خلعه

ذکره بدل دائره بی قیدان هرزه کرده دخول ایدوب تسبیح یا مولای ایشمزالله

اوکاره نعره سنه تحویل ایتکه ✽ رسوای عالیان و بدنام اهل جهان اولدی

بعض نیک سکا لان خیر خواه نصیحت آمیز کلمات مشفقانه ایله تحویل راح

صلاح ابتدیکه

✽ بیت ✽

✽ عشق کافر کند مسلمانرا ✽ هم بکافر بخشید ایمانرا ✽

(نثر) مضمونیه استیلای بلای عشق کافر ما جرادن شکایت و تمکن ابتلاسی

قبول علاجدن قالدیغک حکایت ایدوب بروجمله جاده محبته دعوی ثبات

قدم ایلا ایدیکه (ع) لوبست الجبال اذا انشقت السما * (نثر) جبل المئين عشق
و محبت لری کشمکش روزگار ایله انحصام پذیر زوال و فنا اولیه * یوما من الایام
رسنبا زارین مدت قرار لری پیوسته انجام اولوب آخر دیاره نقل ادوات آرام
لازم کلیمک عزیزا غسرده دماغ آتش جگر سوز فراقیله داغ داغ اولوب

* رباعی *

* می کفتم عشق و می ندانم چیست * * می کفتم یار و می ندانم کیست *
* کریار اینست کی توان بی او بود * * و در عشق اینست چون توان اوزیت *
(نثر) ولو لحظه فراق یاره اقتدرم یو قدر بود درده بن دویه هم کند می هلاک ایدرین
دیه رگ سودای جنون عشقه عزم بیان ایدر رنکنده یا نریند دوشوب فنای شهر دن
بر فرسخ گذار و موضع تشییع و استقبال ره روان اولان محل معهوده ایصال
پای رفتار ایتد کارنده یراع و داعه فیصل و یرمک ایچون مصلحون توسط ایدوب
شمه نکر و ولان صبر و تحمل و انین و فریادی دفع ایدوب دامن تسلی یه
توسا در بومر تبده عشق و محبت مقرر اولیجق یار جانه نیاز ایدم که خاطر دن
مجبور ایتوب انتهاز فرصت ایتد کده ینه بود یاره عودت و حیا تبخش جان
ستمکشیده اولق ایچون آب زلال جمالی مجرای قدیمی اولان حوالی کشتزار
سینه بی کینه کزده نکر بر اسالیه همت قیله تمام جانب معشوقدن انجامز وعده
تا ایدمیشاق و طرف عاشقدن محبت فراقه تعلیق خاطر اشتیاق اولدقدن صکره
محل یا عوی و داع انتاده بر برینک کردن رسن پذیرین اغوش عناقه آلوب سبوی
دیده لرنده اولان قطرات اشکی زفرات سینه لرینی محو ایتدک مقامنه واروب
الحاصل شمشیر سرتیز فراق ایله دعوای تلافی فصل اولوب آنلر طرف
شهر اهه و عاشق جانب شهره عطف لجام ایدیجک عقب لرندن آواز موخش
و صدای مهیب و مد هس ایله فریاد پیدا ایدوب های های

* نظم *

* ای یار عزیز مهربانم * * آرام دل و صفای جانم *
* آسایش خاطر خزینم * * راحتده قلب نا توانم *

(نثر) لله تعالی بر ایکی آدیم جق عودت بیور که بر مصلحت مهم الحصول خاطر دن
ذهول ایتش ایدی دیوب رجوع جانه اقدام ایلدی اول یاد کارا بله نهاد جهان کرد

قلاش نژاد ایکن فضاحت خلقت حریفه دوش نفس فضاحت ایدوکن
 فهم ایتوب سبق ایدن حقوق محبتہ بناءدم آخردن ظاهر بودر که بریاد کارفاخر
 اهدا ایتک استراوله ملا حظه سیله تصورات اشعبانه و محتملات کدا جثمانیه
 وجود و یروب دست شتاب ایله تحریک دوال ایاب ایتدی رفقاء طرفین مترقب آثار
 و سررہکندا رده دیدہ کشای انتظار اولدیار هماندمکہ یکدیگرہ قریب اولوب
 آسماع کلامہ مجال اولدی عاشق ناصداق نحو تمأب جانب معشوق خانہ
 خرابہ توجیہ خطاب ایدوب فلان زماندہ پوشش جسم نازنینک اولق ایچون
 برا حرام لطیف اندامکہ ہبہ واعطا ایتشیدم حالانہ ملکہ ردا اولنق
 مر جودر کہ مسئلہ ہبہ دہومع حرقہ شرائطی مرغی اولیحق رجوع عن الہبہ
 امر شرعیدر دیواقدامہ بشلیدی حضار نجات کش غرق عرق شرم اولوب
 ہر چند کہ منع و الزام ایچون ہزار مقدمہ مسکتہ ایراد ایتدیار قطعاً مفید اولوب
 بنی طلب حق شرعیدن نیچون منع ایدر سزد یو آھنک شتوم ایلدی بالاخرہ
 خواہ و ناخواہ زور بازوی اخذ ایله احرامی تحصیل و چھرہ یارانی طبا نجہ
 کستاخ ایله نیلی رنک تحجیل ایدوب زعم فاسدی اوزرہ اصول محبت خلیپذیر
 زوال اولماشدر اعتقادی ایله خانہ خراب دوزخ مثالہ کلوب بوصورت ایله
 ینہ ادعای مہر و محبت قیلوب مباحات سرگذشتی ایله اثبات قباحت ایدوب

نظم


قباحت نہ شاشیدن و رید نیست قباحت قباحت نفہمیدن نیست
 (نثر) بومقوله نادان خرشمانک ثبت نقش فضاحتی ایله تاویت دامن صحیفہ محض
 قباحت اولوب دھن پالک مشک آلود یراحہ بی منبع چشمہ سار مدیحہ
 پردازی ایکن * بورسمہ کستاخ روسیاهنک ادناس نفر تماسی اوصافن القا ایله
 یالوعدہ مذمت قلیق مادہ فضاحتدہ اول رسوای مادر زاد ایله مشترک اولق
 لزومک مشعر ایدوکی محققدر * هست اینقدر بوجموجہ العبر بر حدیقہ ذات البرجہ
 حکمت اثر اولدیغی جہتدن لازمدر کہ یالکز شکوفہ خوشبوی ثنا کاری
 و یامیوہ آبدار مدحتکز اری یہ مقصور اولوب بر کوشہ سندنہ خار و خس
 بیقدار دخی کوشہ کیر قرار و عبرت انکیز صاحب نظران صحایف اعتبار اولہ
 بعض محامدہ خشیش وافیون ایله صورت پذیر نفع و سودا و لیان مصلحتک

حصولی افسنتین و اقیون ایله جلوه کر ظهور اولوب بائجه مکمل ترتیبک
لوازم زیب و زینت برکالندندر که بر طرفدن نیشکر و بره انبدن شجر العلقم
پیدا اولوب هر کس و نا کس دامن استعداد ایله جمع برک و باره اایله

✽ بیت ✽

✽ بویر باغ هنر در نواه اولسه جا بیا پیدا ✽

✽ فضای دل کشته خنق تلخ و کل رعنا ✽



مشایخ ستوده سیردن بری قضا ایله خارستان عشق مجازی به دوشوب
آلایش بشیرتدن پا کدامن اولمده عاقبت حسن خاتمه میسر اولدینیدر



کامل صفتان مشایخ کبار ستوده سیردن بر عارف بالله آگاه دل که ظاهر
و باطنی قضیه سابقه مذمت فصاحت تکبری تاوت رسان خامه سودایی
مزاج اولان صوفی خر پیکره مخالف اولوب من کل الوجوه اطوار پسندیده سی
موافق خاطر خواه آگاه بر واسافل ✽ ادیم سینه سی جلد کتاب فضائل
خرقه پشمینه سی محفظه اجزاء جلائل خصائل ✽ سر سعادت مدارنده کی
تاج رفو کرده سی ساطور درد ایله پایچک اولان جگر پر شکافنه دال ✽
وسیمای هزال زده سی دلیل لطف طبع و شاهد حسن حل ابدی

✽ نظم ✽

✽ درس در مکتب بقا خوانده ✽ ✽ سبق از دفتر فنا خوانده ✽

✽ رفته بیرون ز آشیانه کل ✽ ✽ کرده منزل در آستانه دل ✽

(نثر) اوائل عمر نده صرف کجینه اوقات ایله نائل حسن فاخر کمالات
اولد قد نصکره سر منزل پناه زود زوال ابله فریبدن عطف زمام فراغت

اینگله عزم راه سلوک ایدوب بالاستعداد کرمی نشین وعظ و سجاده کسرت
 ارشاد اوامشیدی * باین جمله مشرب ملامیه دن حصه دار خاصه کسر نفس
 اولوب کاهی برهمزن کار و بار عجب وغرور اولق ایچون بعضی حالات حقارت
 انکیز ارتکابندن اجتناب و کریز ایتیوب مثلا کراحت نئن ایله غسل ورفتنه
 هیچکس اختیار ایتدیکی کشتکان تیغ سیاست * و دست و پاش کشتکان شکنه
 فلاکتک تجهریز و تکفینه مباشرت و بعضی علل مستهجن الذکر ایله پیکر انسانی
 مضمحل امراض هائله اولان بوسیده تنان کندیده اندامک علاج و خدمتی
 مقوله سی احوال مستنکر الطباعه بذل نقدینه حیث لازمه شعار دیانت بیلوب
 بویوزدن حرکات لایالیه اقتضاسیه قهوه فروشان قصبه دن بر شخص فقیر
 عیال اسیرک مجرد روی کارینه رونق بخش رواج اولق ایچون احیاناً کارخانه سن
 تشریفی عادت ایتش لر ایدی * اتفاقاً اول قهوه فروش اندک هوشک دماغ
 سودازده سنه کرمی بازار حیت آرزوسیه بر ساده رخ ساقی سوداسی رهیاب
 متقاضی تقاضی اولوب نصاب حسن میانه دن وایه دار تناسب بر طفل
 روستازاده پیدا ایدوب البسه رنگ آمیز ایله فی الجمله پیرایه بخش جمال
 اولدقدن صکره طور ساقیان قهوه پیاده زیر و بالای خرام ناز آمیز نشیوه
 ریز عشوه آنکیزه آغاز ایلدی

بیت *

* خرامان کشت ساقی جام در دست *

* وی از می مست وی خوران ازو مست *

(نثر) عزیز بلند مرتبه ایسه تکیه گاه قهوه نیک پیرو پیش قدمی مقامنده اولمغله
 آناء سینده سنده محفوظ اولان ماء قراح صلاح ترشح ایدوب * بو هلال نوطلوع
 سماء حسن سیماده * آثار استعداد ترقی نمایان * انجق اوقات جوانیسی یالکز
 بومشغله بمعنی به مصروف اولجق محتمل که پامال جهلده ضلال و آلوده
 کل لای فجور و ابتذال اوله باری بعضی تنها زمانلرده که خدمت تقسیم قهوه دن
 فرجه آزادی بوله تعلم هیجا و سواد خوانیدن بهره یاب اولسنه همت لازمدر که *
 مستوجب نعم ممنوع الحساب اولور دیوب نیت نیل زحمت ایله غلامک خواجه لکی

زخمتی ارتکاب ایلدی یاران قهوه شیخ مقدس جنابك اختیار قید عظیم
ایتدیکندن بنان تعجبی مسوالت دهن استغراب ایدوب زندان دور اندیش
عواقب مناسدن بعضی اگرچه مبادی حالدن استدلال احکام نتایج وخوانیم
ایتمشلا ایدی لیکن ابله نظران ساده لوحك اکثری اقتضای حکم نظره اولایله
دامن (جل المؤمن علی الصلاح) مضمونی نقاب روی فساد ایدوب خصوصاً
عزیز صاحب تعمیرك عمرنازینی مشارفه سببین ایتدیکله

❖ بیت ❖

❖ نوبت پیری چوزند کوس درد ❖

❖ دل شود ازخوش دلی وعیش فرد ❖

(نثر) بوسن وصال و غلبه وجد حال خلانده احتمال کار آخری امر محال
عد ایتمشلا ایدی نتیجه سخن رفته رفته اوقات غلامی تعلم عاوم استیعاب
ایدوب فاشه صبا حدن خاتمه تبارك دك شیخ تقوی شمارك کنار پیشخته افاده سندن
بیچاره غلام انفکا که رخصت بواه میسوب کتدکجه اول طالب العلم فروزنده
رخسارک مطلوب سیخ سوخته جان اولسی زبانزد عالمیان اولدی

❖ بیت ❖

❖ حکایه کشت ناش اندر زمانه ❖

❖ بکوش آدمی رفت این فسانه ❖

(نثر) بوسرخفی کیدرك ككوش قهوه فروش خبره سره واصل
اولوب سر تعلق تحقق علاقه رهبرده یقین اولدقده اول معنوه اکبری
قهوه فروش آسمه سر ❖ ایالیده روانه نکهتخانه سی اولدقده غلامی دکاننده
محبوس مضیق ودر حجره غلامه تعلیق قفل شدید عسیرالفتح ایله سد مدخل
وطریق ایتك تدبیرینه مباشرت ایله زعمجه تدارك اسباب محافظه قلمشیدی
خاطر شیخه قهوه فروشك بعضی اوضاع خامی خصوصاً محافظه غلام ایله
اهتمامی کران کلوب بالضروره رنجش خاطر اظهاری ایله دکان محبوس
ترك ومقابله سنده براخر دارالقهوهیه نقل بوریای آرام ایتدی اما برکوشه سنده
اتخاذ قرارگاه ایلدیکه شکاف منظره سندن کارخانه جوانه امدشد واصحابك
نشست وبرخاستری کیندونك منظرری وممشوق ایله رقبك اوضاع ومعاملاتی

معاین و محسوس اولق ممکن اوله * روزی چند بو وجهله نازکانه سیر جمال ایدوب
 رازنهانی آشکار اولمز اعتقادیه پیغوله کزین صبر و سکون و تسایه فرمای
 درد درون اولدی * آمایم سنکساری شمائت طعنه کزاران ایله برهر تبه ده
 ستر حاله سعی ایدر دیکه بحث عشق و محبت متعلق شق شفه کلامه ادوات
 ناطقه سی مرخص اولوب * کویا که هر دندانی پارچه شمع کافوری ایدیکه انکله
 اوتوز ایکی یردن سر کیسه معتبره سن مختوم ایدوب جانی چقسه عشق جانانه دایر
 حرف محبت ناصدوری امر محال ایدی * زیر ایش ازین هنگامه کیری و حفظ
 و تذکره اختلاط امر د و ملاح و اشنائی جوانان ذی خدور صبا حدن منع
 و تحذیری دایما ملترزم زبان هلاهل فشان قیاب نهایتده مغفوری اولدیغندن
 صمصامه لسان تهدید ایله همیشه صدپاره سازی جگریاران محبت اسناده بازوی
 ملامت انگری در کار ایدی

* بیت *

* زاهد طوقه لم ستر ایدر ارباب محبت *

* عشق انلری رسوای جهان ایلمی می *

(نثر) اتفاقا صادق خبران اهل حرفدن بری احباب رصین الاعتقاد عزیزدن
 بعضه تصادف ایدوب بداء دهنکشای مذمت و حرف انداز طعن و ملامت
 اولور که معاذ الله شب دوشینه تسلیمی ممکن دکل بروضع غریب تعجب فرمایه
 کسب اطلاع ایتمکله فرقه زهادریا کاردن قطع رابطه اعتقاد ایدوب
 سر رشته حسن ظنه انفصام تام طریان ایلدی * اصل قضیه بو که بعض دواعی
 داد وستد ایله دگنده بیتوت لازم کلوب نیشبان طشره چقدم کوردم جانب
 شهر اهدن روزنه قهوه خانه یه برز دبان طیانمش بالاسنده خطیب منبرارای ردپوش
 طایسان بردوش رنگده بر مکلف آدم سر سنده چار چوبه پنجریه ملاصق
 طور رد زد شکر د اعتقادی ایله خدمتکار لیمه رفع عقیسه المدد قیلدم مکر خدمه
 کنه ماده دن خبر دار ایمش لر بنی فریادی محملدن منع ایدوب مقید اولمک
 خرسزد کلدن شیخ افندی حضر تلریدر دیدیلر تفتیش غور قضیه ده
 اهتمام ایلدی کشف رازنده برازناز ایدیلر بعد کل الکلام عزیز معهود لیالیده
 بالذات کوی خرابا تدن دست سمعه کردانی ایله دستی شراب احضار ایدوب

در جیب خرقة و شكاف روزنه دن جوانه تسليم ايدر و بر مقدار زمان مشاهده
انوار دیدار ایدوب جماع و خانقاهه کیدر مرارا بز دوچار اولد قجه آتمان
اسرار ایچون نیاز یا شلقار ایدوب آقجه جك باغشار دیدیلر صرف نگاه دقت ایتدم
صحت مقالة خدمه متحقق اولوب بعد ازان صوفیان صورت آرادن ازاله
اعتقاد ایلدم دیو تفصیل ایدوب راوی حکایه نذیل بحث تحقیق ایلر که
هر چند بوضع بوالعجب عزیزی نقل ایدن شخصك سیمای ساده لوخانه سی
مظنه دروغ اولق رنگندن عاری و بری اولمده نکذیه مجال اولیوب پاسخ غرابت
آمرینه اعتماد لازمه حال ایدی * لکن خبر واحد محمل الطرفین اولدینندن غیر
اول بابای عالمک بوسن و سال و آثار فضل و کمال و انوار وجود و حاله نسبت بومقوله
کردار بوالهوسانه ارتکابی بینونت ارض و سما قبیله ندر دیو لاجول زنان
انکار و دامن استغفر الله ایله مستور ساز چهره شرمساز ایدم اول اشناده عامه
مشایخه اولان حب صمیمی قدیمی داعیه سیله نشتمکه عزیزه وار مق
لازم کلوب کلمات حکمت آمیزندن حصه ربای عبرت اولق ایچون دخول انجمن
مصاحبتیه شرفیاب و حضور فائض النورنده چشم و گوش اولدم اگرچه اول
امر ده معتاد دیرینه اوزره ستر حاله اهتمام ایدوب اطوار حقیقی روپوش
مجاز ایتک ملا خطه سیله آه و آه بی اختیارانه سن خوف خدا و بیم روز جزایه صرف
ایلدی بعد زمان کثرت مجلس برهمزده پریشانی اولوب کج تنه ایدم همان
ایکیز قالب مناوله پیمای قهوه مصاحبت عاشقانه ایکن سر پیر مر تعش
اندامک لرزه خفقان عشقه قبحان اختیار دست قرارندن دوشوب دامن
تقریر ته جرعه سرجانی ریزان و بساط اذعانه احوال مشترک به سندن استدلال
میل هوا ایتکله هم زبان عشق و محبت و محرم راز درد و محنت بولدم اعتقاد ایله

✽ بیت ✽

✽ غافل منشین همدم ارباب صفا باش ✽

✽ می نوش و طرب جوی و هوا خوا و هوا باش ✽

(نثر) مضمونی اوزره بعض لطائف شور انگیزه انجمن بخش تقریر اولوب کاش
کردی و گذشته یواندن خلاف عادت اشعار مطایبات هزل آمیزه دهنکشی
تعبیر اولدی یعنی مقتضیات شور و هوا اول بهار شب باده اجرا اولمق کر کدر

والافصل ربيع جوانی که هنگام کدکشت کوه ودشت شادمانیدر آلام زهدوریا
وبلای مستتبع المنا ايله کذار ایده بوسن وسالده (ع) صقالم آغ یوزم قاره
سوزم عین خطا (نثر) بوریش سفید وروی سیاه ايله هرزه کرد خرابات *
ودر بدر اسواق ومحلات اولوب بالذات میکشی افتضاح انگیزه ابتلا
اقتضا ایدر

* بیت *

* ذکر شب وورد سحرنی حال بخشدنی اثر *

* خواهم بزاری دهم تسمیح دست آویز را *

(نثر) اول تقدیرجه یوم الحساب عند الرسول والاصحاب (ع) خسته فضولی
نه ویررسن جواب (نثر) دیوب ارتکاب ایتدیکی سوءصنعی اقرار وفوق الغایه
ملامت نفس شوم فضاحت شعار ایدوب

* بیت *

* فریاد که بیقرار ایتدی بنی * * رسوای هلاکوزار ایتدی بنی *

(نثر) زاروزار کریان و نالان * ودست ندانته مشغول چاک کریبان اولدی *
و کمال مرتبه بآثر پشیمانیدن انفعال کوستردی * اول مجلس ندانته فیض
انکسار ایلد بر اوز که حالت حیرتفرزا بدیدار اولدیکه هنوز منظومه کلامی
مقطع اختتامه یتوب * سبجه مرجان سرشکنه انفصام تام طرق ایتدین *
جانب نردبان قهوه دن دپدبه اقدام پیدا اولوب آنی کوردک که دلبرپری
پیکر آرامگاهنده بیقرار اضطراریدن برق شتاب اولوب میان انجمنه شهاب
ناقب کی نزول ایتدی * و بی پروا دامن پالک پیره صارلدی

* بیت *

* زحیرانی زمانی بحیرماند * دلش درون وخونش در جگرماند *

(نثر) براز زمان غایبه حیرت دهشت فزوندن بری پرینه عرض مرام * و قبح
دریچه کلامه امکان اولیوب نه تقریب ايله کلدیکی ونه مقوله مصلحت مراد
ایتدیکی بیاضه قمیوب عاقبت محبوب شیرین کلام فرخنده پیام حقه دواء المسک
اولان دهان عطر پاشندن سرپوش سکوتی برداشته دست جرأت ایدوب

میای لسان مشک ریزایله برنوشداروی خاصیتکار التفاتی دست سماعه عزیزه
صونوب اصلاح مزاج پرانزعا جندن اظهار چاره سازی عاشق نوازی قیلوب

✽ بیت ✽

✽ من و خالك درت زین پس زمانی ✽ کرم خوانی کرم رانی تودانی ✽
(نثر) قد عاسنی عقیده خالصه دن یدشکش حضور شیخ یدوب

✽ نظم ✽

✽ سر کوبیدن آیرلم فلك بریانه صالز سه ✽

✽ یوانده اوله در قصدم اگر حق جانم المزه ✽

(نثر) من بعد عصا کی خدمتده قائم ✽ و بجاده وارخا کپایکه یوز سورمکه
مداوم ملاحظه بیوریه دیوب نیاز مندی قبول بندگی خصوصنده بسط مقدمات
التفات به باشدی ✽ لکن عزیز آشفته دماغ و سوخته مغز و عبا پوش و درویش
طراز اولانه رثا ثبوت هیئت ✽ و الخاف کوکی اول مقوله مرتب و مزین خدمتکار لر
استخدامنه ناچسبان اولدیغی جهتدن عدم قبولی متضمن اعدا و اورد بسط
ایدوب بالآخره نیچه الحاح غلامدن تخایص کر بیان خلاصه مجال اولیوب انجام
مرامله مراد بخش جانان اولق ایچون خواه و ناخواه تجدید عبودیت قیادی
وجوان موزون شمائل تقبیل دست عزیز ایله بیعتنمای عبودیت اولدی ✽ و اولدخی
کف دست قبول ایله کاپین باغ جمال ✽ و نواز شکر رخسار آل دلبز صاحب جمال
اولوب پیر و جوان ✽ تماشا کنان بو العجب کویان ایکن اول قطب الواصلین
شیخ نور بخش دیدار بین حضر تبری شاب صاحب ادای استجاب ایدرک
روانه کابه احزان اولوب یعقوب کلبه نشین حزنک عینان منتفیة عن الحزن
لقای فرزند یوسف روایله قریر نوروضیای سرور اولدی (القصه) نیچه ایام
اول تارک دنیای فانی بو مراد جانه وصول ایله نائل عز جاودانی ✽ و پرتو دیدار
یار ایله جره تنک و تازی مهبط الانوار شادمانی اولدی ✽ مکر بعضی لیا ایده
جناب پیر تابنده ضمیر براندا داء تبجد ایله توجه صومعه چله خانه دهره نور دسرعت ✽
و نیشبان حرکت قیلوب (ع) سعادت آنکسی دارد که وقت صبح بیدار است
(نثر) مدلولنی اجراده سائر اوقات معتاده دن زیاده التزامه بذل همت ایتدیکندن

العیاذ بالله علاقه از دواجی حلقه لغت کی کردن حضورینه غل فلاکت *
 ودو شاخه درد و محنت اولان حلیه دشمن سرشتیکه کنیدی کی هفتاده رسیده
 بر سلیطه کیسو بریده ایدی * اگر چه عزیزا آلاش بشریتدن بری ایدو کن
 بیابون ستون قبه شرور اولان آلت فجورک هروردهور ایله بوسیده فتور
 اولدیغنه کسب شعور ایتشیدی * لکن بو آنه دک احیاء لیل ایله تابوهر تبد تقید
 ایتیوب سحر خیرلکده بویوزدن استعجال ایتز ایدی * بو کلنجه نوخیز
 وجدانکیزک قدومدنبرو عندلیب جان شیخک فغان شبانه * وناله غریبانه سی
 افزون اولوب کریمه سحری * وانین نیشی و گاه بیگاه فریادیارب یاربی * مانع خواب
 همسایکان * بلکه دغدغه انداز خاطر کرو بیان اولنه یوز طوتدی * البته اوضاع
 نویدانک سبب خفیی مقرر در دیوب بر کیمه رهنمای غول و سوسه ایله اول
 پیرو معامله جادو تعقیب شیخ ایدوب آهسته آهسته روزنه خاوتکاهه کلوب
 جن کی فرجه دخول جدار حجریه نگه انداز اولوب کورر که بیر بیچاره خوانگاه
 دلداره کلوب سبازارکا کلدن استشمام نفحات الانس دلداره مشغول اولوب *
 دومینای شکسته رنگ دیده سیله سر بالین محبوبده کلاب افشان سرشک اولوب
 ریش سفیدنی جوان خواب آلوده هروجه راحت رسان * وچهره ضعف
 آلود زعفران رنگی دلبر ایله اتحان ایچون بر برینه سوده قیلوب کویامهر و سها
 اقتران ایتشیدی * هماندم مکاره همه پاره آتشدان غضب دوزخ شراره اولوب
 هزار آفرین ای شیخ عزیز صلاح آیین زهی زهد و پرهیز خوشا کار قربت انکیز دیره رک
 کلوی هلاهاریزی نفیر نفیرین ایتد کده تریاق جواب الاحق ایله علاج زخم
 افاعی شتوم ایدوب فردا که زن زنی لقاء ظلامی شاب نورانی رداء صبح
 صبح الجمال بستر زمیندن رانده دور باش استنکاف و مرد میدان جهان
 اولان مهر منیر تائبانک خانه تحت الارضدن گرفته خاطر اولوب کار بانسرای
 طارم چارمه نقل اسباب اشراق ایاندی کوردلکه زاهد صفتان صوفیانه
 سیادن برانجه حرقه بوش مسا کداری نوا کیمک انده پرگاه ولخت بوریا کیمک
 دستنده کهنه خرقه و پاره عبا کیمی صندوق شکسته آتش کیمی پشته
 طاس و تابه طاشور کیمی سفال شکسته های های ایدوب کلورنر مکر احباء
 شیخ صنعانی نهاد اثاث بیت عزیزی کنج کار بانسرایه نقل ایدر لر امش

محصل سخن اول ایله عقبه ده روزنامه بهم برزده ریش بیاض دست
چپ انداز غداره هزار کونه تلبیسدن ازاد و تخصیص ایتدیکی ساعت
جاه تبحر و فراغی کندویه تخصیص و (ع) سرمایه سعادت روی تراندیدن
(نثر) مضمونی نقش فص مبارک اولان نکیر ترک ازادی بخش ایله سرکیسه
علاقه زنی مسکی مختوم ایدوب رباط مسافرینده بر جره ویرانی وجود وحدت
پرست کثرت دشمنه مقر ایلدی و قید علایق دار الفسادن تبری کوسروب
وطنده غربت اختیار و نفس واحد حکمنده اولان یار جانی ایله اول کوشه ده
قرار ایتدی

✽ قطعه ✽

✽ مر داودر کیم ویره بو پیره زن دهره طلاق ✽

✽ ایتدین اول آنی خالک سیه ایچره مدفون ✽

✽ رندبایه او دریسه لیلای جهانه هرگز ✽

✽ استر عاقل دیسون عالم اکا استر مجنون ✽

(نثر) قدرت بالغه صمدانی اقتضاسیله اول نقل و حرکت جناب عزیزه
نتیجه بخش یمن و برکت اولوب هر تاض ماه لاغر اندام منحنی قد فراق
بانوی مهربان مهربانیه سیه پوش محاق اولوب صومعه تحت الارضه نقل کلیم
انزوا ایدنبجه یعنی سیاح صحرانورد افاق اولان درویش هلال زده فر
یکرمی طقوز کونده تمام سیر منازل افلاک ایدوب اوتوزنجی کون پنهان حجره
کوشه کون اولنبجه الغرض جناب شیخ اختیار حجره نشینی رباط ایتدیکندن
برآی مرور ایدوب چله مردان غریبکشی تمام اولمغه اون کون قالنبجه
برچاوش سروش پیغام عجله تام ایله در حکامه نزول ایدوب عزیزک پریش
قرارگاه و تفحص صومعه و خانقاهی ایله تقید ایتدکده استفسار سبب استخبار
خلالنده ظاهر اولدیکه وزراء سعادتینده بعض بلاد سرحد معمره نیک
برنده طرح اساس زوایه فقرا ایدوب سجاده نشین ارشاد اولمق ایچون
عزیز مارالذکره تعیین راتبه و ایراد ایتشله و تحیل تشریف مصلحتنه حکم
همایونی سلطانی ایله مزبوری مباشر تعیین ایدوب خرج راه و تدبیر مهمام
حرکت ایچون اکیوز آلتون کوندر مشله فی الحال اول دنیای و مافیایه

بشت پای استنکاف ایله لکدن استغنا اولان عزیز بسطامی لقاحدوم فرخنده
 سیمایله تعظیم و اکرام بره برسمند هموار خرامه سوار و زرمعدود معهودی
 ید مؤید محبوب قر رخسار خدمتکار شکل و خداوند اطواره تسلیم ایتدیلر
 ایکسینکدخی مرآت سینهلری زنک غرضدن مجلا اولمائه عاقبه الامر
 بو وجهله روی صفائیان اولوب عنان برستان فرحان و شادان صوب
 مقصد کاهه روان اولدیلر حالا اول خطده مشغول ار صاد صاق نفسان
 و مواظب عبادت خدای روزی رسان ایدوکی روایتکرده نقله آثار
 دور زماندر

✽ قطعه ✽

✽ عاشق که سینه صاف اوله اکدار غیردن ✽


✽ غیری نه کورینور اکالا که روی یار ✽

✽ زنکار ما سواپی کیدر صکره قیل نظر ✽

✽ سیرایت نه کوستر رسکا اول لوح تابدار ✽



درون دلدن توجه بارگاه مسبب الاسباب ایتدکه بی اختیار محبوبی آورده بزم
 شراب ایدوب عاشق کداسیرت آشفته حاله میل و محبتی وفاسی کی قایل ایگر
 زئی خدمتکارانه ماتحق و نیجه ماه و سال عبد زر خریده سی کی بنده فرمان
 عاشق اولدیندر



کمند چین در چین توجه بدیع التأثير استعمالنده زور بازوی صلاحی سدید
 وراسخ اولان مؤثر نفسان مشایخ معشوق دلخواهرین کشیده آغوش
 انقیاد ایتت خاصه سن ارباب رشد و سداد استبعاد ایتزار

✽ نظم ✽

✽ بر سر میکده رندان قلندر باشند ✽

✽ که ستانندود هند افسر شاهنشاهی ✽

(نثر) تماشا بونده در که شوریده دلان سر در هوادن بعض شیدا روشن
آفته مشرب غلبه شور و مستیده طناب خم پنجم نیاز درونی ایله محبوب سرکش
نهادین کشان بر کشان سینه تسخیره چکوب مقدا مضامین پیام یاس
قطعی ایله سر رشته احتمال الفت بردوامه انفصام و یرمش ایکن بی مداخه
نیرنجات و فسون بی اختیارانه شتاب ایله حضور عاشق زاره کلوب کر بسته
چاکر و بنده فرمانبری اولق آرزو سیاه تقدیم هدیه التماس ایتدیکی قرین
مشاهده عین الیقین اولمشدر ✽ بوقانون محبت نمونک تارسطوری قرین
زنجیه مضراب خامه اولدچقه نفحات روح افزای تحقیق قطعیه ایله
نشاط بخش حواس مستعین اولق الزام کرده مطرب طبع خوشنوی
صفار هیندر

✽ نظم ✽

✽ شهنامه نویس درد و محنت ✽ ✽ راوی حکایت محبت ✽

✽ فردوسی دور بی نوایی ✽ ✽ و صاف زمان مبتلای ✽

(نثر) یعنی مداح سخن پرداز یراعه بوجمله صندلی پیرای یراعه و یاران
پیشخوان خسته خجکده عشق و جنودن بر لایالی رند همیشه مست جام
محبت کندی سرانجام خاصی اولق اوزره حکایت ایتدیکی قضیه بوالعجبی
تقریری ایله معرکه آرای هنگامه گاه روایت اولور

✽ بیت ✽

✽ عبارت سنج دستان محبت ✽

✽ چنین کرد از غم اندوزی روایت ✽

(نثر) اول ظهور فصل بهار شبایده که موسم هبوب شرطه امانی وایام
موجریزی دریای شاذمانی ایدی ✽ طروات اخضرارده چنزار ثروت
ویسار حسب الاراده ✽ و بندرگاه تملکده تحف و تفاریق ترفه و تجمل نصاب
عد و احصادن زیاده اولوب طراز خلعت مباهات اولان مناصب رفعتفرای

عثمانیہ دن نیل رتبہ تدریس ایله کامروا * وچنصفہ کامرانیدہ سقرہ کشای
عیش و صفا ایدم

* بیت *

* چنین فصل بدین خاطر نوازی *

* خطاب باشد خطابی عشق بازی *

(نثر) بو وجهله کردش پرکار روزگار * مرکز دل امنیه خواه اوزره دوار *
ورائض بخت موافق شہراہ امید و آرزوده سیار * ایدیکہ اشکال وقایع
کونید رسم خاطر خواہد نیم نقطہ مغایر * وسایہ وار ملازم رکاب ارادہ اولان
طالع نجستہ بی خلاف مشرب حرکاتہ قادر اولیوب * مقالہ امانی
متبعہ المصول خاطر النواح تخیلده هنوز نکاشتہ کاک تصور اولدین *
اوراق دوات آبادی رنگ ظہورده قلم وقوع ایله مسطر مستقیم الطرح
دلخواہ اوزره بیاض اولمش کوریلور ایدی

* نظم *

* ہمہ سرمایہ عشرت مہیا *

* زموج شادمانی دل چودریا *

* مراد و خوشدلی و کامرانی *

* نشاط عیش و آغاز جوانی *

(نثر) القصہ فیض توفیق میسر الامال ایله خوش نشین خیابان دلشادی
و بو وجہلہ بیدار خرام چنستان آزادی ایدمکہ نہ کرد نمده قید کاکل سمنبویان
نہ جان و نمده علاقہ مهر مہرویان * ونہ باشمده سودای زلف پیچ در پیچ
نہ سینہ مدہ غوغای دہر ہیچ در ہیچ * نہ سبوی دیدہ مدہ آب اشک حسرت *
نہ کانون درونمدہ لمحہ سوز فرقت و ارایدی

* نظم *

* ازین پیش از فراغ بخت ناشاد *

* دلم آسودہ بود و جانم آزاد *

* جوانی عشق بازیرا صلا داد *

* شکیم رابتاراج بلا داد *

(نثر) ناکه تی پهن دشت کامرانیده نیمه و میسره جولانی مباحات اولوب *
 دامن کوهسار سادمانیده مترصد صید امانی ایکن نخجیر دل و جان مستمند *
 بدیشه حسن و آن جوانیده بر آهونگاه شیردل و شترکیندنک کمند زلف
 هوشرباسنه بند اولوب

* بیت *

* پی صید آمدم باخاطر شاد *

* شدم آخر اسیر دام صیاد *

(نثر) نیجه صیاد بر پر چهره چشمه ساریداد آفت جان آزاده دلان آدمی
 زاد ایدیکه نه هفتخوان آشنایسند رستم صفتان شیردله طی منازل و هر محل
 قابل * ونه تاب رخسارینه سیاوشان آتشکده صبر و طاقت تحمیل
 ایدی

* نظم *

* جوانی با تفاضل دوش بردوش *

* وفاداری باستغناهم آغوش *

* رخی خالی ز خط آینه کردار *

* قدی جا کرده در جانها الف وار *

* بلا و فتنه چاوشان راهش *

* اجل فرمانبر چشم سیاهش *

(نثر) اول پر روی ملک نهاد حوری قیافه مکر فرومایگان تجماردن برینک
 صدف صلب آنت زیندن سرزده بر در یکتای کرانبها ایدیکه * صراف
 روزگار قدر و قیمته آزمایش بصیرت ناقد نظران منجمیده عیار ایچون
 برکوشه دکانی جوهر وجودینه مقرایدوب چار سوی کون و فساد پیکر
 نور افشانیله زینت و فرویرم شیدی یعنی ارباب فهم و دانش یله مناسبت
 طبیعیه سی حسبیه مجلدات صنعتن تحصیل ایچون بر پیر جسته حاله تا کرد اولوب
 (نعم الادوات انقلم والدوات) مناسندن بهره وراولان یاران سخن پروردن
 نیجه سوخته جان بی پاوسرک مجموعه کسسته شیرازه صبر و قرارین شفره
 غزه سیاه پریشان اجزا قیاب هزاران آشفته حال در بدرك دفتر وجودین

چندره محنته قومش وزور مهره مهر ايله ورق تاب و طاقترين محترق
 ايتش ایدی از جمله بوساحب وقعه يادکار نابسا مانکار اول چارسوی پرزیب
 و مجمع محایب واله فریانه آمد شد سبيله شیفته قلب صنوبریسن اول خادم
 دست پیشه ستمکاری به تسلیم ایتکله اوراق برباد دانه حواسنه رابطه بخش
 انجذاب اولوب شیرازه تعلقه هزار وجهله کر بند استحکام اولدی ❖ لکن
 اول باده پرست میکه شوریدکی اولان دوستکاتی نظره اولی ايله سر کرم
 نشوه ❖ و بعد پیمانه لبریز دیده ايله شرب المدام سیرالجماله ادمان ايله خارا آلودوله
 اولدیغندن زنجیر کسل عقل و صد پاره ساز سیننه شکیب اولوب غوغای جنونی
 سلاسل و اغلال حزن و ملاله باعث اولوردیو بقرار و رهیمای بیابان اضطرار
 اولق لازم کلور

❖ بیت ❖

❖ خصمش خدای باد که ماراز کوی دوست ❖

❖ آواره کردو گفت سفر عشق راه ماست ❖

(نثر) اطراف عالمی کشت و کذار ايله اسباب تسلی آرزوسی سرمایه کار ❖
 و کل لای راه غربت تریاق زنجکاری مارسياه زلف یارا اولوردیو کردن هوشنه
 آویخته اولان طناب پر بیج و تاب تعلق کشاکش تباعد ايله انفصام پذیر
 زوال اولق امیدیه بسیج غربت ❖ و مهمل پردازی ترک وطنه عزیمت ❖ قیلوب
 نیچه ایام بادیه بیمای آلام اولدقدنصکره پویه گاه سمند عزمی اولان
 دشت و هامونده مهر کیه جنوندن غیری دوی درد طاقت سوزی اوله جق
 عقاقیر و اعشاب راحت بخشه تعلق ناخن ظفر میسر ❖ و خار خار چنکستان
 حسرته کهنه کفش عبرت تاب آور اولدیغی باعثدن پای عزیمتی پرش کاف
 حیرت وزار و محزون و زحمدار و پر خون قرارگاه دلبر چادونگاهه عودت
 قیلدی

❖ بیت ❖

❖ جانم بلب رسید زیداد همچنان ❖ ❖ دل در قفای یار جفا کیش میرود ❖

(نثر) روزی چند عارضه سودای عشق یارا ايله ترک دیار و سرگردانی فیانی
 اضطرارده فائده مند فلاح اولیوب حتی حنین آه وزار ايله واصل وطن قدیم

و مشرف دیدار نفیس ندیم اولد قده هم صحبتان خیر اندیش و نیک سکا لان
 مروت کیش تقریب زیارت قدوم ایله پیرامن عاشقده حلقه بند اجتماع اولوب
 اژین سوا هدا تخیف تحیات مرحبا وازان طرف تقدیم پیشکش
 اهلا و سهلا قیلد قلرنده بار و پنکاهنه مصاحبت سرانجامدن
 حل حبال فحوص و سوال اثناسنده عاشق مضطرب حال چه کونکی وقایع بعاددن
 استخبار طریقده سی اوزره میان مجلسده مجمر افروز مقال اولیجق آشنایان قدیمیدن
 بری نقل حوادث ایام ایله شکر باش خطاب اولوب آواره محنت کشک محبوب
 معهوده اولان سر تعلق پوشیده سندن بخبرانه دلیبر عالم آراتک توصیف حسن
 باکمال و تعریف ترقی هلال جهاننده رعایت قاعده اطرابلکه منظومه مدیخننده
 صنعت اغراقی اجرا قلمدینندن بر مرتبه مداح مسلسل کلماتک نفس مشکبوی
 صبا تأثیری اشعال نائرة ابتلا ایتدیکه بیچاره نک خرم نگاه سرو سامانی بالکلیه
 سوزان * و خراب آباد خاطر ویرانی اسباب تحمل و تحملدن مصداق
 (کل من علیها فان) اولوب

نظم

* نه تسکینی که خود را باز جویم * * نه دل سوزیکه با وراز کویم *

* برانم زین دل دیوانه خویش * * که آتش در زخم برخانه خویش *

* دهم برباد حسرت جان و تن را * * بر سویی بسوزم خویشتن را *

(نثر) نه حال ایسه اول روز پر سوزر ستخیر آساده بهانه تهنیه القدوم ایله ترضیع
 وقته باعث اولان گروه زیارتکارانک خدمت استقبال و تشییع ایله سیر نشیب
 و فراز خطه آرام ایدوب شبانگاه فسونکده جهان جان بلا کشته زندان اولوب
 آدم صبح سعادت ماله بر آن اول ایروب مشرق خورشید جالی اولان دکان
 فتنه شال جاتانه روی مال ایتسم دیو اول سینه دیبای شب تاره تمغای زرین مهر ایله
 نشان اورانجه ویزارستان آسمانک دریچه زرا یدوده طاقن دست پاسبان
 زمان کشاده قیلانجه طاق دماغی نقش پذیر استراحت و جناح منظره چشم
 بلا بین اولان اجفانی بر بسته خواب راحت اولوب

نظم

* خیم بیادان آرامش جان * * نکرد آشنامرکان بمرکان *

(نثر) نه روزنه دیده سینه مشبك پرده غفلت آویخته اولمغه مجال ونه حجره تنك
وتار سینه منده مسافران صبر و طاقت تعلیق ساز و سلب سرو سامانه امکان اولدی

نظم

بر من غم روزگار سختست * سختست مرا که کار سختست
سختست سیاهی شب من * سختی ز شب است کو کب من
هم کو کب و هم شب سیاهست * میگویم و آسمان کواهست
زین شب بدر آر کو کبم را * پیشانی روزده شبم را

(نثر) مضمونیه شب تا سحر ناله پرداز فریاد و غریواند از فلک سخت بنیاد اولوب

بیت

آن شب بترانه جگر سوز * از جوش جنون نخت تاروز
(نثر) عاقبت اول شب یلدا ی حسرت که تار زلف دلبر کی دراز و طره جانانه
صفت سیاه ایدی (ع) شام فراق آخری صبح وصال در (نثر) وزنی اوزره
ختمه یتوب شانه روز کار کا کل مشکفام شب تاری رخ تابدار صبح صادق
جدا قیلوب طره عدم اوزره تار و مار و وامق سیه چرده لیل الیل ارزوی روی
عذرای نهاریله بقرار اولدی

نظم

چه خوش باشد هوای صبحکاهی * کزودر جنبش آید مرغ و ماهی
(نثر) علی الصباح عاشق زار حسرت آلودك برکناچیز خزانزده وجودی ر بوده
نسیم سعری اولوب دکان جانانه شتابی اختیار ایله یوز سوردی و بر کوشده
ترقب طالع مهر دیدار ایله نشست مظلومانه یه قرار و یردیکی ساعت کوردیکه
مقابله دن اول مقابله آفتاب نیروز تحمل کداز طاقت سوز عرض عذار عالم
افروز ایدوب تاب جهانی چار جهت عالمه نور افشان اما جان و جگر عاشقه آتش
سوزان اوله رق کلور

بیت

میان نازك و بر نازك و دهن نازك * مشال برک سمن یعنی جمله نازك
(نثر) باشنده کی دستار بیج دریغ مطلا کناری سر سرو اوزره ماه تابانه

دوشنده کی پر نیان و لا طر از دلکش استاری دوش حوراده استبرق جنازه اول میان
 حسرت العشاقی اغوشه الان کر بند زرنشانی پاسبان کنج نهان اولمش از درهای
 بیچانه * میان بند ندن آویخته اولان یک آویز خونریزی کنار کهکشاندن نجم
 کیسو دارفته نشانه * کیسوان عاقل بند هوشرباسی گلستان حسن ایچره بلبل
 جان زاره افعی هلاهل فشانه * مژگانلری کیش پرناوک تاتار بی امانه * ابروانی
 دشنه جانستانه * غبغب موزونی سیب جنازه * دهانی جوهر جانانه لیلری چشمه
 آب حیوانه بکرز (الحاصل) براوز که طور مجنونی و بر طرفه شوکت و شکوه دلبری
 و خوبی ایله نازان نازان خرامان اولوب جست و چالاک کوشه دکانه پرتاب ایدوب
 جای مألوفنده انواع شیوه و اله کداز ایله هر بغشین دستگاه ناز اولدی

* نظم *

* برابر چشم بر چشم ایستادند * نظر در دیده رو برو نهادند *
 * بکرمی بسکه جانش مائل افتاد * نظر شد کرم و آتش در دل افتاد *
 (نثر) عاشق آشفته دل که یار پری شمائلک بوهیات شهادتانه ایله جنبش ترجم
 فرمائی کوردی بر کره شاهباز عقل هوا پروازی ساعدت حملدن رمکرده بالکشیای
 اوج جنون اولوب کنار دوال مجال تصرف سر پنجه اقتدار دن دوشدی

* نظم *

* جهانی دیدار حسن آفریده * جوانی پرده عاشق دریده *
 * ازین سوا این زدیدن کشت بی هوش * وزان سوا وز حیرت ماند مد هوش *
 (نثر) اول دلبر خونخوار بی مروت ابتدا تیر قضا تأثیر نگاهنه بر کشاد و پردیکه
 هدف سویدای عاشقه تا سوفار بنده دل خلیده اولوب! گرفتیه زخم درون اولق
 اعتقادی ایله اول تیر زهر آلوده پیکانی

* بیت *

* اولنجه دمرنی قالسون چیه مکرزدادن *
 * تحمل ایلیه مم اولده بر جراحت اولور *
 (نثر) و فتنه عاشق سینده چاک خانه جانده اعساک ایتیمه دل زار پر شکافندن
 کذار و هزار افته حال بی جرم و گناهک جسم زارینی سوراخ سوراخ ایدر ایدی

✽ بیت ✽

✽ نگاه کرم ترا عالمی دگر باید ✽

✽ مکن که خوصله^۱ آخر الزمان تنگست ✽

(نثر) نگاه دزدیده که علامت میلان خاطر در امواج بحر بلا کی ساحل دل عاشقه
پدر پی استیلای آب ایدوب جزر و مد تلا حق اجفان ایله متاع سر و سامانی
بالکلیه ر بوده^۲ دریای حیرت اولدی

✽ بیت ✽

✽ دزدیده نگاهت زمن دلشده جان برد ✽

✽ آه این چه نگاهست کز و جان نتوان برد ✽

(نثر) (القصه) عاشق زار که نو کیسه بازار صبر و قرار ایدی اول خواجه کامکار
حسن ایله عقد بازار محبت قیلوب سائر وجوه کسب و کارندن آواره دوشوب
نه احبابی ایله طرح برم الفتنه یارانی ایله عزم سیر و صحبت به مجال قالوب

✽ بیت ✽

✽ هر دم از سوز سینه میزاید ✽ ناله میکرد و اشک میبارید ✽

(نثر) روزان و شبان مشغول به عشق جانان و بر طرف ساز فکر سودوزیان
اولوب سپیده دمکه دلبر نازنین صبح دکانچه^۳ افقندن عرض دیدار ایدردی
عاشق زار سینه فکار دیده^۴ خونبار ایله عزم دکان یار ایدردی تادر وازه^۵ شامه
کلید سین ماه آویخته اولجه مقابله^۶ محبوب شهر اشوبده طور والهانه ایله
قرار ایدردی

✽ نظم ✽

✽ بولزدی ولی براهه رخصت ✽ نه ایه کی بر نگاهه رخصت ✽

✽ واقف اوله دیو چشم غدار ✽ اولوردی چو آینه نکهدار ✽

✽ بر کمره جمال یاری سیره ✽ یوز کمره نگاه ایدردی غیره ✽

✽ افسوسکه مستند دیدار ✽ ایده نظرینی وقف اغیار ✽

✽ بر کره جک ال ویرردی فرصت ✽ انده دخی لال ایدردی حیرت ✽

(نثر) شبهنکام خاص و عام لحافه^۷ (وجعلنا الليل لباسا) ده غنوده^۸ خواب آرام

اولق ایچون منزل و مقام لینه کیدرلر ایدی اول مجنون ککرده عقل مصیبت
خانه کلخن مثانه جامه دران وسینه کویان و کریمه کنان روان اولوب

❖ نظم ❖

❖ کھی باشد که این شب روز گردد ❖ ❖ دل پر سوز من بی سوز گردد ❖
❖ ازین ظلمات غم یابم رهایی ❖ ❖ بچشم خویش بینم روشنایی ❖
(نثر) ترغی ایله جان بلا کشته تسلی و یروب درودیوار بیت الحزن جانه بلکه
بلند طاق اسمانه مداد اشک ایله

❖ نظم ❖

❖ فریاد زدست فلک افریادا ❖ ❖ کارم بیکی طرفه غزال افتادا ❖
❖ تا چند قدح شکسته دادا دادا ❖ ❖ درنه می و عشق هر چه بادا بادا ❖
(نثر) نقشی مشق ایدوب رمق حیاتله صبحه چقد قدده کافی الاول فیض
آفتاب جال ایله زندگی یاب واز سحر تابشب دکان یارده قرار ایله مشغول
مشق اضطراب اولور ایدی و اما یار نازک مزاجه شیوع داستان مهر و محبت ❖
کدر رسان ثقلت اولق خوفندن

❖ بیت ❖

❖ در تماشای تویی تا بم که چشمم کنده باد ❖

❖ تا ازین کستاخ دید نهانیار ایم ترا ❖

(نثر) بو وجهله ستر حاله اهتمام ایدوب عزیمت خاطری بو هیچ اوزره قرار داده
ایدیکه سر پنجه قابض الارواح ایله کیسه وجودی چاکلک اولنسه بو کوهر
سر نهانی دست دلال اشتهاره دوشمیه یعنی جمعیتگاه اشنا و بیکانه ده بو کوچه
راز پنهانی غلطان زمین اشتهار اولیه ولی نه چاره

❖ مشوی ❖

❖ آثار محبت اولیمز کم ❖ ❖ هیچ لجه اولور می بی تلاطم ❖
❖ پنهانی راز مشکل اولدی ❖ ❖ هر موی تنیده بر دل اولدی ❖
❖ اولدجه تستره مقید ❖ ❖ داخی بتر اولدیلر زبانزد ❖
❖ اولنسه لسان قال الزام ❖ ❖ اولمزدی زبان حال الزام ❖
❖ کون کی طوتوب جهانی آخر ❖ ❖ آثار محبت اولدی ظاهر ❖

* بوقصه اولوب قسانه خلق * * برصورت ایدی ترانه خلق *
 * کلسه ایکی کیمسه برارایه * * بوایدی اراده کی حکایه *
 * بوندن بولوب صلا کلامه * * بونکله ایردی سوز تمامه *

(نثر) ستم ظریفان عالم * یادکار هرزه کارک اوضاع کونا کونک کوروب
 کیمی علایم سودا و جنون کیمی آثار سحر و فسوندر دیوب زعمالنجده هر کس
 برر طریقه تهیه اسباب ازله آلامنده اعمال شرائط اهتمام ایدر لر ایدی
 بخیر که (ع) دردست درد عشق که درمان پذیر نیست (نثر) الحاصل
 اوچ شهر کامل بو حال اوزره اوقات عزیزی گذران ایدوب همیان رازنهای
 پوشیده سرپوش اخفا ایکن برکون بوقضیه اتفاقیه باعث عمر شیوع
 اسرار اولدیکه قلاشان ستیره ریز پر خاش انکیزدن بر جسور و جری
 قالیونجی لوندینک سابقه آشنایی حسبله دارالعدل استانبولده عاشق زار *
 زندان قهر کار فرمایان دولتدن تخلص و جودینه باعث اولغله اولدخی
 صله لردن ملاقات ایتدکده مقابله تشکر نعمت حایه ده طرح ضیافت و عاشق
 زاری شردمه احبابی ايله بر کیمجه دعوت قیلوب بی عیب خداشوریده دلان
 سرد رهوادن برقاق آفته رند باده بیمايله ترتیب بزم انس ایتدکلرنده ساقیان
 مه سماخورشید فلک کبی جام زر پر صهبایی خسته مخیره سماءراحه اولان پنج انامل
 یاران ملک شمائله صونوب منطقه البروج دائرة مجلس اوزره تداور ایدن
 مهر تابدار قدح شعله جهانگیر فرح ايله عالم جان مجلسیانه بریق افکن نور
 و ضیا و مزارع حواس رندانه فیض بخش نشوونما اولوب دماغ همصحبان
 بی غم نشوه عیش رومه طعنه زن جام جم و شیر کیری صهبایله هربری بر شیر
 اجم ایکن عاشقزار پرالم غلبه حیرت حسرت ايله پریشان و دژم و بر کوشه ده
 ملول و درهم مشغول بجمع زهرابه ستم اولوب

* بیت *

* دختر رز که صفا بخش دل عالمدر *

* بونه سردر که بکا کلسه اولور مایه غم *

(نثر) مدلولی اوزره علت پریشانی مزاج و تمارض موجب الانزعاج ايله نوبت
 هجوم ساقیده عرض چین چین امتناع ایدوب گاهی پیوند کسل انبساط

یاران اولماق ایچون مع الکراهة صورت قبول کوستردیکد نیم پیاله سنی حوصله
تحملی قبول ایتدیوب برایکی قطره سن هزار زورایله سوراخ کلویه ادخال ایتدیکی
تقدیرجه قطرات باقی چاک کریباندن اوراق کل کی سینه زخم آلودینه
ریزان ایدوب

✽ بیت ✽

✽ همه شادند و جانم در عذابست ✽

✽ که می بیروی دلبر زهر نابست ✽

(نثر) نقلی ایله دفع مرارت حلقوم ایدردی و تلخکامی میدان اشمیز از صورتنده
کریه نهانیدن مستور پرده کتم ایدوب دستمالچه تجلد ایله ازاله رشاشه
سرشک ایدرایدی

✽ بیت ✽

✽ دلبر سزاوولان بزم میک عاشق زاره ✽

✽ ته جرعه سیلخت جکروقطره سی قاندر ✽

(نثر) القصه ضیافتدن مقصود اولان میر مجلسک بووضع حزن انگیزی
تکدیر مشارب مجموع همصحبان اولوب بزم باده کسارانی تلخ ایتک مقامنه
واریجق صاحب دعوت اولان رزیل طور عالی همت اوضاع کدر فزای
عاشقدن آثار رنجش طبیعت نمایان اولوب

✽ بیت ✽

✽ بست همسایه من بار اقامت آخر ✽

✽ چند طاقت بندشستن که دلم تاب نداشت ✽

(نثر) ضیافتدن مراد اکرام یاران و تلطیف قلوب مجلسیان ایکن نشوهداری
سروردن مقدم المزده چارغم بکاو صاحب خانه یه جفا بلکه دلخستگی یاران
صفادر دیوب کنار نشینان سفره الفتدن استکشاف سبب ایتدیکه میان
یارانده اسرار مضمردن خبردار بولنما مغله هربری صمت وسکوت اوزره
عاشق دلخسته دمبسته یه مراجعت لازم کلوب میزبان مهماننواز
مابه المقصود ضیافت اولان مجلس آرازانوزده نیاز اولوب مقدا جناب
کریماریکه بن ناتوان مضطرب حاله خطر هلاکدن رهان بخش

نجات اولوب علم الله سبب بقاء حیاتمدر حالا مکافات ذمت عاجزانه ده
 واجب الادا اولمغه نیازمند لطیفمکه بورازنهانی بو مخلص بی ریادن اخفای ایتیموب
 علی کل حال بو بایده محرم اسرار و مافی الضمیر حضرتدن فقیر کمتری خبردار
 بیورسز باشد که تدبیر علاجی وابسته عهده اخلاص العباد اوله دیو اولقدر
 حواله شفعا الحاح ایتدیکه تعاقب هجوم آواران اقدامه تاب کتور میوب
 سوخته جان آتش عشق اولدیفن زبانه کتوردی اما غمیر محنتپذیری جله
 محایب شهردن کیمه عائد و راجع ایدوکن کشف و پیانه امکان اولدی
 بو مرتبده سر رشته مدعایه ناخن شعور خایده ایدیچک بو کره خدمه ثقلت
 پیشه اقدام و ابرام فتح باب مرآمده زور بازوی تقیدلرین درکار ایدوب البته
 بوسوز و کدازه بادی اولان آتشپارمک نام و نشانندن بو خا کساره خبر و یرمک
 کر کسر که اوج سماده مصاحب ماه و قعر ثرا ده ککوشه کیرچاه ایسه البته
 قلاب تدبیر ایله میانه و کمند همت ایله کشان کشان انجمن یارانه احضاری
 عهده کفالتده در دیو معرکه اقدام و استخبار لری نتیجه بخش غوغا اولق
 مرتبه لری کورندی

✽ بیت ✽

✽ بیچاره زار محنت اندیش ✽ ✽ دغسته سحر حزن و تشویش ✽
 (نثر) رشته تدبیر مدعا دن ککره کشای اخفا و حل عقده تعلل ایله همواره
 ساز تار بریشیم برهمزده مدعا اولوب شول شرطه بیان رازنهان ایدر مکه کلفه
 احضاری ایله تقید ایتیموب بنی کندی حالله و بو حزن ملا لله ترک ایده سز زیرا
 غایبه محبت مخالف رضای محبوب حرکته نامساعد در

✽ بیت ✽

✽ ز شوق مردم و شرم از ویم جدا دارد ✽

✽ ادب مضایقه در اختلاط مادارد ✽

(نثر) دیوب تدبیر احضارینی مطروح مسامحه گاه تأخیر ایتک باینده روی دلدن نیاز
 پاشقرا یادی صاحب خانه و مجلسیان موافقت کوستروب مراد بخشی عاشقی
 قانون مر و ته موافق کوردیلر اول کیجه بو حالت اوزره مرور ایدوب لکن
 بوسبیلله سر محبت عیان و زبازد عالمیان اولوب سحر که نور صبح صادق

جهت آسمان ایدوب بیاض افق غره جبین توسن چرخ ایدوکی نمایان
اولدی پیام عشق و غرام * السینه خواص و عوامده تمام اشتها پیداقیلدی
عاشق سوخته جگر حال شیوع سریدن بخبر * رسم دوشینه و طور دیرینه اوزره
ینه دکان جوانه شتابان روان اولوب هیچکس راز نهانندن خبردار دکل
اعتقادیله کافی الاول جایگاه معهودنده نشست مظلومانیه قرار و یروب

✽ نظم ✽

✽ نظر مستغرق دیدار مانده ✽

✽ وکیلان خرد بیکار مانده ✽

(نثر) وزنی اوزره حیران حیران جمال جانانه نکران و مشغول نظر بازی
پنهان اولدی لکن میان عاشق و معشوقده رفع برقع حجاب و هتک پرده تردد
ایده جک یار همرازی یوقکه جلباب سکوتی برداشته دست جرأت ایدوب
بهانه پرداز عرض مرام اوله

✽ بیت ✽

✽ نه نامه برلک ایدر بر ندیم جان بولنور ✽

✽ نه عرض حال ایده جک یاره بر زمان بولنور ✽

(نثر) اتفاقا دوستان حقیقتاً بدن بری خبردار ماجرا اولانه و قالیونجی لوندی
مجلسنده فاش اولان حکایه ابتلا سمعنه و وصول بولمغه بداء محل مز بوردن
مرور ایدوب نامرادی مقابله شهر آشوبده اول طور بیهوشانه ایله دمبسته وله
نومیدی کور یجک جانان ایله بهانه مصاحبت و آشنایی اولق ملاحظه سیله
طنز کنان عاشق بیتابه خطاب ایتدیکه بوساده رخ مجلد معجبینه بعض
اوراق و صحایف مکتوبه نك وصلت و ایصالنی سپارش ایتشیدیم
شاید وفق ملحوظ اوزره ربط اجزاده قاعده مناسبته غفلت ایلیه زجت
اولمزه بر مقدار یاننده اختیار قرار ایدوب وجه لایق اوزره طریق وصل اوراقک
یوان کوسترمک رجا و لنور دیور همای سبیل آشنایی اولدی عاشق کامیاب بو اشرت
رخصت آنکیز ایله فی الحال کار دستگاه جوانه پرتاب ایدوب صورت اول وصلتک
اتمامنده در کار و معنی کندی مدعاسنی عرض و اظهاره فرصتیاب اقتدار اولدی
کر اوئل صحایف پر لطائفک بری برینه ایصالی دولت و صاله فال و سعادت اتصاله

دال ایش اما غلبه شوق مقارنت ایله برایکی ساعت دمیسته حیرت اولوب
ندیم عقلی ترك نشینکه دماغ ایتکله تدارك ترتیب مقدمات نیازه تاشیم حرص
مصاحبتدن چاره یاب افصاح اوله میوب بالاخره نیچه یوزدن بحث دورادوره
انسجامبخش تقریر اوله رق صدر کلامی سمت همراه سوق ایدوب

✽ قطعه ✽

✽ مطاعت را که قیمت هست بسیار ✽

✽ زمن پرمایه تر نبود خریدار ✽

✽ فروغ شمع روی شعله زن را ✽

✽ منور ساز کن بیتا لزن را ✽

(نثر) یواندن بر کوشه ده تکلیف جلسه يك لحظه نهانی و عیانی مناوله دوسه
رطل دوستکانی به جسارت قیلدی (ع) هر حیوان سر یکه سرکش نیست
(نثر) هماندم اول شیرین کلام سکردهنی بی حساب اسعاف دلخواه رضا
کوستروب خانه عاشقی مقدم همایونیه رشکین سازریاز ارم قیاق اوزره بند عهد
وميثاقی سخت پیوند ایلدی واهسته آهسته سن جانب عشرت آباده روان
اول که بندخی تعقیبکده رو براه استجمال و برطرف از قید اشمال اولوق
مقرر در دیدی

✽ بیت ✽

✽ خوش آن تواضع گرمی میان ناز و محبت ✽

✽ که دود آتش رشک از دل نیاز برآرد ✽

(نثر) عاشق بو آثار موافقت بخت ایله پادشاه وقت اولوب فی الحال برق
خاطف کبی جهان میدان شوق اولدقدن صکره بر خطوه ده کند وی صحن
عشر تکده ده تهیئه اسباب عیسه مقید بوادی فقیرانه بذل ماملک ایله چارسوی
وسعتده ظفر یاب اولدیغی مرتبده نقل و کباب و شراب ناب اعداد ایدوب
در حال برملوکی مجلس انس ترتیب ایادی که تماشا سیله ضیافت باصره ایدنلر
کنار سبابه حیرتی نقل دهان تعجب قیادیلر ایام فرقته پر خون اولان ایکی شیشه
دیده سنه نمونه اولوق ایچون ایکی صراخی بلالورینی صهبای لعل فام ایله پر قیلوب
سر سفره صفایه نهاده و کندی انتظار قدوم یارا یله

✽ بیت ✽

✽ جانہ کجی ستمک ای کل خندانم کل ✽

✽ یاقدی هجرک بنی ای شمع شبستانم کل ✽

(نثر) دیهرک صراخی مثال پای ترقب اوزره ایستاده ولوازم شوق و طرب کاینچی
آماده ایکن (ع) برایکی غنچه سزقو پمزیندن ورد خندانم (نثر) یارفرشته
خصال سر افرازان حسن و جمالدن برایکی تازه نهال همسن و سالنی سایه وار
یانسه آلوب نور محض ایکن بوصورت ایله ظهور و اول ماه تابان برایکی انجم
رخشان ایله اظهار اسرار نور علی نور ایلدی حقا که اول غیرت غلمان و حور کابه
احزان عاشقی رشکین ساز بیت معمور ایتدیله و بیم ثقات اغیار کران سایه دن
آسوده مناوله جام باده دست اوردیلر (القصه) کیدرک و جام نشاط انکیر ایله
لبالب نوش ایدرک (ع) حیارا اندک اندک پرده برخواست (نثر) اقتضای
نشوات نشاط و انبساط ایله که (لذت العیش اطیب النشوات) بحث ناز و نیاز
کرما کرم اولیجق ✽ عاشقزار غم اندوز زند زبان پرسوز ایله نیستان تکلفه شعله
پاش جرات اولدی وساحه رجایی حس و خارت ردودن میرا قیلدی و دیدیکه

✽ بیت ✽

✽ ای کلبن نور سسیده من ✽ ✽ پرورده بآب دیده من ✽

(نثر) نه واری شاه کر مکار و اله نواز ✽ بونا توان برک ساز بازار نیازی گنجینه بیقیاس
حسنکدن خصه دار نصاب وصال ایتکله خواجه کامکار بندرگاه مراد ایلک
یعنی امید خاطر امنیه خوه اوزره ترک اعتبار ناموس و عار ایدوب ازاله قید و بند
نصح و پند ناسودمند والدین و خویشاوند باینده مردانه حرکت ایله بر ایوآد
ایلک ✽ و چون و چرای اقارب عقارب سیمایی شنوده پنبه تصامم ایله سد سامعه
قیلوب ✽ یک جهان رضای والد معتوه مکروه اللقا ✽ و مقتضای مادر مادوی
هرزه درای ملامت زای پر جور و ازابر لحظه کام دل عاشق اوزره حرکتیه
فدادر دیسک ده هرچه باد آباد (ع) سر کوبیدن آبرلم فلک برینا صالمزسه ✽
(نثر) مضمونه قرار و یروب سر و سرکش نهادکی هوای مهر و وفاده منعقاد
ایتسک ایلدی بنم شاه عالیشانم و ماه آفتاب نشانم ملک درونه خان خانانم ✽
باشدن ایاغده تابانم ✽ دپه دن طرنغه دک سلطانم ✽ فرضا دست همتی تیغ

جورنگله بيك پاره ايلسك مراد آور كائنات اولان خدای فردواحد ليك برآدی
حق بيك پرده دامان احساننه پنجه زن اقدام اولق لامحاله امر محق قدر
زیراويله زندگانی نسبت اجل نا کھانی رطل کران دوست کنیدن الذوبيك ييل
کوشه کير مطموره زمین عدم اولق سنسر کذران ایدن لحظه حیات مستعاردن
اعزدر لطف ايله احسان ايله درد طاقت کدازيمه ترتيب درمان ايله

✽ نظم ✽

✽ به يچاك آهنگد بر موی تست ✽ ✽ بحق نگاهم که بر روی تست ✽
✽ باهيکه خلت جگر آورد ✽ ✽ بد اغيکه اشك نظر آورد ✽

(نثر) بن نامرادی کریان کریان اغلتمه جسم پر زخم و شکاف سوراخ سوراخی
نی کی نالان ایدوب اگلمه غرضك طبله داغ سینده بی هدف تیر جفا قیلغله ولای
سویدایی زار زار ناقوس رار بر صدای واویلا ایسه احسنت و هزار آفرین
قولکه قوت استاد که رحمت بوندن زیاده زخم جگر دوز اولور بتدکل
و شمد نصکره جفای فراقه تحمل امر مشکدر بنم سلطانم و آسایش جان
پر خلیانم تکلف بر طرف مراد خاطر ناشادم بودر که جمله جهانندن بلکه
پدر و مادر نامهر بانکدن ✽ شیرازه علاقه بی کسسته قیاب مدت عمر غریزیمز
بر پرده برادرانه گذار ایچون وجوه کسب و کار مده رعایت شرط مشاطره اوزره
صورتا سن بکا خدمتکار منابن سلطنته بنده و جنابکه خدمتکار اوله دیوب
بر وجهله کوره نفس آتش انگیزی ايله تهییج نأره نیاز ایتدیکه کمترین تأثیرینه
صخره صماتاب آور اوله میوب در حال وجود عاشق ناتوان کی نابود زوبان
اولور ایدی امانه پاره بود کلوکلمات آتشین دل سنکین فولاد تمکین پاره مقدار
ذره اثر قلیوب اول درد مند پیچاره کردن بیج نیاز اولدچه دلبر مه پاره کردن
فراز ناز اولوب (ع) ای سوخته این دیک تمنا خامست (نثر) مقامنده اغماض
اعراضی لازمه شیوه تغافل قیادی هر چند عاشقزار ناهوشمند اعمال قاعده
(الاقدام یحصل المرام) ده اختیار ثقلت بر ثقلت ايله تکریر مقدمات الحاح و ابرام
و چنین جین عتاب و نفریندن غیری نقش تسلیه بخش ایادی ✽ روی دلبر بسیم
اولیوب (ع) هیئات تضرب فی حدید بارد ✽ مضمونیه سداب رجاقیلدی و بن
بو وجهله شهر یارد یار حسن و جمال اولوب قاطبه ازاد کان عالم بنده فرمان

بطاقتم وروی دلدن هوا خواه خدمتم اولوب خصوصاً پدر و مادر برر اژدر
ایکن نوجمله رسم عبید و خدام اوزره اقدام خدمتکده قیام تکلیفی *
نه بیزه وضع نا تمام و سودای خام اولور بو کار نا عجز اربا حصولی موقوف ملاقات
عرض و سما و معلق زنان امتزاج آتش و مادر زنهار و هزار زنهار بواندیشه ناصوابی
هرگز اخطار تفکر گاه ایله که ظهور آثار فراق سرمدی به باعث و بادی اولور
دیو پیام یأس قطعی ایله بحث نیازه فیصله الزام اولوب حسب المرام مواصلت
احتمالی داخل دائره محالات عقیده ایدوکی تحقق تام پیداقلدی * تماشا بونده که
عاشق دیوانه مشرب یاد کار مشوش دماغ دست شوی حیات اولغله * آیین جفا
کاری به تحمل ایده میوب و لوح خطه صحبت یار پری پیکردن انفکاکه متحمل
دکل ایدی و لوح ضمیرنده بوامل بعید المرمی (کالنه نقش علی الهواء) هر سوم ایدیکه
یارسم خدمتکاری اوزره محبوبی بر آورده قید و بند تسخیر ایدوب فلکدن
کام الورین و یا قافله سالار مجانین دهر اولوب سر سودا زده می کوی چوکان
فنا ایدرین مقامنده (ع) یامن زجان برایم یا کام من بر آید (نثر) مضمون صعوبت
آثارینی اظهاره اصرار ایتشیدی اول بزم فاخر آخر اولوب چاشنیکیز زمانه سفره
صفایی برداشته قیاب کهن طشت (وای نعیم لایکدره الدهر) دست امید
و آرزو شسته آب یأس قنوط اولدقدن صکره بر نیجه کون حلوائی تخیل ذوق
مصاحبته حلو المذاق اولوب کرچه لیالیده جرعه چش هجران ایدی اما
ایامده ساغر نگاه دورا دور ایله دفع چهار ناصبوری قیلوب گاه و بیکاه نشو و دار
سلافة مشاهده جمال ایدی بوروز فیروز مقارنه دن برایکی هفته مرور ایدوب
رسم قدیم اوزره هر کون روی مال دکان ایدوب معامله نظر بازی ایله
خرسند ایکن * بر کون جوان فتنه انگیز کینه رسان زمان معتادده تشریف
کوشه دکانده صورتمای تحلف اولوب * برایکی ساعت قدر زمان عاشق
بیتاب و توان رهگذار جا نانه نگاه انتظاری دیده بان

✽ شعر ✽

✽ مابال میة لاتأقی لمعادتها ✽	✽ هل هاجها طرب او صد هاشغل ✽
✽ روحی فدأولک قداحالته بی حرقا ✽	✽ تکاد من حرها الاحشاء تنفصل ✽

(نثر) مضمونی اوزره آتش اضطراب و صد گونه بیچتاب ایله کباب اولوب طرف
طرف ارسال جواسیس قیید ایدوب چارسوی شهری پویه پیک جبریل
جناح تفحص قیلدی برطرف دن نشان جانان عیان اولوب

✽ بیت ✽

✽ کتدی کویننه جان جان لیک خبر بلورمدی ✽

✽ اولده مثال مرغ دل قالدی اثر بلورمدی ✽

(نثر) اول نیم کشته اشتیاق آرزوی انتظار یله طاق اولوب جناب جانانک
همای همایون بال وجودی سایه انداز مفارق اغیار اولق تو همی ایله عاشق
طائر ادراکی آشیانه دماغدن پران بیابان پریشانی اولوب بودرد تابفرسا ایله
اهلاک وجود ناز پروردینه عزیمت ایلدی بو طریقله که حوصله طاقی نا تحمل
اولدیغی مرتبه ده عرق محرق العروق استعمالیله دم بسته مرگ ضروری اولوب
درکات بنس المصیره خرامان اوله همانم بونیتی امضاملا حفظه سیله سمیت
خرابا تدن گذار ایدوب باده فروشاندن برینه اول مایه فسادک احضارینه اشعار
وتنبیه ایدرک محنتکده سینه روان اولدی بواندیشه ناصواب ایله که اغیاردن
سبب دخیول ایدوب و موارد تدبیر مذکور ایله نهانی اتمام کار حیاته مباشر اوله ✽
لکن اول دیار کباده فروشانی هر کسه اندازه ارادت قدر عرق ویرمکده بهانه
پرد از تعلل اولورلر ایدی ✽ اول باعثدنکه بو وجهله بر آدم هلاک اولسه
فروشنده شراب ✽ جنایت فرمایان حکومتدن مظهر عتاب بلکه آزردنه شکنجه
عذاب اولورلر ایدی میخانه جی فقیر بووهم و بیم ایله امثال امر عاشقده
اندیشه ناک تردد اولوب مصطبه میکرده همقدحان عاشقدن برایکی ظریفه
مصادف اولدی و حالاً یاران کزدن فلانکسکه مبتلای فلاندر مجنونانه شتاب ایله
سرکوی مغاندن گذار ایدوب خلاف عاده عرق احضارین اعلان قیلدی
مبادا غلبه جنون عشقه مرتکب اهلاک وجود اولوب بعده سبوی ندامت
و کدوی ملامت بزم سربى دولتمزده شکست اوله دیو افهام مراد ایتدکده
یاران ساحر آشام پیام باده فروشدن تأثیر پذیر تحیر اولوب حقا و کون لقاء دلبردن
محروم اولمغه نهایتده بی سروسامان فلاکتدر بو حالده استعمال عرق ایدرایسه
محمکده هلاک مفضی اوله روا بودر که یانه واروب طریق غمکساریدن

چاره پرداز تسلیت اوله وز دیوب برایکی سبوی پرمی ایله یداء حضور عاشق
مهجوره کادیلرو باطله مطایبات فرحفرای طرح زدا ایله طبع شورانگیرینه
تسایه بخش صبر و سکون اولدیلرو بر مقتضای نشیده غرای

﴿قطعه﴾

﴿کنجی و رفیق و کتابی دوسه یکدل﴾ باشد که بجز بیشتر از چار نباشد
﴿رودی و سرودی و شرابی و کبابی﴾ شرطست که ساقی بجز از یار نه باشد
(نثر) آهسته آهسته جام و کباب مناوله و مداومه عیش و طربه مشغول اولدیلر
مکر معنای مصراع رابع قطعه نك ظهور مفهومی بووقته هر هون ایش
همانکه بونلر اداره کاسه ر حیق کسل زدایه مشغول اولدیلر
هجوم هجوم دوری و استیلای بلای ناصبوری درد مندی سراسیمه و بیدماغ
ایدوب یار ایله ملاقات بابی منسد اولدیغی کبی بواشخصا صك قدومی سببیه
عزیمت ایتدیکی اهلاک نفس مصلحتی دخی فوت اولوب نه کونه دامن تدبیره
تشبث ایده چکی تدار کدن قالبوب بالاخره جناب جهان آفرین پروردگار
عرض نیاز درویندن غیری چاره بوله میوب

﴿بیت﴾

﴿بزخدادن غیری هیچ عرض حاجات ایترز﴾

﴿قاضی الحاجاتدن غیره مناجات ایترز﴾
(نثر) دیوب مراد آور حقیقی جل شانہ درگاهنه عرض فریاد جانکدازه
باشادی ﴿اول حالده جانب مددرس ملهم الغیب﴾ و طرف چاره ساز
بیشبهه وریدن ﴿دل اکاه عاشق روسیاه آلوده بصد نگاهه بوسانجه غیبیه
عکس انداز خطور اولدیکه﴾ صدق نیت ایله بوامنیه حصولی چون کمند
سخت آویز تمنای درونی بی آویخته کنکره عرش برین ایدوب نیروی بازوی
توجه ایله کشان کشان دلبز نامهربانی میان مجلسه احضار ایده بشرط آنکه
ژنك فکر ناصواب و کرد اندیشه مستوجب العقابی مصقله توبه نصوح ایله
ازاله ایدوب سجاده (من عشق و عفو) اوزره مداوم عبادات اخلاص اوله
هماندم بو عزم همایون آثاره خرام ایدوب

✽ بیت ✽

✽ مادام اوله بازوی نمینده بوقوت ✽

✽ چکیم المی دامن معشوق املدن ✽

(نثر) دیوب انده جام کل کون ✽ دیده لری سیاه فشان خون ✽ بر طرفه طرز عبرت آمیز ایله توجه بارگاه باری قیلوب بروجهله اعمال جان خراش ایتدیکه اول جذبه پر زوره دل و جان آدمی دکل بدککه دیو و پری و غول سیرتان پیری و بری نامتحمل ایدی

✽ بیت ✽

✽ عاشق که زور همتی ایده در میان ✽

✽ ایتمز تحمل ا که درون کروی بیان ✽

(نثر) مغایه آمد شد متر دان مجلس رشته توجهنه رخنه پریشانی ایراث ایتامک ایچون دروازه دیده لری پرده مشبک مژگان ایله بند ایلدی یعنی سیر نقوش عالمدن کوز یوموب درون دلدن بر طرفه توجه مشایخانه صرف ایتدی و مرآت تخیله سنده خیال متوقع الوقوع تمنی بو نقش دخواه اوزره صورت بغلدی که کویا سر بنجه چیره دست ایله قلب سخت جانانی محکم فشرده قیلوب کشان کشان احضار بزم ایتکده در ربع ساعت قدر بو حالت ممتد اولوب انتظار اوزره ایکن خیره سران خدمه بری شتابان سر بزم صفایه کلوب عاشق زاره که خدوند خدمتکار ایدی بیرون خانه ده ملاقاته راغب آدم وارد محل تردد دکل وقت عجه در دیوب اشارت نمای برخیز و بیا اولدی ✽ عاشق بینوا اگرچه دلبر سرکش نه ایدی زور توجهله احضار ایتدم همان سر کویه قریب اولدی کلدی ملاحظه سنده ایدی لکن ندیم محال اندیش واهمه احتماله وجود و یرمیوب سودای خام و خیال محال اولق مضمونه قرار و یرمشیدی

✽ بیت ✽

✽ وقت آن آمد که بی تدبیر و نارنج و فسون ✽

✽ آن پری آید در آغوشم انبسی میکند ✽

(نثر) عاشق دیونه صفت راغب ملاقات اولانی آخر مصلحت ایچون کلمش

اشخاص بی‌کانه‌دن صانوب حیف‌اصفای توجیه تفرقه انداز خال اولدی
زعیمه مشه‌ز اولوب سرعت ایجاب‌تده مانع تاب و توانی ایکن * خدمت‌کار
معهود تکریر الحاح ایدوب * اثره قیاس اولور امور دن دکل لحظه توقف نتیجه
بخش تأسف اولور مضمرنه حد دن زیاده استعجال ایدیجاک عاشق پریشان حال
انکای عصای ملال ایله آهسته خرام بیرون ده‌ایز الباب اولدقده کوردیکه *
طالب تشرف اولان جناب جانان واول دیرینه مطلوب دل و جان ایش *
اهتمام زمان انتظار دن کدرناک عجز اولمغه بیرون باب خانه‌یه وضع قدم ایدوب
روی بی‌محضوریدن عزیمت‌های رجعت اولمش همدنم عاشق زار بی اختیار
قدمه قدمه نردبان دن نزول تکلف مشغله تأخیر انکیز در دیو ترک ایدوب
دیوانه وار کندویی بالای طاقدن انداخته نشیکاه ایدوب دست نیاز ایله
دامن پاک جانانه صارلدی

* بیت *

* الویرسه دلبک محکم صارل دامانه *

* چون یاور سن فرصت وصل نکارالدن کیدر *

(نثر) بومر تبده ستمکش آتش هجر اولان بی سروسامان غشقه بورسمه
دولت صعب‌المنال وقت غیر مأمولده بدیهه رونمای تیسر اولیجق نه مرتبه
فیضیاب اولوب نه کونه معامله‌یه آهنگ ایتسی جاوه کر مرآت ضمیر اهل
دانشدر نتیجه خبر * عاشق محزون و خیره سر * بوموهبه عظمایه مظهر اولدی
ودلخواهی اوزره عرض شکوه فراق * و بسط بحث اشتیاقه فرصت بولدی *
مناسب مقام اندازه اقتداری مقداری اقبشه رنگارنگ ملاقات نیاز آمیزی
پای انداز شاه عالیجاه مالک جان ایدوب * تحیه القدوم حقه دیده سندن
نیجه لعل پاره دمعه السرور ایشار و نثار ایتدی * و پرسش داعیه تشریف
بی تقریه آغاز ایدوب ایا خضر نجستنی نه معزله شرطه توفیق الهی کنج
باد آورد وجود ناز پروردکی ساحل بحیره لقایه کتوردی ونه رسمه نسیم
تأیید ربانی کابریک عنبر بوی اندام طرفه خرامکی گوشه حریم بیت الاحزان
یتوردی * و بو وجهله حیا بخش فقیر دیر مرده اولمغه باعث و بادی نه
و بوساکن طلمت سرای اندوهک طرف عزت کده سنده رهنما وهادی ندر دیوب

فحص کیفیت حاله دهنکشی سؤال اولدقده یارمک خصال بابل باغ نعیم
 کپی نغمات سرور افزایه آغاز و هزار گونه شیوه و نازایه زمزمه پرداز جواب
 ایدوب و هر اداسنده نماینده اسرار فصل الخطاب اوله رق خلال جواب
 و سؤالده فرصت دوشوب علی الغله باور متواضعانه ایله دامن عاشقی تقبیل
 و خلاف عاده مباشرت هر اسم تعظیم و تبجیل ایدوب خداوند ایکا بساعتده
 بر غریب حال عارض اولدی * خانه پدیده بعضی مصلحت مشغول ایکن شعله
 محبت مغرطاکزدن دروغه آتش دوشوب فراقله مضطرب الحال اولدیغک
 دکس انداز جان اولدی و کویا قلبی پنجه تسخیر ایله فشرده قیلوب کندی
 جانیکه کشان کشان جذب ایلدک قطعاً کندمدن خبردار اولیوب و پنجه
 کادیکم بایوب بی اختیار وجودیمی بو حال اوزره بولدم حالار جا و تمنا ایدرمکه
 بنی قولغه قبول ایده سن که مدت العمر بنده کی مکر بسته رقیق و حلقه
 بکوش عبودیت ببله سن دیوب مکررا دستبوس نیاز مندانیه بشادی * عاشق
 مستهام مبادی کلامن هزل مزاح آلوده حل ایدوب کتدیکه مضمون
 تعبیری اناه جد صرفدن ترشح ایلدیکی تحقیق پذیر اولیجق عاشق بیدل غلبه
 سرور ایله مغشی علیه ولای عقل اولوب تأثیر سردی وله و دمبستکیده
 جویبار حواس و قواسی منجمد اولغله * بر از زمان حرکتدن قالب ماند
 قالب مذبح بی روح زمینه دوشدی * کلک راست نویسه که صاحب وقعه دن
 بلا واسطه ناقل حکایه در * بوجه اوزره تصحیح نقل و اثبات روایت ایلر که
 علم الله اولدم خریده کنیدی قید عالم صورتدن بری صانوب برزخ تحیرده
 براوز که حالت الویرمش ایدیکه قطعاً رسوم عالم کون و فساد و قیود لوازم
 جان و جهمان و جسم و فوآد دن بیخبر ایدم * بعد زمان عالم صحوه رجوع
 بوندن محسوس اولدیکه مسیحا نفس روی ادراکه رشحه پاش التفات اولوب
 کف دست باورین ایله پنجه بیتابی فشرده قیابوب * بالاخانه ده یاران صفاتک
 جنبش سرور انکیزلری مشاهد * آنجق الم تر قبدن آنلری تخلص ایده لیم *
 بیورک سربزم کامر ایده نشست صفای بخش ایله یاران عیشک اکرام و توقیر لری
 قیدک کورک * بزرگزدخی استفتاح هر اسم خدمته مباشرت قیله یں *
 بعد ازین واکدن کام آلوب صفای سورک دیوب بالاخانه به تکلیف خرام ایلدی *

فی الجملة وجود نزار مده مقالات جانانی خیالات منامیه رنگنده استعداد
وحس ایدوب (ع) این که می بینم به بیداریست یارب یا بخواب (نثر) و زننده
غلبه حیرت استغراب ایله ظاهر و باطنه رعشه اضطراب استیلا ایدوب *
مضمون (سبحان القادر القیوم) ایله تعجب کان پیش جاناندن روان و دوان *
دلبردخی رفتار شیوه ریزایله پیرو عاشق ناتوان * سرسماط عشرته کلدک *
مجلسیان پیما نه کسار بدیهه قدومی امور اتفا قیددن صانوب محرد شرف بخش
بزم یاران اولق آرزو سیله کلمش قیس ایدوب تفصیل واقع حال دن آگاه
اولد قلرنده * بوناثر غریبه حیران قالب همصحبان زلیخا کی دهشت
تحمیدن کف ادرا کارین کارد سرتیز حیرت ایله بریده وریزه ریزه ایتک
مقامنه واردی

نظم

حسن یوسف اکر از غمزه چنین تیغ کشد

نوبت دست بریدن بزلیخا نرسد

(نثر) زهی قادر پر کمال که پیچاره عاشق آشفته حالی حزن و ملال دوری
خرسند مرک ضروری ایتش واستمرار موافقتی محال عدل ایا یوب بلکه احیانا
لحظه ملاقاتی غنیمت بیلوب ایامده برنگاه دور ادوره قناعت ایلش ایکن *
بی رنج سعی و تعب و بی صرف کجینه و تقود و هدایا بداء ظهور و تشریف
بزم سرور ایدوب یا لکن غرض جمال ایتسی نرد عاشقده سعادت عظمی ایکن *
بی سبق نیاز و رجای قبول اثر * اختیار دز خدمتکاری قیلدیغی عند التحقیق
محض توفیق و سابقانیت صلاح و توبه کاری ایله بسط ایتدیکی عزیمت
و ایمان اوزره ظهور ایدن نتایج عهود و موثیق ایدوکی امر مقرر * و ضمیمه
فذلک حکم و عبرت محیر البشر در

* نظم *
 * چه فرخ ساعتی باشد بتقدیر *
 * دوعاشق را کند باهم بتدبیر *
 * کهی خوش خوش بشادی جام گیرند *
 * کهی یکجا بوصول آرام کینند *
 * غنیمت داشت باید روزکاری *
 * که پیوند وفایابی زیاری *
 * قران سعد چرخ انراقرینست *
 * که یار دلربایش همنشین است *

(نهال ثالث) که رنگ و بوی وقایع شتای مختلفه الاثار ایل بهار آور و متضمن
 صنوف حکم و عبردر * حکمت خلاق جهان آفرینه و سیله اطلاع اولمق
 ملاحظه سیله پیرایه صحایف و اوراق هفت آسمان و قرط کوش هوش وقایع
 شنیدگان جهان اولمشدر * حقا که بویابده نیچه کتاب بلکه اطباق هفت
 آسمان مسوده کتاب اولسه دریادن قطره و سخن غبرادن ذره بیان و عیان
 اولنق امر محال ایدوکی بی ارتبابدر

برایتک دفتر دار و متصرف کارگاه تحصیل اموالی معزول و مضیق حبس
 و تفتیشده مؤخذایکن متولی اولان میرمیران والی بداء منصب میرمیرانیدن
 عزل اولنوب جاه استقلال مطاوم هر قومه توجیه اولندیغی خبر و رودیله
 قضیه برعکس اولوب بر لحظه ده قضا و قدر زمام اقتداری دست معزوله
 تفویض اتمکله نتیجه کار صورت آخرده جلوه کر اولدیفیدر

بوقضیه اتفاقیه * واطینه خبیه رسیده کوش یقین اوانیخی وجه اوزره
 اهداء بزمگاه خبر بر وهان برت بین اولور که فلان پاشا نامده برکار گزار
 خرد آشنا مقدمه اقطار رومک برنده نیمه ماه و ال دة زدار جامع ال اربال اووب
 بمتنه قریب بر ولایت امر امارتی دخی ضمیمه منصب اجلالی ایکن * اتفاقا
 بر مقتضای (ع) بوشل مشهور در کیم دست بر بالای دست (نثر) اول ایاتده
 میر میران دستقل حکم بی پروا و مستوفیان و عمال اوزرینه نافذ الامر صاحب
 استعلا اولان والی عملاک ارایله بیدارنده مخصوصه شدیده پدا اولمخه * مزبوری
 منصب امارت و دفتر داریدن معزول ایتدرد کد انصکره علت سابقه تناکره بناء
 مضیق عزل و تفتیش القاء آماده شکنجده جفاقی اووب دفتر دار مشار الیه اواتدر که
 دفع کید میر میرانیده چاره پرداز تدبیر اولدی نتیجه بخش تأثیر اولیوب
 بالآخره سفر انکروسه دأمر اولان عسا کر نه برت دأثره سردار لشکر کش
 اولان دستور خاقان و شه التجادن غیری چاره بوله میوب کتخدای کاردانک
 اول طرفه ارسال ایدوب * میان اهتمامنه بوجه اوزره کر بند تابه اولدی که *
 دیوان کار فرمایان دولته وصول * و صفوف حاجتمندان بی علتیه
 رخصت مشول میسر اولد قده * جل همتن اصل الاصول ابقاء کائن
 علی ماکان مصروف ایدوب * وتیره سابقه اوزره جاه رفیع المنال استیغایه
 منصب امارت قدیمه ضمیمه واحده ایله تحصیل تعبیر دلپذیر استماله
 کور بلور ایسه * احده ایله قناعت اولنه که اول ایکی منصبدن بری میسر
 دست ستارویه مسخر اولیجق * میر میران عداوت طرازه بهانه جواب و عات
 مدافعه تفتیش و حساب اولور * شویله که نه اوانه منصب استیفا حصرانه
 امکان اویله باری میر میران غرض پیشه مصلحت تفتیش و تضییقندن
 منع اولنوب محاسبه حضور سردار یده کور ملک اوزره بر حکم همایون قطعی المفاد
 ایراد ایاید و بوتقریب ایله بنیمه شکنجده سندن رهایاب ارادتی اوله (القصد)
 کتخداسوار عجه عجاه اولوب تقبیل بساط کوشه اجلال صدارت پناهی ایله
 شرفیاب ابتهاج اولد قده اول امر دم منصب دفتر داری بی ابقا و مقرر و منشور
 سعادت نشانی محفوظ محفظه جان ایتد کده خبردار اولور که منصب جلیل
 میر میرانی حصولی دخی موقوف تقید یسیر در همان اول رند کار گزار پیشخوان

اصلاً * صرف تقدیر مدعی جیله ایله یرلیخ ایالتی دخی تحصیل و بوماله
 غیر مأمورایی برآورده بنجه * بخیرایه کله عرض خداوندی تکمیل ایادی
 ازین جانب نیز رتبه بر میرانی خداوندی پیر افکارد ملا حظه سی اولیوب
 بویقه خدمت جانی اولان پاشای اسائه اردن اخذ انتقامی هرگز اخطار تنگراه
 ایش دقل ایدی * با که یا اکر منصب لواء و یا جاه استیفا ایله قناعت ایدوب
 آنردخی برموده احتمال بیدرباری تفتیش و تضییق احوالی دیوان صدر
 انظمه تدبیر اولنق حکمی کفایت ایلر ایدی * اول بهانه ایله حضرت پاشای
 ملک آریه ترتیب جواب ایدوب کندی مکرندن اولوب هله رهایاب اولور دق
 دیوشب و روزانده ناک میروا اضطراب اوایوب اوقات و ساعات ذهاب و ایاب
 کتخدایی حسابده مشغول ایدی برشب جمعه دزدان سوخی الیه احبای موثوق
 بهمدن بعضی خانه سینه دعوت و عقد صحبت مشاوره اوزره ایکن مقرر بان
 امیرالامرادن خبر کلدی که بعد صاوة انجمن پیشگاه جامعده عقد مجلس تفتیش
 قراردادده اولوب زوایای حجرات غرضدن هزار افترای جورانگیر ابرازی ایله
 حال پرده لالکی پریشان اختلال و تشویش ایتک مصمدر اقل مرتبه قید حبس
 دوشاخه تزویر * و گوشه تنگنای زندانده زنجیر کش تدبیر اولوق مقرر در دیند کده
 سبحان الله تعجب درد تحمل کدازه مبتلا اولدق کتخداننده بر خبر یوقکه
 فی الجمله چاره ساز خلاص اوله دیو مضطرب و بیقرار اولوب حضار مجلسدن
 استانه تدبیر کار ایدرکن دروازه دن دبده تراحم اقدام ظهور ایدوب آیاطرف
 امیرالامرادن اخذ و حبس ایچون ارازل عرض شکنندن بعضی او باشان
 خانه خراب ارسال اولوب عل الفغله اختطاف وجود واستیصال اموال
 و نقود ایچونمی کلورل دیوورای پرده اغغایه کریز فکرینه دوشوب برلکیده
 آسارزان خوف و بیم ایکن کتخداننده کز کلدی خبرین کتوردیلر دامن بوس
 خداوند ایله تشرفد نصکره صف خدمت کزارانده قرار ایتد کده ستر حال
 لاحظه سبیه سیاسنده پندان آثار سرور نمایان ایتد کله مراد اوزره اتمام
 مصالحه ناموافق کین حاله میان حلقه برشش احوال ایدرسم آیاب خیت آمیزین
 اظهار ایدوب جانب خصمه زیاده قرت * بو طرفه مایه فرونی محنت اولور دیو
 نتیجه کارینه فخر اوارینن ظاهر استفساره جرأت ایدمه یوب اشارت مترددانه ایله

استکشاف نتیجه حال ایلدی * کتخداکار داند عواقب شناس * بدیهه تقدیم بشارت
 امر غیر مأمول ایله القاء سرورا یدر سم جائز که اناء درونی کنجایشپذیر اولیان
 مرتبه ده دیک طبیعتی حرارت شوق مفرط ایله غایان ایدوب اطفاء آتشدان
 وجودینه سبب اولام دیوب بداء اظهار پیام حصول مر امد. توقف ایدوب *
 بحمدالله تعالی سفر من خفی جنسینه منحصر اولیوب اراده اولان امورک بعضی
 حاصل و بعضی مأمول الحصول در دیوب بین الخوف والرجا جواب محتمل الطرفین ایله
 پیام آور بین بین او لیجق دفتر دار حریق الانتظار کتخدانک مناصب
 معهوده دن برینه فائز اولیوب اشبح دعوی مطالبدنک برداشته پدشگاه سرداری
 اولسنه ایراد مثال واجب الامتسال ایتدیکین ظاهر حال دن استدلال ایتکله امانی
 زائده دن حرمانه توطین نفس ایدوب آیا اول مقوله حکم ایله دفع مکیدت
 خصمه امکان اولور می و علی الصباح سیاستگاه دیوانده خصماء کینور و غرض
 آلودگان خدعه کر ایله برابر طور لدقده پاشای رعونت پیا اوضاع حشونت
 رأی ایله هتک پرده ناموسمه اهمال انامل حرص و آزونهب مال و منالدم چنگال
 نکالی خایده دامن حال تشویش طراز ایتد کده * الزام و اسکاتی صورت
 پیدا قیله می دیو اصابع فکر و اندیشه بی بر برینه مالیده * و مفاصل انامل احتمالاتی
 تجریک و هم انکیز ایله شکسته قیاب * ریش پر ییج و تاب تشویشی بنان افتار ایله
 تحلیل ایدوب ساعد غم دائمی ستون زنج تحیر قیادی * کتخدای صاحب رأی
 خداوند محنت پیانی بو حالده کوروب شکسته رنگ تب تعجب اولمی بیرون
 از اعتدال در من بعد جبین حالنه صمدل سای بدشیر اولوب ازله خفقان
 اضطرابی لازمدر دیوب انشاد ایتدیکی منشور مشعر السعادتنی جیب اخفادن
 اجرا ایله اول کدر زده انتظار عروق و اعصاب ترددینه قوبخش تحقیق اولق
 طریقله چاره پرداز علاج * و سرمایه بخش ابتهاج اولدی * اما جلان
 اشتباه ایله حواس مدرکه حریف پرا کنده دل * زیاده پریشان بولمغله *
 کشاده ساز طومار ونکه انداز سطور مفرح الآثار اولدقده ابتداء نظرده فهم
 وادراک مال ایده میوب خصوصاً مقدماتی کتخدان استدلال بشارت
 ایتدیکی باعثدن مفهوم مر قومک کندویه نتیج اما ایدوکک ایله دیوب
 بعد زمان تکریر امر ار نظر ایتد کده کوردیکه جاه رفیع دفتر داری به منصب

جلیل میرمیرانی ضمیمه قیلتوب توجیه و عنایت اولمش * اما ینه کندویه متوجه
 اولدیغك استیلائی حیرت و اندیشه دن اذعان ایتیموب * هنبشه مقال ايله بومنه صبار
 کیمه نامزد و منشورده مسطور اولان اسمك مسماسی کیمدر دیو سواله باشادی *
 کتخدا بالبداهه دامنوس تهیت اولوب جواب مراد بخش مبارک باد ايله
 اشعار حصول مراد ایدیجك * تیسرامانی غیرمتصوره برار زمان حیران اولوب
 طائر سبك جناح عقلی اوج بریشانیده پرواز و طیران ایتد کدنصکره ینه لانه
 دماغنده قرار ایتد کده * مجلسیان اخلاص آشام و سار توابع و خدام تقبیل
 دامن اکرام ایدوب * کلبائك المنه لله ايله طاق رواق بیت القراری پرطنطنه
 سرور اولوب * فی الحال سر بدیوار غم و اندوه ایکن عمر بعنشین مسند کاه
 فروشکوه اولدی * وضبط انبار و ذخیره خانه و کیلار ایچون تعین و ارسال
 مباشران ایدوب عواید میری بی مزبورک فرستادکانی حفظ و قبض و برآورده
 زیر قفل ضبط ایتدکاری خبر بمحمد رسیده سمع معزول مخزول اولدیکه
 دردمند وارونه بخت نهانخانه عیش آبادنده ندما و مقربین ايله طرح بزم استشاره
 قیلوب صبحدم دفتر دار معهود الاطواری مجلسنه تفتیشه احضار ایتد کده
 طریقه اهانتدن مظهر فلاکت ایتك بانبده شویله ایده لیم بویله ایدلیم دیومناوله
 کاسات فکر و تخمین اوزره لرایدی * فرضاظمهوره کلان قضیه غیر مأمولهك
 بوصورته کرمسی هرگز نهانخانه خاطرینه دخول ایتیموب آسمان وزمینك
 لمحة البصرده زیروز بر اولسی ملحوظ اولق جائزایدی بومصلحتك بو طریقه
 عکس مراد اوزره جلوه ککر اولسی خاطره کلزایدی بوجوه اوزره
 بی وهم و بالک مسندارای خیلا ایکن بالبداهه کاشتکان سر کار متلههانه
 پیشگاهد کلوب بیغام رسان واقع الحال اولدقده دمبسته و مدهوش اولوب
 تجسس و تحقیق ایدیجك تحقق قضیه تمضیح و بیچاره شر مناک و مفتضح
 اولوب ایرتسی آینه عالمدهنه صورت نمایان اولور منتظر و نگران اولان یاران
 امر برعکس اولدیغك کوروب دفتر دار معزولی هزار شوکت و شان ايله ایکی
 منصب جایی بریردن متصرف اولدیغی حالده مسرور و کامران هم دفتر دار
 هم مهر میران و قصد مکر و عدوان ایدن والی مظالمه کاری سیلی عزل چهره
 خراش ايله ترش و مکدر حال و بی سر و سامان کوردیلر * حکایت ایدرلر که

میر میران معزول بحالت و شر مساریدن فردایه توقف ایده میوب کیجه غلبه
 عارندن ترك دیار و سمت آخره نقل ادوات قرار ایلدی * سبحان الله القادر القیوم
 نه لطف بدیهی الورود و نه فیض خدای عیم الجود در که خصم النین خلاصه
 چاره جوی ایکن جناب خدای عیم الجود و النعمایهم کید بد اندیشدن خلاص
 هم منصب اجلانی ا کاعنایت ایله سرافراز عوام و خواص ایده

برایالته قائم مقام حکم السیف اولان خود کام بیباک خرام تابش جگر سوزنده
 سایه سقف محکمه شرع پا که التجا ایدنلره اجرای آتش غدر ایدوب قاضی
 وقتہ رغما بر نیجه بیکناهی فرستاده سیاستگاه ایتدیکی آنده جانب کار فرمایان
 سلطنتدن مباشرت کلوب هم اول ناصر ادلرین درد اهلا کنه علاج * هم اول
 ناصر داول دمه اعانت حکم الشرعه محتاج اولدیغی غریبه در

ثقة صحیح الکلماتدن بر منحنی قد راست ضمیر * بو حکایه صحیح الفحوای
 ابلاغ سمع تعبیر ایتدیکه * مشاهیر قضاتدن بهمن مصلیسی دینکله معروف
 اولان قاضی بقسمت راضی امر بالمعروف سجداده پیرای شرع مصطفی ایکن *
 میر میران ایالت طرفندن کار فرمای ولایت اولان قائم مقام حجاج سیرت دست
 تجاوزی کربان رعایایه دراز وورای پرده تعدیدن هزار کونه جور و ستم
 ممتنع التحمل ابراز ایتشیدی اتفاقا بعض خدمات لازم الحصول اتمامی ایچون
 قاضی و قائم مقام پای تخت اولان بلده معهوده دن اطراف نواحی به عزم خرام
 ایدوب برقریه ده ایکسی دخی وضع خیام آرام ایتدیلر اما شخص مخالف الشرع
 آسیب مظالمی سرحد نهایته ایصال ایدوب بخار خار ستمدن قاضی بیچاره نك
 بطانه جامه وجودی اکنده کی عسلی صوف صدپاره کبی چاکک اولمشیدی *
 زیرستان حکومت ایسه آتش قهر عالمسوزی ایله کباب و خائمان برایا بالکلیه
 سوزان و خراب اولوب * تدبیر دفع ضررندن فلاتون مشربان حکمتشناس
 عاجز و بیتاب قالمشیدی (عبدی المرحوم)

بیت *

* ظالم لك سويندیرمن جوری آتشن *

* قاضيلك بودرد ايله بغری كباب اولور *

(نثر) بواثناده برقاج یکنهارلی زنجیر و حبسه ادخال و پیرایه سلاسل و اغلال
ایدوب جانب قاضی به التجا ایتد کلرنجه ظالم حجاج روشن آتش خشم
و غضبی ملتهب اولوب بر نیچه سیخ چوپین تهیئه قیلدیکه مراجعت
شریعتی بهانه خلاص اتخاذایدن بیجرم و کناهی اولطریقله سیاست و اهلاک
ایده (هر چند جانب قاضیدن سفیران مصلحت پرداز توسل ایدوب
طریقه حکومت شرعیه دن دفع کید و کزندنه امکان احتمالی بر طرف
اولد یغنه بناء بر از نصاب معقول فریب جرایم ناملایم تکلیف اولندی
و قبولنه رجاء قاضی انضمامی تأثیر بخش حصول اولوق احتمالیله هدیه کش
نیاز اولدیلر * قلب سیاه بی هر جتنی امالیه مجال اولمیوب اول غشوم
مذموم الحاکم عناد طبع نا برسدادی از دیادن غیری نتیجه ظهور ایتدی *
وائنای نقل مدعای رجای متواضعانه قاضی ده وسائط چرب زبان خوش مخاوره *
تایین دل سخت صخره تمکینی ایچون افندی مخلصاری بر سبکروح طارح التکلف
بر طرف ساخته قید تعظم و تعسف محکزددر * زمانه ده اوضاع روز کاری
هندسه و پرکاره تطبیق و کلفه سی تکلیف محال ایدوکن یلوب * رجای خام ايله
تصدیع و تعجیز ایتمیوب شرط جزا جمله التماس اولوق اوزره گروه محبوسینک
کره قید کیدلری منحل اولسنه توجیه ناطقه ایتشارددر * خصوصاً حصه دار
نصاب علم و عمل بر پیرماثر نفس ایدوکی قراردادده همه کس در * زمام شریعت
شریفهیه مخالفت در دست ایکن مجرد اکابر عصره تکالیف شرعییه مخالف
طباع و خواطر بلکه عدم نفوذ حکم دینی امر ظاهر ایدیکنه یقینی اولمغله اضاعه
جوهر خیر شرعی بی روا کور میوب * خرط قتاد ناملایم طور سدا اولدیغنه
عرفائی سببیه اول طائفه نك مطالبه مالیه علاقه سی یوغیکن ینه مجازاً خلاصترین
مراد ایتدیکی جانب استیلا پناهده محض نيك سکالیدن ناشی اولوب مغلوبیت
منصب غائله سیله کندوی عتاب قهاریه سزا کوزوب سزاك طرفکره
رجای بی نتیجه روا کورمدی بو بر آلائی یکنهارلر بر طریقله یعنی جرعه دکل

هدیه نامه بر مقدار شیء سیرلری المنغله رهایاب آزادی او لیحق خزانه
 تصویریکزه چندان زیان اولیوب خلاص دردمندان ایله کندولر دخی مایه کبر
 امتنان اولورلر * انجیح مرآمده تردد بیوریاورایسه * اول عاجز منطقی غضب
 لاابالی و یاران مشرب اولغله بودیر مکافاته محتاج امداد و اعانتکز اولدیغی حالده
 انتقام ایله مقید اولدیغی صورته انکسار خاطری تفریق اجزای سامانکرده
 درکار اولق لامحال رسم قدیم روزکاردر (ها) آنکه سرکار اماراتده ملا بسه
 ضبط و ربط ایله حلقه بد تفتیش اولان اصحاب سیف مظلمه اندیشک ارباب
 قلمه خاصه قضاة عیسی دمه اکثر ایامده احتیاج جاری مقرر اولوب مقتضای
 کار نبوت ایله مراجعتکز و آضح و آشکاردر دیو بعضی مقدمات وارده
 ابلاغنه مبالغه ایتدیلر (حریف عنیف اصلا توجیه سمع قبول ایتیوب بلکه
 انواع نفرین و اهانتی مشعر هذیان مخالف المروءة ایله آهنگ جواب نادر برابر د نصکره
 مقدمات اعداد ایتدیکی سیخ چوپینی بر مظلوم اندوه کینک دوش بلا کشته
 تحمیل و القا و محضا قاضی طرفته التجاری مقابله سنده رغماله بیچارگان
 ستمده بی سیاستگاه محنت زایه ارساله اجترایلدی (راوی حکایه بووجهله
 تصحیح نقل ایدر که پاسخ جناح قائم مقام ظاهر الاعوجاج عکس انداز قاضی
 منکسر مزاج باهر الانزعاج اولدقده حضار مجلسی حیرت واضطراب استیلا
 ایدوب بالجمله اول سفاک بی باک ناخدا ترسک سریعا درد طاقتکدازه مبتلا
 اولسی رجاسنه دوشدک که بالضروره علاجنده مداوای قاضی به محتاج اوله
 امر قاضی حاجات ایله اول آن حکمت مشانده یاران محکمه نشین ایله کلام مذکوره
 هنوز فصیل و ختام ویرلما مشیدیکه مقابله دن بر عرابه سوار دولتمند صاحب
 اقتدار آشکار اولوب تعییرات عنف آمیز ایله پرسش جایگاه قائم مقام میرمیران
 ایدرک جانب قرارگاهنه شتابان نزول اولوب طرف سردار عساکردن کلور
 چاوش ایدوکی هیئت خدمه توابعدن ظاهر اولدی آیانه خدمته فرستاده
 ونه مقوله اموره مأمور اولق کر کدر دیو بعضی دهلیز باب محکمه به وضع قدم
 تفحص ایتدک هنوز پائهاده خارج دروازه اولما مشیکن کوردک مقربان قائم مقام
 جور اندوزدن بری تلمب تام واضطراب مالا کلام ایله سراغاز فریاد و چاره
 جوی امداد اوله رق لله تعالی بکا قاضی شرع شریف صاحب الفضائل

اولان افندی حضرتلرینک خاکپاینه جبهه سایی نیاز اولمغه دلالت عنایت
ایلاک که دم فتوت وزمان مرؤتدر دیوب کمال استعجالدن خلط کلام ایدوب
افصاح مرام ایدهمدی پرسش سبب تهالاک واستعجال اولندقدیه الحاله هذه
مأمور امور جمهور اولان سردار لشکر کش ووزیر خاقان وشه اغامزک بعض
کسانی دادخواه اولمغه جانب عالیرندن قید و بند ایله مخیمگاه سپاه واردوی
عسا کر انجم اشتباه اولان محله احضار یچون برمتعین اغای نامدار کلوب
نیم لحظه توقف و ارامه رخصت و مساعده سی یوقدر باری میان اعدادن
قید و بند حبس ایله روانه اولسون بو مرتبه یه امکان اولورسه احسان قاضی
وقت ایله جلوه کرو نمایان اولور و الا بوقدر زماندنبرو ستمکش استیلا من اولان
کروه ناس بیننده مفتضح و رسوا و مظهر شماتت جان فرسا اولق لازم کلور
دیو نیاز پاشا قلا ایدوب خدمه محکمه دن جواب لاو نعم صادر اولمدن مباشر
قید و بند اولان چاوش ذی سطوت قائم مقام ظالم سیرتی کشان کشان حضور
قاضی یه کتوردی اولدم جور و تعدیده فرعون و هامان و حجاج بی امائی
فتراک اعتباره صالمیان سفاک بی باک جای خوف و خشیت ایله رعشه ناک
اولوب سابقا نام قاضی و سمت محکمه یاد اولند قجه تحریک سبب استهزا قیلن
کردنکش غرور و خیلا حالا رجای عنایت قاضی ایله تقبیل دامنگوشه
و بوس کنار سجاده یه سرفروده (اسجد من هدهد) مثلی مصداق
حالی اولدی بو وجهله مدد سلطانم مقدما تنی تکریرده جری اللسان
و اتد کلریمه قالمه یولندن رجا کئنان و دیده شرا ره پاش خون افشانکه
عالم حیران قالوردی (و مقتل جای سیاسته ارسال اولنان خانه خرابلر ایسه
مضض قهر ناکاه کیر ایله بیچاره لک اتمام کارینه مباشرت صد دنده پیدر پی
سفیران زنهار کری تنبیه فارغ باش ایله پیامرس الحذر اولدیلر) مظلوم لک
تخلیص کریبان جانلری ایچون نیچه اجهلر ویرلر ایکن لطف خدا ایله
مجانا خلاص بولدیلر ازیں جانب چاوش مباشرتیه ابراز حکم سلطانی
قیلوب مضموننده فرمان حبس و قید مقید و مصرح اولمغه اجرای امر پادشاهی یه
مباشرتی مقرر اولجیق قاضی فقیره غایبه عنه مطلق ایله زبون کیرلک مخالف
دستور مرؤتدر دیوب ترجا دهنکشای استعفا اولوب نه حال ایسه

مسند نشین ضبط و ربط اولمش آدمدر بو طریقله میان انامدن بی سرو سامان
 منهدم العرض کتمسون دیورجار ایلدی مفید و موقر اولیوب خواه و ناخواه
 ایکی پای معوج خرامنی بند آهینه چکوب محبوسا عربیه یه قیوب محل مأموره
 سسر عتوان و کروه بر ایا آسیب ظلمدن تخلص ایله حمله خوان امتنان
 اولدیلق قاضی و سائر متزددان محکمه سرعت قبول دعا و سر حکمت خدایه
 حیران قالوب حریفک بویله بی پروای عالم استیلا ایکن مقتضای سوء فعالی ایله
 بر لحظه ده مهان و مفتضح و رسوا و بالضروره محتاج قاضی سجاده پیرا اولسی
 تعجب فرمای عقلا اولمشدر

بو لطیفه غریبه خنده فرما ایکی مختلف مشرب دانشمند اتفاقله یارندن
 برینی ضیافته دعوت قیلوب مصارف مهمه یه کفایت هر تبه سن لئیم
 طبع اولان حریف یار سخنی مشربه اقراض وعد ایتشیکن ویره جکی بر عدد
 التونی ایکی الحقه زیاده یه تبدیل هوسیه کیدوب مسافر دعوت کرده دعوتیه
 اجابت ایدوب مایه تدارک و لوازم نابود اولغله یار تهی کف شر مساریدن
 عرضه تلف اوله جغی محمله حزانه فیض الهییدن نیچه سیم خالص ایله
 بعض اشیا دخی ظهور ایتکله پادشاه وقت اولدیغیدر

شکر پاشان بزمگاه لطائف اولان خوش طبعان سبکروح مطبوع المحاوره دن بری
 ندیم وادیده بو طرز ناخوایده ایله خوان مصاحبتی آراییده قیلوب کندی
 سرگذشتی اولاق اوزره تحقیق حکایه ایلر که ایام دانشمندیده که روز بازار افلاس
 وهنگام گرمی جمعیتگاه خسران و یأسدر

✽ بیت ✽

✽ آنکه هست نقد معارف بچنک من ✽

✽ افلاس من چو بیهران نیست ننگ من ✽

(نثر) یولندن دست مزد کتابت ایله سدرمق معیشت قیلوب (ع) ال تهی کیسه
تهی کوشد کاشانه تهی (نثر) مضمونیه نوحه کرفریادی اماروایای صندوقه
سینه مالامال کنجینه همت اولغله معنی سوداگر سویداخواجه کامران بندرگاه
مرادیدی بن بویه افلاس پناه شیداسیمای رسوادستگاه اولوب (ع) دارم دلی
اما چه دل صد درد پنهان دربغل (نثر) مصداق بجه برآخردانشمندپوشیده
حال ایله هم جیره ایدمکه صورتا اولدخی رثا ثت هیئت وفقرو فلا کتده بکا هم رنگ
اولوب معنیده وایه دارمایه نهاییه اولمده (ع) داردزری اما چه زرصد کنج
وهمیان دربغل (نثر) مفهومی کندویه حسب حال ایدوکی مقررایدی الحاصل
امر تدارک روزمره بی قانون حریفانه تطبیق ایدوب (فیوم علینا ویوم لنا)
قاعدہ سی یوما فیوما دستور العمل جان بلا آشنا قلنمش ایدی اتفاقا جوانمردان
حاکم کفدن برمخدوم سماحت پیشه ایله الفت اولنوب انکدخی طریقه
دانشمندی به التحافی علت جامعه قضیه اخلاصی کاهو بیکاه طرح مجلس اختلاطه
سائقه کورنگله مراراً فقیر غنی القلی هم جیره اولان توانکر فرومایه کدا
چشم ایله ضیافت ایدوب سکر مکررا کرامی حوصله حاله امتلا فزای بحالت
اولغله مرده ذمت هم تیره آتی دخی دعوت و بر کره دانشمندان صحبت ایله اولمخدوم
خوش خصلتی ضیافت لازمه مفهوم کارنبوبت کورندی لیکن بنم جیب اقتدارم
کیسه دلا کدن تهی اولغله مقتضای همت جسارت دعوته متقاضی اولدیغی کی
داعیه قلت اول امر مبادرت ناراضی اولوب بر شبانهگاه تیره سحاب اضطراب
مانند شام غریبان سربی سامانی استیجاب ایدوب ساعد بی درد و تالم ستون
زنج اولغله قدخکشته دست روزگارد کیده شکسته دونه شیدی اول
هم خانه اولان کوته آستین خانه خراب طاس شورابه سوال وجوابی درمیان
ایتمکه اذاقه زهراب عذابه آهنگ ایدوب تفحص اسباب اندوهناک دل بیتاب
ایدیجک مخدوم مرقوم سدرپی اکرام و ضیافتدن عرق ناک بحالت اولدق
برحالت ال ویرسه زیر بارشمرساریده قالمیوب باری بر کره بزدخی اول یارستوده
کرداری ضیافته امکان اولسه دیوبسط خطاب ایلدم حریفم اولان نابکار
خر ظریفکه

نظم

دور فقیع مختلف اوضاع * داورا کار بند بهتر کن *
 یایا موز مردی اورا * یاغرا نیر همچو او خر کن *
 (نثر) مالی تمام حسب حال ایدی بوجوهله تسلیه بخش خاطر اولدی و یاراسنک
 کیسه اقتدارک بو خدمت اتمامه نامساعد ایدوکی مقرر و نقره ايله مناسبتک بینونه
 عرض و سما قبیلندن اولغله بو مصلحت سنک یوزندن نتیجه پذیر حصول
 اولق نامتصور در جائز اولور سه بهاء ضیافت و مایه کفایت اوله حق
 مرتبه بی بن سکا اقراض ایدین نهایت سر ماهده وظیفه حجره بی ید بو ابدن
 بکا حواله ایده سن ویا لوازم یومیه بی روزی چند سن تدارک ایدوب حریفانه دن
 تقاص اولنه دیو تمام عقد بازار عهد و میثاقه قرار و یروپ برسکه حسنه
 اقراضنه تقدیم اقرار ایلدی مشرب نادانه و اشعب فطرتی معلوم اولغله
 بندخی محبت عهد و وعده نی تأکید ايله تشیید ایلدم ایمان غلاظ و شداد
 بسط ایدوب استغفر الله خلاف مقال و خلف مال ندن خاطره کلور
 خصوصاً هر مره دعوت و نوبت ضیافتده بندخی سفره احسانه طفیل
 خوان اولدمی بو طریقله مقابله اولمنسی بندن دخی اسقاط فرض اتمکله
 بندخی اقصای آلام * و صمیمی مراد بالدر دیوب هر چند امر محال اولمنسی
 تجاریب قدیمه حسبیه ثابت و معلوم ایکن مقتضای ایمان ايله عهد و ایمانه
 اعتماد اولنوب مره بعد اخری امتحان صاحب قدیمی ايله تقید اتد کر عهد و تذکر
 وقت دعوت و طلب دین معهوده همت ایلدم * سن معقول کوز دیکک وقت
 همان دعوت ايله که آلتون حاضر و مهیا در دیرک یوما من الایام یارین بعد العصر
 تشریفنی درخواست ايله که مسکنی خلاف سمتده اولغله شبانهگاه بزده
 قالمق اوزره صحبتز تمتد اوله دیو سوق ایدوب نفس واحد حکمنده اولدیغم
 جهندن دست بدست دعوت مخدومه بریده خرامان اولدق * و اثناء رجاء
 قدوم و تکلیف تشریفده آواره بندن زیاده اداره کلام ایدوب فرضاً مال
 مقالی بروادی به سوق ابتدیکه اصلده صاحب دعوت و مرتب ضیافت کنندی
 اوله (القصة) مخدوم نیاز دعوتی جواب علی الرأس ايله مقابله ایدوب صبحدم
 یوم موعودده حریفدن ترتیب مهمات ایچون مبلغ معهودی طلب ایلدم

وارین کتوره بن جویله قالقوب بنی کوشه نشین انتظار و داغ آتش
اضطرار اولدیغم حالده ترک ایلدی اول کون تا اذان عصره دك یمین و یساره
حواله جاسوس نظر قیلدم * بر طرفدن اثرینه ظفر بوله میوب تمام وقت
قدوم مخدوم قریب اولوب نه کاره متشبث اوله جهمده حیران و مضطرب
قالوب ناچار جانب دار الحزنه رفتار محزونانه و اوضاع غریبانه ایله عزیمتمای
خرام * و کار یشتخته حیرته زانورده آرام اولدم * اما بر حالده و استغراق
ملاده یمکه نصیب دشمن دیمکه مقتضای مروت مساعد اولمزدی (ع) دشمن
رفیق یخت زبون کسی مباد (نثر) پیرامن مسکن پر مخنه اجاله نگاه نومیدانه
قیلدجه شایسته رهن اولور بر شینه چنکال نظر خلیده اولدیکه چاره پرداز
تدارك لوازم ضیافت اوله * اول کشتنی لئیم ندیم ایسه سپیده دم صبا حدن
اول شام مصیبت همرک اولان هنگام فلا کته دك نابود ناپیدا اولدیکه باری
پیام احدی الراحته ایله بر حالت الویره یارب آه نه اوزکه درد طاقتکدازه
دوش اولدم

* نظم *

* نه دستی داشتم بر سر نه پای داشتم در کل *

* بدست خویشتن کردم چنین بی دست و پا خود را *

(نثر) بومحنتك علاجی شفاخانه لطفکه منحصر در اکر خاطر مخدومه خاف
و عد القا * و یا قدومه بر مانع پیدا اولمزه باری ضیافت مرک ناگاه کیر ایله
بن دردنا که حیات ابدی اعطا ایله دیو جان و دلدن تشریف جناب حضرت
عزرائیل علیه السلامی تمنایه باشلدم و بوتحیر جانفرسا ایله نه ایده حکمی
بیله میوب تلاشی اضطرابله ادوات کتایبه دست اوردم اما بروز ایدن خفقان
و خدشه خلیجان ایله (ع) جمعیت خاطر می قور افکار پریشان (نثر) وزنی
اوزره انامل سای حقه دواتی قیوب کوشه فم بسته دمه جویای ليقه
مداد اولوب فرضا راه غلط کاریدن اصابت سمت محبره قیاسه کلک ژاژ خای
شکسته پای همانادهن دواته بنان حیرت اولوردی

✽ بیت ✽

✽ من بادل غم کـشیده خویش ✽

✽ راق کـن خون دیده خویش ✽

(نثر) بن بولاده دندان اضطرابه جگرخای و هجوم طوارق اندوه و اقدار ایله مشغول های های ایکن دروازه دبدبه اقدام ظهور ایدوب نا کهانی اولدمده بلای آسمانی لمح البصرده حیات جاودانی اولان مخدوم معهود مر حبا کوی تشریف اولدی و بی محاباهای یاران نیچون بودمده بویله منزوی کنج خول اولوب طور رسن ✽ یعنی مسافر قدومنی بیلزمیسن نه اوتور رسن برخیز و بیا بر فصل بازار قرامانی تماشا ایدلم بعده کلوب بی تکلفانه همساز عیش و صحبت اولدم دیوب بنم درد دلدن بیخبر طرح تکلف یوزندن اظهار سبک و حیله تلطیف خاطر اندوه کینه آهنگ ایلدی ✽ بن نامراد ایسه کشاده تیر آه اولغده فرصت بوله میوب کما نکش نفس نهانی حجره سینه ده مد بکاده جگر ایدوب شو حاله واردیکه بازوی حیات آمد شد حرکاتدن منقطع اوله (ع) و من وراء ظلام الليل اسفار (نثر) تمام مهمان جان دروازه حلقومه وضع قدم خروج ایده جک محله پایین جایگاهدن بریکسواره جوانمردک صدای آشنایانه سی کوشزد اولوب فقیره اشارت فرمای تقدم اولدی آیا بو تراحم حشر اقدار خلانده نه حادثه پیدا اولوب علاوه بار اضطرار اوله دیو (اقدام رجلا و او خراخری) اوزره خطوه نه سلم اقدام واججام اولدیغده مکر سابقا روزی چند خدمت نیابتیه کسب روزی ایتدیکم بر قاضینک کتخداسی ایمش بعضی خدماتله خداوندی آستانه سعاده ارسالش ✽ و ما مور اولدیغی مهماتی اتمام ✽ وینه جانب منصبه عطف زمام خرام ایدوب پیغمزده جبل المتین مواخات قدیمی و موالات صمیمی عقده ریب وریادن سالم اولغله بنم ایله وداعه کلش حضورینه مشول ایدوب مترقب کشف داعیه تشریف اولدم اما وله سامان ربا ایله افصاح کلام ایده میوب تلغثم و هنبشه یولندن پریشانکوی و آشفته سخن منظر خطاب اولق شکن کوس تردم بالبداهه شه دریز طبقه تعبیر اولوب فردا جانب منصبه عزیمت کورندی بزی کونکلدن دور ایتوب اثاث بیت قبیلندن بو بساط معهودی آلوب فرش مسکن ایدرسن

دیوب بر فاخر قالیچه بی بخشش ایادی سبحان الله نجب محسنه لطف
 نامتصور ظهور ایادی * علی الفور بقال زخائر فروشه کرو ایدوب غریبانه
 دوسه الوان طعام احضارینه سرمایه ما حضری دیو از قالدیکه هجوم
 سرور دن حجره نشین روح * نایب دای گوشه عدم اوله * وجودم
 بومسرتدن اهتر از ظاهر و باطن پیدا قیلوب ادای شکرینه غلبه شوق
 مفرط مزاحم اولغله درون سینده جان طپانله براوز که معامله بیرون از تعبیره
 مشغول ایکن

* نظم *

* دولت کلنجه آدمه قالقر حساب حد *

* یعنی عطای حق اولور اول دمده لایعد *

(نثر) در عقب برسوی پرشهد مصفا بی دخی که ماصدق (فیه شفاء) در الیمه
 صونوب بعض مواضعه ارسال اولسان هدایای معهوددن انجق بومر تبه
 فاضل اولدی آغوش طالعک زیاده کنجایش پذیر دگلش معذور اولسون دیوب
 ذائقه حاله بو وجهله حلا و تبخش سعادت اولدی * بونعمت متعاقب الورد
 ایله جان زارم مظهر صنوف مسرات پیدرپی وغواص دل شنور دریای
 موج در موج نشاط دمبدم اولدی * بومر تبه ایله اکتفا ایتیموب مصافحه
 وداع ایچون اشارت تحریک ید ایدیمک بندخی نفس الامر اعتقاد یله دست
 برداشته مر حبا اولق صد دنده بروضع نازکانه ایله اون عدد سیم غروش پرخروش
 مکمل بیدلی کف مألوف السرفه نهاده قیلدی * بو کره غایبه شادمانیدن عقم
 کیدوب حریف مکر متکار عطا الیف نصاب احسانی تمام ایدوب نعره یاهویله روانه
 مقصد کاه اولدی * وین ظهور غیبیه بی نهانه الهیه دن بر حالده قالدمکه
 افراط نشاطله عروق واعصابم حر کتدن قالوب دمبسته حیرت اولدم بر مدت
 بو حال اوزره لال و بی مجال * ومتفکر سرذی الجلال اولوب طور دم رفته رفته
 خشک نهال شاخ شاخ وجوده طراوت شعور سریان ایدوب مفلس بر چیده
 دکان ایکن برآنده کنسیمی خواجه کامران صاحب کنج شایکان بولدم *
 دوشمنده بساط بیدل دسمنده سبوی پر عسل جیمده سیم مستدیر مکمل نازان
 نازان درون حجره یه خرامان اولوب سرمستی رطل سرشار دمساز ایله شاطران

شیرین کار کی قطرزنی و بالا روی ایدرک حضور مهمان نجسته قدومه وضع
 قدم ایدوب های سلطانم صفا کادیکز خوش کادیکز صدمر جاو بیک جهان
 اهلا و سهلا که پیش ازین دم تشریف کرده ندیم هر جایی نهاد عقل پریشانکارم
 کشت بازار تحیره کیدوب خدمتکاران حواس وقوی دخی تفقد عقل کدکشته
 ایچون طرف طرف پریشان اولغله رعایت شرائط اکر آمده قصور اولمشیدی *
 الحاله هده جمله سی سال او غانما جایگاه قدیم لرینه عودت ایدوب یرویرنده صف
 بسته خدمت اولمشلردر * شمدنکرو سیر بازار * بعده نشست و قرار جائز ایه
 (ع) بیورفرمانک اولسون جمله خدمت جانه مندر * (نثر) دیوب تلافی مافاته
 بسط مقدمات ایلدم دیده جانه اول بیت الاحزان کورینن محقر حرا به بیت معمور
 و باغ رضوان اولدی * فی الحال غروشلرین برقاچک یاران مدرسه دن بعض
 رندان چالاک دسته طابشیروب بزخند و مله سیر قهوه و کشت قرامان ایدنجه
 سیرلر امکان مرتبه سنده پلاو و خلوا اقسامندن احضار مرتبه مقدور ایلک
 دیو خدمت طبع طعامی یارانه حواله قیلدم * و صفای خاطر و نشاط باطن
 و ظاهر ایله خرامان کشت کوی و بازار اولوب بداء پادشاه وقت * و شهریار
 صاحب تاج و تخت اولمش قدر صفال ایدوب اذان شامده کنار سفره مهیا
 کشته ده صنوف ابتهاج نه نشست و قرار ایلدک تمام بسم الله کوی تناول اولمق
 صد دنده اول عرقوب وقت شایان طبانجه لعن و مقت یعنی ندیم لئیم کشتنی
 و حبل المتین سیاست آویختنی کابوس ناکاه کیر کی ظهور ایدوب خوان درمیانی
 آراسته نعم بیکران کوروب تبصیر رویهانه ایله گوشه سفره ده مرتبه بنشین
 ثقلت اولدی * مقدا مخدوم مسافر دم تشریفده مزبوری غائب کورمکله
 پرسش احوالیه تقیید ایدوب اصل اقدام دعوتده آنلر سزدن زیاده مقدم
 ابرام ایدی حالا موجود صف استقبال اولمدیغک حکمتی و سبب علتی ندر دیو
 تکریر سؤال ایتدیکه بعض همشهریلریمزک پابسته تعویق و اشغالی اولمشدر
 یولندن ترک جواب اولمشیدی * حالا طور پریشانله تحریک دامان قدومی
 تشر غبار تعجب ایدوب هنوز طرفیندن مر اسم خوش آمدی رعایت اولمندن
 حریف خرمش اسماع عذر برترز کنهه آغاز ایدوب بندخی یادکار بوایتدیگک
 وضع ناهموا رندر دیو مشت چهره فرسای تو بیخ ایله دندان سامانی شکست

ایتمدین ملعون بنی دین علیه لعنة الله والناس اجمعین بوسم هلاهل تعبیر
مستلزم التعبیری باشد نمکدان تقریر ایتدی * و معذور اولسون بو قدر اکلندیکمه
باعث بومعنی اولدیکه آیا صوفیه سمته التونی ایکی اجدز یادهیه تبدیل ایدر
بر بوزنه فروش آرنبود کافری دوستم وار حشره الله مع الکفرة والفجرة حکمة
بو کون دکان آچیوب در طالع کشاده بولمیدی * اول سبیدن بوانه و بوزمانه دك
منتظر اولدم عاقبت نماز شام ایروب نومید دونوب کلدیم دیدی های قضا و قدر
وجودینی بلا و کدردن امین ایتیه بو قدر احبایی ایکی اقچه یه صا توب
بر مخدومی دعوت ایتدیکن و بنم نیم حبه یه اقدارم اولمدیغن یسلور ایکن
بنی کشته ساطور بحالت ایتدیکن قو کتسون سکا نسبت امر سهل اولدیغی
صورته باری مهمانز اولان وجود پر جود ایله بومعامله روسیاهی یی
روا کور دیکک نه اوز که خباثت ونه طرفه قبا حتر بو مقوله
ملعونیت و خباثت طینت جائز اولیجق یره ککه جک التونی ایکی اقچه
زیادهیه دکل یوز اقچه دخی زیادهیه قبولده عاجزمی ایدک دیهرک رشاشه عتاب
ریزان ایتکله براز تسکین نوران اضطراب ایتدم مکر مخدوم مبارک قدوم
معامله دن احساس حال * واجلا خباثت حریفی مخاطبات نامعقوله دن
استدلال ایدوب * بلکه بعض مقالاتی بعینه استماع ایله واصل مال احوال
اولمش ایش صورتا تغافل و تصامم یولندن یتربخت ایتدیکن تکلیف مزبوق
صفاده اوله لم مقامک کوستردی یاران مجلس وندمای مونس هر طرفدن تناول
نعمای خدایه مباشرت ایتدیلر بو کره اول ملعون تیره درون پراوز که حدث
و خباثت ایتدیکه جنایت سابقه یی منسی ایتدی اولدی

* بیت *

* قباححت نه شاشیدن ورید نست *

* قباححت قباححت نه فهمید نست *

(نثر) القصه مجلسیان صفا پیا دست برداشته لقمه مهیا اولدقد خنزیر
مستحق التعزیر طعامه ال صونمدین جیب صدچا کنه ال صونوب بردانه نقره
عثمان خاقانی مباحاته پیشگاهمده کنار سفره یه نهاده قلیدی * مقصودنه
ایدیکن بلدم اما حجامدن غرق دریای عرق اولوب اقچه سن کوزینه صوقوب

اصحاب سیف و فلدن ایکی بیک مقداری نامدار صاحب خاندان مهماندوست
و مسافر نوازی عرضه تیغ خسارت و نسوان نجله نشین عصمتسرای عفتک
هتک پرده ناموسلرک فراعنه سکبانانه حواله طریقیله اهائته جسارت ایتدیکی
محاط علم شهنشاهی پیوراد قده تلاطم امواج لجه حکم یزدانی * بادبان
صبر و سکون سکینه جهانبانی بی دریده قیلوب مزبورک احکام استدرای جیه سی
عاقبت منسوخ قلم صاحبقرانی قلمسی لازمه غیرت حق اولغله بونقش پر پیجتابلک
محل بنان تقدیر اولسنه قهار شدید البطش انتقام تهیئه اسباب ایدوب

✽ قطعه ✽

✽ بلند مرتبه یعنی نصوح پاشا کیم ✽
✽ کینه همی اظهار صد فتوح ایتدی ✽
✽ کورنجه حد شر یعتده سعی موفورین ✽

✽ شقایه اهل هوا توبه نصوح ایتدی ✽


(نثر) مضمونی عنوان منشور عظیم اولان دستور عظیم الشانک باهر اقبالی
بالانشین مسندگاه داد آوری قیلد قده ستمکر مارالذکرک زخزده نیره تعدی
و پامال اقبال تسلطی اولان بیداد کشان پیکناه رکاب وزیر عدالتیناهه
داد خواه اولوب تفصیل ماجری مقدمات کوشزد پادشاهی اولغله اخذ
و ایصاله فرمان بدیهی النفاذ مدبر الامور شرفیافته صدور اولوب کار گزاران
مصلحت پرداز آستان صدر الصدور دن بری خصوص مزبوره مأمور اولدی
حسب الاشارة یسبح افکن تمکن اولدیغی دیاری کوشه بکوشه جست وجو کرده
جاسوس تفحص قیاد قده اول خیانتکار خائف القلب شیر غابه شرور ایکن
مانند روبه تلاشی پناه پیشه اختفای کریزگاه ایدینوب صیادان کوه ودشت
تجسسدن تحایص ایچون کندوی جزائر فرنگستاندن ذا کلیسه نام موضعه
بر حیلله ایله القا و تبدیل هیئت ایله اول محلدن رهایاب اولوب جزیره ساقرده
اختیار حفره اختفا ایلدی * مأمور اخذ اولان اغانک تک و پوی بیهوده سی
هبا اولوب خائبه دارالاجاله تحریک دوال رجوع ایدوب لیکن تهمت غفلت
و مسامحه ایله مظهر عتاب وزیر قهرمان جناب اولوب پدشکاهنه رخصت
یافته تقریر جواب اوله میوب یم قهر صدارتیناهیدن منزوی کج خول

و فکر ترتیب مقدمات دفع سؤال ایله بمنزول اولدیغندن صف النعال
 ملازمته دخول * و میان دست بستگان دیوانخانه خد متده مشول ایدی *
 ازین جانب مقربان پیشطاق جاه و جلال وزیردن بر آخراغای نامدار دیار ساقزه
 برغیری خدمته مباشر کار گزار اولوب روزی چند اولطر فلرده خیمه زن قرار
 اولق لازم کشیدی * بی عیب خدا ذکر اولنان اغاسر ناسه بلای عجم *
 و سحاب ظلمانی کبی ساحة حال جهانیه نمونه دار عذاب حجیم * اولان دخان
 بلای سیاهه مبتلا اولوب گاه و بیکاه مص دود کبود ایله جلا بخش آینه طبع
 رنگ آلود غم فرسود اولور ایدی * یوما من الایام انکیز بیراغنه آرزو مند اولوب
 عادت مقلدان اکابر سیم اوزره بر درویش دلریش هوا پیمایی ندیم و غمکسار
 ایدینوب سایه واردنباله رواغای کامکار ایدی * همیشه دخان پر قسوت
 اول درویشه لازمه ذمت اولوب بودفعه دخی تحریک کوشه ابروی اشارت
 ایتکله جزائر سمنه متوجه اولور بر سفینه رئیسند بولمق اوزره قرار ویریلوب *
 انکن ساحل بحردن لنگر کسل آرام اولوب برایکی میل مقداری گذار ایتشیکن
 باد موافق مخالف یولندن موج انکیز چپ اندازی اولغله نیر نظر رسیده
 اوله جق قدر موضعه کشتیسی لنگر انداز توقدر مسارعت اولور سه حصولی
 محتمل در دیو خبر ویر دیلر درویش بی سر و پا صندل کشتیه سوار اولوب سفینه
 معهوده رئیسنه مزحبا کوی ملاقات اولیجق مراد اولنان ورق دخان
 برباد فساد * اما سلم سعا دندن فتاده زمین فلاکت بر ابدال مزده مزاده
 جوانمرد سیرت کوشه کشتیده اون التونه بر جایگاه استیجار ایدوب یا نجه
 بر نونیازیده وار صورتا قلندر کدا هیئتدن معدود معنیده اکا بر مشربان عالی
 همتدن عد اولمغه لایق بر وجود انجق قنطار اراده لری نصابنده بیدریغ
 ساز ماهو الموجود اولسی محقق در دیوب دلالت قرار گاه ابدال ایلدی *
 درویش دخانجوی پریشان کوی نظر ابدال برابر اولیجق کوردیکه بر چار
 ضرب تراش ابروی ناظر اشد موی اما سیماسنده آثار مریدی هویدا * پس اول
 اصطلاح قلندران اوزره دست بر سینه ادای مراسم عشق باد و مر حباد نصکره
 صور مق عیب اولیه نظریکزه باغک میومسی * ونه گلشن شکوفه سیدر جمال
 کوردک دیدار سیر ایتدک شوقکز ذوقکز دائم اوله وارنلر عاشق قرار اسنده نه اسمله

بیلنورنه صفتله بولنور سز بوخاکه نفسکزدن و نفخه نوریکزدن برلعه بخشش
 قیلسکزد بوفتاده سیرارنلرک نامن وکامن بیلوب کوکل عالمدن کل جالکزد
 یادایتمکه برنشانکزد قالسه دیوب ادیده نام و نشانک سوال و پرسش احواله بشلدی
 اولفتاده کرداب فلاکت دخی قلندران جهانکرد ایله کثرت اختلاط
 داعیه سیله زبان ابدالاتی خوب تکمیل ایلش رند چرب اللسان ایدی جوابنده
 ایوالله ایمانم عشقک نظرک زیاده اولسون بوصورت عالنده برقاج کون سیرانه
 کوندردیلر امانت یرین بولنجهدیدار سیریه جلوه لنوب ارنلر همتیه هرآنده برجولان
 کوستروب جال کوروب حال بولوب جان و یروب عشق آلوب تولادن تسلی
 بولنجه ایکی منزل اراسنده برعاریتی لباس حال یوزارنلر شمیدیاک بونقطه من
 بودآریه دوشوردی کوکل صفحه سنه مصر عاشقاری آرزوسن نقش ایتدیلر
 وجود پروانه سی اول شبستان شمعنه طوغری یانمغه کیدر انلر نظرنده دیدار
 کوردیکه ایاقلر ترابی اولوب سیرارنلرک عشق و نیازک یتوره وز صورت مادری
 بوذره بی ظهور طیراغنه صاندقدیه ارنلر سروری علی نامن باشمزه تاج ایلش *
 اول اسمک سری عاشقلر خدمته چکوب حاجی بکتاش ولی یاننده خاکراه اولوب
 عارف جانلر پوستنک توزین سیله رک صفا نظرلرینه مظهر دوشوب قنبر علی
 صفتک بزخاکه ارمغان ایتدیلر * ارنلر نظری دائم اولسون ظاهر و باطن سیرک
 وارلغکزدن بزخاکپایه دخی نشان استرزمجبتک زجامنی نه نامه ونه عشقه نوش ایدلم
 نطقک ز عیسی دملک ایتک نیاز ایدهر زارنلر دمنه هودیلم هودیوب یعنی بومالا
 یعنی ایله بربرینک نام و نشانی خبرین سوال وارکان طریق اوزره استشمام احوال
 ایتدیلر اول بی نوای خرکدادخی تقریر مافی الضمیر و انا خدمتده دخان رجاسنده
 اولدیغک نهاده کف تعبیر ایدیجک مزبور دخی امکان مرتبه سنده اولانی
 درمیان ایدوب (ع) اشته کتدم صاغ سنن قال ایمدی قربان اولدیغم (نثر)
 مضمونیه مطلع مر حبایي مقطع یا هو یه ایصال ایتدیلر ردرویش معهود
 حضور اغایه کلوب کرمکارا شمدنصره (ع) بوروز کارک دکدک بزبریشل
 پیراغنه (نثر) دیمیه سزوارین و یرن یاد اولماش دیوب کتوردیکی برک سیر ناچیزی
 نهاده میدان (السخی ماملک) قیلدی اما پیری پاشا زاده نک روم ایلنده فتاده
 مضیق نجسس وره بیمای صحرای فرار اولدیغندن خبردار اولمامغله اول معتوه

بخت غافل مطلق بحث ظفریابی مرام اثنا سنده بویوزدن نسق پرداز ژاژ خای
 اولدیکه خدا وندا بو کون بر عجیب و غریب سر خدایه دوش اولدم جویای برک
 انکلیز اوله رق فلان کشتی رئیسنه وارم شدم کندنده موجود اولماغله آرزوی
 دیار مصر ایله سفینه سوار بر درویشه سوق ایلدی صورتانم و عبادت فناسکه سن
 اختیار ایلش ولی معنیده بر صاحب همت دولتدن دوشمش مردم زادهیه بکرز
 جوانمرد لکلر ایدوب مقدوری مرتبه سن در میان ایلدی اون التون و یروب گوشه
 کشتی کنه دویه تخصیص ایلش بر صاحب جمال پسریده وار قلنداران طوار ایله
 غمخور لغن اختیار ایدوب بر آرزمان نطق عیسی و شیه جان باغشلدی لکن
 روم ایلنده پیری پاشا زاده دیر لر بر میر نامدار کامکار وارد او جاغنده بر نیچه دم قرار
 ایتشیدم بو ابدالك اول صاحب اجلا له بر مرتبه مشابیه وار که سبحان الله
 عرب و عجم سیاحی یم دخی بورسمه بر برینه بکرز ایکی آدمه راست کلدیم هزار
 آفرین نقاش جهان آفرینه که بر پیکرده بویله ایکی مظهر صورته کتوروب
 سر مو فرق و تغیر اولماق جای حیرتدر دیو مدعی ترز یقه فیصل و پردی
 (اغانک بو تفصیل رهیاب صماخ اندانی اولیجق های دده سلطان نجب
 احسان ایتدک اول سیه کاسه خانه خرابی اخذه مأمور اولان بزم فلان اغا
 بوماده آزرده صد کونه عذاب و همت مسامحه ایله خلت خلت سا طور عتاب
 اولدی (جانب جلا لتأب سلطنه اول ستمکار کشور سوزی احضار مصلحتی
 آبروی کاردر مدد سمت سفینهیه دلالت ایله که دین و دولتیه بوندن اوز که
 خدمت اولمز بیچاره دوریشی تازیانه اقدام ایله اوکنه قاتوب کنندی برقاج
 زهر قائل اثر در صفتان هلاهل زیر ایله رو براه اخذ مجرم خانه سیاه اولدی
 درویش هرزه خای پریشان سخن واویلا سنج ندامت اولوب نه غریب قباح
 ایتدم مظهر هزار احسانی اولدیغم درد منده فلا کتا بلغی حالنده دستگیر
 خلاصی اوله جق محله رهنمای طریقه اخذ و قصاصی اولق اثر آسمه سری
 و نتیجه نا بخت یآوری دکلیدر مقذاف مزابل ترز یق اولان زبان هرزه پاشم
 بلکه حقه فساد اولان پاشم کاشکی بریده خنجر سیاست اولوب بندن بومایه
 فضاحت صادر اولسه دیوب گاه کریبان پشیمانی بی دریده و گاه عارض
 نجاتنا کنی خراشیده قیلغه سر نیچه ملامت حواله قیلوب صد کونه اوضاع

تعلل آمیز ایلہ سر راہدن آھنک کریزایتدیکہ مفید اولدی * عاقبۃ الامر
محلندہ سر بجیب نمداختفا اولدیغی حالده کریبان برآورده دست اخذ ایتدیلر *
اقتضای حکومت عدل قہاری اول خونخوار بینکاه آزاری پی برده راه نجات
اولدین منع ایتیکله عاقبت افتاده مضیق حبس اولوب شول محلندہ حضور
وزیرہ احضار اولدیکہ سابقا مأمور اخذ اولان حوالہ مظہر غضب اولوب
سنک سوء تدبیرک اکاھادیء راہ کریزرها اولمشدر ایمدی سنی زجرا اکابدل
میرسریر زندان و صدر مصطفیٰ خذلان ایتک لازمدر دیو حبسی فرمان
اولمشیدی بو حال اوزرہ بداء اغای معهود پیشکاهہ من بوری احضار ایدیچک
عامہ حضار بنان تعجبی کزیدہ قیاب کاشتکان کارک الندن خلاص اولمشیکن
آخردن رھایاب اولیوب سجدہ پیرایہ زبان احبای صفار و بکار اولدی و در حال
ستمکار من بورك مقتضای حکم ہمایون (ولکم فی القصاص حیاة) ایلہ سرب
سامانی بریدہ تیغ مجازات و دعوات تصدیسی فیصلیاب حجت قاطعہ آیات
اولوب قضیہ اتفاقیہ احضار حیران ساز عقول کائنات اولمشدر



نہال رابع کہ مسافران کاتدین و تدان اوزرہ سایہ کسترونہال تر درخت بالا
کشیدہ حدیقہ ہنردر محتوی اولدیغی اوزرہ فواکہ معانی عبرت انکیر ایلہ
بعض قضیہ اتفاقیہی متضمن و وجوہ قدرت رب العزتی متین بعض نوادر
حکمت اثر در حق کہ منظوقہ (من جاء بالحسنۃ فله عشر امثالہا) و مصدوقہ
(و جزاء سیئۃ سیئۃ مثلہا) صحایف ایامدہ قلم قدرت ایلہ من سومہ و صحت
وقوعی تجربہ کاران امور دھورہ معلومہ در

❦ بیت ❦

❦ ہر کہ اونیک میکند یابد ❦ نیک و بد ہر جہہ میکند یابد ❦
(نثر) فلہذا بودمدہ منساق اولان وقایع نوپیدای عبرت احتواء متضمن احوال
پاداش و جزا و بوبایدہ ظہور ایدن اسرار خدا جل و علا در

اخصاء روزگاردن برینک انامل حرص و آزایله جمع و درج ایتدیکی نقود و اموال
خباثت مال کندی لاشه وجودی غدای مور و مار اولدقدن صکره پسمانده
ورثه هرزه خرج اولوب بالاخره باعث جنک وجدال و مؤدی حرب و قتال
اولدیغیدر

لئیمان خست شعار تجاردن بردنی کشتنی که کف دست نقره شماری جمع
درهم و دیناردن بر لحظه آسوده اولیوب

✽ بیت ✽

✽ لئیمه رنجش خاطر و پرر کرم ایتک ✽

✽ مقید اولسون ارباب دله زحمت اولور ✽

(نثر) تمامی عمرنده بر قلب منکسره جبیره بند نوازش اولق زحمتی ار تکاب
ایتمیوب نه مز رعه خیراته کندم دانه عطا القایتمش ونه صید مرغان مشوبات
ایچون زیر دام حيله شرعیله دانه پاش حسنات وجهه نثار صدقه و زکات
اولمش ایدی

✽ بیت ✽

✽ زخست روغن از ریک بیابان عدم کیرد ✽

✽ باین امسال و ضنت کس ندیدش جفت و یا ثانی ✽

(نثر) ناشتایان تهی دست کرسنه چشمک حواصل املا رین وایه کیراغدیله
صلات مستتبع البرکات ایتک دکل فرط بخلی کندی معده طمع پرورین
دخی بدل مایتمخلل ایله ضیافته مساعد اولیوب تناول کتر لقمه پیروپیزی
اسراف عظیم عد ایتکله رهگذار مواشیده مصادف اولدیغی زو ث بهایمدن
التقاط دانه ای شعیر ایله کلوی طمع سنجی مملو و سیر ایتک مقامنده ایدی

✽ شعر ✽

✽ ابصرته قاعدانی مر بط الیهم ✽

✽ خوفاً علی الروث سن لقط العصافیر ✽

(نثر) محصل سخن زاغ جیفه خوار جان خبیثی لانه مهردادن بالکشی شاخسار
وجود اولوب کمانکره فلکدن زخزده مرک وقتاده خندق حد اولجه
نه هیچکس خرمگاه ضیافتدن التقاط حیات التقام ایلمش ونه دلالت آشیانه
نکتخانه سی ایچون تحریک جناح دعوت قیلوب سر پنجه تصرفنه خایده
اولان خوشه نعمدن نیم حبه اسقاط وایه بخش حواصل کائنات اولمش حتی
روایتکرده مبتلای عذاب اختلاطیدر که پسندیده طبع دنائت مداری اولان
وصف ذمیم خست ایله ابتهاجنده کرار ازبان یاه پاشندن مسموعدر که نه مدت
عمرده میربانان مهماننواز عالمدن برینک گوشه سمات نعمتده نشست وقرار ایله
التقام نفایس درمیانه مباشرت ایتدم ونه مسافران غربت کشیده امدن بری
زیر سقف سرنکوئنده تعلیق ساز و سلب نزول ایتدیکنه تحمل ایدوب کارکانون
بی خاکستر و دخائمه پوست نشینی مسافرتنه رخصت و اجازت روا کوردم
(ع) آب حیات در نظر و مهر بردهان (نثر) نه برسنه کامله ده ایکی کره تبدیل
کفش و پاپوش ایله مالی اضاعت ونه هرگز اشتراء دجاجة سفاهته جرات
وجسارت صادر اولدی دیومباهات ایلر ایدی (ع) پس لایق توستنک بود سنک
بخور (نثر) حقا که عیب پوش اندام دوزخ مقامی اولان پلاسیاره پنبه ریزی
بر صورتده ایدیکه شبیکه صید ماهی اولغه تحملی اولیوب نسیم عبا اکانسبتله
سر پرده سلیمانی و دیبای زیبای پیدانی ایدی حتی خیاط قضاء جامه حیاتی
مقراض مرک ایله چاکچاک ایتدکده ذکر اولشان قبای موجود الاسم دوش دلال
زوائد فرو شده قرار ایده میوب سمساران بازار اختیار اول کهن دلق مذموم الخلق
مخیل نقشک اثبات ماهیت و تعیین شکل و صورتده عاجز قالوب طرار مفلس
اولشی ناچیز موهومی وعده فردای قیامت علی طریق النسئه ثمن هیچه
اشیراده تردد ایدوب ر بوده عیار روزگار اولغه استعدادی اولیوب بالآخره ساخته
سیمکران کبی نابود و بی نشان شقه رایات سلطان جنیان اولمشدر نعوذ بالله من امثاله
ونلوز بکماله و جماله من اطوار اللئیم واحواله حفظنا الله من منافع ارزاقه وامواله

✽ شعر ✽

✽ تسانیت عن مال البخیل لانی ✽

✽ رأیت الغنی بالذل ضرباً من الفقر ✽

(نثر) یوماً من الایام حضرت عزرائیل علیہ السلام پنجه زن کالوی حیاتی اولوب
یغما کراجل متاع ناچیز عمرینی تاراج ایتد کده مخلفات کثیره سی ظهور ایدوب برکنده
بغل زوجه متروک سی وبرمایه خال دختر مغلو که سی بینده قسام قاضی تقسیم
اشیاء موروثیه وضع قلم حساب ایتد کده همیان تصوره کنجایش پذیر اولیان
مرتبده محصول رسم قسمت ایله مملوساز دولاب کتبخانه سی اولوب بقیه مال
بیکرانه بی قید منازع و مخاصم و بی زحمت مشارک و مساهم واضع الید تصرف
اولق اوزره علاقه مالکانه پیداسی تناسنه دوشمکه قسام قاضی عدالت
پیشه صغیره مذکورہ بی بطریق الولایه تزویج و انکاح ایتک آرزوسیه اعمال
شفعاء تقید و الحاح ایدوب اولدخی مقابله سعی بایغنده اسعاف و انجاح ایله
معامله و لطف نکاح موقوف ایله مجامله روا کوردی ✽ بو کره قسام دنائت
پناه رثا ثت دستکاهک دندان طمعی ناخن نسر طائر و پنجه شیرزدن تیر اولوب
تا که یتیمه کیسو نادمیده آغوش زفافه کلیه مرده دوزخ آرانک بو قدر ماه
وسالده سر پنجه ابتذال ایله جمع ایتدیکی اموال مستتب الوزرو الوبالک بی باکانه
تصرفی محالدر دیوب والده صغیره یه تقدیم هدایای فاخره خرافات
و ارسال جوائز سنیه ترهاته متشبث اولوب ای مادر فرشته سیر حاله
زمانه نقش دیکرد ✽ بو قدر اموال کثیره که سکا و اول صغیره فقیره انتقال
ایلدی مایه فساد و علت هجوم حساد اولوب جوانبده شبابک حیل و تزویر
نهاده و اموال اخلا لکزه ارباب مکر و ضلال آماده در ✽ نه مساعد تقید عاجزانه کن
مساعد جلب منافع ✽ و نه کف دست تدبیر یکن لطمات از دراء طمعکاران
دهری مدافع اولغه چاره وار ✽ همان وارک شکر مسبب الاسبابه اشتغال ایلک که
بنم کبی فرید فاضل مقتضی علم ایله عامل بردامادر و شن نهاد خوش دله نائل
اولدیکز بن طورر کن آخر سیره اضرا ره قادر و بن وار ایکن غیری جابر و جائز
تعدی و تجاوزه متجاسر اولق نه احتمالدر البته کریمه مکرمه بی بکا و قتیله
تسلیم ایله تا که علاقه صهریت تحقق بولوب بندخی فراغ بال ایله اتمام

کاریکزده روی دلیدن اقدام و تمشیت امور پریشانکرده اعمال سر پنجه
 اهتمام ایلیم * دیوب حصول مأموله صرف نقدینه تدبیر ایلدی بیچاره
 ناقص العقل کیسو بریده فریفته فسون دامادهرزه دریده اولوب ثمره شجره
 وجودنی نهانخانه شوهر خر لقای خوک اندامه تسلیم و بر شرط ابلهانه
 تقدیم ایتدیکه نوباوه باغ عمرم هنوز نارسیده برمیوه خامدر کزیده دندان
 تعرض اولغه تاب و طاقتی وزور دست هر دانه استطاعتی یوقدر اول شرط
 اوزره کار ملاقاته رضا ویرلمشدر که بش التی سنه یه دک وضع معهود فحول ایله
 اذا روا کورلیه شویله که عکس قضیه مساع تجویز و مساس مسامحه
 پیدا قیله پیکر اتفاقز خاپدیر اختلاف و صورت اتلافز رخنه یاب استنکاف
 اولق محققدردیوب زعمنجه تمهید مقدمات تنبیه اکیدا یله تشید مبانی تهید
 ایلدی روزی چند بومعامله یه خلل و یرمیوب والده سی دخی صناید ظلمه دن
 برسیاهی یه تزوج واستیفای حقوقنه توکیل ایدوب و داماد اشعی القاعه
 جانب دختردن مباشر اصیل رنگنده حصه موروثه سنه وضع الید تحصیل
 ایلدی اول ایکی ثعبان هلاهل فشان کنج نهان میراث اوزره بیجدر بیج
 و خم بنجم اولوب مقتضای حرص و طمع ایله رفته رفته مقدمات قیل و قالری
 منتج جنک وجدال اولدی و مادر حقیق و پدر مجازی داماد مادر نهادی
 اشتغال و میدان محبتدن اول ککران جان ثقیل الظلی طرد و اخراجه
 اعمال فسونه احتیال ایتدیلر بوسددده داماد حبث اعتیادک غلبه
 توقان ایله اثرردمان نفسی آتش افشان و توسن حرون هوسی مطلق
 العنان اولوب بی پروا مضمار وصاله خرامان اولدی و اول تازه نهال
 حسن و جمالک میوه وصلتته درخت پاره شوق انکیز هوس انداخته قیلوب
 فرط طمعندن میان دوشاخ موزوننده کی میوه خامه بنان تعرض القا تمکله
 شفتالوی خامی دولخت و سرخاب خون ایله نخل اقدام بردوشی نهال ارغوان کی
 کلکون اولیحق شریان غیرت اقارب عقارب سیماده خون حیت غلیان ایدوب
 شجره مصاهرتی اره تیرزدندان تطایق ایله تفریق همت قیلدی لر و اول سفته
 کهری داماد قدر ناشناسک حقه ازدواجندن فخلیص ایچون بو تدبیر دروغ
 آمیزه انتظام بخش نزویر اولدی لر که مذکور حاله رسیده سن باوغ اولمشدر

دیوب حکم فسخ نکاح ایله رهایاب ازادی ورهایاب اسواق شوق وشادی
 اوله لر (القصة) قضیه اولطریقه غیر مرضیه اوزره جلوه کر حصول اولوب
 دختری آخر سپاهییک قلاده نکاحیله کردن بسته قید دیگر ایتدیلر (ع)
 وارهدارسن وبسته زنجیر بشد (نثر) داماد پریشان مأثر خائب وخاسر قالوب
 مادر و دختر وایکی سپاهی که بری زوج مرأة و آخری زوج ثانی صغیره در
 بیجا بامال موروثه واضع الید افنا اولدیلر نیچه ایام ولیالی بو طرز اوزره
 کیسه تصرفی نقود مراد ایله مالا مال اولوب بونلرک دخی نظام اتحادلرینه
 نوع اختلال طاری اولدی و زوج جدیدک طمع شدیدی حرص قسام بدنامه
 غالب کلکله (رحم الله النبش الاول) مضمونیه نوحه کری پیشیمانییه
 آغاز ایتدیلر کیدرک داماد جدید عنیددن رو کردانیلری مشته اولوب سابقا
 ابداع ایتدکری اجتهاد مخالف السواد لرنده خطایه معترف وجل همتلرین
 ینه برنقش دیگر حیلله انکیزه صارف اولدیلر و دیدیلر که نظم حالمزه انسب
 و اوفق بودر که ینه منتشبت دامن تزویر اولوب دختر سیه بخت تیره روزی
 اغوش سپاهیدن اخراج و زوج سابق اولان قسام مستهامه عقد جدید اوزره
 تزویج و تسلیم ایله درد بیدرمانزه ترتیب علاج اولنه شویله که منتظر قلب
 احوال و متجرع زهرابه ملال اولوب امری استعجالة متوقف موقف اهمال
 اوله وز ضروری تمکن بولوب مهمل سهل ایجره نقود باقیه درهم بهاری کبی
 برباد اولور پس بورأی نابرجایی رقم قبول احبا ایله امضا ایدوب سمع قسامه
 مدعا لرین اسماع و بعد الیوم احتمال عقوقی برطرف قیلق اوزره تأکید مباحث
 طور وفاق و تشدید مبانی ترك نزاع و شقاق ایتدیلر اول خیره سر پریشان
 اطوار دخی سالک تدبیر تزویر و دعوی شرت آمیز ینه وجهه دیگر دن آب و تابده
 تخمین و تضمیر اولوب دختر منازع فیها بئم نهانخانه ازدواجده ایکن بالغه
 رتبه بلوغ اولمشیدی و عقد موقوف قاضی بی تجویز و قبول و بالاختیار حجره
 وفاقه دخول ایدوب دست رضا ایله رفع برقع امتناع و انامل حسن قبول ایله
 حل عقده شلووار بند نزاع ایتشیدی دیوب مدعای فاسدی شهود زور ایله
 اثبات نصکره بر نیچه هواداران شقایما ایله سپاهییک اوین باصوب زور بازو ایله
 دختری اخذ و اخراج و زوج ثانی اولملا ده موجود اولماغله * خبر هجوم

واخذ دختر دن آگاه اولیحق فریاد کنان مجامع ناسه کلوب آمر معروف و ناهی منکر
اولان اعیان حق کویه فریاد و دفع پیدا دبانده عونه و حکامدن استمداد ایلدی
قابطه انام بر پای اقدام اولوب مزبورلری کوشه بکوشه جست و جوده اعمال
خدمه اهتمام ایلدیلر حتی یوم واحده اون بشه قریب مسا کن مسا کین
مسلمین کشف و تفتیش اولنوب ظفر یاب تحصیل اولیادیار حکمت خدا ایله
دخترک بر صاحب جمال خال خال داری و ار ایدی اگر چه خاتون خسیس مر قومک
قرنداشی ایدی لیکن زوج ثانی یه جانبدار اولوب مر قومارک بو وضعنه انکار
و دختری گاه قسامه و گاه سپاهی یه ویر مکه فضاحت و رسوا یلرندن متأثر
اولغله فرصت بولنسه بر طریقه اضرا ره اصرار اوزره ایدی بر کجه بعد العشا
اسواق شهرک برندن کذار ایدر کن برخانه دن صیت و صدا استماع ایدوب
بر سورا خدن استطلاع حال ایتد کده همشیره و همشیره زاده سنی ازواجی ایله
سر سفره اتحادده حلقه بند جمعیت کوروب غلبه حیت ایله تفنک حواله ایدوب
زوج مادر اولان سپاهی مستحب الملا هینک ساعد نکبت مساعدینی دانه
بندق ایله شکست ایلدی

✽ بیت ✽

✽ اغیاری دو کوب و یرمه بازورینه زجت ✽

✽ اولدرمک ایسه قصدک شاهم قولنه قوت ✽

(نثر) بومر تبه دن صکره مزبورلره اما کنده اولان امکان قرار دشوار اولوب
بر آخر قصبه دارالامنه شد در حل ارتحالده بی اختیار اولدیلر و ذم ناسده اولان
مال مر بو حدن بر مقدارینی جمع و تحصیل ایدوب جمله سی بالاتفاق مها جرت
و آخر خطه ده طرح افکن اقامت اولدیلر و دخترک زوج ثانسی اولان سپاهی
دخی تحریک زنجیر نظم نیتیه بارگاه سلطنته کندی قسام خائب وطن نقایلری
اولان قصبه ده بر صبحدم سمت بازار دن جانب مسکنه توجه ایدوب بیوت
داخیه یه غافلانه وضع قدم ایتد کده زوج مادر اولان سپاهی مبااهی بی
کند و منکوحه سی اولان مرأه حبشه و نطفه خسیسه ایله که متوفای بخیل
تارک الاموالک دختری و شقی مر قومک ربیبه سی ایدی حاشا براوز که
کار حیرت افزاده بولوب مباشرت فاحشه قرین رأی العین اولدقده امید وار

وراثت ایکن حصه دار دیانت اولدیغندن ایکی دیده عجبائب بینی خونابه
 نثار غیرت اولوب بو کستاخ روسیاهی فزای سیاهی به تحمل ایتیوب سرو پا
 برهنه رو بر ایه بیان اولدن غیری درمان بوله میوب فی الحال اختیار ترک خانمان ایله
 شرو شور قبیله ناعقیله دن تخایص کر بیان ایلدی بو کره مادر و دختری منازع
 و بی محاصم زیر تسخیر سیاهی ظالمده قالوب ایکیسندخی نفسلرینی و مألرینی
 بلا مزاحه تصرفه باشلادی برقاچکوندنصکره اشقیامشا لندن یکر می قدر
 شرر ناره شور و شر اشراء مستحل الضرری استحاب ایدوب مقر قدیملری
 اولان دیارده ذمم ناسده باقی قیلان اموالی استیفا ایچون کیمی شاهد و کیمی وکیل
 اولوب روانه اولدیله و وطن قدیمه کلدیله و زور و تزویر ایله حسب الامکان
 اموال وارزاقدن بر مقدارینی برداشته دست تغلب قیلوب جانب وطن نقلی به
 عودت ایدوب کیدر ایکن بر کوهسارده حال صاحب جمال دختره که سابقا
 دانه تفنک ایله ساعد شخصی شکست ایلشیدی بداء دوچار اولوب ملعون
 بیدین بیچاره غلامه عازم اهانت اولدی و یاننده هم رکاب فساد اولان
 شردمه خبانت نهاده اشارت ایلدیکه علی وجه التباوب بازوی محنتی ایله
 اول جوان شیرین شمائلک هتک پرده عرض و ناموسنده درکار اوله لر بوفضاحت
 رسوایی فزا ایله حفظ نفس شوملری صورت پذیر رخصت حصول اولدقدنصکره
 امر ایلدیکه نهال طوبی قیام اندامنی بر تیغ ایله چارخت ایدوب بر پر کاله چارجهت
 کذر کاهه آویخته قیله لر بواخذ انتقام ایله شاد کام اولوب فرخ و فخور مسرور
 و محبوب قرار کاهلرینه وصول بولدیله لیکن غیرت حق بو اوضاع استدراجیده
 تحمل ایتیوب تلاطم قضا و قدر اشقیاء مارالذکرک سفاین وجود خبت
 آلودلرین شعب قهر خدایه القا ایتک ایله شکست ایتک علائمی نمایان اولوب
 اتفاقا فرقه باغیه مذکورنک ارتکاب ایتدکلری مظالم بحساب آستانه ده
 داد خواه اولان زوج ثانیکن سببیه رسیده سمع کارفرمایان دولت اولدقده
 پاداش کارلر ایچون مباشران امور سیاستدن بعضی دلیران توانایی فرستاده
 و مأمور عقوبت ایتدیله بر کیمجه پستراستراحت و جامه خواب غفلتده جمله سی
 مستریح ایکن شراره شرور افزای وجودلرین آب تیغ ایله منطقی و معدوم
 و رفقای راه ضلال اولدقلری باعثدن یکدیگردن تفریق ایتیوب بریدن روانه

مضیق حریق ایتدیلر * زوج الامام اولان سپاهی اول مهملکه دن فرار ایله
تخلیص وجود ایلوب خاتونی ورید سیله ینه وطن اصلی په نقل ادوات
رحلت ایتدیلر یوز یوکدن زیاده مال موروثی کف سرف ایله برایکی سنه ده
اضاعت وتلف ایدوب مال موروثدن ناطق وصامت او چیوز التونه منحصر
اولدقده آتی دخی سغه یداسراف ایتک ایچون هر کون مادر ودختی انواع
شکنجه وعذاب واصناف ازار مستوجب الاضطراب ایله جانلرندن بیرار
ایتدکده بیچاره لر بودردک ازاله سی ینه دست اشقیای ایله میسر و دفع بلا سی
ینه کندی جنس خسیسی یوزندن جلوه کردر دیوب بوتدیر ضروری په
مهتدی اولدیلر که بقیه مالک بر مقدارینی بعضی سراندازان خونریزه دفع ایله
سربی سامانلرندن مضرت ظلم وعدوانی دفع ایدملر (ع) برای کارسید خوشترست
سنگ سیه (نثر) فی الواقع بوکاره مباشر اولوب اوج نفرشی سپاهی په طقسان
التون دستمزد واون حسنه بهای مجلس تسلیم ایدوب انلردخی تعهد اتمام کار
ایدرلر برکون برتنها جایگاهه ترتیب بزم شراب ایدوب

* بیت *

* برخیز که پرکنیم پیمانه زمی * زان پیدشکه پرکنند پیمانه ما *
(نثر) وزنی اوزره شقی مزبور منبع الشروری مر بعنشین مسندگاه آزادی ایکن
بی تکلفانه برایکی پیاله صهبایله دفع خجاریلیه لم دیو عشرتکده لرینه دعوت قیلدیلر
اول اوچ یارظریف هنوز ثلاثه غساله ایله بطانه درونلرندن لوٹ ترددی ازاله
ایتمدین میانلرندن بری مجلسدن فالقوب علی الغفلة سر بی سامانه بر تبر خصم
افکن حواله قیلوب بالا کشیده اوج شقاکاری اولان شاخسار وجودی مظهر
مضمون (کشیجۃ خبیثۃ اجتثت من فوق الارض مالهامن قرار) اولدی خاتون
ودختر اول ظالم بی امانک آثار آزارندن آزاد اولوب بقیه مالی برایکی سال ایچره
افنا ایدوب آخر معیشته اقتدارلری قالمیوب بالضروره کوچه کرد فجور اولدیلر
همسایکان تقوی پرست اولمغین اولمقوله اوضاع متکرمیه تحمل ایده میوب
برایکی دفعه نفی باد ایتدردیلر اما هر قنغی جایگاهه وضع قدم ایتدیلر ایلر
نتیجه سوء فعاللری مستلزم ترک دیار اولوب ایکی کون بریده آرام وقراره امکان
اولیوب حالا کندی قصبه لرنده مبتلای ذل سؤال و آلوده کل ولای اسوه حال

اولوب دورابواب ايله مشغول تدارك نصاب اکتساب * و تحصیل نانپاره
ایچون مرتکب صنوف عذاب اولوب کرزلر برهیئت حیرت افزا ايله سرسری
ودر بدر مختزده و پرکدر عبرتفرمای نوع بشر اولمشلردر که حصه داران
ادرا که مایه نصیحت و خست شعاران دهره موجب عبرت اولمشدر (یا محول الحول
والاحوال * نعوذک من الم فقر و ذل السؤال

جباره جوراندیش بد کیشدن بری فقرای رعایادن بر ناتوانی تعمدا قهر و سیاست
قیلدیغک بعینه مجازاتک کوروب زمان قیلده پاداش جور و شروری
ظهور ایادیکیدر

نتایج عبرتفرای کاتدین تداندن خاطر نشان راقم الحروف بی نام و نشان اولان
حالات غریبه تعجب فرمادندر که والد جنت مکین اریکه نشین حکومت و قصبات
رومک بعضنده سجادیه پیرای شریعت ایکن طرف مستوفیان اموال دن حسن
صوباشی نامنده بر حریف جسور خدمت جمع و تحصیله مأمور اولوب خلال
بسط مقالده زمانی بعض اما کنده زنجیر کش ضبط و مباشر شکنجه کی ایکن
بر ممتول پاپاسی تهمت و شاة ساعی بالفساد ايله حبس ایدوب قنطار اراده سی قدر
اعطاء جریمه ده تعلل ساز و بهانه پرداز اولمغله عیاذا بالله تعالی رسم سیاست
قطع طریق اوزره اول بیکناهی قازیغه اوروب سر پنجه ظلم و تاراج پیدشه ايله
جمله ماملکنی ادخال همیان غصب ایتدم دیو ابتهاج ایتشیدی پدر پیر سالخورده مک
مقتضای طینت معتدل سر شتی بو مقوله او ضاع منکره مخالف السداده
انکاری اولمغین استماع پیام ستم آلودندن اشمئزاز خاطر وار تعاش باطن و ظاهر
قیلوب معاذ الله نه عجب وضع مستهجن و ظلم ناهستحسن اختیار اولمش باشد که
حضرت قهار کار ساز و منتقم بیکس نواز سنی دخی سیخ قهر و جفاده کباب
و آتش زجر و عتاب ايله سبیکه خام و جودینی مذاب ایتمکله اظهار حکم

قهاری و طور سیاست پاپاسیه اوزره اجرای حکومت عدل و قصاص حیات
افزاده فرمان مطاوعتی جاری اوله دیوتحریرک اذن داعیه سنده واعیه حقانیت ایله
اعمال انامل اعتراض و چین چین انقباضله حریف عنیفک استماع پاسخ
مشعر المظالمندن اعراض ایلدی اول بی امان مطرح و کینه ستان مسامح پندیده
توجیه سمع قبول ایتمیوب (ع) پندیدر نافع نشدر سوای مادرزادرا (نثر) شویله که
حضرت عادل حقیق جل شانہ مقاله مجازات اعمال سیئه ده رعایت قاعده
جناس و مشاکله روا کوره یعنی هر صدور ایدن مظلوم من مقابله سنده قصاص
مطابق معامله سنن اجرا قیله وضع مذکور دن بد تر هزاران شور و شر
موجب الکدره می تکب اولدیغمن مقرر اولوب وقتغی برینک تلافی سنده رعایت
شرط مناسبت و وجود ناچیز من کفایت ایلر خصوصاً اول طور اوزره سیاست
مخصوص اهل شرک و ضلالتدر سلاک موحدینه منسلک اولنلرک اولو جهله
اهلای منافی رسم و عادتدر دیوتحریرک سببت استهزا قیلدی بو معامله دن صکره
ایکی سنه میرورا یتمدین امر عادل حقیق ایله اول قلمروک امر اماراتی سالها
ممالک انا طولیده آتش افروز بغی و استعلا اولان جلالی حسین پاشایه تفویض
اولنوب اهالی دیار ایله امتزاجی همربک آب و آتش اولغله بینلرنده وقوع عیولان
محاربات عظیمه نک برنده مظلومینک انهرامی وقوع بولغله زبردست زبردستان
ظلم اندوز اولان عجزه مسلمینک بعضی متغلبه مذکورین ایله آرایش سلاسل
واغلال اولوب والد پیرکه اول اثناده قاضی پای تحت اولق تقریبیله ظالم
جبار یکنه آزار می قومک دست بیدارنده گرفتار و مضیق استیلا سنده اسیر ایدی
تحقیق روایت ایلرکه ملاعین بی دینک اول زمره بلاورزان ملهوفیته مباشرت
قهر و کینه ترین تماشا ایدر کن کورد مکه قتل پاپاس بی جرم و گناه ایله سابقا
مباهات ایلان حسن صوباشی نطع سیاسته احضار اولنمش دوشنده برناپرداخته
سیخ چوپین سرتیز و قفا سنده برجلاد جکر شکاف خونریز مباشر قتل و سیاست
و مترقب زجر و اهانت اولوب طورریاننده بر دردمند ناتوان دخی مظلوم می قومه
همعنان قنوب ایکیسی بریردن نکران فرمان قهر اولوب طورریلر حریف مذکور
کلامی نافذ و شفاعتی کارکر صانوب بندن استمداد ایلدی که تیغ سرتیز ایله
قتل ایدرلر ایسه حیات ابدی قدر ممنون اولورم عادت کفره اوزره قازیغه اورلق

عذاب عظیم در اوله که کیفیت اهلاکم اوزره بومر تبه بر مصلحت کور یله دیو
نیاز ایلدی اما اول ظالم بی امان و خونخوار بی ایمانک کوکب مریخ اثری
اول مرتبه دن برتر ایدیکه نوع آفریده حضور بی نورنده لب جنبان رجا و یا مقصدی
شفاعت واستغفا اولمغه امکان اوله مع هذا سابقه آشنایی حسبیه بیچاره نك
اول صورتله قتلی مستلزم فرونی عذاب اولمغین باری کشته تیغ سرتیر اولمحق
تخفیف اضطراب اولور و طریقه اهون اوزره اهلاکی فی الجملة روح راحت ایله
منصب اولور دیو خاطره کلدیکه بویاده جسارت شفاعت ایله کسب ثواب ایدم
(القصه) ظالم راغب المظالمه بسط نیاز ایدوب طشهرده آماده قتل اولان ایکی
دردمندک بری ایله فی الجملة مناسبت آشنایی سبق ایتشدردلله تعالی بر قطره قانی
یعنی بلایه اوغرامش جانی بن پیر وزار اسیره احسان وعفو جرایمی ایله فقیره
تحمل امتنان بیورلسد منتدردیدم بو تضرع درونی نتیجه بخش اولمدیغک
کور یجک باری سیاست غلیظه روا کورلیوب اتمام مصلحت حیاتی سیخ
چوپینه بدل تیغ خونینه سپارش اولنسه اولدخی نوعا مرؤ تدر دیدم هزار خشم
و کین و چین جبین ایله تجویزی مشتمل تحریک لب خشم انکیز ایدوب قاضی
معتوهک آشناسنک بوینن اورسونلر نهایت اول یاننده اولان حریفی قازیغه اورملر
دیوکارکز ارلینه فرمان ایلدی جلادلردخی یاننه کلوب ای قاضی سنک آشنک
قنغیسیدر دیدیلر دهشت قهر و تسلطلرندن نامن احضار ایده میوب بکزی
صاروجه ضعیف الخلقه نامراد دردمش اولدم مکر اول حینده استیلای خوف
ایله دردمندک رفیق اولان آخر گرفتاری هی اخذ ایدوب تب گرفته لکدن
سیمای غم فرسودی زیاده زرد کون وضعف آلود اولمش جلادان بی امان غلط
ایدوب عارضه تب دن شکسته رنگ اولانی مقصود بالشفاعه دیو حسام خون
آشام ایله آنی ایصال رتبه شهادت ایدرلر و بیچاره حسن صوباشی بی سابقا
ابتهاج ایتدیکی طور ترجم فرسای سیاست اوزره سیخ میخ تأثیره خلیده و اندام
بلا نشانی ضرب ککوپال نکال ایله دریده قیلوب درد مندی نشانده
میدان فلاکت ایدرلر زهی قدرت عادل حقیق که حقنده بومر تبه ده
سعی بلیغ اولمشیکن دفع قضاده مفید اولیوب عاقبة الامر اثر سوء صنیعی
بعینه ظهور ایتکله انموزج نقش حکمت و صائب نظران صاحب بصیرته

موجب عبرت اولدی فسبحان القادر القيوم الذی لادافع لما قضاه *
ولامانع لما اعطاه * ولاراد لما حکمه وامضاه * اللهم احفظ عبادک الفقراء *
من سوء الجزاء * قبل الموت وبعد الفناء

نهال خامس که میوه آبدار شیرین کوار اسرار صلاح و توبه کاری ایله بارور و نیجه
زمان آلوده دامان شرور ایکن ماء ظهور اهتدا ایله طیب و طاهر اولان نتیجه
پذیران حسن خاتمه نک آثاری ایله پرزیب و فردر

صادق نفعسان مقدس جنابدن بر عزیز معلم الکل بو غنچه خبر صحیحی نهاده دستار
کوشه تعبیر * و بوی حکمت آمیزی ایله دماغ جان احبابی تعطیر ایتدی که
فصل الربیع شباب جوانی و همعنان میدان طوب و چوکان اولدیغم یاران
لوندانه اطواردن فلان نام یار غارم (ع) بس طور عجب لازم ایام شبابست
(نثر) حلیه هوا پرستیده دور و دراز جولان ایدوب سائر همسن و سال اولنلری
برده سرحدار بعین اولدچقه تقصیر ماسلغه نادم و سلوک طریقه توبه کاری به
عازم اولوب قطعاً مزبورک سیمای تلاشی پیما شده احتمال صلاح و قرینه ظهور
نور فوز و فلاح نمایان اولیوب کتدچکه ارتکاب شروره اصراری مز داد
اولغله هیچ آفریده مزبورک زمانله تهذیب اخلاق ایتمسه احتمال ویرمز لر ایدی
(ع) از دلبر بی وفا جدایی بهتر (نثر) مضمونی اوزره نصاب فکر عاقبتدن حصه دار
لطف سیرت اولنلر (ع) و حسبک عار اننی عنک زاهد (نثر) تعبیری حریفه
حجت رقی آزادی قیاب صحبتدن تنفر و اعراض * و الفت و آشنایسندن
انحاض مناسب کوردیلر تک و تنها امثال و اقراندن جدا قالمغله ترک دیار ایدوب
برآز زمان ناپیدای صحرای ظهور اولدی حتی قوافل تجارتدن کاهی استماع اولنور
ایدیکه بعض اهل شقایه رفاقت ایله رهنلک سوداسنه دوشوب رؤس جبال
شواهدده بی باک روان مسافریند ضرر رسان تاراج اولوب کاهی قتل وارد


و صادر لکله دخی تهت آلود اولدیغی مقرر اولدی برنیچه ماه و سال
 بو حال اوزره کنار ایدوب برمدن نصره مزبوری هیئت صوفیان خرقد پوش
 و سبلیت تراش و سبجه دردست و مسواک بر سر ملازم صف نماز و ماتحق اهل
 نیاز کوردم بو صورتیه دخولی حقیقی اولمسنده و سوسه تردد خدشه زن روی
 تفکر اولیجق امتحان خلوص نیتی امرنده اعمال ادوات تقید قیلدم مرد
 پاکاز و مهذب ساخته اخلاق طور سابقه مذمت طراز ایدوکی ظاهر اولوب
 پرسش داعیه انابتده اقدام بیان واقعه مبالغه کوستردم ایمان غلاظ ایله
 اثبات مدعا قیلدیکه رفقاء صاحب شقا ایله ره پیمای قطع ایکن بر کوه سارده
 رمه کوسفنده مصادف اولوب بربره ناتوانی بریان ایلدک بعد ایام اول
 جایگاهدن ینه رمه میش کنار ایدر ایکن اول مذبح مطبوخک مادری آتش کباب
 تفسیده ایتدیکی چمن خاکستری شدت ایله استشمام ایدوب مست بوی جگر
 کوشه اولمغله کندویی بر کره بالای هوایه پران ایدوب زمینه بیچاره بیجان دوشدی
 بو حالی دیده ظاهر بین ایله عیانا مشاهده ایتدیگمه قلبه رقت و درونه مرحمت
 طریان ایدوب نصاب و عقل مایه فهم و دانشدن محروم برچار پای محقر بو قدر
 ترجم صاحبی اولوب فراق فرزند ایله کندویی اهلک و کباب اولدیغی محله
 نیچه زماندن نصره زهره چاک اولق جائز اوله یا بو قدر بیگانه لکه آرزوی اتمام
 کار ایله آزاده خرام شاهراه مرام ایکن کمینکاهدن مار زهر آلود وار هجوم هوش
 فرسایله تیغ زهره شکاف حواله ایدوب کردن بدنندن دور ایدن بی مر حمان
 خونریزک مال حاللری ینه فاجر اولق کر کردر دیو عبرتگیر و نصیحت پذیر اولدم
 دران لحظه بارقه فیض خد ادر و نه بر تاب تحمل کداز القا ایتدیکه وجود
 سخت آهنین مذاب اولق مر تبه سینه واروب کانون سینه ده مجتمع اولان خس و خار
 افکاریده سوزان شعله ندامت اولدی و بو آتش ایله زر سبیکه قلب صنوبری
 قال اولوب بحمد الله تعالی صفوت و نقایدا قیلدی الحاله هذه مستعد تمغای
 مغفرت و منتظر نظر صراف عنایت رب العزتم دیو تحقیق سرگذشت ایدوب
 آخر عمر ینه دک ملازم محراب عبادت و پا بر جای سجاده هدایت اولمغله
 بهره یاب حسن خاتمه ایدوکی قرار داده اخبار امتدر

بردزد شکار بازگشتواری کنج خانه ایکن طعامه دخول ماردن اصحاب خانه پی
خبردار اتمکله مأمولته وصول بولوب باعث ندامت اولدیغیدر


صعاليكه چالاک پاور عياران چاپکدست بی پروادن بر صاحب الشهره بردهقان
عقيله القبيله نك بارکی بارکشنه تعلیق نظر حرص و آز ایدوب لکن باب
محافظه سنده افعال تقید درکار اولوب مجموع توابعی روز روشنیده نکهبان
ولیاالی مظلمه ده اهتماما خوابگاهری بارکی به مکان اولمغله اول شکار باز ناخن
دراز فرصت یافته دسترس اولمغله نیچه زمان بوارزو ایله بی سروسامان *
واشتیاق بارکی ایله پویان ودوان * جویای دم فرصت و مترصد کمینگاه
امکان اولدی * عاقبة الامر بوتدیر ضروری به منساق اولدیکه بر کون
خانه دهقانی عیال پریشان حالدن خالی اولیجق خفیه قدمنه دخول اولوب
حجره پر نور جهان انطفاع مشعل کیتی فروز خورشید سببیه تاریک
اولنجه یعنی هنگام شام ایروب تابخانه مجصص جدار زمانه خر که نیلی
رنک سیه فامه دونجه برکوشه سنده متواری پرده اختفا اولوب زمانی که
سکان خانه کار و کسبدن کلوب کسلناک و فتور آلوده بر طرفده سر نهاده
خشت پاره استراحت اولمغله عیار باصره لری تماشای اشباح عالم مثال ایچون
روبراه مخیمگاه خواب اولدقدی بارکیدن نازکانه حلشکال ایدوب زمام اخذنی
تازیانه کف آرزو قیله * بو عزیمت اوزره بر کون فکر خروجدن استغنا کرده مکن
حریفه پانهاده ولوج اولدی و برکنج تاریک نابی سپرده بر مقدار توده خاشاکه
نظری دوش * و میان خس و خارده خفیه خواب خرگوش اولوب اشخاص
خانه کردک مسافران حواسی فتور اشغال بومدن توجه نمای آسایشکده نوم
اولمیرینه مترقب اولدی * دیدهبان نظری نگران آمدشد سنده غفلت و مشغول
دست و کربان سبات عطلت ایکن نیچه زن زمام مرام و آهوی دام جسته

جست خرام کبی کرمر و چراگاه نیل کام اوله * بواشاده خانه خدام و توابعدن
تهی قالدقده سرکانونده بزديك درغلیان ترك ایتش لر ایدی و دزد بید ستمزد
پنهان میان خس و خارا یکن برافعی * بیچان مهیب المنظرک بوی شیرجس ایتکله
پیرامنکرد آتشدان اوله رق فتاده * دیک اولدیفک تماشا ایتشیدی * شب هنگامکه
صاحب خانه خدمات کشتاوری و برز کریدن فارغ و فکر خورد و خواب
آسوده کی ایله لنک ولوک خرامان بیت القراز اولوب توابعندن کیملر وار ایسه
یکان یکان پیرا مننده حلقه بند اجتماع اولدی لر خدمت کاوان و خران ایله بیتاب
و مبتلای جوع البقر اولد قری جهتدن دیک اشتهالری تنور دوز خدن کرم اولمغله
دیده شرمه لری سرپوش دیکه نهانی نگاهبانی یولندن نظر بازی * عاشقانه دن
منفک اولدیغنه کتخدای خانه اولان کنه دیده مجوز کیس و بریده نک نظری
دوش اولوب پیشکیر و خوانی درمیان ایدوب دیک معهودی کتاره * کانوندن
برداشته و مطبوخی افراغ کاسه احضار ایده جک محله خاطر دزد راست
کرداره بومعنی لایح اولدیکه * حالا بوطائفه قضیه دخول ماردن خبر دارد کلردر
جائز که ندانسته ولوع و شره اظهاری ایله زهره چاک زهر مار اوله لر و اگر قضیه دن
آگاه اید رسم مقرر در که ای بیگانه فساد آشنا بومحله کارک ندر دیو لکدن
هجوم اولوب آرزوی اسبله کلش ایکن عنان سمندجانی فرو گذاشته دست
تدمیر ایدوب پیاده رفتار سمت بئس المصیر اقتضایدر دیو نیچه زمان اندیشه ناک
تردد اولدقد نصکره مذهب مری و تده بن بواش شخصاصک ید کیدنده هلاک
اولق بومر تبه جمع کشره اصابت ضرر ویرانی * خاندانلرندن اولی کورینوردیدی
و بالبداهه میان توده خاشاکدن جن کبی آواز محزونانه ایله ایها القوم زینهار
مطبوخ مذکوره ادخال ملعقه تناول ایتماک که جرعه مرک نا کهانی ایله
سرکران خسار بوار اولمکز مقرر و محققدر یش ازین دم برافعی * خم بنخم
درون دیک جوشانده بخته حرارت عدم اولمشدر دیدی * کنج تاریک خانه دن
برصدای هوناک رسیده * طرف سامعه لری اولیحق زهره لی چاک اولق مری تبه سنه
واروب جله برپای استغراب و رعشه ناک اضطراب اولدی لر میانلرندن مجرب
امور اولان ساخوردلری شمع فرو زانه دست اوروب آهسته رو سمت صدا
اولوب بحق خالق انس و جان درست و راست بیان ایله نه طائفه دنسن

اگر سلاله آدم صنی ایسک بو محله کازک و دخول ماره کیفیت شعورک معلوم
اولق کر کدر دجک دزد خاشاک نشین تفصیل واقعه بی بیان و قصد بارکی ایله
پنهان اولدیغک برآورده زبان ایادی * اول قومک بعض ناکار دیده ساسده لوحانی
رفع عقیره المدد قیلوب های همسایکان و خویشان خانه مزده حرامی پنهان اولمش
کلك کار حیاتی تمام ایده لم دیو برخاسته اقدام اضرار اولدیلر پیر صاحب خانه
کروه اشیا عنه طبا بجه تهدید حواله ایدوب بولطفک مجازاتی صورت غوغاده
جلوه کر اولق ناروای رسم و راه مر و تدر * بلکه آرزو مند اولدیغی اسبر هواری
کندویه احسان ایدوب بوا حسانی مقابله سنده خاندانمزدن اکرام بیکران ایله
کامران کوندرمک لازمه عدالتدر دیوب فی الحال مناسب مقام عطیه بهیه دن
بر مقدارک علاوه اهداء بارکی قیلوب تعظیم و تشییع ایله ایصال مر حله سلامت
قیلدیلر دزد منصف بو موهبه غیبیه مظهر اولیحق سرمایه (النجاة
فی صدق) ایله تجارت راجحه مقرر اولدیغک بیلوب و شاه راه عنایت الهیه دن
کاربان قوافل امانی پدیری رسیده دکان توکل پیشکان اولسن تیقن ایدوب
علی هذا التقدير سرمایه صدق و اخلاصی ترک و کریوه خدعه کیریدن
کسب سودا سنده اولق عین غبن و فضاحت و محض نقص و قباحتدر دیوب
اخلاص تامله توبه کار و پشیمان و مده العمر گوشه نشین چار سوی اخلاص
ورزان اولمشدر



دلی مستانه لقبيله مشهور دیار آخر عمرینه دك ادمان شراب مدامله آلوده ایکن
نامنی آخره اسقاط ایتمکله توبه کار اولدیغیدر



سپاهی زاد کان لوند سیمادن دلی مستانه دیمکله شهر تیافته برنامراد متلاشی *
نهاد کسب عمر هفتاده سال پدیری برایکی سنده ده باخته قار بازی می
پرستی قیلوب * براز زمان محصول تیار و سائر وجه کسب و کار ایله باده نوش

و میکسار اولوب برحاله واردیکه خانه ویرانده سنکراه موش و خلیده پای
 کربه اوله جق نه برکندم وارونه بر حصیر پاره درویشانه قالوب عاقبت
 مسکن و تیمارک دخی ثمن یسیره نقد ایدوب ادخال خم خسروانی قیلدی
 (الحاصل) عمر برباد داده سی حد و دستینه مشارفه ایدوب هرگز ایام
 صیامدن غیری زمانده بارکش علایق ادراک اولوب کل آن مست
 بی باک * و اله دختررز و مقتون فرزند تانک ایدی * افراط شوریده کی
 می پرستیدن بر طبقه و ارمشیدیکی عاقل و لایعقل اولدیغی زمانلر فرق اولمیبوب
 تمام زروه اعلائی ادمانه عروج ایتدیکله می نوش ایتسده ینه سر خوش قیاس
 اولنور ایدی امدست و زباندن عالم سالم اولوب هیچکسه اضرار و آزار ایتیبوب
 جمعیتکا هلرده از پرده بیرون آهنگ ژاژ خایی قلعه دماغ یارانه خراش انکیز
 تکدیر اولوب خنده بخش مجلسیان اولمقدن غیری اثر ضرری مشاهده
 اولمزدی * شاه فلاکت پناه افلاس طرفندن شول قدر مظهر نظر التفات اولمشیدیکه
 منصب قدح جراری کندویه مختص اولوب بعض اکابر عسکریه حال قدیمه
 ترجا کاهی پیمانه بهادن محروم ایتلر ایدی * دوشنده لباس پوشیده نی جنسندن
 صیف و شتاده بر عبا یه منحصر اولوب فرضا احبابدن بری اولمقوله اشیا
 احسان ایتسدر لحظه توقف مذهبنده حرام اولوب لمحاة البصرده کرو باده
 فروشان ایتمینجه دل پر خفقانی راحت یاب سکون اولمز ایدی لیکن نه حال ایسه
 دستیاری نیاز ایله بر بارکی پیدا سندن خالی اولیبوب اطرافده قدمای احبابی
 دور دائم اوزره زیارت * هم بو طریقله سرمایة اوقاتن اضاعت ایدر ایدی *
 یوما من الایام طریق دیرینه سی اوزره نواحیده اوجاغ و مهمانواز اولان قومی
 خانه بخانه کزوب سر سر یلکله تکمیل لوازم در بدری یه مشغول ایکن بر صاحب خاندان
 دولتمند کریم الشانک روزی چند مهمانی اولوب تمام وفق مراد اوزره لوازم عیش
 و نوش اعداد ایدر لر مجلس قراری آخر اولوب آخر جایگاهه توجه ایچون
 پانهاده رکاب اوله جق محله صاحب خانه نک تشکر اکر امنه نسق سازشاکاری
 اولوب اغا حضرتلری مجلسکز دائم اولسون بز کدایه حددن بیرون رعایتلر
 ایتدیگز نیلیم تنکند ستانک عالمنده خا کپایه لایق ارمغانم یوق بوفنا دنیاده بر غیره
 بکزدن نام وارشدنکرو اول نامی سکا عشق ایتدم * بعد الیوم جنابکره

دلی مستانه دیسونار دیوب یا هو کوی وداع اولور * حضار بو کلامی حریفک
سائر مزخرفات بیهو شیشه قیاس ایدوب معنی ویرمملکه مقید اولمز لر لیکن
میان یارانده بعض دور اندیشلر دلی سر خوش نه عجب سوز سویلدی مقامنده
اولورلر * باهر خدا مذکور مست بیهوش اول محمدن کیدوب بر غیری
دولتمنده مسافر اولوب عادتق معلوم عالمیان اولمغه فی الحال اعداد می ارغوانی
ایدرلر * حریف ال ساغره صوندیغی کبی قلبنه ساغر باده هدایت تاب افکن
لمعه ار شاد اولوب بداء پیمانه بی جرعه وار ریزان خاک فراغ ایدوب شمدنکرو
بو مقوله مسکرات بکا حرام اندر حرام اولدی * دیو استغفر الله کوی توبه
وندامت اولور * بهی یادکار دیوانه می اولدک * سمنک عمرک بو حاله کچوب
مشربک دنیایه معلوم ایکن خاندانم زده استغنان مراد میربانه محض جفامیدر *
یوخسه رعایتکده تقصیر احتمالی ویررسن دیو درد مندی تطیب خاطر ایله
تقید ایدرلر * استغفار قطمیده اصرار ایدوب صباح فلان کسک خانداننده
ادوات قراری بوجانبه نقل صدنده تشکر نعمتاری مقابله سنده مناسب برهدیه
قدرتم اولما مغه نامی صاحب حانه یه هبه ایتدم اول نام بندن کتمکله میل شراب
مدام دخی خاطر مدن بالتمام زائل اولدی * استکراه وتنفر جایگیر اولمش دیو
تحقیق ماجرا ایدر مکر بیچاره نک ایام عمریدخی هنکام عیشی کبی منقضی اولمغه
قریب ایمش بو توبه دمنصکره بر آیمقداری حیاطده اولمیوب فارغا و تائب تسلیم
ودیعه روح ایلشدر (سیر الله عیبه) حکایت اولنور که اهداء لقب ایتدیگی
دولتمند اول ساعتده آلوده شرب مدام اولوب ختام عمرینه دک کل ولای باده
نوشیدن پا کشیده انابت اولما مشدر



صلحاء امتدنبیری برکلب خسیسک اهلا کنه باعث اولوب عالم رو باده مظهر عتاب
قهاری اولمغه تأیید توبه کاری اولدیغیدر



شیر صولتان غابه صلا حکاریدن بر سر شکن سک اماره بو خبر صحیح المال عبرت
 انکیز ایله پیشه گاه مسامر ددن غران اولدیکه براز زمان بر کلب ناتوان کوشه
 اصطبل ویرانده مکان تو طو تو ب ایامده رمد اغنام ایله صحرانورد و لیا لیده عوعو پاش
 اطراف اوله رق جوانب خانمانه پیرا منکر د ایدی بر کون داعیه کایت ایله
 میوه باغ محروس الجوانبه دندان حرص خلق خلیده قیلوب آثار دندان کزیسی
 معاینه اولمغله کلب نفس خسیسم بو حاله غضبان اولوب بر خدمتکاره
 اشارت ایتد مکه بر کنارده حیاتی اتمام ایده اولدخی بیچاره بی تعبیر مألوف ایله
 یانه دعوت و بر سمت خالی یه عزیمت ایلدی کلب ناتوان اگر چه امره اطاعت
 و دنباله رو خدمتکار اولق اوزره اشارته تبعیت کوستردی لکن بروضع حزن
 انکیز ایله کیدردیکه کویا معرض تلف نفسه کتدیکن بیلوردی اوچ دفعه
 بنم جائه صرف نگاه محزونانه ایله توجیه نظر ایدوب کویا لسان حال ایله چاره جوی
 نجات و امید واری عفو ایله عذر خواه هفوات اولدی * حتی مره ثالثه ده
 بر پاین درخته خلی دم توقف متردانه * ونگاه حسرت یوزندن اظهار
 وضع نومیدانه قیلدی سیمای چشمکینده تمکن اخذ کین و صورت غضبناکده
 پیمتاب چین جبین کور مکه احتمال ترجدن نا امید اولوب مدعای استغفای
 فردای محشره تعلیق ایدوب لک ولوک پیرو کاشته کار دمار اوله رق محل معهوده
 وار دیلر حسب الاشارة خدمتگذار خونخوار بلا توقف بر سنک عظیمی
 اول دردمندک حواله سر بلا مداری قیلوب فی الحال اثر حیاتی مغزی ثباتی
 کبی پریشان زمین عدم اولدی شبانگاه بو وضع ناقبوله نک عند الله تعالی حکمی
 و عتابی و لزوم سؤال و جوابی احتمالتدن بی پروا سر نهاده بالین راحت اولوب
 خدمتکاران حواس سیر بازار خوابه پریشان اولد قده عالم رؤیاده کنیعی
 براوز که جای حیرت افزاده بولدم عرصه عرصانده قاضی حاجات و مددرس
 اهل مناجات جل جلاله دیوان محشر و میزان مکافات خیر و شر طرح ایلش
 صنوف مخلوقات اول میدان قهر و احسانده کدا کرد قیام ایدوب وزمره
 داد خواهان و بیداد کشان گروه طلب گذشته ایچون دامن یکدیگره
 پنجه زن تعرض اولمشار هماندم سک مظلوم ستم کشیده میان کائناتدن کردن افراز
 فریاد اولوب لسان فصاحت اثر آدمی ایله خداوند این فقیر نامرادی بیلور میسنکه

نیمه ایام خانمانکده علاقه درونی اوزره بسط ذرائع سکون و آرام ایدوب بزم
 طائفه نیک و سعی مرتبه سنده خدمانکه قیام کو ستر میشدم و مراعات حقوق نان
 و نمکده تقصیرات ایتیموب شرائط حقیقت و نیک سکا لیده مقدورم در میان ایتیمیدم
 ایام شبان و لیالیده پاسبان اولوب طریقه خدمتکده روزان و شبان راحت و آرامی
 وجودیمه حرام قیلتشیدم بر کره سهو اولوسم قصداً لطف مسامحه انگیز که
 وثوق ایله بوستانکه کیروب نعم بیکران رایگان خدادن بر مقدارین ایصال حوصله
 حرص ایتدیکمه تحمل ایده میوب * نهاد بغی آدمده مر کوز اولان بخل
 مادرزاد ایله اولقدرشی قلیل و حقیری سرمایه اقتدارینه تأثیر بخش نقصان
 اولور زعمیه کناهمدن تغافل کرمن طراز خلعت مردمی قیلتیوب و حقوق
 خدمتی یاده آلیوب بن نامر ادک قتل و اهلاکک سزا و هنوز نعمت حیانه سیر
 اولمدین سیر دار الضیافه عالمدن حرمانی روا کوردک حالا حضور عادل
 حقیقیده که شاه و کدا برابر و آدمی و حیوان یکساندر ترافع بی غرضانه لازم کلدی
 کورهم مقتضای حکم دادار کردکارینه نه یوزدن صورت بولور دیوب بنی کشان
 کشان پیشگاه قهاریه احضار ایلدی * واسلوب مذکور اوزره تقریر
 مدعا قیابوب خدایا بن دنیاده بو شخصک لوازم خدمتن داده ایکن
 برجروی زله صدور ایتیکله خدمتکارینه اهلا کم فرمان ایدوب بندخی کردن
 بیج عناد اولیوب عقبنجه طرف مقتلکاهه خرام محزونانه ایله روان اولوب
 ایکی اوچ کره استغفای جرم ایلدم حتی فلان درخته کلد کده خیلی توقف ایدوب
 آرزو مند اشارت عفو اولدم اصلاً ترجم ایتیموب سرمایه عمر عزیزی تلف قیلدی
 دیدی بالذات مباشرت ایتیموب بعد التنبیه و ساطت خدمتکار ایله جاپوه کر
 اولدیغک تحقیق ایدیغک امر ممتنع الاندفاع الهی بو یوزدن صدور بولدیکه
 چون بو کار منکره کندی نفسی ایله قیام ایتیموب خادمه اقدام ایلش نصف
 مایه حسناتی اخذ اولنوب کیسه اعمالی نیمه اوله هماندم کندیمی بر درخت
 بالا کشیده شکنده بولدم طور مهیب ایله زبانیان پر لهیب علی الفور اره نیرزدندان
 حواله قیلبوب وجودیمی دونیم و دوخت ایتدیلر خفقان اضطراب ایله
 بیدار اولدیغده کندیمی برکبید کی لرزان و دیده لریمی سیاله فشان و نالان
 و گریان بولدم الان اول خشیت سینده کداز ایله زار زار اولوب استغفر الله بعد الیوم

برمور ناتوانه اضراردن جناب غفار مدد کاره التجاده بی اختیارم عالم منامده
بویوزدن لرزه نالیم غضب قهار اولیجق صورت ظاهرده حقیقه حضور حقه
نه زهره ایله واریلور دیو تحقیق سز گذشت منامده قیلدی (تجاوز الله
عن هفواته بحرمة الفرقان وآياته)

بلده مناسترده محموداغانام کامکار محمود العاقبه نك آخر عمرنده ترك علایق دنیویه
قیلوب فراغ بال ایله آزاده خرام جنات عدن اولدیغی حکایه غریبه سیدر

تمامی عمری فراغ بال و پیمانه عیشی مل ارغوان ایله مالامال کذران ایدن
سعادتمندان کامکار میاتنده نسیم روزنامه حیاتی تمغا پذیر حسن خاتمه اولمش
بر آدم مسموع خبر پروهان تجربه کار اولمشدر که آبروی بلادروم اولان

✽ قطعه ✽

✽ شهر خوش آب و هوا یعنی مناستر که آنک ✽

✽ رشک ایدر طرح دلاراسنه کلزار نعیم ✽

✽ بیک یاشارسه نوله برکون ایدن آنده آرام ✽

✽ بادی انفاس مسیحا صوی عین تسنیم ✽

(نثر) جامع سطور پریشان احوالک اثناء حظ و تر حالده رهگذر مطیه مسافرتی
اولوب صحن زیبا سنده سمات آرای مکارم اخلاق اولان احباب مسلم جنابدن
نزول یکشبه ایچون برکوشه تدارکنه تقدیم قاصد نیاز اولاند قدده برجایگاه لطیف
ومفرح بناده تعیین منزلگاه ایتش ایدیکه بادی نظرده بیت معمور فلاك زمینه
ایتش اعتقاد یله برمدت حیرت آلود اولوب شست و شوی کرد راه ایچون آرام
یکروزه مصمم ایکن اول جای بهشت آساک لطافت طرح دلار اورصانت طرز خوش شماسی
واله ساز طبع پریشان دماغ اولمغله بی اختیار اوچ آی مقداری بی بهانه و بی کار
بسط کایمپاره قرار اولمشیدی حقا که اول قطعه جننده زمان مکث و آرامز

نوبهار زود گذار اولوب اشراف اهلایسنک مرتبه اکرام و رعایتی
قابل تعیر اولدیغی کی اول مقام عدم الظیرک تعریف دقایق لطافتی دخی
ممتنع التقریر والتحریر در اجمال حال بوضوال اوزره در که حاق
وسط شهرده برکاشن سرای یهتا اولوب مطبخ وکیلار واصطبل
وسائر بیوت و حجرات داخایه وخارجیه دن قطع نظریشت کاهی برعظیم
حدیقه ذات بهجده وروضه جنت لهجه اولوب اقطار ربع مسکونده اقسام شکوفه
وبهار وانواع میوه های خوشکواردن برجنس دیده وشنیده یوقدر که صحن
زیبا سنده نشاند اولیه جایجا شاخسار ملتفت الساق بالساق واشجار بالا کشیده
دلکش اوراق ایله پیرامن طاق ورواقی بر مرتبه ده پرداخته وزینت یافته ویریر
پید سر نکون ودر ختان سبز کون وچشمهای سلسبیل نمون و چمنصفهای
لطافت مشکون وچمنستان ذی رنگ بو قلمون ایله زینت یافته ورونق داده که

✽ بیت ✽

✽ فضای دلکشی دارالقرار ایکن جانه ✽

✽ قومن هوای تماشای دلد صبر و سکون ✽

(نثر) وزنی اوزره تماشای طرز ناظر فریبی حیران ساز هزار بوعلی وافلاطون
ایدوکی قراردادده طبع ذی فنوندر باین جمله اول قطعه جنتک طرف شمالی سنده
بر مکلف خدام رخامی مفرش وجانب جنوبی سنده زیر سقف واحدده بر قفل
ایله مسدود بر کلید ایله مفتوح اولور اون درت باب بیوت و حجرات منقش
وفوقنده صافی بالورین مصفا دن پرداخته بر قصر متین دلکش طرح وابداع
وصحن حدیقه ده بر لطیف جامع مکلف بنا و طرف جامعده ایکی چله خانه
ومقابله سنده بر کاشی کتابخانه وبرجاهچه واندن جدا آرامگاه صاحب مقام
اولان تربه فردوس نشانه اختراع اولوب باین جمله کلشن سرای فردوس
نمایشنده ایکی نهر سلسبیل آسا محاکی حال (عینان تجریان) اوایوب اول ایکی نهر
جاری پیشگاه جامعده مجتمع اولدقدن صکره میان ساحه کلزاردن جانان سیم
اندام وار گذاروصحن باغده واقع قصر بی قصور خورنق نشانی (جنات تجری
من تحتها الانهار) مصداق پا کندن حصه دارایدوب پایین قصرده بر حوض
مصنع پا کیزه کرداره ریزان و طرف حوضده واقع چمنصفه لره برابر لبریز

اولدقد نصکره پیرامنی درختان کوهی ایله مزین ایکی صفه مدور سفره مشال
 آراسندن جانب نشیکاهه روان اولور (القصه) زیروبلا چار دیوار ایله محدود
 واستوار اولان ساحه جنت مساحه نك داخلنده مجموع بیوت نشینگاه عددی
 چهل چاره منتهی اولور * بومنوال اوزره برطرفه مقام دلارا و جایگاه جنت
 اسایدوکی دیده عبرت بینه تماشا ایتدیریلوب کیفیت طرح و وضع بناسی یاران
 سداد آشنادن استقصا اولندقد سر رشته مقالی بومنوال صحیح المأله نسج
 ایتدیلر که بومقام عالینک مخترع و بانیسی محمودا که زمان دولت سلطان مراد
 ابن سلیم خنده میرآخوردیم سلطانی اولان احمد اغانک برادری اولوب ایکیسی
 دخی زمان طفولیتلرنده یتیم و ناچار بی برک و نوا کدازاده خا کسار اولمغله بهانه
 کسب معاش ایچون براوستاده شا کرد اولق آرزوسیه مراراً دور چارسوی
 بازار ایدوب رثات هیئت و حقارت صورتلرینه هیچکس تعلیم صنعته قبول
 ایتیموب بالاخره محزون و ملول رو براه دارالمرام استانبول اولورلر که رزق
 جفته عنایات مبذول الفیوضات الهیه دن بر طبقه ده وایه کیرامانی و آمال
 اولور که برادر مهتری حرمگاه سلطانیده سالها نائل تقرب اولوب عز بوردخی
 سایه التفات برادریده مستریچ چمنصفه ثروت و یسار اولمغله * بوجایگاه بهشت
 اشتباهه طرح انداز * ولوازم دولت دنیویه سی کاینخی مهیا ساز اولوب
 زمان صحتمنده حالا منظور دیده عبرت بین قرق درت موضع بهشت آیینی
 سراپا قالیچهای ابریشمین و وساده و بالین زربفت پنبه آکین ایله تزین ایدوب
 کامل اوتوز بش سنه بوحال اوزره مسترا یاران محبت ایله مهمه پرداز عیش
 و عشرت و صبح و شام خواننده و مطربانه سخن لنگری و بالاسنه براولقد رطبهای
 فغفوری ایله انواع نعمای ملوکانه نهاده قیلوب حریفان بزمنی مستغرق نزل
 نعمت ایلدی بوسرای سینچ روز کاردن کام آلوب بیدرد و رنج عمرندن سنین سی
 و پنج تمام اولدقد برکون برچشن عظیم و برضیافت پر نوال عمیم ترتیب ایدوب
 عامه اشراف شهری ضیافت نصکره چاشنیکیر وقت * پیام فانتشروا ایله
 رخصتمده پریشانی اوله جق محلده صاحب خانه مضاف ستوده اوصاف
 پایین مجلسده پیشگاهنه برتوده زرناب نهاده قیلوب و حضار مجلسه کلفشان
 تعبیر اولوب یاران صفا و توز بش سنه در که احباب مسلم جنباله نان و پنیر و پیاز

و سپردن ممکن مرتبه سی کور یلوب شدت ور خاده بر بالینه سر نهاده اولدق عالم
 صغرده محتاج نیم جده ایکن جناب خدای مفیض النعمای بومر تبه ده کامروا
 قیلدی (ع) نه ممکن ایلک حق اوزره شکر لطف مولایی (نثر) حالاجیع ممالیکم
 تحریر و اعتاق ایدوب بومسکن محدودی دخی جیع اثاث بیتله و سائر مالک
 اولدیغم ابریشیم قالیچه لروز ربفت بالین و فرش متعدده متنوعه و لوازم خوان
 و سمات اولان کاسهای چینی و مرطباتی و ایکوز دن تجاوز کتب نفیسه
 و بر اولقدر دخی خطوط اساتیددن قطعهای مقبوله (والحاصل) تمامی عمر مده
 کسب و اعداد ایتدیکم اشیاء نفیسه موجوده بی و اشبو طقوز بیک آلتونی و بالجه
 قایل و کثیر کسبه تملیکه داخل اولان مجموع اموال و اثوابی حسبته لله
 وقف مؤید ایلله وقف ایتدم دیوب نهج معهود اوزره تفصیل شروط و عهود
 و تسلیم الی المتولی قیلوب قاضی شهر حجت تقریرینه عنوان طراز احسنت
 و امضایس حکمت اولدقدن صکره صاحب الخیر محمود العاقبه و رای پردهیه
 متوجه اولوب مکر جل اسبدن کندویه لباس و پوشیدنی اعداد ایلش دوشندن
 اطلس و سموری اخراج ویرینه اول ژنده موینه بی در بر قیلوب اول هیئت
 حیرت انکیر و قیافه کریه ریزایله مجلسه کلدی و حضارایله مصافحه استحلال
 و استغفار اسمن اجرا قیلدی و قید علایقندن بالکلیه مبرا اولوب جدا لله تعالی
 بو قدر نعمای جلیله بی جناب جهان آفرین بیچون و چرا ایچون ایتشیدی *
 حالا کوش هوش شنوا و دیده بصیرت بینا ایکن راه خدایه صرف و تسلیم
 و توفیقنه عنایت ازلیه سی راهما اولدی * الحالة هذه بوجل ناچیزدن ماعدا
 عالمده سرمو علاقه و پابندم قالدی دیوب نگاره نشین * و بزمگاه علایقندن
 دامن چین و فراغ بال ایلله مواظب شکر جهان آفرین اولدی * حضار مجلسه
 کریه عبرت انکیر مستولی اولوب بویوزدن مستغرق آلایش دینا ایکن
 بر لحظه ده بی باک و بی پروا ترک ماسوی ایتدیکی حیرت افزای عقلا اولوب
 سکرین حلوی شکر و ثنایله اول مجلس فاخری آخره ایتدیلهر بو وضع
 محموددن صکره اوچ سنه کامله یشمینده پوش و منقطع العالیق و مجرد باک آزاده
 خرام باغ و راغ و خوش نشین زوایه فراغ اولوب * یوما من الايام جانب قدسه
 دعوت اولمغله شمدن کرو باک الرحیل کوشکدار جان اولدی * جازه وجود

بیتاب حدیگر موت اولوب بندر حیات زود زوالی خواجگان سرمایه دار دنیا
پرسته سپارش لازم کلدی دیوب یوم ارتحالندن اون سکر کون مقدم جمعیت
خاطر ایله متقرب (اجیبو داعی الله) اولوب کلبرک زبانی عطر سای معنای
(لا اله الا الله محمد رسول الله) اوله رق عازم بارگاه قدس اولدی * دیو نفحه ریز
کلشن تحقیق اولدیله * حقا که هر قوم موفقی اولدیغی حال بو المعجبه
هیچ آفریده مظهر اولدیغی مقرر اولوب ذکر اولشان اوقاف حسناتی الان
زیب چارسوی امکان * و باعث ذکر جیل دعای خیر یاراند * الهی عاقبت
محمود کردان

* بیت *

* بوندن زیاده دولت اولور می آدمه *

* صد بارک الله انجیق اولور حسن خاتمه *

تمت نهالستان بعونه تعالی جل شانہ

اکسیر سعادت

بسم الله الرحمن الرحيم

بوتهٔ تاب دادهٔ قنخیلده کداختهٔ تابش فیض ربانی اولان اجزای
 کیمیای معانی انبیا و خاتم کهر ریزدن قالب صحیفه تقطیر اولند قچه
 (اولا) اکسیر حمد و ثنای مولی کلیمهٔ ابریز مدعایه طرح و القا و لمغله
 سبایک سخن مستحسن المدلول شایستهٔ تمغای قبول اولور

✽ شعر ✽

✽ ای هر چه رمیده وارمیده ✽

✽ در کن فیکون تو آفریده ✽

✽ یک ذره ز کیمیای اخلاص ✽

✽ کر برمس من نهی شود خاص ✽

(ثانیا) صیقل نعت رسول معلا جناب و قلمکاری مدیح آل و اصحاب ایلله
 پرداخته و جلا داده قلمغله بازار صیرفیان اعتبارده رتبهٔ رواجه
 وصول بولور

✽ قطعه ✽

✽ پررز تو کنج آفرینش ✽

✽ ای خالتو کیمیای بینش ✽

✽ وز مهر تو آفریده شد کون ✽

✽ اکسیر تو داده خاک را لون ✽

نظم

- * نچہ زمان ایدی سرمای غم ایدب تاثیر *
 * فسرده ایدی دوات وشکسته کاک نزار *
 * شکفته اولمز ایدی تازہ غنجهٔ امید *
 * ہزار خامہ دہ نابود ایدی دم گفتار *
 * ولیک پرتو مہر عدالت شاہی *
 * جہانی ایدی صورتخای فصل بہار *
 * جناب حضرت سلطان مراد اعظم کیم *
 * بو کونہ کلدی ہرگز آنک کبی خنکار *
 * ہزور و علما پرور و سخن پرداز *
 * دلیر و شاعر و خطاط و ناظم الاشعار *
 * مدیر چرخ سعادت مدار فروشکوه *
 * ملاذ اہل رجا ملتجای ہر ناچار *
 * زمان دولتی جنس علومہ وقت رواج *
 * نکاہ رغبتی ہر دم ظہور فضلہ مدار *
 * ایدوب ارادہٗ نظم امور دولت و دین *
 * کمال مکرمتن نا کہ ایلوب اظہار *
 * کتوردی مسند افتایہ فاضل الدہری *
 * کہ اولدر اعلم عالم کزیدہٗ اخیار *
 * جمالی مطلع انوار فیض ربانی *
 * درونی مصدر اسرار ایزد دادار *
 * بلند مرتبہٗ عادل حسین افندی کاودر *
 * فرید دور زمان ویکانہٗ اعصار *
 * عیال خیل اہالی مشایخ احبابی *
 * مکنہ چاکر درگاہی جملہٗ احرار *
 * پیام جاہنی تبشیر ایدنجہٗ پیک امید *

- * نسیم مزده ايله دهره کلدی فیض بهار *
- * چوزلدی شوقله فوری دوات یخ بسته *
- * آچلدی کلبن افضالده کل آثار *
- * ترانه سنج معانی اولوب خروش ایتدی *
- * عنادل سخن آرای نادره کفتار *
- * نوید جاهنه شکرانه کنج مقدورین *
- * حضور مرده رساله ایدنجه خلق ایشار *
- * آتوب کلاهی افلا که شوقله ایتدم *
- * جواهر سخن دلپذیری بنده نثار *
- * شکسته بسته براز جوهر معارفدر *

* جهانده ما ملک نر کسی بمقدار *

(نثر) حیدر طالع فرخنده فال خامه صاحب کمال که پیش ازین انقطاع فیضان
والتفتدن دمبسته ولال اولوب نی کی داغ داغ * و آرایش پیشگاه فراغ
ایکن اول بابل نازک ادانک سرانغاز زمزمه معرفتی برنوبهار معرفته راست
کلدیکه اثر طرازان سوائف ایام هرگز بو مقوله نوروز نجسته نسیم اعتباره
دوش اولیوب ناله عندایب کلک سخن سرای نادره پیرالری موسم هبوب
قبول قبوله تصادف ایتمکله (ع) یاضیعة الورد زار فی رمضان (نثر)
مدلولی اوزره ترانه بی هنکام عاشقانه لری تحسیر کل کوش نکته شنوله مبدل
واویلا ی فغان اولمشیدی

* شعر *

* صفیالهدا الدهر عن هفواته *

* ان كان هذا اليوم من حسناته *

(نثر) بویله نوروز نجسته بروز معدلته که مصادف دم خرم عید مسرت اوله
سیوی خاطر صهبای نشاط افزای حیثیت ايله لبریز اولان رندان مذاق
آشنای صاحب معرفت و تمیز مناسیمیدر که بویله دملرده ساکت و خاموش
و غبارا کدار ايله حیران و مدهوش اوله

✽ بیت ✽

✽ بهارست ای خلوتی مرده باد ✽

✽ چسان می‌نشینی جاد جاد ✽

✽ شعر ✽

✽ دمیدر مست می شوق اولوب ارباب سخن ✽

✽ ایده‌لر داده کی سره‌هزی دهره عیان ✽

✽ دمیدر معجز عیسی سرور ایده‌ینه ✽

✽ خشک چوب قلی نخل تر باغ بیان ✽

(نثر) بنابرین بومقوله تراجم دوائی شادمانی و توافر اسباب بهجت و کامرانیده که

✽ بیت ✽

✽ دم نوروز و صفا بخش کر مدر نوله کر ✽

✽ دینوب اشعار و قصیده اوقته مدح و غزل ✽

(نثر) وزنی اوزره نسیم خوشنمای منظومهای اهالی پسندایله اداء مراسم نهائی معتاد اولوب اورنگ نشین پای تخت کاهبخشی اولان فریدالدهر افضال پناهک فیض و تقید اهلپروری دخی ارباب دانشه تازیانه همت و ممدمایه قوت اولغله بوکینه حاکمای بی باک خرامان چهرار معرفت ذمتنه لازم کادیکه اثبات ملکه قدرت عاجزانه ایچون کتاب مدیح عالی حضرتته دیباجه طراز محمدت اولوب و اخطار معنای عبودیت ملاحظه سیله بر بنفشه دسته خاساک آلود باغ بلاغی رشته پر پیچ و تاب سطورایله بسته قیاب رجای دریوزه التفاتله اول ناچیز برک سبز مستندانیه برداشته پیشگاه فتوا پناه معلا جناب عالیجاه ایدم (ع) زهی سعادت اولورسه قبوله ارزانی (نثر) خصوصاً بوندن مقدم دخی اول عالی حضرتک مراراً شرفبخش صدارت روم اولدقلرنده نوازش ارباب حیثیاتی پیش نهاد مشرب داد اعتیاد ایتدکلی مشاهده اولندجه بعضی نسیم ناچیز خرف پاره‌های نجلت انکیزی خاکراه ندیم نکاهلربنده نثارایده کلوب (ع) آنان که خاکرا بنظر کیمیا کنند (نثر) مدلولنه ماصدق اولان لحظه عنایت سهیل خاصیتلریله بر مقتضای

✽ بیت ✽

✽ کرخو بچکان آن لب شکر برشوره خاک آرد کذر ✽

✽ آن خاک را دریک نظر سر چشمه حیوان کند ✽

(نثر) اول خرمهر مرهمرنک اولوی شهوار و خرف ریزه هر همقدر جواهر
آبدار اولدیغندن قطع نظر زمین سینه جوهر عرفانه کان و لعل هره بدخشان
اولوب ترصیع مجوهر تقصار کلام بدیع النظامه لازم کلان جواهر فواخر
بلاغت مآثری چارسوی آثار اغیاردن کف دست مضمون تراش التقاطله
تدارک و تحصیل تکلفاته احتیاج زحمتی برطرف اولمشیدی

✽ بیت ✽

✽ منت نکشم رسا غر غیر ✽ هم ساقی خود شوم درین دیر ✽

(نثر) بومر تبه ده فیوضات بدیهی الظهوره وصول اول مقدس جناب
کرامتیناهک فیض نفس تحسین اثر لیله جلوه کر حصول اولغله سخن سنج
ذهن درا که نقدینه اوقات نازنینی قاربازی مالا یعنی به اسرافدن حذر لازم
کلوب اول یکنانه دور زمان و خداوند مشفق نهاد اهل عرفانک ذکر جمیلی مدی الایام
پیرایه صحایف اعصار و دهور اولق ایچون نام نامیلری تعویذ کله گوشه دیباجه سی
اولش آثار نوبوتاره ظهور ابرازینه سرمایه عمر عزیزی صرف ایتک واجب
و تحت کورغش ایدی ✽ لکن سبایک تعبیرات سنجیده ادانک نه مقوله مدعای
نوپیدا اوزره افراغ قالب املا اولنسی مناسبدر دیو جزر و مد اقدام ✽ و احجام
مسافر کشتی نشین متفکره بی ساحل جسمه لئکر انداز قرار اولمدن شاغل اولغله
کوشه کیر کوئل دماغ اولان نوتی خرد خرده بین ایلله استشاره سمت صواب
اوزره ایکن ناکهان اول مدیر چرخ مراد و قطب فلک الافلاک عدل و داد اولان
جانشین مجتهدین و جان بدن دنیا و دین حاضر تلرینک کوب طبیعت
انور خورشید اثر لرنده نوع و بال تغیر بدید ارا اولوب حادی مرکز روح ✽ و متم
دائرة وجود عیم الفتوحی اولان منطقه البروج مزاج سعادت امتزاج لرینک
انحرافی بر درجه ده کورندیکه معاذ الله دینه جهانیه آثار طامه کبری و علایم
تضعضع بنیان دین و دنیا نمایان اولوب بای کدای یکنانه و آشنا مجنون و عاقل مجذوب
و کامل هر کس و ناکس دم بسته و منقطع نفس اولق مقامه واروب ✽ نیچه لر

فرزندین بلکه کندی کندین اول محبوب القلوب عالمیانه قربان وفدا ایتک
مر تبه لری مقرر اولوب جمله کائنات بذل ندور و صدقات ایتد کده بواقل
عبدان حضرتک جیب اقتدارنده نقود معارفدن غیری شایسته نذر
عافیتاری بولمغله عامه انامه عیم النفع اولان کتب مشایخ عظام مفهوم
احیاء العلوم اولق اوزره رغبت یافته کبار هر مر زو بوم اولان کتاب کیمیای
سعادتدن بر فصاک * یعنی رکن معاملات اصولندن بشنجی اصلک میانه
تعبیرات رومیانه ایله بر آورده مسطر ترجمه اولنمسنندن مناسب شکرانه
نعمت عافیتارینه قدرتم اولیوب هماندمکه دعای جهانیان * وتوجه نیاز
آمیر منکسر دلان اخلاص ورزان حضور قاضی حاجات * و درگاه مراد بخشش
اهل مناجاتده قرین قبول اولوب اول روح مجسم عالمک وجود مکرملرنده
عارضه انحراف مبدل بر تمام اولدیغی کورلندی

✽ شعر ✽

✽ الحمد لو اهب العطایا ✽ ✽ والشکر لدافع البایا ✽

(نثر) مضمونیه دیباجه بند جد خداوند اولوب مدعای مذکورک صورت پذیر
ظهور اولسننه حسب القدره بذل مقدور قیلندی * سبحان الله نوقت سعید
عید آساده ابتدا اولنمش که هنوز انتهای آرایش باب جف القلم تم الکتاب
اولدین * و پریشانی نظره اولی جولان طبع قلم اعاده وتکریر ایله پرداخت
اتمام و رونق انتظام پیدا قیلدین * روح بدن عرفان و مدوح عالم و عالمیان اولان
ذات برکزیده صفات * خورشید جلی شعله اوج مکر مات * مهربان
پدر اهل دانش و انبیا * هر بی شفقت پناه عباد الله * بی خاتم سلیمان صاحب
تصرف * خداوند عالیشان طارح التکلف * مجدد مایه عاشره * جامع
فضائل کامله و ظاهره * بالغ اقصى الغایات کلمات باهره * فرید الاواخر
والاوائل * الفاضل ابن الفاضل * الذی لا تنی جواهر الحروف لترصیع
تبحران اوصافه الجلیله * ولا یکتفی نصاب الالوف لاحصاء الطافه الجمیله *
ادام الله تعالی ایام دولته فی سماء عزته * ما یتبع الدهر بذکائه و غرته *
جناب عالی لری شرف بخش مسندگاه فتوی * و مهر عنایت عالمشمول لری

ضیاءش چار جهت دین و دنیا * و بالجمله شخص عالمی بتواند از نور احیا و ابد قلمری
مشاهد اولندی (ع) هزار شکر خدا صدهزار شکر خدا

✽ شعر ✽

✽ الیوم ردت علی الدنیا بشاشتها ✽

✽ وارضی الملک والاسلام واللہ ✽

غلبه کیفیت ر حیق سرور دن بو عجاله الوقت بی انسجامک حسب المرام
تنقیح واصل حنه توهت تام اوزره امرار خامه نظر مکرره اقدام ممکن اولیوب
سرمستی نشاط کامرانی شتاب بی اختیار انیه التجا اتمکله متلهثاً عزیمت
بساط بوسیء خداوند موصل الامانی به جسارت اولندیغی امید در که داعیه
تموج لجه جبین عتاب اولیوب بو غرق عرق شرمساری پریشانی به طرف ردای
تساعح عالی حضرت مروحه راحت و مترقب نگاه مریحت تحریک کوشه ابروی
قبولری اشارت بشارت اوله

✽ قطعه ✽

✽ همیشه تابود آثار منشیان کلام ✽

✽ بنام نامی ارباب مکرمت منشور ✽

✽ مآثر همگی منتشر بنام تو باد ✽

✽ چه در اما کن غیبت چه در مقام حضور ✽

بومسوده برهمزه دهنگ اصل بر اصول و مأخذ رهین القبولی تألیف لطیف
(امام حجة الاسلام) شیخ الشیوخ باهر الاصاله والرسوخ (حضرت امام محمد غزالی)
وصل الله الروح الی روحه علی التوالی یعنی (کیمیای سعادت) نام نسخه پر حکمت
و کنجینه مالامال جواهر نصیحت اولمغین بوانمودج الصناعاته فقیر قایل البضاعة
(نام اکثر سعادت ایله) معنون و مسمی و مفهوم اداء حضرت شیخه خلیل کلامک
اوزره حسب الاقتضا جمال دوشیزه معنی زینتیاب حلیه خوشنمای انشاقیلنوب
ونقل حدیث بالمعنی باینده وارد اولان اختلاف اسلافه بناء عدم تجویز طرفنده
اولان کلام کباری رعایه هر چند که جناب مؤلف الاصل قدس سره نقل بالمعنی
بیورد قلمری مواضع شریفه ده سمع مخاطبه القاء تشویق و اغرا و یا افاده ایضاح
فحوا ایچون بعضی الفاظ متناسبه بایله تزیین سخن لازم کلوب فی الجملة ادای

معنای حدیثه تفصیل اولنمش اوله مجرد اول کلمات زائده بعینه دهن مشکبار
 حضرتدن صادر اولسامغله احتراز اعن الافتراء حضرت صلی الله علیه وسلم
 بویه بیورمشلر تعییرندن لسان خامه مصروف سمت آخر قیانونوب مأل مقال اراده
 اولدیغک افاده ایچون کلدسته کلاملرندن بومقوله بوی معنی استشمام اولنمش
 ویاسلک اللال مقالرندن بورسمه بریق ولعان مضمون استدلال قیلنمشدر طریقه سی
 مسلولک قدم قلم اولمشدر یعنی بعینه معنای حدیث نبوی نقل اولنمدیغی محارده
 کلام درر بار حضرتدن منفعهم اولان مدلول مقبول بروجه وجیه قرین القبول ایله
 منقول اولدیغی معلوم اولمغیچون خبرسید البشر دن بومعنی استدلال اولنوردیو
 بوکاشیه بر تعییر ایله افاده هرام اولنمشدر (ثانیاً) حضرت امام شافعی المذهب
 اولدیغی جهتدن لازمه عظه و تذکیر اولان ترغیب و ترهیب امر نده تسطیر
 بیوردقلری مرتبه ده مهما امکن زمام خامه مطلق الغنان مضبوط دست تیقظ
 اولمشندن تقید اونوب افراط و تفریط ایله واهمه پرستان سست ادعائی مغلطه
 قیل و قاله دوشریمک اوزره بر تعییر مانع التغییر ایله اداء هرام بابنده اهتمام اولنمشدر
 زیرا اسنخن فهمان معنی آشنایه واضح و هویدادر که (مطلقاً ترجمه ایکی قسم
 اولوب بر قسمی الفاظ مترجمه بی بعینه ترکیبی ایله تعییر درامابوطرز اوزره ترجمه
 قلیل المفاد اولدیغندن غیری شاهد شیرین جمال شیوه لطافت و خطوخال
 فصاحت و بلاغندن بی نصیب اولور و قسم ثانی مأل کلامی اخذ
 ایدوب مضمون سخن مصنف الاصلی قالب حسن ادایه افراغ ایچون
 مناسب مقام بعضی الفاظ و عبارات و تراکیب و استعارات ایله پرداخت
 وزینت و بیروب می ادمصنفی صورت خوب و طرظمی غوبده تحقیق و تصویر در حال
 اختیار کرده راقم الحروف قسم ثانی اولوب اقتضای محله ملایم نفس
 درازی منشیانه ایله بزمکاه بلاغنده سخن پردازی معرفت و نکته سنجی براعت
 یوزندن یارانه خدمتدر می جودر که اصل نسخه دن زیاده و نقصان اوزره
 مصادف اولدقلری تعییراتک سببی معلوملری اولدقده حرف اندازی طعن
 و تشیعی روا کور میوب زلقه پای ناهموار خرام اقدامه نظرلری دوش اولدقده
 دستگیری عنو و اغماض ایله نکرم دریغ ایتیملر که (التغافل من اخلاق الکرام)
 شفیع و عذر خواه مناسب للمقام و اصل کتاب بر در یای اسرار و دنیای آثار اولوب

جمله دن جو فصاك اختيار اولمسی خلقه آداب معاشرت واختلاطی مبین
و حقوق والدین و اخوان و خدمه و دوستان متضمن اولمغه عامه انامه نفع
وفائده سی شامل و عام اولمق ملاحظه سندن نشأت ایدوب روحانیت عزیز
مقدس جناب ممد اختتام و اصلاح نشیخه وجود خطا آلوده مفیض ملکه تقید
و اهتمام اولمق ملتسدر و السلام

(جیش عزم) کثیر الزحام ارواح آدمیان ساز و سلب صورت و جثماندن
عریان اولدقلری حالده دیوان مقدس الارکان پادشاه جهان آفرینده جل شانہ
تنبيه سپهسالار مشیت کردکاری ایلهم رب الصفوف و کردا کرد مجتمع و مألوف
ایکن جانب فرمان فرمای بیچون و چرادن رخصت یافته اشارت (فاهبطوا)
اولوب هربری سر میدان اوج علیندن منتهای منازل خلق و تکوین اولان
قرارگاه (ثم رددناه اسفل سافلین) سمتنه توجه لازم کلد کده کشت ساحه
ملسای غیب و طی صحرای بیضای امر ایدنبجه هزاران هزار مقامات اطوار
سیرایتمشدر

❖ بیت ❖

❖ بدین که چند نشیب و فراز در راهست ❖

❖ ز آستان غدم تابه پیشگاه شعور ❖

ورکاب مطایای اشباحه پانهاده ظهور اولوب طی عراض فسیحه الارجای
تعین ایچون تحریک زمام عزیمت قیلد قلرنده صد چندین مسالک
پرمها لیکدن عبور ایدوب رسیده دارلقرار آخرت اولنبجه سفر دورا دورلی
نهایت بولما مغل من طورالی طور و من حال الی حال تحول و انتقالری امر مقرر در

❖ نظم ❖

❖ حوان ایلر فلك طفلی جوانی پیر زال اینر ❖

❖ نه حالتدر هلالی بدر ایدر بدری هلال ایلر ❖

پس تقدیر مذکور حسبیه شارع پهنای وجود اول وفود متعاقب الوروده
رهگذر و قلمر و تابخانه سقف زمانه اول قوافل متابع النزوله بر مدت نشینکه
و مقر و اول رباط فانی غیر جاودانیده نزول ایدن گروه مسافرینک منزل آخره
شتابان روان اولسی دخی نور ذکادن اظهر در

❖ نظم ❖

❖ چه کند گزینی دوران نرود چون پرگار ❖

❖ هر که در دایره گردش ایام افتاد ❖

(علی هذا التقدير) مجموع بنی آدم بر بردن عزم سفر ایلمش بر نیچه یار و همدم منزله سنده در که عنان در عنان قطع راه چند روزه ایچون معیت اوزره پویان و دوان اولمش در و ظاهر ابرقاج یاران بلکه بعض پریشان مشرب رهط نادان بربری ایلد رفیق اولوب عزم سفر حجاز و یا قصد راه هندوستان ایتسه لر البته میانلرنده حقوق اخوته مضاهمی برحق واجب الرعایه پیدا اولوب سفر فلانیده همراه اولمش در دیو مده العمر تمشیت هر اسم دوستی به اهتمام و بری برینک تطیب خاطر و انجام هر امرین ذمت همتلرینه الزام ایدر لر پس وطن اصلی اولان شهرستان از لدن بندرگاه ابد بر بردن عزم خرام ایدن رهروان عالم کون و فساد (ابوهم آدم والام خواه) مضمونی امضای حجت اخو تلریدر ابداع شرائط هر افقته نه مرتبه ده بذل سعی جمیل ایتک کر کدر که صحیفه تحقیق حقیقتلری نقطه شک تقصیردن مصون و حصول حوائج خلعتلری غائله هائله عقوقدن مأمون اوله

❖ بیت ❖

❖ زان همه کاداب نکو کاریست ❖ پایه اول ادب یاریست ❖

بناء علیه بومقدمه خاطر نشان دانش آموزان مدرسه فهم و اذعان اوله که محض رضای خدا ایچون دوستی والفت ولا لغرض و عوض محبت و مودت دیباجه رسائل عبادات و عنوان مناشیر مشوبات (القصد) بهترین هر اتب معاملا تدر (حضرت فخر عالم صل الله تعالی علیه وسلم) کوش هوش عالمیانی تشنیف ایچون نثار دامن روزگار ایتدیکی جواهر الفاظ تابداردن بوشعشه هدی لمعان پرتو انداز دل و جان جهانیا تدر که (جناب) مفیض البر عالم الغیب و السر هر کسه که اراده خیر و نیکویی قیلوب پیرامن اسمنه دفتر لوح محفوظده (السعید سعید فی الازل) رسمی کشیده قلمش اوله البته اکابر یار غار موافق ارزانی ایدر که یاد خدادن سرفرو پرده غفول و اختفا کرده برده ذهول اولور سه منبه و سائق اولوب بحکم الموافقه ماتحق حلقه ذا کرین اولد قده ترانه پردازی بر اصول همد می ایله

ملازمه ذکر خدایه مشوق اوله بو مضمون مسلم دخی اول مخدوم (بر کزیده عالم صلی الله علیه وسلم) حضر تلرینک نثاره مفارق افهام امم قیلد قبری لالی کران بهای مشعر الحکمدن مسنفاد در که هرگز ایکی مؤمن اخلاص آیینک مرأت جلاداده جمالری تقابل ایتمز (یعنی) ایکی مسلم سینه صاف خلوص اتصاف یکدیگره عرض آینه رخسار ایلمز که لابد احد همایه طلعت حسناء حسنه دینیه رونما اولیه البتده ایکیسندن بری مشاهد منفعت اخرویه قیلیه (بنه اول جان عالم صلی علیه وسلم) حضر تلرینک نفس مشکینلرندن بونکته حکمت آمیز دخی عطر سای مشام جان ارباب تمیز اولمشدر که هر کس که طریق حقه بر آدمی کندویه یار و یاور ولله برادر اتخاذا یدوب بنیان قصر مواخا تلی زحزحه یاب زلزله مفارقه و عمارات اولیه بحبوحه فرادیس علیاده بر مقام رعنایه نائل اوله که اول حسرة العباد اولان نزهتگاه دلکشایه سائر عباد محصول مزرعه عمرصد ساله لری اولان حبات حسنات و مایه بی نهایت ثوابات نثار ایتکله وضع قدم وصول ایتیه لر

❖ بیت ❖

❖ راز درون پرده زرندهان مست پرس ❖

❖ کین حال نیست زاهد عالمقام را ❖

(ابوادریس حولانی رحمه الله علیه) (جناب معاذه) خطاب ایدوب یا معاذ معلوم خاطر صواب اندیشک اوله که (حالا) سنی محض رضای خدا ایچون کنده یارواخ فی الله و صدیق وفادار اتخاذا ایتدم وذات کرم شعاریکی قلاب انجذاب حسبیلہ آغوش اخوته الدم من بعد ساحة اتحاد مخلصانه مژدن خس وخار بیکانکی رفته و برداشته و انبان جانم زاد و زواده خلوص و یکانکی برله انباشته کر کدر دید کده (معاذ رضی الله عنه) دخی بوجواب مرده آمیزایله اشعار قبول یار وفادار ایلدی و دیدیکه انقاس مقدسه رسالت پناهیدن بو تفاصیل آتیه نک ملخصی کوشزد مخلصیدر که روز پرهول رستخیزده اصطکاک صفوف صنوف آفرید کاندن قبه صماخ کائنات پرتین و قعقه اسلحه آتشین زبانان مؤکل قهر و کین دهشت انداز نفوس ضایعه مشرکین اولیجق اول یوم الفزع الاکبرده غوغای و اوایلای نفسی نفسی دن آرزوی آسوده کی نیم لحظه ایله هر کس

سربی سامانی حفره لحده صوفی ملا حظہ سنہ دوشوب (ع) نہ جای قرار و نه سمت
 کریز تذبذبیدن سرکردان فلوات اضطراب ایکن پیرامن عرش اعلاده
 برزینده کرسی مجوهر یعنی بر تخت مرصع زراند زرنها ده قیاس نور بر طائفه
 ایچونکه بر تو مهر جلالری مانند ماه چهارده شبه تابان و متلالی و بریق نور طلعتلری
 شعشعه پاش اطراف و حوالی اولوب کافه معشر بشر از دحام اهل محشر دن
 زبون و بیتاب ایکن آنرا آسوده و آزاده و قاطبه ناس محاسبه مکاسب ایدیلری
 اراسنده دهشت سطوت قهاریدن اضطراب خفقان انکیزه دوشوب و سخن
 مدرسه جهاند اجوبه مسکته ایله الزام انام ایدن میر کلام حرارت سخنة نخلت
 کاهکاریدن دماغ یبوست گرفته لری اسباب بی آبه دوئوب جواب (لن المنك)
 ده تدارك تعیر منیر (لله الواحد القهار) ایدنبجه بیچاره کرک هر بن مسامی
 برزنده رود عرق شرمساری اولمغله صحرای قیامت دریای بی نهایت اولدقده اول
 طائفه ذکر اولان کرسیلر جودی نجات اولوب کافه کائنات بلاکش جزر
 و مدامید و بیم ایکن بوزلر شرفات عرفات راحت و صفاده مکین اوله ارب و وجهله که
 رسوم (ورضوان من الله اکبر) ایله منقش چتر سرور فرق پر نور لری اوزره
 افراشته ورقوم (لا خوف علیهم ولا هم یحزنون) ناصیه حاللرینه قلم کرم
 ربانی ایله نکاشته اوله

✽ بیت ✽

✽ بر آستان فنادل منه که جای ذکر ✽

✽ برای عشرت تو بر کشیده اند قصور ✽
 اصحاب کزین اول مخبر صادقدن بونعت عظمای فائز لری کیملردر دیو استفسار
 ایدیچک (المتحابون فی الله) دیو جواب فرمای احباب اولدیلر (یعنی)
 اول طائفه که مطلقا رضای مولی ایچون بری برینه محبت قیلوب میانند تو ددارنده
 عقده نفاق و قبای و لالرنده بخیه شقاق ناپیدا اوله ینه اول حیاتبخش خسته
 دلان عالم (صل الله علیه وسلم) حضر تلری ظمان بادیه حیرت اولان تفسیده
 لبان امتی بوزلال احسان ایله ریان ایتشلردر که (جناب) منعم بیچون و چرا جل
 و علا بو مضمون نجسته فرجامی حرز الامان جان ضعفا ایدوب بیورر که بنم
 محبتیم اول مسلین خلوص آیینک حقیدر که لاجلی بری برین زیارت و بری برینه

رعایت و مهر و محبت قیاسوب بنم ایچون امور مانیده مسامحه روا کوردرل
ویکدیگره نصرت و اعانتہ بذل همت ایدرل (کذاک) (مقدار السنه اهل السنه در که
(حضرت) خدای ذی العظمتہ و الکبریا فردای قیامتہ سراپردہ (سترون
ربکم کما ترون القمر لیلۃ البدر) دن جملہ مستاقان جمالہ عرض دیدار ایدوب
نعمت رؤیتہ بارعام و یرد کده و دیدہ فریر بصیرتی (ومن کان فی هذه اعمی
فهو فی الآخرة اعمی) غبارندن مبتلای سبیل عدل اولیان صائب نظران
اولی الابصار (جمال بیثال پادشاه) ممتنع الذالی حجت الیقین مشاهدہ ایدوب
کورر کده خطاب صمدانی وارد اوله که اولی طائفہ فتنہ در که دینہ بری بریلہ
عقد مواخات ایدوب حسبہ لله شرائط مصافاتی مراعات ایدرل ایدی
حالا که حرجکر سوز قیامتدن التجا ایدہ جک سایہ حایہ ناپیدار کاوب ظل
رحمتہ راحت بولسونلر وزیر اغصان سروستان مغفرتمدہ آرام ایتسونلر

❖ بیت ❖

❖ زهی بسایہ لطف تو خلق را آرام ❖

❖ زهی برجت عام تو قلب را تسکین ❖

بوتفصیل آتی البیانک ملخصی دخی (اول پادشاه) صورت ومعنی صل الله
تعالی وسلم جناب عالی لرندن مرویدر که یوم قیامتہ احتدام ضرام قهر
جباریدن عرصہ عرصات تابہ پرسوزہ دنوب کنہکارلر ماهی دام آفتادہ
وش پیمیش اضطر ایدن کندوی یوردن یرہ اوروب و دود آہ ندامت عاصیان
هرملت اول روز روشنی که (مقداره خمسين الف سنه) درشام دیچوره
دوندروب بارو پنکا هنہ فستحسرای عالمی استحقار ایدن جبارہ نخوت
پیشہ در بدر و سرسری کزوب هنگام تنعمده بالین زرکش آفتاب و بستر زر
بفت کھکشانه سرفرو ایتیان ناز پروران ذی باز و بال مضیق کوره تحسیر
چکوب و بالجملة اجناس خلائق موی زنی واربری برینہ کیروب (یوم یفر المرء
من اخیه) اهوالی نمایان اولدقده و هر فردک خفایای احوالی عیان اولدقده
بواز دحام عامده هیچکسه راحت و آرام نامیسر ایکن طو آف مختلفہ
بنی آدمدن یدی صنف سایہ عرش رحمانده مستظل و مستریح اولورلر (اولا)
امام عادل که کهر پاره مضمون (عدل ساعة خیر من عبادة ستین سنه)

درة التاج متفكره سی و نتیجه قانون (فاستقم كما امرت) دستور العمل قوت
متصرفه سی اولوب امور زیردستان ضعیفاده سر موثر و گذاشته مساعده
قبیله و کریه بان صدیک مظلومین پیچیده خصم قوی بخت ظلمه دن خلاص ایچون
ساعده پر زور همت در کار ایدوب رهگذر عجزه بریادن خس و خوار اشراری
ازاله و کردن رعونت مدار خون مظلومه کارده صفیحه بی نبوه سیاست حواله
قیافله صحیفه روزکاری نقوش بی مزه مکاره واکداردن پاك ایدوب میدان
غبار آلود حکومت رشحات لطف معدلت اساله و پهن دشت حکومتده که
جای تسابق فرسان عز و شاندر همیشه احراز قصب السبق (ان الله يأمر
بالعدل والاحسان) نیتیه کرنك پلنك آهنگ همت اجاله قیله (ثانیاً) اول جوان
تازه رس نوسن و ساله که آتش کرم التهاب عنفوانی باد هوا و هوسله تیز
وسبوی قلب صنوبریسی می ناب جنون الشباب ایله سرشار و لبریز اولوب
شدت غلیان دیک شرهی سرپوش انداز صبر و طاقت و نهایت فوران تنور
و شغی بر طرف ساز مایه سکون و راحت اولمق مقامنده ایکن القای آب سرد
عبادت ایله تسکینه همت قیاب آفتاب طلعتی متواری التجاء سحاب اولجه
و پیرامن ماه عارضن هاله محاسن احاطه قیانه بلیکه مورچه خطی تحصیل
پروبال مشیت ایدجه نقاب عفت ایله مستور اولوب شیئه شیوخ صاحب
رسوخ اولان عادت عبادتی وجود مستعد السرورینه مهترین امور بیه
(ثالثاً) اول مرد صلاح اندیش و عبادتکار بی وسوسه و تشویش که ادای
فرائض و نوافل دنصکره مساجد و جوامع دن روانه سمت قرار گاهی اولیحق
قبلی اختلاف ایدوب وجود ضعیفی تمشیت حوایج عالم و اقامت کار اهمه
اشتغال ابتد کده دل اکاه و جان بانیاهی متعکف زوایای مسجد شریف ایده
یعنی کندی مصلحتنه توجده کلک کلکی مسجدده قالب جسدی اتمام
کاره کیده (رابعاً) اول ای بار وفادار که حسب الله بری برینه انیس و غمخوار
اولوب آیین و داد حقانی به روجهله قرار ویره که نه حالت افتراقده جبل المتین
ایمادری کشاکش تباعد ایله انفصام پذیر زوال اوله و نه هنکام وصل
و تلاقده سر رشته الفتی بریده دست اختلاف اولوب پیچ و تاب مکاره
و عناد ایله عقده تقصیر پیدا قیله (خامساً) اول فحل پرهیز کار که سمند حرون

تندرو نفسی میدان تک و تاز خود کامیده عتنانکشیده طوتوب همواره شکیه
 منع وز جرایله ضبط و تمخیرده بی تقصیر اوله و ثعبان پیمان هلاهل ریزهوسنی
 زبون فسون صبر ناتوان تریاق تحمل قیله یعنی مکر خوف خدایی میان جائنه
 بر طریقه هر دانه بند ایده که دست فتنه تیر خدعه کمران زمانه که مدلول
 (ان کیده هن عظیم) سواد عبرتنامه یدر حل عقد پالهنک فتوتنده عاجز قالوب
 ناخن مخنای تشویشلری افراط کوشش بیهوده دن سترده وریزه ریزه اوله
 یعنی محایب صاحب جمالدن بری صورت زیبای سامان ربای معامله سندن
 رفع نقاب امتناع ایدوب کنجینه مردم فریب عناقندن قفل مخائفی برداشته
 قیلغله نقد وصالن در میان ایتد کده پنجه مشیت غضب قهاری اول جوانمردک
 کلوی شعبن فشرده قیلوب مابینه تصور قهر خدا پرده کش بیم روز جزا
 اولغله مباشرت فاحشه دن کف نفس ایدوب دست تعدیمی هتک حجاب
 عصمت ذلتدن مصون و حجرة الازار عفت جانبین وصمة انحلالدن مأمون اوله
 (سادسا) اول صاحب رقت قلب که صومعه نهاده یاد جناب مولای
 فرد بیستایی همدم ذکر خزان زبان ایتد کجه ایکی شیشه چشم سیاه فشانی
 پر کلاب عبرات اولوب گرمی نار عشق الهی انبیق دماغندن تقطیر ایتدیکی
 رشحات ماء الورد سرشک روان ولوله دیده سندن پیرامن سینه سته ریزان
 بلکه تادامن جائنه پریشان اوله (سابعا) اول سخی نفس مسیحی نفس وحاتم
 طبع برمکی هوس که پرنیان احسانی کلف ریا اصابندن صاقنوب اخفای
 عطایای نامحضورده بر مرتبه بذل مقدور ایده که منبع کف یمیندن جریان
 قطرات سیاه درهم و دینار صداسی رسید ه سامعه دست یساری اولیه *
 بوسلک اللال مضمون نصیحت نمون اول ما حصل جنبش امواج کاف ونون
 (صل الله تعالی علیه وسلم) حضرت تارینک نکاره دریای کهر پاش اخبارندن
 التقاط اولمشدر که هیچکس لله زیارت اخ مسله روبراه اولمز که در عقب
 فرشتگان مرده رساندن بری شتابان روان اولوب در حال تبشیر روضه رضوان
 وتهیه جاه (وما تشهی الانفس) ابله حریفی شادمان اتمیه

حکایت

بوحید الروایات ثمار شجره اخبار سید کائناتند که یکه سوار میدان السعاده در
بر صادق نفس مرد آزاده اجانب در برین زیارت ایچون یکسواره راه عزیمت
اولوب کیدر کن صوب درگاه سجائیدن بر ملک اول شخصک پرسش سمت
تو جهی ایچون فرستاده اولوب حسب الاشارة جانب مقصد گاهندن متفحص
اولیجق فلان برادرک زیارتی نیتله عزیمت ایلدم دیو جواب ویر کده اول ملک
تکر بر خطاب ایدوب امید حصول حاجت ویا علاقه قرابت ویا سابقه لطف
وعنايتی داعیه ملازمت اولدی دیدی حریف عازم الزیارة مقدمات مذکوره بی
بالکلیه سلب ایدوب اسباب مر قومه دن قطعاً بری ملحوظ ومتصور اولیوب
مناسبت اخوت حقانیه دن غیرى علت زیارت و محبت خلوص انکیز بیغرضانه دن
اوز که باعث عزیمت بوقدر محض رضای خدا ایچون کنه بیه یار و غمگسار
وفادار اتخاذ اتمکله حالا (حسب الله تعالى) زیارته دامن برزده عزیمت
اولدم دیجک ملک صدای روح افزای (طوبی لك) ايله تقدیم بشارت وتهنیه
منصب مغفرت قیاب ای مردم بختیار وای نیکخوی ستوده کار مکافات
حسناتده عشر امثال ايله مجازات ایلین عادل پروردکار بنی جناب شریفه
مژده رسان اولمغله ارسال ایلدی قلب آگاهکه ظاهر و عیان اوله که
(حضرت ملک متعال و کریم ذوالجلال سنی بووضع پسندیده مقابله سنده
کندی ذات جلیله دوست قیادی و آرامش وجود مسعودیکز ایچون حریم
باغ نعیمده ایکیکزه دخی بر مغزل شریف و جایگاه لطیف اعداد ایلدی دیدی

نظم

بر در میخانه رفتن کاریگر نکان بود

خود فروشان را بکوی میفروشان راه نیست

روایت کرده ثقات در که بعضی انبیایه وحی خدا نازل اولوب شیعه زهد و تقوی که همیشه پیشه کز در مشاق طاقت شکن دنیادن رهایی بخش نجات اولمه مایه راحت کز در و حالت عبادت که همواره عادت کز در مدار تحصیل شرف دارین اولدیغی جهتدن سبب رفعت کز در بوجه نك نتایج و آثاری کندی نفس کزه عائد در * (اما) کورک بنم رضام ایچون دوستلرمدن برینی کند و کزه دوست قیادیکز می دشمنلرمدن دشمن بیلدیکز می دیو بیورلشدرینه (اول مختصرای معجز کو) صلی الله تعالی علیه وسلم استوارترین بازوایله که (الحب لله البغض لله) مفهومندن عبارتدر کردن ایمانه آویخته اولمق لزومن تنصیص ابتداکاری مضامین تنبیهاش شریفه لرندن متخلص اولمشدر (كذلك) مفاد پراعت تحقیق نمای اول انهادر که نفسی در مانرس برء الساعة اکه و ابرص اولان (جناب مسیح) علیه السلامه یوما من الايام وحی ملک علام نازل اولوب یا بن مریم عبادات قاطبه قطان ارضین و سمواتی مؤدی قیاسک و خلانده بنم رضای پاکم ایچون دوستی و دشمنی معناسی بولمنسه هر کز اول طاعتلرک بارگاه عزتمده مقبول اولمز یعنی الحب لله والبغض لله قاعده سنی رعایت ایتین عبده وزهادک تکلیفات و ریاضاتی رتبه قبوله وصول بولمز دیو خطاب صمدانی ورود ابتدی (و حضرت) زنده سازدین مردکان علیه السلام حضار مجلس و حواریون مونس جناب لرینه خطاب ایدوب عصاة خدایه بغضله سلاک دوستان الهییه منسلاک اولدم و اول زمره باریب و مرادن که (وسیق الذین کفروا الی جهنم زمرا) حسب حالریدر تباعد و تنافی اختیار ایتکله قرب خدایه استعداد بولدم و رضای مولایی آنلره خشم و کین و بغض و نفرین ایله له کتوردم دیو فخر و مباهات ابتدا کده جلسای حضرت عیسی ادای زمین بوسی تصدیق نصرکه دهنکشای سؤال اولوب یانی مرسل و مبعوث بالحق ستوده عمل بزه نه مقوله اقوام ایله صحبت و الفت مناسبدر که سطور احوالز سر انکشت لوم لائمدن مصون و بضاعه مزجات اعمالز قبول رسول و رضای خدایه مقرون اوله دید کلرنده روح اللهده بوجواب شافی حیاتبخش قلوب اصحاب اولدی که اول رجال نجسته فال ایله همیزم

و همحال اولی که کرد که تذکیر جمال ذی الجلال اید و کلامی موجب
زیادتی فضل و کمال و باعث تهذیب اخلاق و خصال کز اولوب طور
و حرکتی بهر حال منتهج هدایه دال اوله * کره بند درع قول سدید
مظاهر (و اناله الحدید) حضرت (داود) علیه السلامه وحی ربانی
ورود ایدوب نیچون کثرت خلا یقین رمیده و کنج فراغ ازواده آرمیده سن
دیو خطاب اولند قدده اول بابل خوشنوی هدی و زمره پیرای عشق پالک
خدا بوجواب صواب انما ایل نغمه پیرا اولدی که ای بار خداسنک آتش محبت
ذات مقدس صفات صخرای درون شعله پاش تعاق اوله لی خس و خار
ماسوایی بالکلیه سوزان ایدوب چشم حق بینم که مکحول توتیای
عین الیقیندر جمال عظیم المثال هویتدن غیری تماشا اید جک شیء آخر
نمایان اولمز که اکاد بسته و نکران و آفته و حیران اولهم

* نظم *

* ای غیر ترا بسوی تو سیری نه *

* خالی ز تو مسجدی نه دیری نه *

* دیدم همه طالبان و مظلومانرا *

* آن جله تویی و در میان غیری نه *

پس انگاه جناب داود خلیفه الله تکرار خطاب سبحانی وارد اولدی که
ای داود غافل اوله سببات غفلتدن بیدار اول کنیدی و اخوانکی اله کتور
و جمعیت خاطر له تطیب قلوب مؤمنینه همت قیل هر کیم سکاراه دینده
رفیق اولیه آندن بعید اول و اولمقوله سمت حقانیتدن شاغل اولان قرین
سیه کاردن اختیار دوری قبل که انلرک آمد شدی منهل عذب درونکی
تیره و اول صنفک کرد ترددی حجره دماغکی تاریک ایدوب تقریری
حضور عزتمدن باعث جدایدن

* بیت *

* زینهار از قرین بد زینهار * * وقتا ربنا عذاب النار *

مسند آرای قصر متین دین و صفه نشین کلشنسرای یقین (حضرت
سید الاولین و الاخرین) صلوات الله علیه و علی آله و صحبه اجمعین

نشر شمیم کلفجیه فیض عیم صد دنده بو نفعه جان بخش ایله تطیر مشام سکان
 هفت اقلیم ایدوب (خلاق عجایب عالم جل شانہ نیمه وجودی آتشدن
 ونصف آخری برفدن بر فرشته سرشته ایتشیدی ای قادر بی ریب
 وخلاف میان ثلج وناره ایتلاف ارزانی ایتدیکک کی نعمت عبودیتکه
 لایق اولان بتدکان حضرتہ الفت ویدلرینه مهر و محبت القاسم
 رجا ایدرم دیو عرض تمنی بیور مشلردر (ینہ اول) عالی حضرت با عزتدن
 بو مضمون پر عبرت کوش زد حکم پزوهان امدر که طائفه ناجیه (المتحابون فی الله)
 ایچون میدان آخرتده یاقوت صافدن بر عمود شفاف مهیا موضوع وبالای
 عمودده یدی بیک قصر مشید مکلف مصنوعدر که هر قصر بیه قصوردن
 اول فرقه مستوحب السرور تماشای کلزار جنان و مشاهده دیدار حور و غلمان
 ایدملر ومهر منیر عالم آرا قرار گاه دوازده کنکره آسماندن ضیا کستر اوج
 علین وشعشعه پاش زمان وزمین اولدیغی کی آنلر دخی دریچه قصر معلا
 شرفه جناندن عرض عذار ایدوب * انوار باهره دیدار لری ایله تاب افکن
 خلد برین اولملر واهل نعیم بری برین اول مسند آریان بالاخانه رحمتک
 مشاهده طلعت بهجت افزالرینه تشویق ایدوب کلک وارملر تحاب حقانیلری
 سببیه حالا سرافراز اهل بهشت اولان خلوص اندیشان پاکیزه سرشتک
 تفرج حالات کامرانلری ایله تفریح قلوب وسیر وضع هر غوب ایده لم دیوب
 خرامان جانب قرار گاهلری اولیجق کورر لکه بر معزز و مکرم طائفه که شان
 سعادت نشانلری حد تعبیر و تقریردن بر تر لباس فاخر سندنسی طرز عبقری
 طرازدر بروساده رنگارنگ استبرقی کسترانیده ونهاده ولوازم (متکئین علی
 فرش بطانتها من استبرق) کما ینبغی آماده غلمان و حور دهالیز قصورده
 (باکواب و اباریق یطوفون بینها و بین حیم آن) وقفجیه مقام خدمتده
 جلوه کنان مضمون صفا مشحون (المتحابون فی الله) قلم نورایله ناصیه لرنده
 مسطور و نشینکه دلکشاری طاق زبرجدی و آبادین پرکار زمردی ایله
 نمودار بیت معمور (ابن سماء رحمه الله علیه) حالت وداع دارفانی و صدد
 ارتحال ریاض رضوانیده عذر تقصیر ماسلف خلا لنده بو کلمات حیات بخش
 ابله سدر مق ناطقه ایدوب بو مضمون شهید آمیزی حلوای آخرین بزم دم

وایسین ایلدی (یا رحم اراحین) علم شریفک محیطدر که هنکام ارتکاب
معاصیده ارباب طاعاته فرط محبت و انجذاب و ارایدی و هر چند بندن بحکم
بشریه برهفوه نفسیه صدور ایتش ایسه لابد نسخیه مهر و وفای اهل هدی
در پیش * و سبحة ذکر اصحاب تقی در دست ایدی الهی بوحالتی کفارت
ذنوب و جیره کسر عیوب ایله دیو عرض تمنی مغفرت قیلدی (مجاهد
رحمة الله علیه) پیور مشلر دوستان الهی نك آینه قلب یکدیگره پرتو انداز
انبساط و ابتسام اولدقاری ماحی ظلام آتام اولوب هر برینک مهربانندن
طرف شجره وجود آخره وزان اولان نسیم لطف و نکوئی برك و بار و زر
و وبالرین فصل مهر جانده باد شدید الهبوب خزان اوراق اشجاری
تار و مار ایتدیکی کبی ریزان و پریشان ایدر
* نظم *
* نسیم راحت ایزد بخومی وزد یکبار *
* نماد از شجر سخت معصیت بن و بار *

* ظابطه محبت حقانیه نك کیفیت وقوعی بیاننده در *

(اولا) بومعنای صواب اثما معلوم طباع درست عیاران سداد آشنا اوله که
آثار امان نار محبت حقانیه اصطکاک زند سبب دوزنده علت ایله مقتدح
اولیوب شهاب ثاقب کبی صوب عالم بالادن میان آدمیانه صائب و نازل
و مستعد قبول شراره محبت اولان حراقة سینه دو کس اول شعله نور پاش
ازلی برله مشتعل اولور و بو حالت محبت دیر ستانده مناسبت مدارسه
و یاسفرلرده مرافقت و مؤانسه و یا سر محله و مجامع ناسده مصاحبت و مجالسه
ایلله ظهور ایدن مراتب آشنایی قیلندن دکل و بر آدمه لاجل ماله و جاله
اوفضله و کماله محبت ایتک دخی تعریف مانحن فیه غیر داخل کر چه بر قسمی

نوع مداخله و سببیت ایله صورتها اولق کورینور فاما تدقیق اولسه ینسه
حقانیده رجع اولغله اول علاقه باعثه حکم ویرلیوب ینه صده ملا یمدر
فلذلک محبت حقانیه ایکی درجه ده منقسمدر (درجه اولی) اول محبت
خالصه در که ظاهر آثارنده شمه غرض دینه فایمدر لکن رضای مولادن
خارج اولیوب اول عرض غرض نماینده جوهر حقانیت اولغله معنی قبیل
محبت بیغرضانه دن معدود در مثالا تلامذه واساتیده بیننده جاری اولان
محبت تحصیل علومدن شا کرده جاه و مال و تبمل و اقبال متصور اولیوب
نیل درجات آخرت مراد اولیجق افاده فنوندن استاده جلب منافع مالیه
ملفوظ اولیوب تلذک کسب اخلاق حمیده و جمع نعوت پسندیده ایله نائل
خوشنودی خدا اولسی منوی اولیجق کما ذکر محبت حقانیه تعریفنه داخل
اولور اصحاب احتیاجه مراتب استحقاقارینه مناسب اموال و مناصب
احسان ایدن و گروه فقرایه نزل و نفقه و جامه و صدقه و یرن کرمای محسنینه
محبت ایتدکاری مال و جاه و سیاه نظام حال زیرستان ورعیت اولدیغندن
غیری نهادنده استقامت و اجرای حکمه لیاقت اولنلره رعایت مستتبع اقامت
حدودنده تنفیذ قوانین عدالت اولوب عطیه مالیه نک دخی دفع دغدغه
جوع و کسب طهارته سببیت اولدیغندن معین عبادت و یا حوائج درویشان
و مسافرینه صرف اولغله جالب رضای رب العزت و باعث نیل سعادت
آخرت اولیجق احسان ایتدکاری لباس و قبا زینت ناظر فریب ملاحظه شدن
مبرا اولوب مجرد دفع درد و برد و مانع ضرر کرم و سرد اولغله ادای خدمات
مفروضیه مؤدی اولق تصوری ایله وقوع بولیجق حال منوال سابقه مطابق
و محبت حقانیه قسمیه التحاقی متحقق اولور زیرا علما و عباد سلفدن نیجه بره
گرام معاصرلری اولان حاتم منشان کر مکاره متبله بذل و انعاملرندن نماینده محبت
واکرام و کشاینده سر کیسته شوق و غرام اولدقلرنده کلام یوقدر اولغله
بزرگان طریقه تقوی که خنجر سینه خراش جوع ایله صد پاره جگر اولدقلرنده
بیك جهان کان زوسیه رایکان مصادف اولسدر مقتضای همملری هر هم بهای
خدا اولق ایچون بردانه سن برداشته قلمدن عاراید رایکن و دیای زیبای چرخ
اطلس پیشکش هر کس و نا کس قیامق ایچون تقطیع و توزیع و لفق ممکن اولدیغی

صورتده بهترين قطعدهسى و ايه ارينه تخصیص و تعیین اولسه لازمه جودت
 طبیعتاری جل استران هیر نمکش قیلقدن استنکاف ایدوب خران تن پروردهره
 ایشارا ادرایکن وجه وجیه مذکور ک حقایقه شمه مانعین احساس ایتسدار حاشا که
 اغنیای روزگار روی دل کوس ستروب مقابله لطف ناچیرترنده اول مردان
 مستانی داندکه (ع) میستند و دهند افسر شاهشاهی مضمونی دره التاج
 همتریدر ذره میلان وانتفات نمایان اوله فسواک بعزله ارينه شجعتی دخی اول
 عاجزهار عزار موجب الدمار بشریتدن عاجز اولوب میده لظیروته طیف و اول
 کوتاه استینزک دستیزی دست تارث کد زاری ايله عهده اوفاته معین نقوی و مانع
 طغوی اولوق ملا حظه سیاه وقوع بواجق تفصیل سابقه لاحق اولور (درجه ثانیه)
 مرتبه سابقه دن مرجع و معتبر و طبقه تفصیل دارا ایدندن بالاتر بر محبت اکیده
 خالصه در که اوصاف ناروای غرض محتملات مجازات و عوضدن خالی بر طور
 عالی در و درجه اولای تحقیق سیاقنده مذکور اولان داعیه تعلیم و تعلم و فائده
 فراغ بال و نتایج اعانت عبادت و منافع دنیا و آخرت قطعاً ملحوظ و متصور
 اولیه مثلاً بر آدمه محضاً فرمان بر احکام الهیه اولوب کایت جانب مالک المان
 بیستایه مصروف اولدیغی حیثیت ايله و یا مجرد مخلوق خدا اولوب بر فسوای
 (خیرت طینه آنم بیدی اربعین صیاحا) خیر مایه وجودی حضرت فیاض
 مطلق کارخانه قدرت ازایه سنده دودست مکارم نشانی ايله که جلال و جمال دن
 عبارتدر مخمر و پرداخته اولمش ارمغان عالم غیب اولدیغی جهتله محبت ایایه بواجبی
 مرتبه عین محبت الهیه در که رفتدرفته وسیله حقیقی اولور مثلاً صورت ظاهرده
 بر محبوب نازینک دلبسته فترالرف غیر تعطیری اولان عاشق زار فقیر یا لکن
 فریفته نقش جهان تابدارای اولوق دکل محله سیک سنک درود یوارینه و خس
 و خاشاک رهگذارینه میلان درونیده مجبور اولوب کمتر غبار استنک توتپای
 دیده جان و محقر که راه بوسستنک کلبرک مطرای روضه رضوان به اور بلکه
 سر کوبنده آرزوی انخواران پاره بلاد سرگردان اولان سکان جرنگه دم بریدی
 اورت آمین پنجه مر دم شکار عدایدوب شیر پرستان بیدین کی تعظیم عبادت
 آمیز یله نشان قدمارین سجده گاه جبین ایتک و لایان درگاهنک اوضاع شوم
 آمیزینی مر حبا و آفرین و شجوم نظریه نیرین اشارت به او بنشیننک حادث دیرین

اهل درد در پس آشنایان دور ادورینك فرمانبر مفتونی اولمغه جان ویرن واله لمر خص
 بزم خاص اولان یار خواص در کاهك کور یجك نه مرتبه ده انجذاب و تملق
 کوستروب (خصوصا) آثار مخصوصه شدن بر یاد کار و یانکاشته انامل موزونی
 اولان نامه مشکبار یا ره ظفر بولجق نیچه تقبیل والتشام و تعظیم و اکرام ایدوب
 نسخه جان عزیزدن مکرم طو تدیغی ظواهر امور دندر احوال عشق مجازی
 بومنیوال اوزره اولجق نصاب محبت الیهدن وایه گیر و جدو حال اولان عشاق
 پیو جود حقیقی به مصنوع دست قدرت صمدانی اولان نسخه وجود آدمی به
 صدچندان محبت و رغبت لازمه همت اولور بوجهت دندر که (حضرت فخر عالم
 صل الله تعالی علیه وسلم) حضورینه اقسام شکوفه و میوه دن برنویاوه باغ
 ظهور اهدا اولسه تعظیم واجلا لنده مبالغه ایدوب دو چشم پر نور لرینه مکحول
 توتیای (ما زاغ البصر و ما طغی) در سوده قیلور لر و هدیه پادشاه (عالم الغیب
 والشهادة) در قرب خدادن یقینده جدا اولمشدر دیو صنوف اکرام ایلله التثام
 ایدر لر ایدی (الغرض) بو طریق اوزره آثار حقه (من حیث هو اثره) تزايد محبت
 ظهوری نشان فرونی محبت مؤثر جل جلاله در تقریر مذکور اوزره محبت حقانیه
 قسمینه منقسم اولوب بری محض جوهر ذات و بری آثار و صفاته مترتب اولور
 و قسم اول ثانیدن اتم واعظم ایدو کی امر ظاهر در ورسوخ محبت دلیل قوت
 ایماندر هر چند محبت راسخ و قوی اوله ایماندرخی عظیم و متین اولور و مقربان
 الهی به محبت نوع منفعتی متضمن اولسه اولور که انبیاء و اولیاء و علماء و صلیایه
 احبابی ایشار نوال و مال و بذل ماملک و مثال ایتد کلری معروف و مشهور در
 نه که (حضرت ابی بکر صدیق و عمر فاروق رضی الله عنهما و سایر اصحاب کرامدن
 صدور ایتدیکی متفق علیه جه و در وهر کس مرتبه محبت و قوت ایمانی
 مرتبه سنده بذل و ایشار ایدوب بعضیلر کمال محبت لرندن مجموع ماملک لرین یکباره
 در میان ایتشلر در و بعضیلر (الهدایا بقدر مهدیها) و ققجه مرتبه تعلق لر
 اوزره مقدور لرین فدا قیلشلر در

(معلوم) خواطر آگاه اهل انبیا اوله که مطیعان اوامر و نواهی الهی به
 محبت ایدن طائفه بالضروره سرکشان فرمان خدا اولان طغاة نخوت پدیده
 لله عدو بدخواه خصوصاً دامن خلقت لری آلوده لوس فسق و فجور و لباس

طینتری چرکین دنس کفر و شرور اولان کروه مکروهدن بیرار ونفور
نه اول سر ذمه مذمومه نك هامة مستحق الملامه وجودارنده کویال غضب قهاری
پیدا ایتدیکی شجاع بی علاج عاصیانه هرهم نه ترحم ونه اول طائفه خائفه نك
جامه مستقدر البطانه نهادارنده مقراض قضاو قدر کشاده ایتدیکی چاك
موجب الهلاك طغیانه بنیهدن تکریم اولورلر بلکه اول کونه هر دودان بارگاه
رحمتی بهر حال لکدزده و پای مال ایدرلر زیرالزمه محبت محبوبك متعلقات واحبابنه
تعاق و دوستی و بدخواه و بدسکالارینه نفرین و عداوتدر اما بر مسلم پاك اعتقاد که
بنای کله عقیده سی حروف علل زللدن صحیح و سالم ایکن تلبیس ابلیس ايله
ارتکاب معاصی قیلوب وزن استعدادی ناقص اولدیغندن ضیعه مبغوض
خدایه مثال اوله لازمدر که حسنه و سیئه نك حکمی و یرلیوب اسلام و دینی جهتیله
سزاوار محبت و رعایت و فسق و عصیان حسیله مظاهر عداوت و نفرت
قیلوب حالت دوستی و دشمنیده متردد معامله اوته و چهره معاشرته طرف
یساردن سیلی حقارت طوقندچه جانب یمیندن کف دست نوازش و هر جت
دریغ اولنیه بو حال که جمع اضداد صورتیدر عند التحقیق ممتنع و محال دکلدر
مثلا بر آدم شخص آخرک اولادندن برینه رعایت و برینه اهانت ایلسه و الداول
شخصه من وجه محبت و من وجه عداوت اولور کذلک بر آدمک اوچ فرزند ی اولوب
بری عاقل و مطیع و بری ابله و سرکش و بری ابله و مطیع اولسه لابد اوله محبت
و ثانیه عداوت و ثالثه گاه بغض و گاه رعایت ایدوب هر برینک فراخور بالای
استحقاق مقتضا سنجه گاه الباس پریشان احسان ایدر و گاه خلعت رعایتدن برهنه
و عریان قیاور پس هر کسک اسلوب معامله ده بو سمت هر غوب مساو لقدم
اختیاری اولوب عصاته لعصیانه عداوت و فسق و فساد افسقه اهانت لازمدر
وضیعه ظلم و عدوانی لازم غیر متعدی اولان ناچارلر که حقوق عباددن احتراز
ایدوب ظلم و تعدیسی انبج کندی نفس خسیسه سنه مخصوص اوله لعیازی
فجور و رای پرده خفاده ترتیب ایدوب پیانه فسق سرپوش خجالت ابله
مستور ایده هر ساغر تلخ فساد عقبجه تناول نقل استغفار ایاید بو مقوله لکنسار
طعن و تشنیع اولق مناقض قاعده هر و ت اولوب اول مقوله نك سر نقوس
رسواییدن اغماض و اول کونه ملامت زدمک تو بیخ و اعتراضدن اعراض

سیر صلیبی متقدمیند که (حضرت غفور و غفار) اول رسمه آلوده اوساخ
کستارینک جریده جرایمه رقصش غفور جیل اولق مامولدر

✽ نظم ✽

✽ یومز سه آب رحمت اهل جرمک جرمی یارب ✽

✽ یا اول یحیی و بی پایان اولان دریایی نیلر سنی ✽

و بویاده مشرب اسلاف اختلاف اوزره در بعضیلر صلابت دینیه و سیاست
شرعیه اجرا سنده دقیقه فوت ایتموب تعمیر و توبیخارین اظهار و اعلان
اولی در دیشلر و بعضیلر صفت ستاری ایله تصاف سمن شیمه کریمه
دل صاف با تصافلری قیلوب پاداش کارنا هنجارلرین پادشاه خطابیش جرم پوش
جنابنه حواله سمن ترجیح ایتمشدر بوماده ده ذره تسامح روا کورمین مشاییدن
(امام احمد بن حنبل رحمه الله علیه) متعلقات علم کلام مصنفلرندن بری تشریر
ایتدیکی رساله سنده رد کلام معتزله صد دنده قول اهل اعتزالی تقدیم ایدوب
بعده لایحه ذهن سدیدینی تحقیق ایتد کده جناب امام جمین نفرینی پرچین
ایدوب بونه سوزدر که اول انزلک مسطر نارهنده قبولدن خارج
سفسطه فاسد المدلولنی تقدیم ایدوب جواب سدید صواب اتصافینی تأخیر
ایده سن مباداغشاوه نظره اولی ایله مبتلای سبات غفلت اولان طلبه ساده
لوح بیدماغدن برینک نظربی بصیرتی مقدا انزلک مقدمه موهمه سند تعلق
ایتد کده جایگیر خاطری اولوب سمندادراکی سرمزل تزییفنه واصل اولمادین
چبرو کریمه ترهات بین الخلافلری اولمغله جاده هدادن انصراف ایایه دیون نصیحت
فرما اولدیلر (یحیی بن معین) صد دیش و همت و دعوی استغفاده بن هیچ
آفریده دن آرزو مند عطیه وراثته اولیوب حسیس و نفیس جنس نقد انعامه
طالب و جو یاد کلم (اما) خایفه زمان طرفندن صدور ایدن صلات و عواطفدن
استنکاف ایتموب قبولنده بی پروایم دید کده امام مذکور عاید رحمة الرب الغفور
یحیی امر قومه اظهار روی عتاب ایدوب زمان کثیر دلگیر لکنیدن شرف
خطابدن محروم قیادی بالاخره یحیی بن معین دامن بوس اعتذار اولوب مزاح
و اطفیه مقصود ایتشیدم نه آنکه انا چند صرفدن ترشح ایده دیو استغفای
کستارینی ایتد کده (حضرت امام) امور دنیاده لغو واهو اولمزدیو جواب

تهدید آمیز ایلہ تعزیر بدوردیلرا کرچه ارباب مراحم و اشفاقدن برفرقه عیوب
 جہانیشانی لحافد مراحت ایلہ مستور ایتک سمئن مشرب خطاپوشلرینه ملائم
 کورمشلردر و خفاق صفای عقیدہلرینه نظر ایدوب آرایش دوش خلقتلری
 اولان ردای تغافل ایلہ جرم و کناہلرین پوشیده قلمشلردر اما بوقاعده نیتہ دائر
 اولوب اولمقوالہ مبتلای عیوب ذنوب اولاد آفتکان زلت ذلتک ستر جرایمندیہ
 در کار و اتش اضطرار لرینہ رشحه پاش ترحم و اعتذار اولدقلری کانون قہر
 ربوبیتہ مقہوریتلرین مشاہدہلری جہتشدندر کہ برفحوای (کفی لہ ذنبہ)
 عرتکب اولدقلری مصائب معایبہ حسبایہ مظہر غضب ذی الجلالی اولدقلری
 محنت و ملال و صورت سوء حال یتردیدو زیادہ قہر و نکالہ سزا کورمدکلری
 جہتشدندر (فی الحقیقہ) بومرتبہ مقبولہ و طبقہ عالیہ در (اما) آشتکان هواجس
 و ساوس اولان کور دلان تلاشی و خر طبعان بی تمناشی زنہار بومعنیایہ مغرور
 اولیوب سر جمال مظاہر اولان رجالدن صدور ایدن مراحت کریمانہک ظاہرینہ
 وثوق ایلہ اجترامکارہ تصوری خاطر فاتر لرینہ رہیاب اولان دروازہ مفکرہلرینی
 مسدود و عیار تحیہ بی قائدالجیش اوہام اولمق رتبہ سندن معزول و محروم
 ایدہلر زیرانکتہ شناسان رموز مسودات مصطلحات قولیہ و دفاتر قوانین فعلیہلری
 طابہ ضعیف المعرفہ ظاہر بینک کنجیدہ محفظہ ادراکی اولمق واضح التعمیر در
 اول رسمہ رسوم اہل حال و قواعد خاصہ رجال فہمندن راجل اولان عوام انامک کہ
 تثبت دامن عقل معاش ایلہ مزاج بہایم و انعامدن خلاص اولوب افرادینک
 حق ادا ایلہ تفسیر ماہیت ادراکلری تعبیر لایفہمندن منفرد شتران بی ساربان
 زمام بکردن کبی صخرای فسیحہ الارجای اسرارہ کشت و کذار بی قیدانہلری
 جانب قافلہ سالاراجتہاتدن ممنوع اولوب حدود شہراہ شریعت شریفہ دن
 سرموخطی بہ رخصت یوقدر بعض مذہبین اہل تقایدک امان نفس
 امارہلرینہ مساعدہلرین توحیدہ حمل ایتدکلری ضلال محض (وعیاذ باللہ)
 نشان زندقہ در زیرا دلیل توحید اوامر و نواہیدہ رعایت شرع مجید ایدوب
 نفسہ مترتب اولان ہر ازار و اضرائی صوب خدادن جزاء سوء صنیع
 و عوض فعل شیعہلری بیلوب اکدار روزکاری امتحانات الہیہ دن برہدیہ

بهیه عد ایلیوب جفا کاری انامی هضم و محله سده غیظ ضروری الوردی
 کظم ایله خط و خطارینه غبار افشان صفح جیل اولمقدردر (کما قال الله تعالی
 والکاظمین الغیظ والعافین عن الناس) اللهم احفظ عبادک العابدین بک
 عن شر الوسواس الخناس (حضرت مخدوم آفاق) درنشار بعثت لاثم
 محاسن الاخلاق صلی الله علیه وسلم جناب لرینک بعض غزوات مشهوره ده
 انظام سلاک الاسنان بدیع انتظام لرینه دست واجب القطع مدراندازان
 عدوی سیه روی دوزخ جویدن نوع پریشانی صوری تطرق ایدوب حقه
 لعین دهان کوهر افشانلری پریاقوت مذاب اولدقده مقضای شفقت طینت
 عرجت طرازلری اوزره تبرع بیوروب پنبه مضمون (اللهم اهد قومی فانهم
 لا یعلمون) قضیه مشهوره درا کر اول حضرتک اراده علیه لری اول دمه
 استهلاک روسیهان حزب مشرکینه تعلق ایدوب فی الجمله اخذ دثار و قصد
 دمار ملا حفظه سن بردا شتد پیشگاه قهاری قیلسلر درحال زوایای کره
 زمینده ازقاف تا قاف فردمتنفس قالیوب نفوس ضایعه مشرکین مکراه دفعه
 سموم قهر خدا ایله تباه ونشیکاه درکات (الی جهنم وبئس المصیر) جائنه
 روبراه اولق مقرر ایدی (ملخص التفصیل) آدم کندی نفسنه راجع اولان
 اومورده (حسبما امر الله وبلغ الرسول) دقیقه فوت ایتیوب حقوق الهیه
 وحدود شرعیه ده مسامحه دن اجتناب لازمدر وشورید کان فجور اندیشه به
 عدم عداوت دلیل ضعف دیانتدر (مثلاً) احبابدن برینه شخص
 بیکانه دن نوع جفا و اهانت صدور ایتد کده سکوت ایله معامله ایدوب
 مقابله تعدی به تصدی اولنمه دعوی محبت فسانه ولغو محض اولور (پس)
 طبقات طائفه مزبوره یعنی مراتب مخالفان امر الهی درت درجه به منقسم
 اولمغین لازمه در که درجات خشم و کین و طبقات تعیر و تمجیدلری دخی
 متفاوت اوله (اولاً) گروه کفره مشرکیندر که انره بغض و کین فریضه
 ذم مسلمیندر حربلریله معامله سیف و سنان جانستان ایله صورتاً اولوب
 مقاتله دن اوز که وجه مقابله ناروادر و اول صنف ایله مهادات باینده ازین
 جانب رسالت مرک ایله دانه رویین طوب و مسیره اسر بی نهاد تفنک و تبر
 و حرب و شمشیر و سنک و سائر ادوات جکر کداز جنکدن غیریه هدیه

نامناسب و انلرك تحفهء جان حقیر لرندن اوزكه ارمغانلری قبولندن همت
اسلامیه و غیرت دینیہ روکردان و متجانبدر (الحاصل) بعض قواضب
اهل اسلامكه نبوه فتور و فلول قصور دن مصو ندر اول تیره دلان سیه کاسه نك
اعتناق نحو تکش رعونت مدار لرندن جدا قیلیمیوب هیمة دوزخ اولق
ایچون اجساد خبت آلود لرین متصل انداخته حقره کور پرمار و مور قیلق
کر کدرو بقیه السیوف اولان عجزه بی مزه مظہر آیت کریمه (ویل لکل همزة لمزة)
داخل سلاسل استرقاق اولوب کردن جائری زنجیر ذل و ملام و دوشاخه
تحقیر و استخدادن خالی قولنامهق لازمدر مکرباج و خراج و اناوه لازمه یه
ملترم اولوب میان اهل استیمانه کریز ایله داخل زنجیر تحقیر اولهار اول
تقدیرجه (اعضوا الجزیه و هم صاغرون) مدلولی اوزرینه قید و بند
واهانت و تذلیلدن آزاده قیلیمیوب رهگذار تصادف محارندن رهاری
تضییق و ثیاب ریشہ کافرانہ ایله زی اهل اسلامدن تفریق اولنق کر کدر
واهل ذمت ایله دوستی و خلت کراہتی کراہت تحریمه قیلندندر دیو جناب
متصف غیور مشرب شافعی مذهب تصریح و اشارت دو جناب (خیر الوری
حدیث شریفنده روز جزایه ایمان کتورن دشمنان خدا ایله دوست اولماز
مضموننه دلالت واردز دیو تنبیہ و نصیحت بیور مشدر (ثانیاً) طائفه
مبتدعه در که سراسیمه داروی ضلال اولغله راست روشارع هدی اولغله مجاللری
اولیوب رفتار ناهموار ایله جوانب وسعتہ تمایللری عز لقه بشریتدن پالغزیده
بالوعه بدعت و افتاده چاه چرکاب ضلالت اولغله منفور طباع مطهره صلحای
امت اولمشلردرا کر مرتکب اولدقلری مفاسده خلق دعوت و مسلاک باطللرینه
تکلیف تبعیت ایدر لر ایسه اول طائفه هدف تیرتد میر و معاداة اولغله سزاوارلردر
لازمدر که دائماً کما نکره اهانندن چهره بی بهره کردار لرینه هر کس مهره انداز
طعن و تشنیع اولوب یمین و یسارندن گاه سیلی رد و استحقار و گاه مشت تذلیل
و ازار مبذول اوله و مطلقاً انلرایله مصاحبتیدن اجتناب لازمدر که عوام
ظاهر بین بو حالدن متنبه اولوب صحبت و افتادندن کریز ایتمکله اصابت مکر
و کید لرندن امین اولهار واکر کندولر بیم سریان لوٹ بدعتدن دامن
چیده حرکت ایدوب هیچکسه تکلیف موافقت ایلر لر ایسه ینہ معامله لرین

بقاء عدم محبت اوزره بنالیدوب دفع محذور ضرر لری سهل اولور (ثالثا)
 اول فرقه فساد اندیش طاغیه در که مرتکب اولدقلری معاصی رنجش
 خاطر انامه داعی اوله (عیاذ بالله تعالی ظلم و تعدی و میل ارتشا الیه حکمه
 تصدی و هجو و غیبت و نیت و سعایت کبی واقعا بواطوار سیئه اصحابی
 دامان الفت یارانی دریده قیلق نیتیه چنصفه و فاقه غرس مغیلان نفاق
 و اندام احبابه خلیده اولق فکری الیه رهگذر اتفاقه القای خس و خار شقاق
 ایدر لر بونلردخی شایان و داد و آشنایی اولیوب مجموعه پریشان اوراق خلتلری
 رشته پر کره کراحت الیه مشر زو قباچه آلوده دامان الفتلری نمد پاره
 مذمت الیه مطر زدر لکن ظاهر فتوی مقتضا سنجه مرتبه کراحت اختلاطلری
 بالغ درجه حرمت دکدر پیوردیلر (رابعاً) شرب شراب و انک امثالنه
 خفیه ارتکاب ایدن کنه کار لر در که شرر شر و ضرر لری حرافه طبایع ناسه
 اصابت ایلیموب خاکستر ستر و اخفاده نهان اولان آتش خسپوش معصیتلری
 آنجق کندولک متاع ناموس و عار لرین سوزان ایده اولمقوله معاصی و رزان
 ممکن الالتزام الیه سمت معاصله رشحات پند مشفقانه و میاه تمیلات خوش
 طبعانه الیه اطفاء ناره شرور لرینه بذل مقدور در اکر (ع) پند پدر نافع
 نشد رسوای مادر زادر ا* وزنی اوزره ناوک نصیحت کشاد ویرلد کده دل
 پولاد نهادرینه تأثیر ایلیموب فتاده خالک بی رغبتی اولور ایسه بحث ارشاده فیصل
 ویریلوب اختلاط و الفتلرندن متجانب اولق واجب در نهایه الامر بالکلیه
 سر رشته سلام و کلامه کسستکی و انفصام طاری اولیه و زهاد سینه صاف
 تقوی اتصافدن بعض اولمقوله اهل هوادن بحکم الدیانه بیرار و نفور اولیجق
 زنه ارشتم و لعن ائمه که عهد سعادت قرین (فخر عالم صل الله تعالی علیه و سلمده)
 بر شوریده لا ابالی نهاد هر ارا شرب خیر ایدوب هر مره سکر کده شربنده
 حضور حضرت احضار اولدقچه مشرف امر شرع اولوب شربت
 هشیار ساز خدا الیه دفع صداع خار ایتدردیار اصحاب کرامدن بری مز بورک
 بو حائله پیدر پی مست و افکار می دیوان حکم الشریعتیه احضار اولوب
 مستوره اقدامن گاه و بیکاه ملاقات شاهد موزون خرام عصا ایتدیکندن
 متأثر اولوب هی بیچاره بو غفلت و اصرار تابکی و بو وضع ناپسندی التزام

و پای نابرجایکه (حواله الخطب) آزار اولمغی الزام ایدرسن مضمونندن تو بیخ
 و تعیر ایدرک روی خجالتک لطمه زن لعنت اولدی (حضرت شفیق) هر دو عالم
 صل الله علیه وسلم صحابی بی بووجه نامو جهدن منع ایدوب حالا اول دردناک
 مستعد الهلا که شیطان خصم اولدیغی خذلان یتر بر طرفدن سندخی لعن
 و ملالت ایله ابلیسه یار و یاور و شماتت و استهزاده عزازیله برابر اولمه دیو بیوردیلر
 معلوم اوله که هر آدم معامله یاری و همدی یه شایسته دکل و هر کس ایله عقد
 شرکت مفاوضه برادری امر مشکدر هر کیمکله که صحبت و انفت مقصود اوله
 کر کدر که آنده بو خصال ثلاثه موجود اوله (اول) عاقل و هوشمند اولمق لازمدر که
 صحبت احقده شایسته فائده بر طرف اولوب هر چند (ثولا الحقاء لبطلت الحکمة)
 امر مقرر ایکن دوستی و الفتاری ناموافق قانون حکمتدر زیر عاقبه العاقبه شکل
 اجتماعی نتیجه بخش نفرت و وحشتدر (ع) زاحقان بکریز چون عیسی
 گرفت * زیراقرین احق جائزدر که بر مصلحت صوابدید رأی قاصر اولوب
 اراده خیر ایدرکن قلت فهمی ایله بر ضرر عظیمه باعث اوله که تدبیر دفعنده
 عقول هزار بوعلی و افلاطون مضطر و زبون قاله زیرا احق قبه پست
 دماغی ظلام انجام غیباوت بروجمله مالا مال کثافت ایتشدر که دروننده
 چراغ افروز بصیرت اولمغه محال محال اولوب تاریکی عجزات قوای مدر که سی
 حسبیه تشخیص غث و سمینده عاجز اولمغین بعض محله افاعی بیج دریج
 غدر و خسرانی زلف شکن در شکن غایه امانی و پرچم خنم اندر خنم شاهد
 کلروی کامرانی صانوب طاس نه توی فلکه تأثیر ایدن سموم سما کداز
 پریشانی بی تریاق مفید شادمانی و نوشدا روی حیات جاودانی قیاس
 ایلر فرموده کباردر که احباب حق و غیباوتدن نفرت نوع قربت و روی
 احقه نظر عین خطا و محض ضرردر و تعریف احقه اول ناکس مطلق
 جدیر و ماصد قدر که عواقب اموره اطلاع و شعوردن فهم و ادراکی قاصر
 و دور و مشاهده شمس یقیندن دیده خفاش خاصیت بصیرتی کور اوله
 و اکابر مهندک تفهیمی ایله تضییع وقت ایدن ساده لوحک کوشش بی اثرلی نتیجه
 بخش اذعان اولیوب کاغد نشأف ذهنه ثبت مسطر اولنان رسوم افاده مراد
 (کالتقش علی الماء) جایگیر قبول و صوت پذیر حصول اولیه (ثانی)

نکو خلق و خوب شیم اولق کر کدر که بدخوی ایله الفتده احتمال سلامت
 بر طرفدر زیرا لئیم بد بختک کوشه کیر صندوقه طینتی اولان اراقم لئوم جبلی
 عاقبت مقتضای خاصه لازمه سن اظهارده مجبور اولوب بر مدت حسن
 معاشرتده خلاف طبیعت زور ایدرسه ده آخر زهر افشان ادعیه مصافات
 اولسی یدیهایت امور دندر (نالشا) ارباب صلاح و دیانتدن اولق کر کدر که
 شارحه سیرتنده (یعرف المجرمون بسیماهم) ظلامی عکس انداز اولان
 روسیه ان ناخدا ترسه اعتماد اولمازنته که (ولا تطع من اغفلنا قلبه عن ذکرنا و اتبع
 هواه) نص جلیلی بومدعا یه کواهدر حقا که اولمقوله لاله مقارنت معنی
 رضای حقندن مفارقتدر طائفه اهل بدعت دخی مقتضای هوای نفسه
 تبعیت ایدن راندکان درگاه حق و مستحقان قهر مطابق شرمه سنه ملحق
 و ملصق اولوب پاداش رذالت و نذالتلری سائر رعاع ناس کی نشسته که
 سعادی صلحادن مطرود و نظیر التفات انکیر ابرار و اتقیادن هر دود اولمقدر که
 اول سیه رویان سیه کارک لوت مشربلری اشنان و صابون تدارک و تدبیر ایله
 محتمل تطهیر اولیوب دنس آشنایلری آلوده دامان ضلال اولیحق اصحاب
 غیرته موجب عاردر خصوصاً اولمقوله واسع مذهب ان تسامح پیشه نک بعض
 کمر اهلری خلی مناهیدن منع ایتک مخلوق خدایه تحکم داوریدر بزم
 هیچکس ایله خصوصتمز و کردار لر نده کتخدای و تصرفز یوقدر دیوب تمشیت
 فجوره مساعدور خصت فرمای ارتکاب مفاسد اولدقلری (عیاذ بالله تعالی)
 تنعم اباحت و خیر مایه الحاد و زندقه در بو گونه هرزه کویان ژار خادن فرسخ فرسخ
 کریزان اولق لازمه ذمت راست عیاران اذعان بلکه فریضه ذمت همت
 پاکبازان میدان دین و ایماندر (امام جعفر صادق رضی الله عنه) حضر تلرینک
 اجناس بشردن بش صنف بی خیر و شر ایله اختلاطدن منع ایتدکلری مفاد
 کلک اثر طرازان اجتهاددر که فی الجمله حصانت عقل و رزانت رأی اصحابی
 اول امام بزرگوارک شجر اراغ پند سود مندینی مشعل راه انتباه ایدیجک بالغزیده
 خندق حق و خذلان اولمدن سالم و کاربان اخلاق و افعالی هجوم ناکاه کیر مکیدت
 رهن ضلالدن امین اولور (اولاً) کذاب خانه خراب که مواعید عرقوبیه
 ایله قرین مغرور ایدوب امور غیر واقعیهی قالب صدقه افراغ ایتکله باد شامت

حیلہ وزور ایلہ برطرف ساز خرمن حضوری اولور (ثانیا) احق خیرہ سرکہ
جای منفعتده سوء صنیعی سیبیلہ ابداع انواع ضرر قیلوب ظلمت قباحت
نافهمیدن اضطراب مضرت انگیره باعث اولدیغن دخی بلز ونه رسمه شور
وشر وفته وخیر ایجاد ایتدیکن بلز (ثالثا) بخیل مستحق التذلیل که سر کیسه
سماحتی رشته پریج و تاب امساك ایلہ محکم بندایدوب همیان بدنندن نقدجانی
چقسه جیب مروتندن کتر حبه کرم چقماز وکانون سینده سندن دود کرد
باد آسا پیوسته چرخ آسمان اولور اما کنج نکبتخانه کور نمایشده بیم نزول
مهمان ایلہ شعله نار و اثر دخان نمایان اولمز

✽ شعر ✽

✽ قوم اذا استج الاضیاف کلهم ✽ قالوا لامهم بولی علی النار ✽
حقا که اهل دله مجالست بخیل مستعد التذلیلدن اوز که عذاب الیم
وآدمه اول کروه مکروه ایلہ مقارنت یکدمه دن زیاده بلای عظیم اولمز و صنوف
مر تکبان مکاره و مفاسدک بر تدبیر یسیر ایلہ ازاله اوساخ فسادی ممکن ایکن
بورنج مادر زاد مبتلاری شربت جانکداز مرک راحت رساندن غیری
علاج ایلہ اصلاح قبول ایلمز

✽ نظم ✽

✽ خوی بد در طبیعتی که نشست ✽ زود نابوقت مرک از دست ✽
(رابعاً) بد خوی تیره دل که صخره صمای دروننه تیشه سخت آویز
نیازکار ایتیموب لوح سنکین سینده سنده قلمکاری التماس ارباب رجا صور تبند
تمایل مقبوله مراد اولمز (خامساً) فاسق خیره سرکه همیشه سرکردان
جام فجور اولوب نشوه سرمستی شروردن آسیه دماغ اولغله نه مشغله
دست اوره جغن بلیوب تدبیر امور کارگاه حواسد نهایت عجز و فتورندن
نه جوهر کلامنی منتظم سمع سداد ایده بیلور ونه نقد جنس اوضاع و اطورینی
سنجیده میزان مستقیم العیار نفس ایتکه قادر اولور فکیف قرینک اسعاف
حوائجنده درکار اولوب یارانی نصاب جوانمردیدن حصه دار ایلیه مع هذا
سید الطائفه جنید بغدادی قدس سره العزیز حضر تلری فاسق نیکخوی
ایلہ صحبتی عالم بدخلق ایلہ الفتدن ترجیح ایدرم دیو بیوررلر ایش بومعنی دخی
پرتو انداز آینه اذعان اوله که بر آدمک دفتر وجودنده رسوم اخلاق مذکوره

باسرها مسطورہ اولیٰ امر بعید در غایۃ مافی الباب (المیسور لایسقط بالمعسور
 (اولا) صحبتدن والفتدن مراد و نتیجۃ فؤاد معلوم اولیٰ کر کدر کہ اول حالہ
 ملایم اولان کسہ لہ اختلاط اولنہ کذا و کذا ❦ احکام نویسان تقویم تجاریب
 امور انواع بنی آدمی اقسام ثلاثیہ منقسم ایشارد در (بر قسمی) غدا مقولہ سیدر کہ
 وجود لری قوت روح و قوت بدن اولوب انر سز کذران حیاتہ امکان اولیوب
 کاربان نفس بپحضور ایشان قصبۃ حلقومدن کذر ایتز (قسم ثانی) کیف
 و تریاق منزله سنده در کہ صحبت لری نہ ازمنہ مخصوصہ و موطن متعددہ بہ احتیاج
 چکلور (قسم ثالث) مرض و علت مقامندہ در کہ ہر کز آشنایلری نہ ضرورت
 الجا ایتز بلکہ اول مقولہ اخلاط فاسدہ نک ثباعدی موجب راحت و متارقتی بدن
 اتحادہ باعث صحت در قضا ایلہ بو صنفہ مبتلا اولیحق شربت مدار ایلہ دفع و تحلیل نہ
 سعی ایدوب اول رسمہ فضلات مقولہ سندن اولان قرین فضول میان یاراندن
 ازالہ و اخراج اولنق لازمدر (الغرض) یار و ہمدم اولغہ لایق اول آدمدر کہ
 مقارنتی منافع داریندن قایل و کثیر جلیل و حقیر نوع منفعتی مشتمل و متضمن اولہ
 والاتضییع اوقات عمر عزیزندہ مؤدی ایدوکی پرتوانداز آینہ تمیز در (در تفصیل
 حقوق لازم الرعاۃ اخوت و برادری) معلوم دقیقہ سنجان سطرلاب معقول
 و مفہوم اولہ کہ قصد لعبت بازی شطرنج اتحاد ایلہ ہر ایک آدمکہ نشستہ سر نطع
 و داد اولوب تختہ نزد ملاقاتدہ کعبتین موالاة انداختہ قیلہ ل منزلہ عقد نکاح
 و مثابۃ عہد کابین ازدواجدہ بر حق واجب الرعاۃ بی اثبات ایتش اولورلر کہ
 (لو بست الجبال و انشقت السماء) جبل المتین محبت بی غرضانہ لری کشاکش
 ماومنی ایلہ منقسم و بنیان رصین الارکان حصن الفتلری مناجیق کوه افکن
 خاطر شکن منازل و عمارات ایلہ متضعضع و منہدم اولیہ بو مضمون جلیل الاعتبار
 (حضرت احمد) مختاردن صلی اللہ تعالیٰ علیہ وسلم مرویدر کہ ایک برادر
 ہموار اوضاع آدمہ ایک دست استوار مقامندہ در کہ بری برینی شست
 و شوو یکدیگرہ اسالہ وضوع قیلورلر دیو صادق نہادان امتہ لزوم رعایت شروط
 اخوتی ایما و اشارت پیور مشارد در بناء علیہ (ع) بنی آدم اعضای یکدیگرند ❦
 مدلولی اوزرہ عامۃ ناسک بری برینہ انتساب و اختصاصی اعضا مشابہ سنده و اخ
 فی اللہک نسبت تامہ سی ایک ید مصالح کذار مرتبہ سنده اولیحق مراعات

حقوق لازمہ سی فریضہ ذمہ ہم قاطبہ امم ایدو کی امر مسلمانہ تقدیر مذکور
برآمد مک افعال وخصالی موافق خاطر خواه اولدیندن لایق اخوت و برادری
کور یلوب اختصاص مواخات حقانیدہ قرار ویریلور ایسه میانده جاری اوله حق
حقوق موالات برقاچ مرتبه در * (حق اول) تصرفات ارزاق و اموالدن
حق شفیک کندی نفسنه تقدیم ایدوب بر مقتضای (ویوثر و ن علی انفسهم
ولوکان بهم خصاصة) قاعده ترجیح و امتیازی پیشهاد ایلکدر و نقد جنس
معتبردن خاطر خواه و تعلق نموده سی اولان اشیاء نفیسه مقبوله نك زمام تصرف
مالکانه سن برادرینک ید مؤیدینه ویرمکدر (حق ثانی) جمیع امور و احوالده
کندودن تفریق مشار کتنه شریعت شریفه مساعد اولیان مواد معهوده
معدوده دن غیری خصوصده مشارک و مساهم و بالذات کندی مقامنده قائم
ایلکدر شویله که بری برینک اسب و اسباب و خدمه و دواب و املاک و اثوابنده محتاج
تکلیف و استجازه اولیوب حوایج مذکوره حصولی تحریک حلقه باب طلب
ورجایه موقوف اولیه بلکه لازم کلنجک تقدجان عزیزین دریغ ایتیوب بی تکلف
وبی تردد راه برادری به مبدول ایدمزیر اهر مقصودک پیوسته حصول اولسی بذل
کنجینه نیازه وابسته اولیجق اول مهمی ثمن سخنه بیع ایتش اولور عقبه العام
رحمة الله علیه بر صدیقدن درت بیک اقیچه طلب ایدوب حریف نیم ظریف
نصف مطلوبی تکلیف ایتد که ای بی حیا شرم ایتزمیسن که دعوی محبت
حقانیه ایدوب هنوز ایشار متاع ناچیز دنیا ده بخل ایدرسن دیو حواله عصای
انکار ایلدی مال دریغ ایتک دکل بعض یاران حقیقت مال بری برینه بذل نقدینه
حیات ایتدیکی مفاد السنه اقلام تقادیر (حکایت) جباره ملوک سلفدن برسفاک
خیره کیش بجاج منش حضورنده بر نیچه آفته ناصرادی وشاة بدنهاد سعی
بالفساد خلاف نفس الامر ایله یاد و طریقہ افتراکاری اوزره بعض امور ناشایسته
اسناد ایتکله نأره بیکناه سوز غمرو غمی ایتقاد ایتدیلر ملک که ملک الموت ایله
دعوی برادری و کار جانستانیده حضرت قابض الارواح ایله بحث برابری
ایدرایدی اول فتادکان دام قضای ناکهانی و آویختکان چنکل شهبازی امانی
اولان گروه مظلومنی تیغ جلادجان ربایه سفارش ایتدیکه اولاخلعت حیاتدن
عریان بعده کلدازین چوکان شمشیر ایله پایین تحتکاه شاهده غلطان ایدملر همانا

اول جمعك افرادندن (ابو الحسن نوری) رجة الله عليه میان صف مظلومیندن
تخطی ایدوب کردن افر از غمی اولدی و تقدیم نیاز درونی قیلدیکه (الله تعالی)
بنی مقدمه الجیش کشتگان و امام جماعت بر کشتگان ایلک که شیر شمشیر
یلان و خواندن مقدم بن فقیری نخجیر ایدوب رباط عدمه انلردن مقدم وضع قدم
قیلهم و شهرستان فنیاه رفقادن اول واروب پیام ورودلرین میربانان دارالضیافه
جنته ابلاغ ایدهم دید کده ملک داعیه تهالك هلا کدن پرسش ایدوب نه حالدر که
قاطبه انام چاره پرداز تراخی مرک اولوب تدارک اسباب دیر پروازی حمامه جام
ایدلر و بر آن امتداد حیاته جان و یروب (من العمود الی العمود فرج) مصداق قبحه
ولو لحظه استیغای نفسه و نفسه اقدام کوستور لر سن مضمن سیاسته جان ايله
طالب و تقدم هلا که درون دلدن حریص و راغب سن دید کده ابو الحسن که
مر دمیدان جانسیاری ایدی بوجواب مستطاب ايله رد خطاب ایلدی که بوطائفه
برادر لر مدر آرزو مند احسانم که حیات یکدمه و جاندار ی لمحۃ البصری یارانه
ایشار ایدهمکه جلادان تیر دست جانستان بنم اتمام مصلحت قتل مشغول
اولدیغی قدر زمان انلرک نفس حیاتی ممتد اولوب بندن زیاده متاع حیات فانیدن
ممتع اوله لر دیدی پس ملک جایرو جابر بو حالدن حار و بار اولوب عروق و اعصاب
جرآتیه بروجهله فتور کلدیکه دست خنجر کش جورندن صمصامه عالمکشی
فتاده زمین تسامح اولوب بومشربده اولان مخلصان توافق مذهبک تفریق
شجره ثابت الاصل وجود لرینه سعی ایدوب فسانه بداندیشان ايله اراقه دمارینه
ارتکاب ناملایم قانون مروت و هجنت فزای دأب عدا لندر دیوب در حال
جلاد بی امانه اشارت عفو ایدوب جله سنک رقبه لرین غل تیغدن آزاد ایلدی
(فتح الله موصلی رجة الله علیه) احبب اسندن برینک مسکن مألوفن تشریف
ایدوب صاحب خانه موجود اولمغله حافظ البیت اولان خدمتکارینه خداوندینک
صندوق معهودینی احضاره اشارت ایدوب غلام خداوندی ايله شخصک
مناسبت و اختصا صندن خبردار اولمغین علی الفور امتثال ایدوب صندوق
پیش نظر فتح الله احضار ایلدی اولدخی قفلنی برداشته جرأت ایدوب
درون صندوقده بولدیغی نقود موجودی بر متهامتوجه طرف آخر اولدی
خداوند خانه کلوب ماجرای حالدن آگاه اولیحق غایت سرورندن خدمتکار

مذکورى بومعامله مقابلہ سندہ فی الحال محرر الرقبہ ومطلق العنان ایدوب
الینہ برات آزادی و یروب و مملوک من قومك صندوق درونی جواهر فواخر
مرادات ایلہ مالامال ایلدی (حضرت ابوهریره رضی اللہ عنہ) جنبی احبابندن
بعض آغوش برادرى یہ چکمک مراد ایدینوب ای کزیده اصحاب رسول وای راوی
احادیث قرین القبول وجود مسعودینی کندیمہ یارویا ورونلہ صدیق برادر
اتخاذاتک اقصابی آمال و نتیجہ ما فی البالدر لطف ایلہ بورجای خاطر ی قبول
وبوامنیہ دل و جانمی حصوله موصول ایلہ دیوبسط مقدمات نیاز ایتد کده حضرت
ابی هریره شرائط عسیر الرعاية مصادقتی یکان یکان حریفه تفہیم واذعان
ایتدیروب جملہ مر اسم اخوتدن بری اموال وارزا قکده سندن مقرب اولوب
زروسیکی بی باک تصرف مراد ای اسم چون و چرا ایتیوب قلبا و قالبا اظهار تعلل
و عناد ایتد سندن بومر تبذیر مشربک تحمل ایدوب بو حالت حوصلہ طبعیتده
کنجا یشدیر اولور می دیجک یا باهریره هنوز بو طبقده اراده رسوخ کلیوب
بو طریق اوزره ایشار ماملکہ قدرتم یوقدر دیدی ابوهریره دخی ای ساده دل وار
ایدی کندی کارینہ مواظبت قیل کہ امر اخوة مقولہ سی کار مشکل دخی سنک
مصلحتک دکادر دیوب منع یوردیلر (ابن عمر رضی اللہ تعالی عنہ) جنا بندن
منقولدر کہ بر سر بریانی بعض احباب نہادہ طبق اهدا قیابوب حضور آخره
فرستاده ایلدی مر سل الیه بوهدیہیہ فلان کس بندن احقدر دیوب آخر
اوستنه ایشار ایلدی اولدخی بعینہ بواثره اقتضا ایدوب بریار غارنہ بر کذار
ایتدی اولدخی کندی یارجانن نفس نفیسنه ترجیح ایدوب سر پختہ بی آخره
یشکش قیلدی (کذا و کذا) هر بری صدیقنی ہدیہ مذکورہیہ احق
کور مملکہ کلہ بریانی مانند طوب کری میدان مہاداتده چوکان دست احباب
ایلہ برآز زمان غلطان اولوب تاینہ مر سل اولده قرار اید نیجہ دست بدست
سرکردان اولدی (مسروق رحمۃ اللہ علیہ) معاصر لرندن بری ایلہ مواخات
اوزره اولوب هر بری ذمت آخره اداسی لازم اولان دیون واجب القضای
صنو شفیقندن مخفی صاحب المال اولان و انخواہہ کندی کسب حلا لندن
ادا و ایضا ایدوب شہ امتان فایح اولق خوفیلہ جیلہ لرندن یکدیگری اکاہ

ایتمدیلر (حضرت علی کرم الله وجهه ورضی الله تعالی عنه) برادران دینیدن
 بری حقنده یکرهی درهم صرفنی حوایج درویشان و مساکینه یوز الحقه
 صرفندن ترجیح ایدرم بیوررل ایمش (حضرت فخر عالم صلی الله تعالی
 علیه وسلم) بریدشه مسواک زارده صحب کرامدن بری ایله تفرج کنان کشت
 و کذار ایدر ایکن ایکی نهال مسواک مشرف دستبوس تاجدار لولاک اولدی
 جناب رسول سماحت یدشه صلوات الله علیه اول ایکی نهال نجسته فالک
 درست و راست اولان سعادت رفاقتلری ایله مستعد اولان صحابی یه ایشار
 بیوروب بر مقدار خجیده اولان مسواکی نفس نفیسارینه تخصیص بیوردیلر
 صحابی یاسیدالبشر بن فقیر و کثره احسان ایتدیکک موزون و هموار تمام
 ذات کرمکاریکه لایق و سزا واردر دیون نیاز مند تبدیل اولیجق (حضرت
 فخر عالم صلی الله تعالی علیه وسلم) بوتیمیر دلپذیر ایله تشریک لبان شکر ریز
 ایتدیکه هیچکس آخر ایله صحبت یکساعه ایتز که مراعات حقوق مرا فقتدن
 سؤال اولیه (الحالة هذه) دنیاده راه موافقت و مرا فقت مسلوک قوافل
 بنی آدم اوله لی حضور خداده سنک رفیقکدن محبوب و مقبول ظهور ایتمشدز
 و ایتز ایتدی افراد خلائقندن (کائنا من کان) حقوق رفاقتدن سؤال اولیجق
 حبیب خدا و طیب مسلم دوا اولان ممدوح برکزیده مولی بوبابده دقیقه فوت
 ایتک اولورهی مضمون افاده بیوروب مسواک بین الاعوجاج ایله ککندولر
 قناعت و هموارینی ایشار صحابی ایله اثبات حقوق مرا فقت بیوردیار یار و فادارک
 جمیع حوایج لازمه سن بی طلب ورجا صنای خاطر و نشاط ظاهر ایله تدارک
 و ایفادار که سلف صالحین بوشیمه کریمه بی پیشنههاد ایدوب احبا و اصدقاسنک
 حضور و غیبتلرنده در خانه ارینه بالذات واروب خدمه و عیالندن پرسش
 مالز مه بی تدارک لازمه ایتد کلری مشهور و معروفدر (حسن بصری
 رجة الله علیه بیوررل ایمش برادر دینی بکا اهل و عیالمدن و اولاد و اتباعمدن
 عزیزدر که آنلر امور دینی بی تذکیر و سمت حقانیتیه تشویق ایدرلر) عطر سایی
 انجمن اخیار قدوة الابرار شیخ عطار قدس سره بیورمشلر در احوال اخوان دینندن
 غفلتی اوچ کونه دک ازاله ایتک و بالدرمدت مذکوره قدر زمان مهردیدارلری
 متواری سحاب احتجاب اولیجق لازمدر که تکاپوی مواصلت اقدام و قرع باب

تحت واکرام ایدوب اگر نشسته یسترانکسار مزاج اولمشرا یسه عبادت و تسلیت
 باینده دلمود کیهای مشفقانه ایلہ شفا سازی جان در مانده لرینه درمان و عنایت قیله لر
 المزده تشویش معاش ایلہ لر پای مردی اقراض واعاره و کفاله ایلہ مضیق
 فاقه مزیل الطاقه دن خلاص ایدوب اندوه دل زار لرین ازاله یه همت ایلہ لر
 بحکم البشریه سزی فراموش ایتشلر ایلہ قدم نه زیارتلری اولوب تجدید محبت
 وثبات خلوص طویت ایلہ تحقیق مسئله انجذاب و مودت ایلہ سز قاطع العروق
 هر منافق * امام جعفر صادق رضی الله عنه بیورر لر که بن صنف دشمنان بداندیشک
 مقضی المرام اولسنه تشمیر ساق اهتمام ایدرم وانلرک بیلہ حضور مده خاننا آیب
 اوللرین ناسزای مشرب سماحت پسندم یلورم ونه حال ایلہ یانمدن کامیاب
 وشاد کلام کتمترین ذمت عالی همته لازم ومهم کوررین پس نه ممکندر که امور
 دوستان حقیقیده قصور ایدوب نور محبت لری ایلہ چار جهت وجودم رشک
 زوایای بیت المعمور اولان احباب مخلصینک آرزوی طبع لطیف لرین تهیته ده
 مسامحه وقصور ایلهم دیو بیورر لر ایش بعض کبار احبابندن برینک فوتند نصکره
 الی مقداری توابع متوفانک الترام تمشیت امور معاش لرین کندی ذمت لرینه الزام ایدوب
 زمان حیات هر حومه معشار عاشری ظاهر اولیان وجه اوزره تدارک مهمام
 ایتدکاری شایع ومشهور و کتب آتارده مخبر ومسطور ولسانه دائر در *
 وبوحق واجب الرایة برقاج مرتبه در (اولا) اثنای مکالمه وخطابده طبقه
 زبان ایلہ شکر فشان تعظیم اولوب اخ عزیزی غیبتدن احتراز ایدوب
 فرضاغاب ایکن حاضر یلوب تنهاسنده بحث احوالی زبانزده تحقیق
 ایتدکده پس پرده ده محکی عنهی مستمع مقال وخبردار حال ملاحظه ایدوب
 نه منظومه تعریفی مدیح مداهنه ومحسین ریا کونه ایلہ شجون ونه مضمون
 توصیفی قالب هجو مدایحه سبک ایدوب حشو قبیح قدح ومذمت ایلہ شجون
 کلامنی هجنت رد وانکاره مقرون ایده (ثانیاً) صدیقنذن مظهر شرف خطاب
 اولدقده لازمدر که سمع قبول ورضا ایلہ اصغایدوب خلاف ومناظره
 وجدل ومکابره دن اجتنابی واجب ییلہ که منهل صاف ودادی غبار
 خلافتدن برتیره * و دماغ اتحادی ژنکار لجاجدن زیاده خیره ایدر علت
 زوال خلت اولمز دیو مهره فن اخلاق اتفاق ایتشاردر (ثالثاً) کتم

واخفای حبایا واسرار ده اهتمام ایدوب ودیعه حافظه اولان کیسه سر
 بمهر رازه کوشه کرک اظهاریت طرقتدن احتراز اولنه که عیارتیز ناخن دهر
 اتفاق یغما کر هرک ایله خلوتخانه جاننه نقبرن جوار اولیجق اول امانت
 لازم الوقایه زیر حصیر (نسیا منسیا) ده پوشیده قالدیغندن تاراجنه ظفر
 بولیوب ودیعه روح صوب مودعه رد و تسلیم اولندقدده امانت معهوده صندوقه
 بدن پوشیده ایله معاد فین خاك اوله (رابعاً) (الشیء اذا ثبت بلوازمه)
 مدلولی اوزره صدیقك اتباع واشیاعی دخی غائله مذمت، وازاردن مصون
 اولوب جله توابع ولواحق اکر امده فعلا و قولاً متبوعه تابع و معطوف قیانه
 (خامساً) اخ صدیق حقیقه هرزه کویان عالم دن بر کلام ناپسند اسماع ایتد کده
 زینهار ابلاغی ایله تغیر ضمیر و تکدیر خاطر خطیرینه باعث اولیه که بووضع
 ایکی وجهله موجب ازدرء صریح اولور (اولاً) (سبک من بلغك) طریقله
 شتم مستهجن (ثانیاً) غمز نامستحسنه (ثالثاً) قبول عذر و تقصیر در
 زیر شوائب معاییدن بری یار غمخوار ایله طرح برادری همانا مهر و مشتری
 ایله هم صحبت اولوب خنیا کر عالم بالا اولان زهره زهرا ایله الفتکری به
 بکر * پس مقتضای قانون مرؤت عیب و نقصان یارانه که انداز تعرض
 اولیوب پرده (التفاضل من اخلاق الکرام) ایله تسامح زلاتنه اهتمام در
 و بر خطیه صدور ایتد کده چاروب اعتذار ایله ساحه کارزار موالاتی رفته
 قیلوب خس و خار عثرات و هفواتی شعله معذرت خواهی مستمندانه ایله
 سوزان ایتك کر کدر فرموده کبار اخبار در که هر کیم که حجره دل صفا
 مشحوننده اثر نور ایمان اوله بی شبهه آینه لساننده بریق اعتذار و استغفات بان اولور
 و هر کیم کانون دروونده ضرام دورویی و نفاق وزان اوله البته منفذ دهانی
 دود نفس غیبت و مذمت ایله سیهقام خذلان اولور مؤمن سینه صافك عادتق
 عذر خواه و منافق روسیاهك پیشه سی عیب جوی و بد خواه اولمقدر نظر
 انصاف بودر که صدیق شفیقك بر حسنه سی ماحی اعشار سیئات اولوب
 بر کره وقوعه کلان لطف و وفاسی مقابل تقصیر و جفای ده هر به بلنه یعنی
 دوستك بر کره لطف ایتسی اون کره خطاسنه مقابل و تقصیر صادر اولد قجه
 نیلده لم فلان زمانده شو مقوله بر کرم ایتشیدی دیوب اون هر تبه به وار نجه

خطاری عفو اوانه ❖ و بحکم البشریه خطوه خطا ايله کامنه راه اسانت
 اوليحق اکر سيئه سنک حکمی و یریلوب حقوق سابقه مضاعف و منسی
 اولورسه محض بیوفایی وعین حقوق اولمش اولور بوتقدیرجه سیئه زامر ضیئه
 بیوفایی بوجانبه مستند اولمق لازم کالور ❖ حضرت شفیق امم صلی الله
 تعالی علیه وسلم مضامین پند مشفقانه لرندن مترشحدر که قرین سیه کار
 و یارب دکر داردن عون خدایه التجا ایلک که سیردن برکتر عثه و محقر هفوه
 صدورندن آگاه اوليحق اشاعه قیالوب هزاران حسنات مقبوله کزی کتم
 و اخفا ایدر بیور مشارعیان بالله بوفرقه یه التحاق لزو مندن اجتناب اولنه
 (حق چهارم) بر ماده ده برادر وفا کستره سوء ظن اولنما مقدر برادره دکل
 قاطبه بشردن هیچ فرده ظن بد جائز دکلدر (ان بعض الظن اثم) فتوای
 جایی اول حالک وبال عظیم ایدو کنه دلیل قویدر ❖ روایت کرده کباردر که
 (حضرت عیسی علیه السلام) اصحابنه خطاب ایدوب اولنا کس بدفعال
 حقنده حاکم عدل مروت نه وجه اوزره حکم مجازات ایلر که برقرنداشنی
 زیر چادر خواب کرانده نهفته کور بچک پوشش عورتنی برداشته قیالوب
 بین الناس افتضاحنه باعث اوله دید کده حضار (یا نبی الله) نه مقوله بدبخت
 روسیاه بوقباحث عظمایه اجتر ایدوب بورسمه فضاحت شنعایی قنغی لثم
 ناخدا ترسک سوء صنیع دست ملامت پیماسی اوله دیوبنان تعجبی مسواک
 دهان تمیز قیادیلر (حضرت مسیح روح الله) بووضع نامأمول سیردن
 صادر وجهه کزدن صدوری امر ظاهر در که کندی اخوانکز غنوده رقد
 غفلات بشریت ایکن خطالین آشکار و جزوی بهانه ايله متاع تقصیرارین
 انداخته دوش دلال روزگار ایدوب قضیه هجنت انکیز خطیئه لرن نقل النجس
 اغبار ایدرسر دیوبور دیلر (قاعده) کار آزمایان دهر کینه ور که اغوار بحار
 افکاره غومس ايله اخراج اصدا ف عبر قیامت لردر تشبث جبال خیال ايله
 فراز کنکره قصور تصویره وصول بولوب ضمننده نیچه دوشیزه پاکیزه
 نصایحی در اغوش ایتلردر بوضابطه بی پیشنهاد ارباب سدا دودستور العمل
 اصحاب رشاد اولمق اوزره قرار و یرمشلردر که برآدمی ناهزد اخوت و یاری
 و مرسوم داغ وفاداری قیلق و نقد وفایه امیز و حوایج حب و ولایه کافل وضع

بناك مراد اولیحق لازم در كه اولاً برتقریب ایلہ اغضاب و تعذیب ایدہ سن
 و تنہا سنده صحبت توصیفی نہ قالبہ افراغ ایدر و مشاطہ زبانی صورت
 بکر ذکر یکہ نہ یوزدن آب و تاب و یرر تجسس ایدوب کورہ سن و نہا نجانہ
 رازیکہ جو اسیس اسرار اولان یاران موثوق بہمدن بعضی محرم قیاسین تا کہ
 عروق تفکرینہ حلول ایدوب اکتاہ ملحوظات ضمیرندہ واستطلاع ماہیت
 عقیدہ سندنہ مبالغہ ایدوب حقیقت حال بالتفصیل والاجمال منکشف ومتبین
 و متخلص ومتعین اولہ اگر مشغول ملامت اولوب سر تحقیقہ ساطور مذمت
 حوالہ ایش ایسہ العیاذ کویان (راضیامن الغیمة بالایاب) نیم راہ توجہدن
 سمت فراغہ عطف زمام ندامت، قیلوب سیر منزل بیکسی یہ عنانریز کریز
 ایدہ سن واکر سنک جبال شمالیہ تعریف و تہجینکدن ہبوب ایدن صرصر
 از دراء آنک لجہ درونی متلاطم و امواج تغیری متراکم ایتیوب سکون
 دریای درونی سبیلہ جو دماغنہ ائخرہ عتوہ و بغضا متصاعد و ساحل دہانہ
 قذف و شتم متوارد اولماش ایسہ اب صافی صفت صفوت درون صاحبی ایدوکی
 متبین ولایق دوستی والفت اولدیغی متعین اولور اول تقدیرجہ میثاق حب
 و ولای تجمید و بنیان مرصوصہ صدق و صفائی تشید ایدوب ہمیشہ آیین
 یکانکی و برادری برقرار اولہ * فرمودہ کبار اخباردر کہ اولتقولہ مسلم ایلہ صحبت
 والفت سزادر کہ جناب علام الغیوبہ معلوم اولان سر نہایدسندن مخفی و پنهان
 ایتیمہ و حضرت ستار العیوب ذیل عفو ایلہ مستور ایتدیکی ذلت و قصورینی
 اغیارہ عیان ایتیمہ بلکہ بعض خیابای رازی افراغ اتاء حافظہ سی قیلوب اسرار
 محکیہ تمام معلوم و مضبوط میدردیو پرسش کیفیت نکہداری سمع دیگردن
 اخراج ایدوب نشنیدہ و ندانستہ معاملہ سن کوسترہ و بالجمہ روزنہ کشادہ جناح
 صماخذن داخل حجرہ سامعہ سی اولان اسرار واجب الاعتراری دریچہ
 دہانہ رھیاب اولمدن منع ایدوب انہدام بناء وجود زمانی کلنجہ محارز حصن
 بدن اولان کوتوال روح کی قلعہ حافظہ دن بیرون خرام اولغی حرام تصور
 ایلیمہ بو کھر پارہ کھر باخاصیت نصیحت جذب کیمہ خواطر اهل فطنت
 ایچون نہادہ درج روایت قلمشدر کہ ارباب عقول سدیدہ و اصحاب الباب
 پسندیدہ بیور مشارددر زہار بودرت حالہ اظہار محبت و وفا داری ایدن

اشخاصك شيفته دعواي بيمناي مزور فحواري اولدن احتراز اولنه يعنى
وقت رخاده وزمان رجاده وايم هوى وهوسده وهنگام طغيان سيل شهوتده
نماينده يارى ومهربانى اولان ريكاران مغشوش طبيعتك نقش بى مأل
تبصيص روبهانه لرينه وجود ويرليه زيرا حالات مذكوره ده ادعاي موالات
ضرورت الجا ايدوب حصول مر امد نصكره لابد سر رشته تعلق انفصام
بولور (حضرت عباس رضى الله عنه) فاذة كبدي ونورس ميوه نخل
جسدى اولان فرزند امجد وارشدى عبداللهه كه اعزه اصحاب واجله مقربان
(عمر بن) الخطا بدن ايدى بوتعود نصيحتى حرز بازوى اذعان ايشدى كه
اى جان پدر محاط ذهن دراكك اوله كه جناب امير المؤمنين سكا مزيد
اكرامدن صف مختصان آستانده جاى نشست ارزاني قيلول قدر جاه
وجلالكي آسمان پيوند ايلشدر وكمال رعايتندن پيران جهانديده تقديم
ايدوب سنى خواص بارگاه اجلاندن بيلشدر روابودر كه حق عنايتن اضاعت
ايميه سن وبو خواص خسدده كه شخص وقايه منزله خواص خسددر
تسامح وغفول جائز كورميه سن (اول) شكاف كوشدن داخل هميان سمع
اولان كوهر معتبر اسرارك كتم واخفا سنده اهتمام ايدوب اول سر
هميانى رشته سكوت ايله محكم بند ايديه سن واسنان سى ودونك هر برين پارچه
سمع كافورى فرض ايدوب اوتوزايكى پرده مهر سكوت اوره سن فرضناخن دست
قضا كيه جسمي چاپك ايدرسه اول لالى كرانبه ايه پریشنى تطرق ايميه (ثانيا)
حضرت حضور امير المؤمنينده اعراض مسلميندن بحث ايتيوب جمعيتكاه سپاه
عرض ووقار اولان مجلس عاليلرنده زنهارسى سيف لسان ايدوب هيچ كسك اندام
تعريفنه زخم رس غيبت ومذمت اوليه سن (ثانيا) شمشيرزبانكى ژنك بسته
كذب ودروغ اولدن صاقتوب اول صمصام سرتيزى نبوه كلام غير واقعدن حفظ
ايديه سن (رابعا) جناب خايفدنك هراهرينه مطيع ومنقاد اولوب كان اشارتندن
همانكه برناوك مراد كشاد ويره درحال سينه قبولى هدف اجابت قيلول زنهارس
طرف تعالاه تجانب وتمايل روا كورميه سن (خامسا) خيانت وسست پيمانندن
حذر ايدوب سعى ايت كه آسمان راست كردش همتك قطب صداقت وخط الاستواء
استقامت اوزر كردان اولوب ذنب تنين خيل ويوناي آفتاب طلعتكي منكسف

ایته (حق بنجم) صددم صاحبده کلام آخر شفیق مر دودو کاسد نامدن احتراز در
یعنی سوق سوق سخنده کندیکی غالب و صدیقی مغلوب کو ستر میه سن حضار
مجلس سنی عاقل و ندیه و آتی غافل و سفیه ظن ایتیدار (الحاصل) مقتضای ادب
مصاحبت بودر که هر حالده سوز یارانک اولوب (ولوسلم) حق النده اولدیغی
تقدیرجه لازمدر که مر ادیکی بر طریقه تغییر ایده سن که سامع طرف صوابی
کلام احبابده مشاهده ایله (حق ششم) قول و فعل تعظیم و اگر ائنده سرمو تقصیر
ایتموب هر حالده رعایت حد اعتدال درو شریعت مروته صدیقی زیر جناح
تظمه آلوب هدف نبال تحقیر ایتکدن زیاده و بال اولمز (تتمات صددم مذکور دندر که)
اصدق ایله افراط و مازحه باعث تغیر مزاج موالات اولور زیرا مزاج معتدل نمک
خوان القدر شویله که حد معتاددن تجاوز ایده منهل عذب و دادی آیتد شرنک
فساد ایدوب نه اطعمه نفیسه مخالطه لذت و نه چاشنی اشربه مصادقده
خوشکوی و خلوت قالور نه که آب حیات نصایح (حضرت رسول عجم
المنایکدن بوزلال تنبیه مترشح اولمشدر که) شهد عهدی مر خاف و خلاف ایله
تلخ و ناگوار ایتک و اصدقای دغدغه کثرت مزاج ایله پریشان و بی حضور قلمک
و بالوده کلامی آلوده دروغ و کذاب ایتکی روا کورماک دیو اشارت بیور مشلدر
(حق هفتم) تابع مطاق اولوب سکون و حرکت وضعن و نهضت ده تبهیت
ایتمکد در شویله که بر طرفه عطف عنان عزیمت مکنده کند و ایله مر افقته اشارت
ایلسه بهانه فروشی زاد و زواده و تدارک حوایج و اماندگان بیت و تدبیر و ترتیب
اسلحه ساز و سلب ایتیموب بی پرسش سمت توجهیه فی الحال دنباله رویار وفادار
اولمغه متابعت قیله (ابو سایمان دارانی رحمة الله علیه) بیور مشلدر بر صنو صداقت
شعار ایله نیچه روزگار (ع) الجسم جسمان والروح واحد * (نثر) وزنی اوزره
نفس واحد حکمنده یار غار اولوب بنیان محبت برادرانه مزب و وجهه رحمت
و اشتداد بوتلش ایدیکه شجره ثابت الاصل توافقمزی تیریکده دست جدان
سالهاد رکار اولسه مقدار ذره بیخ و بن خا و صمزه تضعضع کلورونه افنان
واخصان (ملفقه الساق بالساق) اتفافزه ترعزع نمایان اولور ایدی (الحاصل)
اتصال درونمز بر مر تبده رسوخ پیدا ایتشیدیکه اره مار دندان اجاندن غیری ایله
نفریق محال و ناخج تبر عمر شکافدن اوز که ادوات مارات ایله شکست بولمق تصور

بی مال اولوب بیخیزه نور دکا ور شحه ماء حلولی متعسر و شخص تکلیف و تکلف
وجود بیکانه کی میامزده جای کنجایش بولق متعذر ایدی (باین جمله یوما
من الایام) حضورنده بر محقر حاجتم ظاهر اولوب انجاس مرام صدنده کمیتندن
سؤال ایدوب نه مقدار ایله مصلحتک تمام اولور مضمونک اشعار ایتمکله بومر تبه ده
ترددی باعث اضحلال محبت اولوب الحال حلاوت الفتی مذاق جانندن هجرت
ایلدی (حق هشتم) لطیف تعبیر ایله مری تبه محبتکدن صدیق شفیق
خیر ایتکدر کما ورد فی الحدیث (انا احب احدکم اخاه فایخبره) ثمره شجره
اخبار اولدر که بریق افاده محبت شکاف سامعه دن فضای دماغنه عکس
انداز وصول اولیجق آنک دخی صحرای دروننه تأثیر ایدوب مزارع باطننده
پاشیده اولان تخم صداقت رسیده درجه کمال اولوب سنابل هزار دانه
مهر و وفا و محصول عیم البرکات صدق و صفا حصوله کاور (حق نهم)
صدیقک جمیع حالی سرا تفحصدر مبادا عارضه فاقه دن خسته حال
ویبار طاقت شکن دیون ایله زبون و بیجبال اولوب سامان غیرت مانع کشف
ضرورت اولمغله آتش غیور سوز حیات اجزاء وجودینی سوزان ایدوب ناره
محتی خاکستر تجلد ایله پنهان ایتک فکرینه دوشوب کشف رازدن غلبه
عار نار مثال ایله احتراز اوزره اوله پس شریطه قصیده غمکساری و نتیجه
مقدمه برادری ویاری بودر که رشحات آب حیات تقید و التفات ایله اطفاء
لوعه جگر کداز اضطرارینه همت و تسکین حرارت ذائقه سوز عجز و اضطرابینه
اعانت اولنه (حق دهم) اسماء القابیدن مبغوض و منفوری اولان لفظه
ناچسبان ایله خطابیدن احترازدر که (امیر المؤمنین حضرت عمر بن الخطاب) بیور مشر
اخ شفیقک محبتی اویج جهتدن ترقی یاب ازدیاد اولوب مریأت مجلوه درونی
اول وجوه ثلاثه دن صفا و نقایدا ایدر که (اول) نام نیک و وصف خوب ایله
مخاطبه (ثانی) سلام تعظیم انجام ایله ابتداء مصاحبه (ثالث) آمد شنده
اکرام و تصدیر ایله معامله در و اتباع و اشیاعنی دخی بووجه اوزره معامله دن
حصه دار التفات ایتک لازمه یاران پسندیده صفاتدر (حق یازدهم) ادای
شکر نعمته تقصیر اولنماقدر (حضرت علی کرم الله وجهه) بیور مشارددر
هرکیم برادرینک کندی حقنده اظهار ایتدیکی نیت خیرک شکرنده قصور ایده

اول نیتك قولدن فعله کلدیکی صورتده دخی تقصیر ایتسی مقدر (حق دوازدهم)
 غیبت صدیقده قاعدهٔ جانبداری و صیانت عرض وفاداری کا هو الواجب
 مرعی کر کدر شویله که * برهرزه خوار ژاژ خای دهنکشای غیبت اولسه
 سیلی چهره خراش اعتراض ایله روی مذمت کوی نیلی قیلنه که بومقامده
 سکوت و تحمل کمال نا کسی دناشیدر * مثلاً صورت ظاهره ده بر دوستك
 ضرب و اضرازینه مباشر اولان شخص پر نقصه معارضه فعلیه لازم
 اولدیغی کبی بوماده ده دخی بعینه مطاردهٔ قولیده امر مهمدر اریکه نشین
 دارالبقا و ساکن عالیه برای جنت المأوی * حضرت ابی دردانك اثناء
 کشت کوه و دشتنده مصلحت زراعت ایچون متعین ایکن بقره محقریه نظر
 عالیه دوش اولور که ورر که بری بری ایله کمال موانست ایدوب سکون
 و حرکته یکدیگره بروجله تبعیت ایتشلر که بری رفتار ایلسه اولدخی معا
 کیدر قرار ایلسه اولدخی قرار ایدر بی اختیار ایکی لوله دیده لرندن اساله قطرات
 عبرات ایله شاد ابلار مزمارع تأثر اولدیله و بیوردیلر که برادران راه دین
 آداب اخوت و دأب مرافقت و موافقتی بویکی حیوان کاسد الاذعان
 تعلم ایتسونلر و بربرینه اطاعت و تبعیت بونلردن کورسونلر (حق سیردهم)
 علوم دینه ده محتاج تعلم اولدیغی مرتبه بی صدیق شفیقه تعلیمدر زیرا
 احوال دنیویه ده کما فی تفصیله ذمت اخ عزیز متاعب صوریه دن جایه
 لزومی کبی نار دوزخدن وقایه دخی بطریق الاولویه مهم و لازمدر اگر افاده ده
 تقصیر ایتوب قبول و تعلمه طریق صدیقندن تهاون و قصور نمایان اولورسه
 نهانی پند مشفقانه و تمثیلات خوش طبعانه ایله سمت تلعطفدن احوال آخرت
 و احوال قهر ربوبیتدن آگاه ایایه کار کر اولیحق تخویف و تهدید ایله تعریک
 اذن غفلتده بذل همت قیله اگر روزنه کوشندن ولوج ایدن نسیم نصیحت
 قبه دماغنده آرام ایتوب منفذ سمع دیکردن خروج ایدرسه قول (حضرت عثمان)
 رضی الله عنه (اذا نصحت لاحد فلم یقبل منك فتقرب الى الله) رهنمای سکون
 اولور اما بومقوله ایله تداور اقتداح نصایح ملاء ناس و جمع انامده نامر خصدر
 زیرا نشوه بخش تأثیر اولیوب خمار افتضاحی علاج پذیر اولمزه تفهیم
 پند سود مننده حروف تقریری مخارج تفهیم اوزره ادادن احتراز ایدوب

رعایت قاعدہ ترقیق ایلہ امالہ خاطرینہ ہمت اولانہ و بانک تنبیہ و تہدید
 برداشتہ اوج توییح ایتکله مشعر غوغا اولیہ سن کہ زمزمہ نصیح ویند
 مشفقانہ بیرون پردہ اعتدال و خارج اصول معقول اولیحق مؤثر جان اذعان
 اولیوب تصدیع ممشح العلاجدن غیری حالت ایراث الیز و عیوبکی نہانی
 افادہ ایدن صدیق صادقہ رنجور و بیحضور اولق مرتبہ انصافدن دور *
 بلکہ بولطفی مقابلہ سندن ممنون اولق لازمدر کہ برکسہ درون جامہ و بطانہ
 لباسکدہ مارو کژدم و سائرہوام ضرر رساندن برمودینک پنہان اولدیغندن
 آکاه ایلہ تمام لطف ایش اولور * عند التحقیق اوصاف ذمیہ اذیت کاران
 مذکوردن یعنی مار و کژدم مقولہ سندن برتر ایدوکی امر مقرردر زیرامار
 و کژدمک ضرری جسم ضعیفہ و اخلاق سیئہ نک اصابتی روح لطیفہ در
 وانلرک زخمکاریلری فراش و ثیابده بونلرک کفن و ترابدہ ظاہر اولوب
 عالم سوریدہ اولان وجع برہۃ من الزمان زائل اولور اما عالم معنیدہ اولان
 ابدی و سرمدی قالور * (حضرت فخر عالم) صلی اللہ علیہ وسلم (المؤمن
 مرآة المؤمن) بیوردقلری کلام پر حکمک حکمی بو مضمون لطیف متضمندر کہ
 نور ایمان ایلہ آیینہ کی تابناک اولان مسلم آخرک عینی کوستر یعنی احترازی اولان
 سوءفعالی بری برندہ کوروب متنبہ اولورل دیو معنی ویرمشلردر (حضرت عمر)
 رضی اللہ عنہ رحمت خدا اول صدیق بی ریب وریایہ کہ عیوبمی بکا
 اهدا ایلیدیو بیورلر ایش حتی روایتکرده کبار اخیارددر کہ (سلمان فارسی)
 رضی اللہ عنہ برکون پیشکاه حضرت عمر رضی اللہ عنہ دخول میان صف
 مقربانہ مشول ایشدی جناب (ابن خطاب) سلمان حضر تلرینہ خطاب
 ایدوب یا سلمان درست و راست سویله کہ بنم احوالمدن السنہ انامده سائر
 وداثر نہ مقولہ گفت و کو کوشزدک اولدی کہ اول حال علی تقدیر الوقوع
 سکا مستعجن کلوب ازالہ و دفعی حضور کدہ مستحسن اولہ دید کدہ سلمان
 دلکش بیان تقدیم مراسم استعفاء نصکرہ زمین المأثور معذورده زانوزده
 آغازتقریر ایدوب (ای جانشین رسول کریم) زبان خلقده شایع و مشهوردر کہ
 نمودار منقش سفرہ آسمان اولان سماطکرده روزمرہ مہرومہ کی ایکی کلچہ
 نان نہادہ اولور ایش * و لباس جسم شریفکر ایچون ایکی پیرهن مہیا

اولوب بری دیبای زیبای روز کبی ایامده پوشش تن و بری مانند کمخای
 مسکی فام شام هنگام خواب راحتده ظرف کوهربدن قینورایش *
 یوندن غیری سسرفه و تلغه دائر مقتضای طریق تقه تقوایه مغایر خبر
 کوشگذارم اولمدی دیدی (حضرت فاروق) عیم الا لطاف مقتضای
 شیئه عدل و انصاف ایله ملحوظدل سمانی اسعافه عزیمت بیوروب * فی الحقیقه
 بویکی حال زئددن بدن و دهن محروم اولمق امر سهلدر (بعدالیوم)
 تکرر جامه و نان برطرف اولسون دیوتنبیه و اشارت بیوردیلر
 (حذیفه مرعشی رحمه الله علیه) یوسف بن اسباطه ارسال مکتوب ایله
 تویخ عیوب ایدوب استماع اولندیکه دینکی ایکی جبهه فروخت ایش سن
 یعنی بازارده بر شیئه خریدار اولوب با یعک تعیین ایتدیکی ثمنندن ربع
 درهم قدر خط اولماسن تکلیف ایله اظهار وضع عنیف ایش سن زینهار
 دیده جانن سبات غفلتی دفع ایت و چهره مجاهده دن برقع طمعی
 رفع ایت هر کیم معانی معجز اثر فرقان جلیل الشانه تحصیل عثورایتد کدنصره
 میل حطام و رغبت نزع حلال و حرام نمایان ایده بعید دکلدر که اول آدم آیات
 خداده رب و مرا ایدنلره الحاق ایله داغدار خسران دین و دنیا اوله و بومقوله
 اشیاء خسیسه دن محظوظ و منتدار اولمق علامت میلان مال و نشان رغبت
 دنیا ایدوکی محققدر دیوب چن زبول یافته اخلاقند لوله سیمین مکتوبدن
 اساله رشحات نصایح ایتدکلی مرویدر رایت پره دایت (ولکن
 لا تحبون الناصحین) تحقیقنده ناودان یراعه مفسریندن ریزان زمین افاده
 تعیین اولان رشحات مفیض البرکات حکمندندر که ناصحن تنفر طباع
 خسیسه به باعث اول مقوله اشخاص خیره سربد پرتوک عروق طینتلرنده که
 ابلیس خبیثه کذرگاه و محرر در خلط فاسد رعونت و ریخ قبیح نخوت
 استیلا سندن ابجره خیلاء غرور و خود پسندی اوعیه حواسنی ممتلی قیابوب
 قوای مدر که سنه منصب اولان مواد نزالت و فساد نور جزالت و رشادینی
 محوایدوب مبتلای سبل علل اولمغله تمثال جبال مقوله سی اولان اشکال ضلال
 کوزینه کور غیوب اطلاع مغایبه عدم قدرت و فقدان استطاعتیدر
 والانهادنده احساس داء قبایح مورت الفضایحه قدرتی اولانک طلب دواء

نصایحه بی اختیار اولی و اصح و ظاهر در بوته بحث مذکور دخی
 معلوم از باب شعور اوله که صدیقه اذاقه چاشنی نصیح و پند اول زمانده
 مفید و سودمند که هر تکب اولدیغی عیب و تقصیر حق آخره مترتب اوله
 اگر تعدیسی نفس نا صحه عائد ایه اول محمله اسراف نقدینه سخن پند
 آمیز امر زائد اولوب مناسب حال تجرع ملالدر بشرط آن تفرینی اظهار
 وعدم قبول کلامندناشی تکدر و تأثرینی اعلاندن اصرار ایتیه زیرامشامه
 وجداله الجا ایدوب رفته رفته مؤدی فرقت اولوق احتمالدر واکر خطیه سنی
 حوصله تحملی هضم ایدم یوب بالضروره معده اصطباری ممثلی اولور ایه
 هزار زنهار شتوم مذموم ایله تعذیب صدیق اتحاد باعث اولیوب (ع) خانه
 جدا کور جدا (نثر) مثل پیشی ایله عمل ایدن نگاره کیران سمت وحدته متوجه
 اولمقله واصل اسایشکده هجر و بعد اوله که بهر حال ارتکاب شتوم شومدن
 اختیار تنائی و تباعد اولی و صحبت رفیق مذمومدن محروم اولوق استصواب
 کرده عقلادر اما بوحاله یعنی ترک رفیق بدخصله کمال ضرورت الجا ایتک
 کر کدر که ادنی موجب ایله اختیار مفارقت منافی مروتدر و لازم اولان مهما
 امکان زهرابه اوضاع بارده رفقای تجرع و بار کران اکراره صحبتان تمکندر
 زیرا صحبت والفتدن غرض تهذیب اخلاق ایدوب تیغ آزار خلقه سینه
 صبری سیر قلمندر (ابو بکر کتانی) رحمه الله علیه پیورر که بر شخص کرانبجان
 راغب صحبت اولوب نیمه زمان سایه مثال ملازم خدمتم اولدی لکن دروغه
 پیکر مستکری ثقلت و یروب هر چند تدبیر مدافعه به مباشرت اولمش ایددخی
 زیاده جایگیر ثبات اولوب کتدکجه کشتی کران سیر ثقلی لنکر انداز بحر
 خاطر اولدی فسون اهداء اشیاء نفیسه ایله توقع دفع کابوسی قیادجه دخی
 آزرده ثبات اقدام ایدوب شب و روز ظل مخروطی صفت سمت کره ارض
 وجودمدن منفک اولدی عاقبت حریفی منزله کتوروب نهانخانه رعایتده اگرام
 و ضیافتد نصکره اقدام ایتدم که اقدامی نهاده روی مسکننت جویم قیالوب
 بندخی چهری سوده کف پای قلم طرفیندن هزاران الحاح واستغنا
 صدورند نصکره بو وضعه رضا و یروب مقتضای رجا برجا اولیجق دروندن
 اول حال استثقال زائل اولوب کویا بو معامله ایله اشکال کرانبجانی بی لکدزده

و پائمال ایلدی (ابوعلی رباطی رحمه الله علیه) پیوررار که (عبدالله رازی) ایله
 بر بادیه ده همراه اولق لازم کلوب قطع مسافه یه برابر وضع قدم اقدام ایتدک
 بر مقدار طی راه د ن ص ک ره بکا خطاب ایدوب بو صحرای پهناده که بزدن غیری
 ره و بادیه پیمانا پیدادر میر قافله قنغر اولق مناسبدر دیدی بندخی تعظیما لشانه
 جناب کرمک اول رتبه یه سزاوار و تبعیت مطلقه یه مناسب اولان فقیر
 بمقدار در من بعد امر یکه مطیع و فرمانبرم دیوب علم خداوندی بی آنک دوش
 همته تحمیل ایتدم عبدالله دخی تأکید موافق و عهد ایدوب قول و فعلا
 بکا انقیاد و هر امر مده ترک عناد مقرر میدر دیدی تقریر سابق اوزره بندخی
 تکریر عهد امثال ایدوب منتظر اشارت لازم الانقیادی اوادم هماندم کندوده
 و بنده اولان قلیل و کثیر زاد و زواده و اثقالی بر ظرف معقوله یه قیوب بردوش
 ایتدی و تحمل کلفه بار کشی یه قرار و یروب روانه راه اولدی بر قاچ
 خطوه د ن ص ک ره بن تقدیم نیاز ایدوب خداوندا مقتضای قافله سالاری تکلف
 بردباری دکل بلکه تعظیم داورید ذات بزرگوار یکه لازم اولان آسودگی
 و راحت و نقل اثقال خدمتی مناسب حال بندکان و رعیتدر لله تعالی ظرف
 و اثقالی شمدنکرو بو کمر بسته عبودیته تفویض و تسلیم ایناک دیدم فائده مند اولدی
 بعد نیاز مناوبه قیلدم کار کر اولیوب حالا میر نافذ الامر قافله بنم سکا لازم اولان
 اطاعت و حکم همایونه انقیاد و تبعیتدر اولزمانکه امر امارت سنک نوبتکه
 کلوب بو منصب عالی یه روز کار سنی تعیین ایده زمام ارادت و اختیار دست تصرفه
 وابسته اولوب (فامرک مسموع و قولک نافذ فحواسی توقیع منشور اجلالک اوله
 دیوب شهر اه عالم بالا اولان سیاح جهان نور د آفتاب منزلیکد) تغرب فی عین حمت (ده
 نزول ایدنبجه یعنی قافله سالار مهر منیر جلوه گاه مشرق دن نهانخانه مغربه کیرنبجه
 بو وجه اوزره کشت دشت و قطع راه ایتدک اول زمانکه میربان قضا مسافران
 ثوابت سیار ایچون خیام سیهقام شاهی بر پا قیلوب و صحن رباط آسمانده مواکب
 کواکب جای نشست آماده ایدوب سباط مز رکش مجرهمسی پیشگاه سیاحان
 عالم نور دمهر و ماهه کشیده و کشاده و اثواب علایق دن برهنه و عور اولان
 اصحاب تجرید دوشنده (وجعلنا اللیل لباسا) مثال مسکی فامنی نهاده قیادی
 زامله حر کتمزی کشیده زاویه قرار ایتدک و بر گوشه بی توشه ده استراحت و آرامه

قرار ویردک کمینگاه رأس الجبلدن رهزن صحابت شبخون ایدوب اوستزه بروجله
 تیر باران ایتدیکده نه بربرک شجری سیرایتمکه مجال ونه برز پرچره تحصنه اقتدار
 اولدی عبداللہ بر کلیم پاره بی فرق سرمدہ مغر وارطوتوب میرلواء صبح صادق
 وفواد نواری بیداروتیراندان بارانی منہزم وتار ومار ایدنجہ بوحال اوزره
 مانع تأثیر تبر ابرمطیر اولدی اول صدیق صادق بومر تہدہ ارتکاب
 زحمتدن غایتدہ متأثر اولدم اما نہ چارہ هر چند تکلیف منسوبہ ایتدم ایسہ
 امتناع ایدوب حالا میرنافذ الکلام قافلہ بنم سکا لازم اولان محض اطاعتدر
 دیوب جواب اولین ایلہ الزام ایدرایدی فرضا ابتدا کندویہ تفویض خداوندی
 ایتدیکمہ کمال ندامت وانفعال طاری اولوب حیفا کہ اکرام وتوقیر ملاحظہ سیلہ
 باعث آزرده کی وتحقیر اولدم دیو کندیمی لوم وتعییر ایلدم (حق چہار دہم)
 عفوزات وتقصیردر کہ برزکان طریقہ وفاداری قدس للہ ارواحہم بیور مشلدر
 صدیقدن سنک حقندہ تہاون ظہور ایتد کدہ لسان حال ایلہ کندی کندیکہ
 ہفتادوجہ اوزره اعتراض ایلہ اگر قبول اعذار دہ نفس سرکش عناد ایدوب
 بنان توجیہ وجیہ ایلہ انحلال عقدہ درونہ مجال اولرسہ وبومر تہدہ دنع کرہ
 بمحضور لغک مندفع اولیوب صورت انکسار برقرار اولورسہ بیلکہ سنک لوم
 طینت وخشک طبیعتک آدن یتش درجہ زیادہ درزیرا اول درمندن سہوایلہ
 برخطا صادر اولوب بوقدر یوزدن توجیہ واعتذار اولنمشیکن کار کر اولیوب تغیر
 واغبرارک باقی وپایدار اولیجق معلوم اولور کہ سنک خبثت وشقاوتک صد
 چند اندر (اما) ارتکاب ایتدیکی خطای باصواب حقوق انامہ دائر اولیجق منع
 وزجرندہ مبالغہ لازمدر * اگر منجینق تنبیہ وتہدید ایلہ بنیان عداوتہ مجال
 اولرسہ صحبتنی ترک بایندہ مذهب ارباب الباب مختلفہ در (ابوالدرداء رضی اللہ عنہ)
 ترجیح انقطاعہ ذاہب اولوب اول مقولہ حقوق انامہ مبالغہ ایتمینلرک طبع
 ملوثلری آب نصیحت ایلہ زائل اولیجق صحبتندن انحرال لازمدر دیو بیوررلر
 وبرمدت للہ صدیق ودوست اتخاذ اولنوب ذمت اخوتہ اداسی لازم اولان پند
 مشفقانہ دریغ اولندی تأثیر ایتیوب شططوشکایتی برقرار اولمغہ بر زمان دخی
 للہ بغض وعداوتہ سزاوار کور یلوب موالات حقانیہ مبدل معادات حقانیہ
 اولیق لازم کلور دیو بیوررلر (ابودررضی اللہ تعالی عنہ) جرم وعصیان صدیق

سببیه اجزای الفتی تشریح و تفریق اولفق روا کورولیوب اول سوء حالدن فراغ احتمالیله تحمل کلفت ذلتن ترجیح ایشلردر دیو بیوردر هر کس ایله ابتداء طرح اساس اخوت ناروا اولدیغی کی علی العمیا مبتلا اولیحق تقصیری جهتیله روکردان اولمقده ناسزادر زیرا هنوز دستیاری اصدقایه محتاج اولوب هر تکب ذلت اولمغه دفعی باینده اعانت صدیقه هنوز ضرورت الجا ایشدر بو حالده نامرادی ترك ایتک عین بیوفایدر بلکه لازم اولان شرط اخوت و صداقتی اجرا ایدوب فقیری حسن تدبیر ایله زنجیر تدمیردن خلاص ایتکدر و بعد صدور الخطیئه ترك اولمیوب ینه ملازمت صحبتی مقرر اولیحق محتملدر که دوام حالت دوستی ملا بسببیه بر فحوا ی (النخبه مؤثره) رفته رفته نصیحت و ارشاد پیدر پی کار کراولوب خوی بددن فراغنه مؤدی اوله (مرویدر که اکابر ساعدن برینه فلان برادرک طریق مستقیم سداددن انحراف ایدوب ره مکمرده چنگلستان فساد اولمشدر بعد ازین دستگاه موالاتدن قطع رشته مناسبت مناسبدر دیدیلر اول کاردان خیر اندیش نظر بر صواب بوسوق ناروای اخباری رد ایله تدارک جواب ایدوب علی هذا التقدير اول دردند مستعد العلاج هنوز یار صدیقه محتاج اولمش و آنکله مناسبت ویاری زمانی دخی شمدی کلشدر زیرا بو آه دک ثابت قدم جاده نفس الامر ایدی آشنا و بیگانه آندن متجانب اولیوب هر کسه کندی یار و یکسره عالمیان اکامخلص و غمکسار ایدیلر حالا پالغزیده بالوعه بشریت اولمغه لوث خبثندن جمیع احباب و اخوانی روکردان تنفر اولوب استتکاف ایشلردر لازمدر که بو حالده بزا کا یار وفادار اولوب زلفه خطادن تخایص ایچون مهمه پرداز دستگیری اوله و زور سن سخی و ارشاد انکیز ایله قعر چاه عمیق خطادن اخراج ایدوز دیو بیور دیلر (ابراهیم نخعی رحمه الله علیه) انقطاع صحبت احبابدن منع و تحویل سیاقنده بیوردر ایش که هر تکب خطایا اولان احبادن تنائی قاعده انصافه منافیدر زیرا محتمل که فساد امر و زی فرداده تارك اوله * حضرت مخدوم عالمیان * و محبوب خدا و مظلوم انس و جان (علیه صلوات العزیز الرحمن) نفحه پاش ساحه اذنان اهل ایمان اولدقلری کلدسته غیر تأثیرلندن مستفاددر که بر مرد عالمدن بحکم البشریه برزات

صدور ایتد کده اول وضع منکردن حذور و نفور اولق لازمدر ولی فراغ
ویشیانی برله تعقیب ایتسندن مأیوس ونومید اولیهلر یعنی احتمال ندامت
وتوبه کاریسن بعید کورمیهلر (نتیجه سخن من تکب تقصیر اولنلرک حالنه
انکار ذاته انکاری مستلزم اولیوب عنقریب تحول وانتقالی ملاحظه سیله
آیین مرافقت ویاری یه فیصل ویرلمیجک اصلاح حاله میلانی مقرر اولور
(حکایت) روایت کرده نقله احوالد ندر که ازمنه سالفهده ایکی صدیق
وفادارک جهان الفت واتحاداری نماینده حسن موافقت برکمال اولوب نیچه ماه
وسال مقتضای رضای یکدیگر اوزره طی مراحل ایام ولیالی ایدرلر ایدی
(اتفاقا) برینک شهباز نظری هوای شورید کیده پرواز ایدرک نیچه سخت
آویز عشق بی امانه گرفتار و کنجشک دل زار بیقراری بر محبوب اندک سالهنک
ر بوده چنکال ابتلای آزار رسانی اولوب

✽ شعر ✽

✽ دلم بدست تو مرغیست بر کف طفلی ✽

✽ که نه کشد نه گذارد نه سازدش قفسی ✽

وزنی اوزره نیچه میل و محبتده خوار و زار اولدی باده هوشبر عشقک ابتداء
گرفت و نشوه اولیسندن بیادیکه رفته رفته سرتاپای وجودینه استیلا ایدوب
سرمستی وله وافتان رسوایی فراسنده دکه بلا ایله تخیلص جان پر عنایه
امکان اولیه پس رفیق شفیقندن عذر خواه کستاخ اولوب برا در غمکسارا
معلوم ذهن پاکک اوله که

✽ بیت ✽

✽ بر بلا در صالندی عشاقه ✽ ✽ دوستم قامت خرامانت ✽

مصدافقجه بوقضای ناکهانی که سرنوشت فقیر آواره هیچ کاری همه
کاره در خرمن جان بلا کشته بوساعقه سامان سوز تحمل کداز اولمشدر
من بعد بندن تصور محصول موافقت وتوقع منفعت مرافقت اجتماع آب
و آتش کبی نامیسر بلکه بنم کبی سوخته جان شعله آشامک پنبه وجود احبایه
مقارنتی عین ضرر در بعد ازین مناسب حال اختیار یمزله شیرازه مجموعه
اختلاطی کسسته مقراض مفارقت قیلوب دفتر اخوت واتحادی دست روزگار

پريشان سازه تسليم ايله كه اختيار مباعده در (ع) بن چكادم صاغ اسن قال
ايمدى قربان اولديغم (نثر) ديوب نيت وداع وعزيمت انقطاع ايله متوجه
دامنبوس اخ عزيز اولدى بومقدمه كه نفته مصدر وهذيان محرور قبيله دن
ايدى رسیده سمع برادري اوليحق مكر ساز مشرب عذب محبت وانجذاب
اوليوب وقطعا كلمات مذكوره دن تأثر وتغير كليوب روى جد صرفدن مدافعه
اغلوطة هذل آمير رفيقنده مجد اولدى وديديكه اى اخ شفيق ووفادار صديق
لهيب صباه ايله مرض ميل ووله اشتداد پذير بحران اولغله حرارت مفرطه
عشق طاقتكدار مقذاف زباني هذيان پاش پريشاني قيلول بيدماغ وداغ
داغ اولديفكدن خيالات بي معنى تعطيل حواس وقوايه مؤدى اولمش
معذور باد (ع) اين اول داروكير عشقست (نثر) مكر ابتلاي عشق ومحبت
آدمه باعث عيب وهجنت ويارانه مدار تفرقه نفرت اولق احتمالي وادر
حالت محبتك برقرارى اخوته مانعيت وتعلق دلبرانك زوال علاقه برادري ايله
مناسبتى ندر (ستان يسهما) اكر خاطر ميالك آرزوسى جاله ر بوده ايسه كردار
اخوته نه ضرر ويرر فرضا روزان وشبان آواره وسر كردان اولق لازم كمش ايسه
بزم بيمزده ثابت اولان حقوق اخوت صادقانه به خلال طرياني ندن لازم كلور
معاذ الله بوسوداي خامي دماغ فكر ندن ازاله وبوفكر فاسد المالى ساحه
خاطر دن اخراج ايله * اكر جنابه كه تلاشي الويوب سربى سامانكه سرسرى
اولق كور نمش ايسه الحمد لله بنم مائه عقل وادراكم بر جادرا كرسكا آواره لك
يوز طوتوب بر آزمان حكر انوار دشيداي اولق لازم كمش ايسه ميدان صداقتده
ثبات قدم بكا كارادنا درس نه حال اوزره كشت وكذار مراد ايدرسك مانع
ومزاحم دكلم اكر پركار وار هزار اطراف واقطار سبر ايدرسك بنينه مر كز
اخوته ثابت قدم وبرقرار معمار قضا بنیان حب وولامزى اول مر تبه مى
تأسيس ايتشدر كه مناجيق فسانه وفسون ويا تند باد كونا كونا ايله انهدام
پذير زوال اوله اطفال دن دكار كه سرمشق ودادى بنان تلوت پذير عقوق ايله
مضمحل آلايش تغير ايدهور مجنون غير كه سرمايه مابه الابهت هاج خلوصى اسراف
ملاعب فتور و تقصير قيله وز * غائله امراض هله قبيله ندر كه جسم وجاني
تبلرزه اضطرابه صالمشدر شرط برادري ولازمه طريقت و صداقت كستري

وجود ناز پروردی بوریسمه اختلاف مزاج واستیلا ی عارضه از عاج حالده
 نك و تنها قوم یوب یا نكجه پویان و دوان و دردیكه جویای درمان اولمقدر *
 اكر تكاپوی هتم سببیه دار الشفای عالمده زخم دروغه مرهم بولمترسه
 باری سنكله برابر سوزان آتش اضطراب اولوب جام قهر دهر بی امانی
 جنابكله برادرانه یله چكهم دیوب اولوب تدریر زود تأثیری مغلاب شربت نافع ایتدی
 و بنان تدارك دلپذیر ایله مقدم نبضكیر دلخسته عشق موحب التدمیر اولدی *
 و جناب حكیم علی الاطلاق * و حضرت شفا بخش درماندگان فراق عارضه
 اضطرابكه خفت ولهب سینه بی شكیكه سكون و راحت و یرنجیه عهد اولسون كه
 طفل دهانم پستان غدادن فطیم و رحم شكم جنین شعبدن عقیم اولوب تاسنك
 كردن جانك دوشاخه عشق مجازیدن آزاد اولمجه خواب و خورش و حضور
 و آسایش وجودیمه حرام اولسون دیدی بوعهد اوزره قرق کون علی التوالی
 انای معده سن بدل مایه بخلا دن خالی قیلوب تفسیده لب و تشنه جگر دردسر
 چكوب چله مر دان تمام اولمچق حریفك کیفیت غلیان ديك محنت و فوران
 تنور عشق و محبتدن سؤال ایلدی جان عاشقده الان كما كان جوابی وارد اولوب
 برادر نيك سكال تكرار صوم وصال ایدوب دهاننه انكشت حیرتن اوزكه
 نسنه لازم كلز و ذایقه جانی تلخاب صبردن غیری ایله دفع مرارت حلقوم تحمل
 ایتزایدی برادر عاشق رفیق صادق بو وجه اوزره زجت و مشقت ارتكابنده
 كندویه موافقت و رعایت لوازم مر افقتن كوروب نه حالدر برادرم آزاده
 قید عشق ایكن مجرد بكاتبیت و درد محنتكشیده معنای معیت بولمق ایچون
 نیجه مدتدر كه كرسنه و بی تاب محروم غدا و آب افتان و خیزان کریان و حیران
 كز پرور بو حال اوزره بن فقیر اوفقدر دیوب اولدخی برادر غیورینه تبعیت
 جنس اغدیه و اشربه دن بالكلیه انقطاع ایدوب مدتی چند بو وضع درد
 مندانه ایله خرسند اولمچق ترك اكل و شرب ایله قوت ریاضیه رسوخ و اشتداد
 و ملكه روحانیتشه ترقی و ازدیاد حاصل اولوب تزاید صفای روحانی ازاله
 هوای نفسانی به باعث اولمغله نأره پرسوز و كداز مجاز آلودی منطقی و غائله
 ابتلا انكیزی منتفی اولوب آخر عمره دك برادرانه گذران اوقات و احیانه قرار
 و یردیله و عوایق علایقدن آزاده سیركلزار روزگار و صحن كاستان جهانده

اقتطاف بهار آثار ایتدیلر (حکایت) صدد مذکوره مناسب بر حکایه صحیح
 الروایه منقولدر که عهد سالفده عباد مر تاغین بنی اسرائیلدن ایکی یار
 بر غارتنگ و تارده اختیار انزو او قرار ایدوب (یوما من الایام) اول ایکی یار وفادارک
 بری بعضی لوازم احضاری ایچون جانب معمورهیه متوجه اولوب میان محلات
 شهرده کذرایدر ایکن بر سرای عالی بنانک روزنه شهنشین زرینه طاقندن
 پرتوانداز عالم جان بر جمال تابدار خورشید لمعانه نظری دوش اولیجق شعله
 عذاری محترق ساز عقل وهوشی اولوب مست ومدهوش بر کوشه ده قرار
 ایدوب نه مقوله مصلحت ایچون شهره کلدیکن فراموش ایلدی کنج غارده قلان
 یار وفادار نیچه ایام سر بجیب انتظار اولوب شهره امیددن اثر بیدار اولیجق
 نیت فحص واستخبار ایله پانهاده دار معموره اولوب کشت اطراف واقطار
 ایدرک بر معلا سرایه اوغرایوب پیشگاهنده کورر که

✽ شعر ✽

✽ آن سوخته خراب سینه ✽ ✽ اورنگ نشین بی خزینه ✽
 مسندگاه عشق جانانه امیرانه کچمش طورر یعنی قید عقل و ادراکی بر طرف
 قیلوب واله و حیران بر کنارده اتکای جدار ایدوب یا تور طریقۀ ترجیدن
 پرسش حال ملال مآلنه آغاز ایدیجک جانبندن روی مقالۀ نقاب انداز تجن
 اولوب یار غارینی تشخیص ایتماک صورتندن سن کیسن ونه جانبندن کلورسن
 دیو ییکانه معامله سیله مقابله وادیسن کوستردی یار عابد بر آرزمان سیاله فشان
 دموع اولوب گاه کف نوازش ایله جبین حالنه صندلسای شفقت و گاه کلدسته
 نیاز مندی ایله روی آما لئه کلاب افشان مر حجت اولدی و دیدی ای یار
 وفاسکال (لله تعالی) کندیکی پامال ملال و لکدزده انفعال ایته سمند صبره
 ارخای عنان ایدوب عروق و اعصاب تحملکه فتور و کلال و یرمه و بندن
 شرم و حجاب ایدوب ستر حال ایله مقید اوله

✽ نظم ✽

✽ بر بلای سیاهه دوشمش سن ✽

✽ سهوایله قهر چاهه دوشمش سن ✽

اوله که فیض صحتله وجود پر ملالکه صحت و پایدی مر اذقتله بوغندن

خلاص و عافیت میسر اولوب رخنه مشقتك رفو کرتدیر ایله بخیه فلاح
 پیدا قیله اکر بنم طرفدن قاعده یاریه خلال طاری اولق خیالن ایدرسن
 ایم الله شمدیکماله دک جنابکه شفقت بودر جده نابض اولما مشیدی محصل
 فقیری تدارك اسباب غمخواریده بازل مقدور و درمیان کن جد موفور بیل
 همان اسرار ضمیر کدن بنی آگاه قیل (ان شاء الله تعالی) ساعد پرزور همت
 در کار اولحق یامیان معشوق امل در کار اولور یا کردن جانکه آویخته اولان
 قلاده فتن جدا قیلنور دیو بحد و شمار جواهر تسلیت ایتارا یلدی عاشق
 نامراد برادر خالص الفؤادک بورتبه ده انسانیتن و کندودن بورسمه وضع
 مستلجن منافی المروة صدورند نصره جاده محبته ثابت قدم اولوب بو حالده
 بردوامی صدق و محبتن مشاهده ایدیجک عنایت کریم چاره ساز ایله آینه قلبنه
 نور شمس هدایت پرتوانداز ندامت اولوب سبیکه عشق مجازی نقد محبت
 حقیقی برادری ایله میزان تصورده وزن و عیار ایتدی وایکی سنک دخی
 ابریز علاقه لرین محک مبین الماهیه ادرا که اوردی کوردیکه عشق محایب
 عذیم الوفا در وکل و ناله عنبدلیب کبی بی بقادر و محبت برادر مهربان همواره
 ثابت و برقرار عالم جاندر (على هذا التقدير) امر باقی بی شیء فانی به ترجیح
 و نقدی نسیده تبدیل مقوله سیدرو بودخی مقرر در که بر تخت اوزره ایکی پادشاه
 نامتصور بر کنج محقر ایکی شهر یار کنجینه مقر اولق نامی سردر لایه ایکی سندن برین
 اختیار و انسب و اولی اولان محبت اوزره قرار لازم کلور دیو کندی کندویه نصیحت
 واجوبه مسکته ایله الزام طبیعت ایدوب

✽ نظم ✽

✽ لازم اولان بکابرادر در ✽ که همیشه محب ویاورد در ✽
 ✽ عشق اوله عشق بردوامه همان ✽ عشق فانی نیلر عاقل اولان ✽

مدلولی اوزره محبت یار خالص الفؤادی میل محبوب هر جایی نهاده ترجیح
 و حسن زائله متعلق میل ناپایداری ترك وازاله وجوبن تصریح ایدوب یار غار
 قدیمی ایله تجدید حب صمیمی قیلدیلر و خاتمه عمر عزیز لرینه دک آفات قواد حدن
 سالما مواظب طاعات جهان آفرین اولدیلر ✽ ذکر اولنان حکایه لردن منفهمدر که
 صحایف سالفه ده مذکور اولدیخی اوزره مذاعب (ابی ذر) اسلام و انسب و قاعده

مروته اقرب اوله زیرا اخوت حقانیه منزله قرابت نسبیه ده در (مثلا) ارتکاب معاصی سببیه اقربادن دور ورو کردن اولق ناسزا اولدیغی کبی صدور کستاخ ایله برادر صداقت پروردن بجانب وثنائی نار وادر آیت کریمه (فان عصولک فقل انی بری مما تعملون) تفسیرنده مفاد قلم حضرت مؤلف الاصل (امام حجة الاسلام) بو مضمون بلاغت انجم در که عشرت و خویشان هر تکب شوائب عصیان اولیحق عملارندن بیزار و نفور اولق اختلا طرندن اجتناب و افتراقی مستلزم اولماز (ابو الدرداء رضی الله عنه) جنابندن منقولدر که مع تجویزه الانقطاع علی مامر توابعندن بری ارتکاب معصیت ایتد کده نیچون عداوت ایلز سن دیدیلر بن آنک معصیتن دشمن طوتارم کنندی برادر لر مدر دیو بیور مشار نهایی الامر اولقوله بی ابتدا داخل حلقه اخوت ایتک یعنی تجربه و امتحان ایتدین رتبه برادری به کتورمک لایق دکلدر زیر ابعدا الوقوع رد ایتک خیانت اولور و بو معنی دخی و صایای بزرگان طریقه حقیقه دندر که هر چند بر صدیق مجرم ارتکاب ایتدیکی خطادن بسط اعتذار و اظهار سمت استغفار ایده (ان صدقا وان کذبا) عذری قبوله موصول اولق کر کدر (ابو سایمان دارانی رحمة الله علیه) بیور مشلدر که احباب بکردن مشاهده جفا ایتدیکر زنده زنده عتاب و توبیخ ایله معامله ایتیه سز زرا محتملدر که صدد عتابده سزدن بعضی کلمات ناسزا ظهور ایدوب اندن کوردیکر کز جفا و جوردن عتاب کز زیاده ایتش اولور سز و بو تقدیر جه سزدن تعدی صدور ایدوب رتبه عدالتدن سقوط ایجاب ایده (حق پانزدهم) حیات و ممانده برادرینی و اتباعنی دعای خیر ایله یاد ایتکدر (جناب فخر العالمیندن) منقولدر که هر کس که اخوانک غیبتده دعا ایلیه بارگاه آلهیتدن بفرشته مأمور جواب آمین اولوب ای مؤمن خیر خواه معلوم خاطر آگاهک اوله که مضمون مناجاتک رسیده سمع قبول قاضی الحاجات اولوب دادار کرد کار مقتضای دعاک اوزره سنک دخی مال حالنی خیر نکو یدیه اول برادره برابر ایلیه دیو خطاب ایدر ❧ وینه هر ویدر که اولقوله دعا ورزان اخوان مؤمنینه جناب الوهیتدن خطاب مستطاب وارد اولور که قرند اشلیکر حقنده نیازمند اولدیغکر حسنات افاضه سندن سزدن بد او مباشرت ایدرین یعنی اول امانیه بی اول سزه عطا قیلوب بعده مدعولیه احسان ایدرین

تحقیق کرده محققین پاك آيندركه هر نسيم دعا كه غيبت احباده مهيب دهاندن
 وزان اوله البته كلشن قبوله وصول بولوب باعث شكفتكى غنچه اقبال اولور
 وهر قطره ثنا كه وراء ظهر احبایدن میزاب لساندن ریزان اوله لابد چمنستان
 اجابت رسیده اولوب موجب سرسبزی برك ناچیز آمال اولور (ابوالدرداء
 رضی الله تعالی عنه) بیور مشلر هرگاه جبین تضرع و نیازم سوده خاك سجده گاه
 اوله احبایدن هفتاد نفری خیرایله یاد ایدوب البته سر نهاده سجده ایکن اولمقدار
 دوستك حصول مراد دارینلرین درخواست ایدرین (وبعض) کبار اختیار
 اخوانك ترك متاع حیات ایتد کدن صکره یغما کران ورثه نهیب مخلفاته مشغول
 اولدقلرنده آنلر سر مزارنده نقود درود ثناکاری نثار ایدوب ایام عزاء انجام
 بولنجه صبح و شام حلوای سکرین دعایی روح روانلرینه اهدا و ایتار ایدرلر ایدی *
 اخبار سیدالابراردن مأخوذ در که قتاده دریای فنا اولان عجزه مثابه غریق
 دریاده در که اطراف وجوانبه پشت و پا اورلر و هر خشیش خسیسدن جوای
 مدد و امید وارد درمان اولورلر و دعای اهل و عیال نوردن کوه و جزیره شکن
 باغلیوب اول ناتوانلری تلاطم امواج رجت اول کوهستانه القا ایدوب نهنگ
 خوف و بیم قهر جمیدن نجات بولورلر (کذلك) مرویدر که بیور مشلر سروش
 رجت ادعیه اخوانی نهاده اوعیه نورانی قیلوب پیشگاه مستعدان مغفرت
 سبحانی به عرض ایده رودار فائیده ترك ایتدیكك فلان کسه نك ارمغانیدر دیه لر
 وزمره اموات بهشت نشینك عالم حیاته هدایاء فاخره یکدیگردن فرحان
 اولدقلری وجه اوزره بوحالده دخی ملائکه بشارت رسالك طریقه مذکوره
 اوزره عرض ایتد کلری دعا هدیه لرندن شاد و مسرور و بربرینه ابتهاج و مباهاات
 ایله فرح و فخور اوله لر (حق شائزدهم) محافظه حق وفادر و توابع و لواحق
 یار متوفادن غفلت اولنسن دخی بوجه دن معدود در دیمشلمرویدر که عهد
 رسول اللهده (صلی الله تعالی علیه وسلم) بر پیره زن پر حزن برك خزان کبی
 لرزان و نهال خیزان اساضعیف و نالان هزار بیج و تاب و قلق واضطراب ایله
 مجلس شریف سید کائنه دخول ایلدی (حضرت فخر عالم صلی الله تعالی علیه وسلم)
 دخی مستوره مسطوریهی مر موق نظر التفات و مغفور نعمای نوازش عیم البرکات
 ایدوب قطیفه لطیفه حسن انبساطی ضعیفه عقیقه مذکوره پای انداز تعظیم

و تلطیف ایلدی و طبق طبق میوه کونا کون تحیه بی هدیه القدوم و شیشه
 شیشه ازهار عنبر بوی ثنایی پیشگاه مخدره مشوش الدقوم ایتمکده مبالغه
 بیوردی حضار عالی مقام افراط اکرام حضرتدن حیران اولوب متعجبانه
 زبان حاله متوجه پرسش و سؤال اولیجق حضرت سختسرای شافی جواب
 ملاحظه احباب ایدوب بیوردیلر که بوامه اللهک خدیجه مر قومه عصمت
 پناه ايله فرط توددی و حال صحتده صحبتنه گاه و بیگاه ترددی اولوب حیاتنده
 منادم و مصاحبی و حضورنده خیلی تقرب صاحبی ایدی اول حقوق گذشته بی
 رعایتده مسامحه روح مر حومه یه جفادر دیو بیوردیلر (و تمای وفادار یدندر که
 رعایت خاطر اخوانده جمله توابع و لواحق حصه دار تساوی اولوب فزونی
 مراتب و ارتقاء درجات مناصب سببيله زیر جناح تکبره آئینه و هیچ غائله دن
 میانه توخش و تنفر حلول آئینه که ابلیس پرتابیسک تفرقه احبابدن اهم کار
 ناصوابی یوقدر حق صد یقده کلام تمام ساعی بالفسادی اسماع و اولبایده
 صدور ایدن دروغ بی فروغنه اعتماد دخی منفور طباع ارباب سداد ایدوی
 مقرر در و مسلم سخنان عظه و تذکیر قبول کلمات فاسد المأل و شاتدن منع
 و تذذیر بیوردقلری خبر متواتر در (حق هفدهم) طرح تکلف واجتناب
 طور و تعسفدر دوستدن مقابله محبتده بر امنیه توقع ایتمکدر که دلیل
 نقصان محبت اولور فرموده (امیر المؤمنین علی المرتضی) در که بدترین احبا
 اولدر که حضورنده بسط اعذار و تقدیم استعفا و اعتذاره محتاج اوله سن
 و انکله معامله ده زانوی تکلف اوزره نشست و قرار ایده سن * سید الطائفه
 حنید بغدادی علیه رحمة الماک الهادی * بیورمشلر در هزاران هزار دوست
 و احبا کورمشدر که مدتھا زانو بزانو سفره نشین بزم اتحاد و شراب
 آشام حب و وداد اولمش ایکن بزم الغترینه اغیار تنفر و توحش القاء
 خس و خار تنا کرایه یکی مشاهده اولمشدر لاجرم بو حالت نامتوقع وقوعی
 البته میانلرندن برینک ساحه دروننده مغیلان علت و بطاننه جامه نهادنده
 اثر خاشاک صنت بولندیخی جهتدندر کبار ابراردن منقولدر که بیورمشلر
 اهل دنیا ايله ادب اوزره زند کانی ایدوب رجال آخرت و صلحاء امت ايله
 معامله علمیدن غفلت آئینه سزا اما ارباب معرفت یعنی راز دانان عالم حقیقت

ایله کو کلکز نه یوزدن استرسه اویله اختلاط و معاشرت ایده سز یعنی اهل عرفان قصور و نقصانه نکران اولمز لر اول زمهره حضورنده هر نه هر تبه خطیه و تقصیریکز ظهور ایدرسه کلفه بسط اعتذاره محتاج اولماز سزدن فرضا خطای ظاهره صادر اولسه ده مقتضای کرم جبالیری اوزره عیبگری دامن عفو ایله ساتر و کسر جرایمی ادوات صفح جیل ایله جابر اولور لر طا ئفه صفوت اثر صوفیاندن بر قوم معتبره بر برینه تبعیت و ستر عیب زلت ملا حظہ سیله بروجه اوزره معاشرت قلمشردر که میانلرندن بری خواب راحتہ متوجه اولسه جمله سی سوایم قوای متحر که لرین چرا گاه نومہ القا ایدر لر ایدی و بری افطار صوم ایله تناول غذا مراد ایلسه جمله سی حواصل نفس شره آلودلرین نفایس اطعمه دن حصه دار شبع و سیری قیلور لر ایدی تا که آرزومند ترک ریاضت و محظوظ حصول مراد طبیعت اولان کسه میانلرندن قنغیسی ایدوکی متضح و اول هجته ایله متفصح اولیه (حق هشدهم) کندویه صدیق شفیقندن کمتر و هر حالده یار غارندن ضعیف و احقر عد ایلکدر حضور جنید بغدادیده احبابانندن بری قاعده مر اسم پرستان زمانه کبی یار صادقندن بحث ایدوب دریغ که روزکارده بر جلیس هموار کرداره مالک اولدم و عمر آخر اولدی بر صدیق صادق نهاده راست کلام دیو تحزن ایلدی جناب جنید اول حریفی تعمیر ایدوب

بیت

ای هوسناک آرزوی محال عاقلکی خیره ایش بوخیال
اگر سنک بار کش مؤنتک اولور و کندوسن حال ائقال حوا یجک قیلور
یار بولاق استرسک و کندی مراد جابه سنک آمالکی تر جیح ایدر آدم طلب
ایدر ایسک (ع) زهی تصور باطل زهی خیال محال اولمقوله یار ازمنه نک
برنده بولمز یار استرایسک سینک کی سهام مر امنه سپر و وجودیکی احکام آلامنه
فرمانبر ایتک کر کسن والا نک و تنها محروم الفت احباقالمق مقرر اولور دیو
بیوردیلر کذلک تجربه کاران روزکار دیمشردر هر کیم کندوی دوستلرندن
متفوق طوتوب بلند پرواز اوج کبر و ناز اوله البته عقاب اضطرار چنکالندن
رها بولماز و بو غبار افکار ایله تیره دماغ اولنلرک منهل حالی قطعاً کسب
صفا قیلر و اولمقوله ارباب تعظم کندولرین مر تکب و بال هم یارانی

کنه کار سوء فعال ایدرلر واکر برابر فرض ایدوب دعوای تساوی ایدرلر سه
 هم کندولره تکلف وزور اولور هم یارانن رنجور بیحضور ایتک لازم کلور
 اما یارانندن کندویی دنی وحقیر فرض ایدوب هر حالده تابع مطلق اولور سه
 طرفین آسوده اولق محقق اولور (اولا) معلوم ذل دانش پر وهان منطوق
 ومفهوم اوله که هر کسک نوازش والتفات استحقاقی مرتبه تقرب وانتسابی
 قدر در جانب قرب ونسبت متفاوته اولغین مراعاتی واجب اولان حقوق
 دخی متعدد اولق لازم کلور وجهه دن اقوی واولی اولان اخوت حقانیه در که
 بیانی صحیف سالفه ده تفصیل اولندی بعد ازین مجرد علاقه دینه ورا بطه
 مناسبت اسلامیة مقتضای سیه رعایت اولنه حق حقوق جمیه ذکرینه
 شروع اولنور * واللّه الموفق والمعین (حق اول) کندی وجودینه سزا
 کورمدیکی احوالی مسلم آخره روا کورمیه (حضرت سیدالوری) بیور مشرور
 افراد مؤمنین جسم واحد منزله سنده در که برعضوه اصابت ایدن رنج
 وزحمتک اثر وجعی تمام بدنه سرایت ایدرنه کیم انفاس شریفه عالیحضرتدن
 مستفاد در که هر کیم وجودینه زندان نیراندن امیدرهای قیله و بزم دم واپسینده
 ساقی هادم اللذات اذاقه چاشنی نا کوار سکران ایتد کده شراب حنظل
 عذاب و معجون سم الفار اضطراب هر ارتندن سلامت آرزو قیله کر کدر که
 طبرزد کله شهادت مذاق جائنه حلا و بخش ایمان یعنی فحوائی غرای (من کان
 آخر کلامه لا اله الا الله دخل الجنة) رهنمای جانب جنان اوله بس آنکاه کندینه
 لایق کورمدیکی خصوصی آخره دخی مناسب کورمیه و هیچ بر مومنک شهره
 حالنه حفر بر اختلال ایتیه که (من حفر بئرا لایخیه وقع فیه) کلامی دلیلی
 تمویه در (حضرت موسی علیه السلام اثنای مناجاتنده یارب العالمین عباد کدن
 صفت عدالتله موصوف اولوب حقیقت اوزره عادل اطلاقنه کیم لایقدر
 دیو التماس جواب ایتد کده صوب خدادن خطاب وارد اولدی که (بین الناس)
 عادل حقیقی اول کیمسه در که کندودن انصاف ایدوب بر اهر منکره مباشر
 وقصد اضرار غیره متجاسر ایکن کندی نفسنه قیاس ایلیه و بوحال بنم
 حقهده ظهور ایله تکدر و تضجر مقرر ایدی دیوب آخره تعدی بی روا کورمیه
 (حق ثانی) دست وزباندن آخره مضرت رسان اولما مقدر که مدلول حدیث

مشهور و مقبول اوزره شرط اسلام یدندن و لسانندن مسلم آخر آزرده اولما مقدر
 وینه کلمات حکمت آمیز حضرتدن مستفاد ثقاتدر که بیورمشلردر مومن اطلاق
 اول شخصه ماصد قدر که مسلمانلرک دینه و مالنه امین اوله و مهاجر اول
 صاحب خلق فاخردر که افعال ذمیه دن مباحثت یعنی خطه سوء صنیعدن
 مهاجرت قیلوب کار بدو وصف مذمومدن اختیاری ایله انقطاع ایده و بر مؤمنه
 باعث خوف و بیم اولان وضع ذمیدن اجتناب ایلید (مجاهد رحمه الله علیه)
 جنباندن مرویدر که طرف قهاریدن اهل دوزخه خارش بدن تسلیط اولنور
 شول مرتبه استخوانلری ظاهر اولجه جسدلرین تحذیش ایدوب عروق
 و اعصاب و لحوم و اعضادن متشخص اوله (بعده) نداء قهر اقتضا وارد
 اولوب بوزجتک چاشنی اضطرابی مذاق ادرا ککزه تلخ و ناخوش کوار
 کلورمی دیند کده جانب محنتکشان عذابدن فریاد متضجرانه برخاسته اولوب
 حقا بوعذاب الیمک صعوبتی بدن محنت زده مزنی فناپذیر ایدوب کارد با استخوان
 رسید مثلی اوزره تامغز جانمزه تاثیر ایتدی دید کلرنده زبانیان قهر انداز زبان
 زبانه پاش توبیحی دراز ایدوب بوقهر و نکال اول سوء حال کز ثمره سیدر که
 دنیاده مسلمینی آزرده ورنجیده ایدوب رهگذر حضور لرینه القاء خارخار
 آزار ایدر ایدیکز دیلر (حضرت سید عالم صلی الله تعالی علیه وسلم) اثنای
 محاکات تنبیها ت صمدانیده مدارات ناس ایله مأموریتلرین بیان بیورد قلری
 اوزره عباد اللهه تواضع وزیر دستانه شفقت و سرفرو ایله معامله بیورملری
 باینده نزول وحی ربانی خصوصن برآورده زبان شکر پاش تقریر بیورد قلری
 مفاد السنه کاک تسار پردر (اول برکزیده کائنات علیه افضل التحیات)
 صحن جنده برآزاده خرام بی بالک رفتار نظرم دوش اولدی که فضای پهنای
 فردوسی کیف یشاء سیر و تماشا و بی مزاحم و غریم کلکشت باغ نعیم ایلر دیو
 بیورد قلرنده اصحاب مکرم جناب پیمبر صلی الله علیه و آله اول کامکار صاحب نصاب
 نه مقوله عمل خیر موجب الثواب ایله بونعمت عمیم النفعیه فائزونه کونه حسنه
 محیر الاحباب ایله بویوزدن کامیاب اولمشدر دیو نیازمند تحریک لب جواب
 اولدیلر (حضرت رسول) معجزه پرداز صد دیان واقعده کوهر پاش راز
 او اوب بیوردیلر که حال حیاتنده رهگذر انامدن بر درخت پاره بی اندامی قلع

وقع و جذوع پرخاری آینده و روندنك خایده دامن عزیمتاری اولماق ایچون
 محندن اخراج و قطع ایتشیدیکه ابناء سبیل اول موضعدن سهولت و آسانی ایله
 مرورایدن (لله دره و قبول بالرحمن خیره) صورت ظاهرده برشجره خیشه که
 ضرری انجق تصادف ایدن بعض رهروانه طاریدر ازاله اولمغله بو طبقده
 احسانه باعث اولیجق رهگذر عامه و خاصه ده نشانده دست طبیعت اولان
 ام غیلان خباثت که افنان و اغصانی بیحد و نهایت اولد یغندن فسادى
 قاطبه ناسه تأثیر و سرایت ایتدوکی قراردادده مجموع اهل فطنتدر بریده منجمل
 همت اولد قده نه مرتبه ده انعام ذی الجلال والا کرامی مستلزم ایده جکی معلوم
 صواب اندیشان عالی رتبتدر (حق ثالث) هیچ کسه تکبر اتمامکدر که (جناب
 ذی العظمة و الکبرياء) اول حال ایله اتصافی زمره مؤمنینه روا کور میوب
 طائفه متکبرینی سلسله دشمنان مستعد نفرینه ادخال ایدوب اول فرقد
 سردر هوانك ستون قبه خیلا اولان ک کردن رعونت اتمالین زنجیر سختگیر
 (ان الله لا یحب المتکبرین) ایله بند و سزاوار اغلال ایتدیکی منصوص و معروف
 اهل حالد و لازمدر که حصول مراتب شروردن خلقه اظهار فخر و غرور
 ایتیدر که (حضرت فخر عالم صلی الله تعالی علیه وسلم) علوشان و سطوع
 برهانی مقرر ایکن ارامل و ایتام و فقرای پر آلامك (بالذات) خانه ویرانه رینه
 واروب انجاح مرام و تدارك مهامری ایله قید و اهتمام ایتد کوری معلوم انا مدر
 هیچکسه چشم حقارتله نگاه ایتیدر که بوندن بزرگ جرم و گناه اولمز
 جائز که تحقیر اولنان مرد عاجز ولی خدا و منظور جناب مولی اولوب
 ردای (اولیائی تحت قبای لایع فهم غیرى) ایله پوشیده و مستور
 و عین حقارت ایله نظر اولنان کیمسه عین عنایت حق ایله منظور اولمش اوله
 (حق رابع) سخن هرزه خایان نیت شعاره توجیه سمع قبول ایتمکدر خبر سعادت
 اثرده وارد اولمشدر که هشت بهشت مرتبه الاسباب که صلای مؤمنینه
 مفتحة الابوابدر طائفه دروغ کویان بدین * و نغمه کاران فساد آیین دخول
 خلد بریندن ممنوع و قلم اجازت سیر جنت اول زمره دن مر فوعدر (حق خامس)
 قصدا هیچ مسلمی اوچ کوندن زیاده شرف مصاحبیدن محروم ایتمکدر بحکم
 الضرورة بعض عوارض بشریه حسبیه برایکی کون ترك مکالمه واقع اولمش

ایسه لازمدر که او چ کونه قومیب سلام لازم الاسلام ایله بدء کلام ایلیه
 (امیر المؤمنین علی کرم الله وجهه) حکایه بیورمشلردر که جناب الوهیتدن
 (حضرت یوسف علیه السلام) خطاب سبحانی ورود ایتدیکه سن بویوزدن
 مظاهر جمال ورتبه علیه ایله عزیز و خجسته حال اولدیغکه سبب صاحب الزلل
 برادرلندن صدور ایدن سابقه رقص عفو جیل اولدیغندندر (بعضی)
 کبار دیشلردر زلات اخوانی عفوایدن آدم فرزونی عزت و بزرگی دولتدن غیری
 نسنه کورمن و بومعامله پی پیشهاد مشرب ایدنلر هرگز ذلیل و خوار اولن
 (حق سادس) مطلقا لطف و نکوی مبذول و بیدریغ اولق باینده خواص
 و عوام و خیار و ثام بینی فرق ایتیوب وسع امکان مرتبه سنده اولان لطف
 واحسان هر مسلم حقه نهایان اوله که خبرده وارد اولمشدر که هر کیمه قادرایسک
 لطف و حسنه کی دریغ ایتد که اگر اول کیمسه احسانه لایق دکل ایسه ابداع
 کرمه اهل اولدیغک مقرر اولور * وینه خبرده ورود ایتمشدر که وجود آدمیده
 اصل عقلمدر کمال عقلمدن صکره اولالازم اولان ایمان بالله ورسوله در
 بعدالایمان اهم مهام کافه خالق جهان دوستی و نکویدر اگر نیک واکربد
 واکر طالح واکر صالح (ابوهریره رضی الله تعالی عنه) حکایه بیورمشلر هر کیم
 اثناء مصاحبتده ایدی کریمه رسول الله تشبث ایدوب دست کرم پیوستلرینه
 یا شمش اولمش ایسه کف مبارکترین کف ایتیوب و کلام شریفلری انجام
 بولنجده تحمل بیورلر ایدی مکر بر شخص مخاطب ارادتیه صالیو یروب جدا اوله
 وهر کیم حضرت خطابا عرض مرام ایلسلر جله روی مشکین بویلرین اکاه
 توجیه ایدوب بالکلیه طرف متکلمه توجه ایدرلر ایدی تاحریفک مدعای
 پیوسته ختام اولنجده روکردان اعراض اولملر ایدی دیو تحقیق ایتمشلردر
 (حق سابع) پیرانه حرمت و اطفاله مر حتمدر زیرا (حضرت صلی الله علیه وسلم)
 بوایکی حالده تقصیر ایدناری بزدن دکادر دیواشارت بیورمشلردر و موی سفیده
 تعظیم واکرام (جناب کریم ذی الجلاله تعظیم ایدوکن افاده و تصریح بیوروب
 هیچ نوع بشردن بر شاب امر د احترام پیران سالخورده پی کندوید الزام ایلز که
 حضرت خداوند مقدرالاجال اول جوان ستوده خصالی هنگام پیری به ایصال
 اتمیه وزمان اراذل عمرده بالغ صحبتلری اولان جوانان صاحب توانک رعایت

واکراملرینه مظہر اولیہ دیو بیورمشلردر * ومتفق علیہ تجربہ کاران
 روزکاردر کہ ضابطہ تعظیم سالخوردکان دہری پیشہاد ایدنلرالبتہ برخوردار
 ومعمر اولوب خلافتہ ذاہب اولنلر نہ شجرہ دولتدن اجتناء شمارمر ادا یتشلر
 نہ مزرعہ آمالدن اقتطافی محصول قلمشاردر اطفال عصمت آینک نوازش
 خاطر سادہ نقشاری دخی بوقبیلنددر کہ (حضرت سید عالم صلی اللہ علیہ
 وسلم) بعض سفر ظفر اثلرلندن عودت بیوردقلرنده کودکان شہردن نیچہ سن
 حضور شریفقلرینہ دعوت وکمال شفقتلرندن کندی پیش زین سعادت قرینلرینہ
 آلوب آغوش عزتلرنده کنجایش پذیر اولمیانلرین وراء ظہر مبارکلرینہ اجلاس
 ایدوب انلردخی پیش وپس رسول اللہ سوار سمند براق رفتار سیدالابرار اولق
 سعادتیلہ مباہات واقبحار ایدرلر ایدی (اول اکرم کائنات علیہ افضل الصلوات)
 حضرتلرینک فرط نوازش اطفال مؤمنیندن صدور ایدن کرم ذات مقدس
 صفاتلرین صدد اثباتدہ ایراد ایتشلردر کہ شرفیاب التفات عالی حضرت اولق
 ملاحظہ سیلہ هنوز وجودہ کلان طفل ناشستہ بی حضور حضرتہ کتورلرایدی
 تعیین بیوردقلری اسم ایلہ مشرف و بنا کوش حالی قرطہ دعاری ایلہ مشنف
 اولوب مدۃ العمر سیمہ جناب محبوب الہیلہ مقتخر و مباہی اولہ حضرت شرفبخش
 اشرف اندام آلودہ باوساخ رضیعندن استکاف ایتیوب کمال شفقتلرندن
 زانوی مبارکلرینہ آلوب بلکہ تلطفاً کنارہ چکوب کف دست دعا ایلہ نواخت
 اثناسندہ صبی غافل بیدالک مجرای آبی امسالک ایدہ مدیکندن تلویث دامن پاک
 آثاری ظہور ایدیچک کتورن دایہ و خدمہ فریاد کنان طفلی آغوش
 حضرتدن اخذہ شتابان اولدقلرنده تامصلحت صغیر بیخبر تمام اولنجہ
 ویرمزرایدی و مبادا تحریک بی وقت ایلہ انقطاع آب مؤدی زحمت واضطراب
 ومورث مرض موجب الاتعاب اولیہ دیو تحمل ایدرلرایدی وتوابع صبی شرمسار
 کستاخی اولسونلر دیو محمول انفعال اولماق ایچون یانلرنده تطہیر رشاشہ
 صغیرہ تقید ایتیوب کتورن کمسندارلن یانلرنده نشست التفات امیر ایلہ تلطیف خاطر
 بیوروب اتمام حاجتلرند نصکرہ آنار کدروانہ سمت خانہ اولورلرایدی مجلس عالیلری
 خالی قالوب اقامت لوازم شست وشویہ بعدہ اقدام ایدرلرایدی (حق ثامن)

عموما اهل اسلامه خنده روی و بسیم اولمقدر که (جناب خیرالوری) لوح جبینده
خطوط برهمزده چین نمایان ایتمدن منع و تحذیر ایدوب حق جل و علی کشاده
روی و آسانگیر اولنلری دوست ایتمد ایتمشدر دیو بیوررلر (وانس بن مالک
رضی الله تعالی عنه) (حضرت فخر عالم صلی الله علیه وسلم) جنابلرینه بر عیون
بدنمای هفتادر سیده ناقبول دخر اش ادا سر راهده رفع عقیره اشتکاقیلوب
بداء توقع مکالمه دور ادور مدعا ایدیجک اول خاطر نواز ارباب رجایره زن ثقلت
غماک اوصماع نادر برابرندن استنکاف ایتمیوب اسماع تفاسیل مقالات طویل
الذیلنه انبساط تام ایله توجیه سمع رضا قیلدیلر و برکوشده ده فرش خالک اوزره
نشست ایدوب تا کلامی پیوسنه اختتام اولنجه اول جایگاه نارفته دن قیام
ایتمدیلر دیو حکایت بیورمشلردر (حق تاسع) دروغ و خلف و عددن
احترازدر که کلام پاکی آلوده اوساخ کذب و کذاف و شر بت عهدی
مبدل شرنک خلاف ایدنلر و جوهر امانتی شکسته شرنک خیانت قیلنلر کائامن کان
صوم و قیام شبانروزی به مداوم اولوب عبادات ظاهرده دقیقه فوت ایتمیوب
اولتقدیرجه زمره منافقیندن معدود و حلقه ارباب صادقیندن مر دود
و مطرود ایدوکنده راست کویان خبر ایراد حدیث معتبر ایله اثبات مدعا قلمشدر (حق
عاشر) هر مؤمنک درجه ا کرامی مرتبه سنه ملایم قیلنوب طبقه سنده
رعایتدر و بو مصلحتک وجهی بیاندن غنیدر که اسافل ناس ورعاع رعایادن
بریند ا کرام اکابر و اصحاب جاه و جلال معامله سی اولسه هجنتی ظاهر اولوب
تبعیح انامدن قطع نظر اولنا کسک طغیان و خذلانه مؤدی اولور و برعکس
بر صاحب تجمل و ذیشانه فقراء بیتاب و توان ا کرامک ایلک حقیقتده اهانت
و تذلیل ایتمش اولور سن همان بو بایده لطف مفیض النعماء حقیقی به تبعیت
اولنق مناسبدر که جناب حقندن نه مرتبه ده مظاهر احسان اولمش ایسه
لایق اولان طرف بشردن دخی اول طبقه ده سزاوار انعام و اکرام اولمقدر
زیرا خبرده بو معنایی مؤید حضور یکره اعز و اقویادن کسنه کلورسه سزدخی
انی عزیز و محترم طوتک دیوتنبید اولنمشدر (و جناب فخر عالم صلی الله علیه وسلم)
بعض ارباب استحقاقه ردای مبارک کارین مبسوط و جای نشست آماده ایدوب
و بردفعه دخی بر پیره زن عقیقه ردای شریفلرین کسترانیده قیلوب

بعدالاجلاس پرسش خاطر خواهنده آغاز ایدوب مر جبا ای مادر خوش سیر
هرنه مر ادك واریسه شفاعت ورجا قیل که پیدریغ ومهیا در دیوب اول
اشاده واقع اولان غزاده کندی حصه لینه دوشن غنایمی باسرها اول خاتونه
اهدا بیوردیلر اولدخی * حضرت ذی التورینه * یوز بیک درهم بها ایله
فروخت ایتدیکی کتب سیرده مسطور و محرردر (حق حادی عشر) ایکی مسلم
بیننده احساس وحشت ایتد کده اصلاح ذات البینه مستعجلا همت در که
(حضرت شفیع کائنات علیه اطیب التحیات) بر کون وجوه اصحابی وجهه
خطاب ایدوب نوافل عباداتدن افضل مصلحت نه ایدوکن سزه افاده وتحقیق
ایده بن بیوردقلرنده (حضرت عمر بن الخطاب) یار رسول الله * پدر و مادرم
فدا اولسون دیوب سائر اصحاب کزین شکفتدکل اذانی اذعان مدعا ایچون
جانب عندایب سختسرای کلزار هدایه طوئوب متوجه کلام سعادتلری
اولیحق ایکی مسلم بیننده اثار عداوت پیدا اولدقده میانلرندن ازاله خس
وخار شقاق ایدوب رهگذر معامله لینه کلفشان محبت اولوق نوافل عبادات
ومواظبات طاعاتدن بهتر و حضور خداده مساعی مذکوردن معتبردر دیو
بیوردیلر (حکایت) سالک احسن المسالك (جناب انس بن مالک) حکایه
بیوررلر که * یوما من الایام حضرت خواجه کائنات غنجه دهانلری خندان
اولوب بی اختیار تبسم بیوردیلر حضاردن (حضرت عمر رضی الله تعالی عنه)
یار رسول الله پدر و مادرم فدا اولسون بولطف شکفتکی به باعث نهوسرا پرده
خاطر عاظرلرنده اثار وحی ومشاهدات غیبیه دن نه مقوله سانحه قدسیه لایح
وحادث اولدی دیو رجای کشف راز ایتد کده اول فصاحت پرداز اعجاز
طراز انجمن اصحابه بو مضمون عبرت نمون ایله جواهر نثار تحقیق اولدیلر که
امتمدن ایکی نفر پیشگاه قاضی الحاجاتده زانورده بث شکوی وتقریر دعوی
ایدوب ای عادل بی معادل حریفم اولان شخص ماطل بکاتعدی و ظلم القشدر
احقاق حق ایدوب دادیمی آلویر دیو فریاد ایدیجک (جناب خدا غصنه
خطاب ایدوب شو مظلومك حقنی ادا ایله دیو فرمان ایلد کده شخص کنه کار
شرمسار دهن کشای اعتذار اولوب پروردکار اجیع حسنا تمی سائر خصما آلوب
کتدیله وهربری کندی حقنه طوته مشوباتمی یغما ایتدیله حالا جرایم وزلاتدن

غیری نسنه قالیوب (المفلس فی امان الله) مضمونی امضای حجت افلا سمد
 باقی فرمان خدای فرمان فرمان کردید کده * حضرت قهار شدید البطش *
 جانب مظلوم متظلمه خطاب ایدوب نه در سن خصمك حسنه سی یوق که
 ظلی قدر سکا و یروب متسلی ایده دیو فخص مراد ایدیجک شخص داد
 خواه تحویل دلخواه ایدوب یارباه اول تقدیر جده بنم سیئات بی نهیاه مدن
 بر مقدارین اکا تحمیل ایله که حال ائقال وزر و وبال اولوب درکات
 دوزخده بکا بدل بارکش عذاب نیران اوله دید کده خاطر خواهی اوزره
 مظلومك جمیع جرایمی حواله کردن ظالم قیاینوب بر مظلمه باقی قالدی
 وانك مجازاتنده نه ظالمده حسنه وار که مظلومه ویره لرونه متظلمده جریمه
 قالدیکه جور نه بدل ظالمه تحمیل اولنه بو محمله (حضرت سیدالابرار) ایکی
 چشم پر نورلرین لؤلؤ بار ایدوب اول روز ظالم سوز عجب یوم هائلدر که هر کس
 آنده تخفیف بار سیئاته مائل اولوب مجموع کائنات اول محمله قید عصیان
 آرزومند خلاص وره ییدر دیو برآز کریه ترجم نثار ایتد کده ینه اتمام حکایه
 سابقه عطف زمام کفتار ایدوب دعوای متخاصمین فیصل یاب تراضی
 اولمدین (حضرت رب العزت) طرف مظلومه توجیهه خطاب ایدوب
 مقابله که صرف نگاه ایله چشم عبرت بینکه نلر کورینور سیر و تماشا ایله دیجک
 حریف داد خواه نظر انداز پیشگاه اولوب کورر که بر شهرستان مفرح
 بنیان وزر و سیم و جواهر فواخر ایله هر صاع نیچه قصور مشید الارکان صنوف
 زیب و زیور ایله آراسته و فرش استبرق کونا کون ایله پیراسته اولوب
 طورر یا اله العالمین بومنازل علیه پر زیب جواهر آکین انبیا و مرسلین و اتقیا
 و مقربین و شهداء صدیقیندن نه مقوله دولتمند کامکاره مهیا و سزا واردر دیو
 جرأت غمای استفسار اولیجق جناب الوهیتدن بهاسن ادایه صاحب اقتدار
 اولنلر ایچون مهیا در و هر کیم اعداد ثمن باینده در میان ساز سرمایه
 احضار اوله بو مقام عالی اکا منزل و مأوا در دیو خطاب صمدانی وارد اولیجق
 حریف دمبسته وله اولوب * ای قادر بدیع المظاهر بو مقوله جایگاه فاخرک
 ادای ثمنه کیملر قادر اولور دیدی صوب خدادن ای فقیر عاجز پراضطراب
 حالا اداء بهاسنه سنده کمال قدرت واردرا کرد مت خصمکده باقی قلان

حق کردن عفو ایله معامله ایدر ایسک اول جرم حقیر بو مقوله عز کثیره ثمن یسیر در
ایاوین وقصور مذکوره سکا معین و مخصوص اولوب ابد الابد صحن لطیف
دلکش بنیادنده تفرج کنان خرامان اولورسن دیو بشارت علیه صدور
ایدیجک جان و دلدن امثال امر ذی الجلاله متابعت و عفو مظلمه خصمه
مبادرت ایدوب حضرت غفار الذنوب * اول ایکی خصمک مایینی منافع
اولدیغندن ایکیسندخی ضیافت واکرام ایله مسرور و شاد کام ایدوب
معیت اوزره اول مقام عالیده آرام ایدهلر دیو مظهر مغفرت و انعام بیوردقلرنده
ابتسام واقع اولدیغن حضار عالیقامه تفهیم و اعلام بیوردیلر بعده مشرفان
صحبت عالیشانه خطاب ایدوب زنهاری کروه اخیار جناب پروردکاردن
خوف و خشیتی هر حالده کند یکره شعار دثار و ابروی اعمال و کار ایلک و میان
مؤمنینه القاء حسن وفاق و میانلرندن ازاله تناکر و شقاقه سعی ایلک که
بین المسلمین صلح و صلاح و وقوعی بالذات جناب قاضی الحاجات مراد
ایدینوب عفو زلات ایله معامله ایدناره نه یوزدن افاضه درجات ایتدیکی
قضیه مذکوره دن واضح و آشکار اولور دیو بیوردیلر (حق الثانی عشر)
عیوب ناسی پوشیده خط خطالرینه رقم تغافل کشیده قلمقدر که دنیاده
ستر معایب مؤمنین ایدنلر فردای قیامتده کدر انکشاف عیوبدن سالم و امین
اولورلر دیو (حضرت صادق الوعد الامین) خبر ویر مشاردر (حضرت
ابی بکر الصدیق رضی الله عنه) بیور مشاردر که هر تکبان شرور و آلودگان
لوث و فجور دن برین اخذ و اجرای حدود لازم کلدیکه جناب رب غفور دن
رجا ایدرین که برحالت ایله اول دردمند مفتضحک هر تکب اولدیغی مایه
خذلانن مستور ایده و حضرت رسول شفقت پناه علیه صلوات الله تجسس
عیوب ناس ایدنلری توینجا بیور مشاردر که هر کیم بر مؤمنک وضوح و اقتضا حن
رواکوره اکر کند ی منزله پنهان و متواری پردهای نهان ایدسه ده
جناب کرد کارانک ستر عیوبنی برداشته و حال رسوای نماسنی خلقه عیان
ایدرسه البته پرده عصمتی دریده قیلوب بین الانام رسوای و بدنام اولسی مقرر
اولور (ابن مسعود رضی الله عنه) حکایه بیورلر که اثناء حکومت حضرتده
ابتدا قطع ید ایچون بر دزد بی پروا که حضور رسول الله احضار اولندی

و تهمت سرقه متین اولوب اجرای حکم شریعت شریفه لازم کادی حضرت
رسالت پناهک لون عذارى آفتاب وار متغیر اولوب بو حالده حاضر
فی المجلس اولان مقربان اصحاب پرسش وجه تأثر ایدوب (یا رسول الله) یو خسه
بوکارده نوع کراهیت رهیاب طبیعتی اولدی دید کلرنده تصدیق اصحاب
ایدوب نیجه اولسون که کندی برادریمز حقنده شیطان لغت مأبک خاطر
خواهی خیر ظهوره کایور حالا بودردمندک فضا حنتدن ابلیس خیت فرحناک
و شماتت کذاردر و قطع یدی خصوصنده اهتمام تمام عزازیلک خاطر
کوشه سیدر امدی عندالله تعالی مغفور و معایکز مستور اولق ملحوظکن ایسه
سزدخی تقصیرات خلق عفو و کناهلرین ستر ایلاک که حضور حکامه
اخضارندن صکره ستره مجال قالیوب اقامت حدوددن غیری چاره و تدبیر
بر طرفدر دیو بیوردیلر (حکایت) (حضرت عمر بن الخطاب رضی الله عنه)
بر کجده محافظه محلات شهر ایچون کشت اسواق ایدر ایکن برخانه دن صدای
سرود کوش زدی اولوب بام خانه یه عروج ایدوب استطلاع حال ایتد کده
کوردیکه درون بیت محروس الحوالی اغیاردن خالی و صدرنده بر شخص لایالی
مسند نشین اولوب قرابه می در پیدش و برزن صاحب جمال در آغوش ایکسی
دخی نشوه جام وصال ایله پر مست و مدهوش هماندم حضرت فاروق غیور عتاب
توبیخ امیر ایله لطمه زن هر تکب فجور اولوب ای دشمن خدا ندر بوکار ناسزا
اوله می قیاس ایدرسن که نهانخانه ده ترتیب مفسده ایتدیگک مستور اوله شمدی
جزای کار ناصوابی کورر و مستحق اولدیگک عتاب و عقابی بولورسن دیجک
حریف حاضر جواب (یا امیر المؤمنین) ترتیب مقدمات قهریه ده شتاب ایتد که
بر طریق ایله هر تکب عصیان اولمش ایسم جنابکده اوچ وجهله مخالفت
حکم قرآن نما یاندر (اولا) تجسس عیوب ناس منعی امر مخصوص ایکن بنم
عیب نهانی تجسس ایتدک (ثانیا) (واتوا البیوت من ابوابها) بیورمش ایکن
بالای بامدن دخول نهانخانه یه اقدام کوستردک (ثالثا) (ولاتدخاوا بیوت غیر بیوتکم
حتی تستأنوا و تسلموا علی اهلها) فحوا سنی یاد ایتیب هنوز بنه استیناس
جلوه کر دکل ایکن شریطه قصیده اسلام مقدمه رساله ایمان اولان شرط
سلام رعایتنده مسامحه قیادک دیوجسارت معارضه ده اظهار قوت قلب

ایدیک حضرت فاروق مسلم الانصاف کلمات مذکوره دن متأثر اولوب جناب
جهان آفرین جل جلاله واقف جمیع اسرار کائنات ایکن مرتکبان معاصینک
زیر کلیم اخفاده پادرازی کستخیلرین بیلوب ینه مستور پرده مقدس الاستار
ستاری ایدرکن شخص نقیصه کارمر قوم حقند در هر وسعت (تخلقوا باخلاق الله)
اولدقلرینه ندامت کلدی اما بو مرتبه دنصکره حریفی کل ولای فجور دن
تخلیص ایتوب حال ضلال اوزره ترك ایتک دخی همت دینه عمریه یه ناروا
اولغین (بعد اللتی اوالتی) تکلیف رجوع وتوبه کاری قیلدی اول مجرم سیهروی
شرمناک در حال قبول توبه ایله لوث معاصیدن پاک و صورت معامله سی حیرت
انکیز اهل ادراک اولدی صدد مذکورده صدور ایدن تنبیهاست بزرگواران
ابراردندر که ایکی آدم کوش یکدیگره خفیة اسماع ایتدکلری اسراره توجیه
سمع ایله اسراق جوهر راز پوشیده دن احتراز اولنه که روز جزاده اولمقوله مک
صماخته اسرب کداخته القا اولنوب دنیاده کنجینه کلام غیری کف سمع ایله
غصب ایتدیکی چون سر صندوقه اذن واعیه سی اخرتده اسربی الختم اوله جقدر *
(حق الثالث عشر) موجب تعیب و تعیر اولان مواضع تهمتدن اجتناب و کریز
وخلقک لوم و تشیعه باعث مواد فساددن علی ای حال پرهیز در تا خواطر ناسی
کندی حقنده سوء ظندن و السنة اهل السنة بی لوث غیبتدن صیانت ایلش اوله
زیرا هر کیمکه آخرک ارتکاب معصیته باعث اوله کندی دخی اول معصیتده
شریک اولور * حضرت سید کائنات نجسته صفات علیه افضل التحیات *
زوجات عالی درجاتدن صغیه سانیة الحركات ایله آخر رمضانده صفة مسجده
مکالمه مهمات ایدر ایکن برایکی آدم سر راهدن مرور ایدوب (جناب رسالتیناهی
آنلری حضورینه دعوت ایتدی و بو محدره عفت لباس محبوبه زوجیتله
استیناس ایدن منکوحه مقبوله صفیه در دیو دفع شبهة نامحریت بیور دیلر
صفیه تدارک خیر البریه دن تحیر اولوب (یا رسول الله) اگر چه غیر یلری
بری برینه سوء ظن ایدر لرایدی جناب عالیشانکه هیچکس حرف انداز تهمت
اولق احتمالی وارد دید کده (حضرت فخر العالمین صلی الله تعالی علیه وسلم)
ابلیس تالیس انکیرک عروق آدمیده همپای دم سیال اولدیغی مضمونی ایله الزام
یعنی مبادا بعض انام تابع اوهام اولق معنارینی ایهام بیور دیلر (حضرت عمر

رضی الله تعالی عنه) بر شخصی سرراهنده بر زن مستوره الحال ایله مصاحبتده
 کوروب دست غیرت ایله سرحریره دره ملامت حواله ایدیجک (یا امیر المؤمنین)
 بومرأة بیکانه دکل نهانخانه ازدواج اولان منکوحه در نیجون معامله دن
 منعه تصدی و بی سبب بکا تعدی قیادک دیوزباندرازی معارضه اولدی جناب
 ابن خطاب اولتقدیرجه خلقی شبهه تهمة القایده جک مواضعده روی آشناییدن
 رفع برقع حجاب شان اهل ایمانه سزامیدر دیوحریفی مظهر سرزنش و عتاب
 بتدیلر (حق الرابع عشر) نافذ الکلام اولیجق محمده شفاعت دریغ اولنما مقدر
 (حضرت فخر الانام علیه الصلوٰة والسلام) تحریر رض رجایوزندن همصحبستان
 عالیشان بوکلدسته تشویق اهدایوروب بندن امانی خاطر یکرز جاسنده
 تکاسل روا کورماک که دروغده انجام مر امکان تهیم و نیت مهیاد اما بلا طلب
 مر ادا تگری بخشش واعطا ایتیوب شاید میانکردن بری شفاعت و تمنی ایلیه
 دیوتا خیر ایله معامله اقتضا ایدر امدی معلوم اوله که التماس شفاعت کونده
 ایکی فائده متصوردر یعنی شفیع نیازمندک قبول رجادن امتنان ایله قلبی مسرور
 و فقیر حاجت مندک حصول مر امدن خاطری مور اولوب ایکی وجهله صورت
 سرور جاوه کر مع هذا اثواب شفاعت دخی ضمننده مقرر در پیوردیلر
 (حضرت خواجه شفیع الامم رسول اکرم صلی الله علیه وسلم) حضرتلری
 بر محمده صدقه لسانه معادل ثواب اولزدیو کلفشان مسامع اصحاب اولد فده
 انردخی تفصیل کیفیتندن حلو المذاق اذعان اولمق ایچون در خواست سکر مکرر
 ایدیجک بوعقیده تحقیق لذیذ الفحواپی تقسیم عقاید احبابیوردیلر که صدقه
 لسان شفاعت حسنه دن عبارت اولوب البته ضمن شفاعتده یابر آدمه حصول
 منفعت و یازوال رنج و مشقت رونما اولدیغندن غیرى احیانا باعث دفع قید
 اراقه دماء اولمق معناری پیدا اولور (حق الخامس عشر) هرزه خایان طمعکار دن
 بری آخر مؤمنین غیبتده هذیانپاش غیبت اولد قجه مقتضای غیرت دینیله
 اوزره لطمه زن اعتراض اولوب و یا بحکم الاشعبیه اضرار مالیه جسارت
 قیلد قجه داعیه حیت اسلامیه ایله دفع مضرتنه سعی و همتدر که بوانوار
 هدایت آثار اشعه گفتار حضرتدن اقتباس کرده ثقات اخیار در که غائبانه
 براخ مسلك نصرتنده درکار اولان و غیبتنده عرض و مانع تعرض ایدنلرک

قولاً وفعلاً دفعنه مرتبه مقدورین اظهار ایدن البته بودار مکافاتده محتاج اعانت
 اولدقچه حضرت مددرس عالیان جل شانہ اول آدمہ عون ونصرت بیدریغن
 نمایان ایدر کذلک معاونت اخوان مسلمینده تسامح وتوانی ایدوب بی سبب اهل
 ایماندن برینہ بعض وعدوان وخصومت واضرار علایمن درمیان ایدنلر
 لامحالہ صوب صمدیدن جزاء سیئه ارین مشاهده قیلوب کندی سوء صنع ایدنلر
 زیاده مظهر خذلان وخسیران اولورلر (حق السادس عشر) صحبت
 سوء القرینہ مبتلا اولیحق تاخلاص اولنجه مدارات ایلہ معاملہ ایدوب وجاها
 درشتی وسخت روی روا کورمکدر (ابن عباس رضی اللہ تعالی عنہ) تفسیر
 آیت کرمه (واذا احاط بهم الجاهلون قالوا اسلاما) تحقیقنہ کهرپاش
 مسامع ناس اولدقلری اجناس یواقیت معانیدنر ککه بی سبب شتوم
 وفخخش مذموم ایلہ منکسر ساز آینه حال بیدلان اولان خیره سران بدزبانہ
 بداء سلام ولطف کلام ایلہ مقابلہ ایتک لازمه تهذیب خصمالدر (عائشہ صدیقہ
 رضی اللہ تعالی عنہا) بیان نوادر نبویہ خلانده بیورمشارددر که یوما من الایام
 بدخصالان انامدن بر شخص پر نقص مذموم و بدالحجہ و بدسیرت و ثیم وشوم
 حضور حضرتہ اجازتخواہ دخول مجلس ملائک جلیس رسول والامزنتده
 رخصت جوی مثول اولدی جناب رسالتیناہ سوء خالق شخصدن اکاہ ایکن
 مساعده فرمای قدوم اولوب دستور ویرین کلسون قبیله سی بیننده سوء
 خصلت وفساد طینت ایلہ معروف ومعلوم بر شخص مذمومدر بیوردیلر
 حسب الاجازة شرفیاب دخول انجمن رسالت پناهی اولیحق اولقدر مظهر
 نوازش والتفات رسول الہی اولدیکہ خیرت انداز حواس خواص اصحاب اولوب
 فرضاً حضور حضرتہ منزله ومقام صاحبی اولق احتمالی خاطر لرینہ رھیاب
 اولغین کستان مجلس نبوی اول شخصک خاشاک ظل ناپا کندن منطف
 الساحة اولیحق بغای شیرین ادای کلزار تقرب بی اختیار زمزمہ پیرای
 استفسار اولوب ای رسول علیم وعلام سابقا بولمحق کروه لئام حقندہ
 برآورده طبق تعبیر بیوریلان جوهر کلام بدیع الانتظام لرینک مقتضای
 خلاف توقیر واحترام ایکن مقتضای ظاہر دن عدول بیورلدیغی ظاہر بودر که
 برنکته خفیہ یه مبتنی اولق کورینور که نظر ادراک حضاردن پوشیده ومعلوم

علم عالم شمول حضرت رازدان اسرار ناشنیده اوله دید کلرنده (حضرت مختصرای
 انا فصیح و مشرف ساز قلم و ابطخ) علیه اطیب التحیات بو خطاب نکته آمیز ایله
 جانب مستخبره شکر پاش جواب اولوب بومقوله پریشان مختلرک سر حال
 بی سامانی دائم اطبانجه دریغ و افسوس محروم کلاما موس ابتدکی اشعار ایچون
 یاعائشه حضور خداده بدترین مردمان جهان اول کس ناکسدر که بیم شرتدن
 رعایت و التفات اولنه دیواشخصا بد لایحه نك لزوم مداراتک اشعار و ایمایوردیلر
 خلال آثاردن نکاشته کاک خبر نویسان صداقت شعار در که زبان هذیانپاش
 بد کویاندن عرض لازم الوقایه جایه سی ایچون صدورایدن اوضاع و کلمات قبیل
 صدقه لساندن عداولتمشدر سیاق مذکوره موافق کلام نازک معنای ابوالدرداء
 مؤید مدعادر که اختلاط اولئان گروه پریشان مشربدن نیجه کسینه لره روی
 انبساطدن عرض آشنایی و ریشخنده ملاطفت ایدرز اما قلمبزنه نفرین و لعنت
 مقرر در بیور مشلر مهمما ممکن علاقه اختلاطی فرقه فقر اودر و ایشان بی نوايه
 مقصور ایدوب توانکران مال پرست و اغنیای باد بدست صحبت لرندن نفور و ضرورت
 الجا ایتدیکه آلایش دینویه ایله تلوئن میاه احوال احوال آخرویه ایله نظم یرده مسامح
 اولان غفلت پیشکان زماندن حذر اوله (حضرت سایمان علیه و علی نبینا
 صلوات الله العزیز المنان) (ع) سایمان باچنسان حشمت نظر ها کرد بامورش
 (نثر) مصداقجه فرمان فرمای وحوش و طیور ایکن تنزل مصاحبت موردن
 خلاص اولیوب هر قنده بر فقیر ناتوان کورسه لابد حضورینه کتوروب اکثر
 ازمنده صحبت عالی رتبی مساکین و فقرایه مقصور ایدی و زمان مجالست
 نامر ادا ان آلفته نهاده ابتهاج تام ایدوب مسکین مسکین ایله همزانودر دیو
 بیور لر ایدی وزنده ساز مرده ککنام حضرت عیسی علیه السلام) اثنای مکالمه
 انامده یامسکین خطاب ایله مخاطب اولمقدن انبساط تام پیدا ایدوب کلام
 مذکور ایله مخاطبه بی کمال اکرام عدیور لر ایدی خصوصاً (حضرت
 فخر الانام علیه افضل التحیه والسلام) صدد مناجاتده (اللهم احینی مسکینات
 واحشرنی فی زمره المساکین) دعای ایله جام صفا بخش تعبیرلرین مسکی
 الحتام بیوردقاری مفاد اقلام کبار عالیقامدر (کذلك جناب رسالتیناه) علیه
 صلوات الاله مظهر شرف خطاب رب الارباب اولدقده (یا الاله العالمین) سنی

قنده طلب ایدوب نور وصالی قنغی طور سرور آکینده مشاهده ایدین دید کده
 (انا عند المنکسرة قلوبهم) مدلولی اوزره زجاج خاطری انکسار پذیر اولنلر
 حضورندهیم دیو بشارتنامی سبحانی ورود ایتدیکی تحقیق کرده مفسرین
 کلام ملک علامدر (حق السبع عشر) انجیح مرام مسلمینه اقدام ایله
 تعجیل مسرتیه اهتمام ایتکدر که مضامین احادیث جلیل القدر حضرتدن
 مستفاد اذهان بکار مفاد کلام محدثین ابراردر که یرمسلمک حاجتن روا ایدن
 کویا جناب مولایه خدمت ایتشدر و محل آخرده بر مؤمنک قریرالین سرور
 اولمسینه بذل مقدور ایدنلرک ظلمات قیامتده دیده لری پر نور ور شنیاب
 شوق و حبور اولور بیورمشدر * و جای دیکرده بر مؤمنک حصول مرادنه
 اوقات لیل و نهاردن بر ساعتن بذل ایدن اول حاجتن عدم ظهوری تقدیر نیجه
 بیله ایکی شهر کامل اعتکاف مسجد شریف ایتش قدر ثوابه نائل اولدیغی
 روایت اولمشدر (کذلک) آزر دکان زخمکاری اضطرار بک اعصاب و عروق
 آمانده پیدا اولان اوجاع حزن و غمه هر همسای تسلیت اولوب تریاق
 تفریح ایله ازاله مضرت مار قساوت و القاء دواء بشارت باینده اعمال مقدمات
 همت ایدنلره و سر نیجه هجوم سباع تطاول پیشکان غداردن تخلص
 وجودیکی عجزه یتاب و توانه در کار ساز بازوی قدرت اولنلره یتش اوج
 طریقله مغفرت اولمنسن مهره فن حدیث تحقیق و صدق مذکورده
 بر روایت صحیحه تنقیق ایتشدر هادی الانام (الی اقوم السبل) گروه اصحاب
 جنابه اخوان مسلمینه هر حالده نصرت ظالم و مظلوم اولدیغی تقدیرجه لزوم
 یاری و اعانت خصوصنه اشارت بیورد قلرنده ای رسول امین فقیر مظلومه
 هر کس معین اولق مهم ولیکن هر تکب مظالم اولان جبار ظالمه نصرت
 ندن لازم کلور دیو متعجبانه استفهام مرام ایتد کلرنده تبجاسیران ظلم
 وعدوانه طریقده دستگیری شهرت پذیر اولان معامله اولنلر اولمقوله به نصرت نیت
 ایتدیکی فساد و شاعتدن منع طریقله صورت بولور وانی دفتر ظلمیه بصوقدن
 جایه ده پیدا اولور دیو افاده بیومشدر و مضامین احادیث شریفه دن قلوب
 مؤمنینه القاء سروردن معتبر حالت بهجت اثر نامتصور ایدوکی استنباط اولنوب
 نومعنائی مؤید بر حدیث عزت مفاد دخی ایراد اولمشدر که وجود بشرده

ایکی خصلت مقرر در که اقسام شروردن هیچ بری اکا معادل و هر کز بر سیئه
 نامر ضیه اول فسادہ مماثل اولز (اولا) شرک باللہ تعالیٰ (ثانیا) اضرار
 برایا (نعود باللہ من شرور انفسنا) (کذاک) خصال جیدہ دن ایکی
 خصلت جلوہ کردر کہ انواع طاعات پسندیدہ دن بر عبادت اکا برابر قیلنماز
 (اولا) ایمان باللہ العریز العلام (ثانیا) راحت انامہ سعی واقدا مدر
 وغم اهل ایمانی چکیوب تغیر احوال مسلمیندن غنیمتک اولینک متانت بنیان
 ایمانندہ تردد اولندیغی بطون معتبرات کتبیدہ مسطور در (وفضیل بن عیاضک)
 کندویہ تعدی ایدنلرک روز جزا دہ حالی نیہ منجر اولوب مسؤل اولد قبحہ
 آیانه جواب تدارک اولہ دیو کریان اولد قلمی میان محققیندہ شایع و مشهور در
 و بو سیاقده شیخ قدس سرہ حضر تلری (اللہم اصلح امة محمد اللہم ارحم
 امة محمد اللہم فرج عن امة محمد) دعا سنہ مداومت ایدنلر دفتر ابدالہ قید
 اولنور دیو یوردیغی خلال آثار سلفدہ مذکور در (حق الثامن عشر) هر کیمہ
 یعنی اهل اسلامدن قنغی آدمہ راست کلور ایسہ سلام ایلہ بدأ معاملہ در کہ
 (حضرت فخر الانام علیہ الصلوٰۃ والسلام) جمع حضار ستودہ کارہ خطابا
 تقدیم سلام ایتین بی ادبان طریق آشنا ینک شروع ایتدکاری کلاملرینہ
 جواب و یرماک و تا اول شرط اسلامی رعایت قیلہ تقریر ایتدکاری مدعالرینہ
 کوش تقید توجیہ ایتماک بیور مشاردر حتی بر شخص بیکانہ پیشکاه رسول اللہ
 کلوب سلامدہ اہمال کو ستر مکہ حضور عالیہ لرندن رد ایدوب مجلس
 شریف لرندن منصرف اولد قد نصکرہ آداب اسلام ایلہ تکرار دخولنہ رخصت
 و یردیلو بو وجہ اوزرہ امر جلیل القدر لری یرین بولمینجہ پرسش باعث قدوم
 ایتدیله راہر واحسن المسالک (جناب انس بن مالک) خدمت جلیلہ حضرت
 مخدوم کا شائدہ سکر سنہ حسابی اوزرہ بذل نقدینہ اوقات ایتد کدہ دامن
 ادعانہ بوجواہر فواخر ہدایت آثاری کف تعبیر ایلہ نثار ایتدیله (یعنی یا انس)
 طہارت تامدیہ اقدام الہ کہ عمارک اوزون اولہ و هر کیمہ راست کلور سک ابتدا
 سلام و یر کہ منزلکہ بیشمار قطار خیر و برکت یول بولہ مفہومنی تنبیہ و اشعار
 بیودیلر دیو افتخاری مفاد السنہ اقلام بکار اولوب صد دمذکورہ موافق اتحاف
 صماخ جان صاحب قبولان نادرہ دان اولان عقد الجمان اخبار حضرت فخر

عالمیاند که شرفیاب مجلس جنت نظیر لرندن بری حین دخول محفل اجلانده
 سلام لازم الاسلام ایله کلامنی بیرایه زبان ایدیجک در عقب شخص آخر
 تعبیر دلپذیرین پیشکش سمع شریف حضار ایدرک پیشگاه سلطان هر دوسرا ه
 وضع قدم عبودیت قیلدی زیاده کلام مستلزم ترقی معانی اولوق طریق اوزره
 منظومه ثوابی مستزاد اولوب جریده حسنه او توز هر تبه ثواب قید
 اولدیفن تحقیق ایله مریده فرمای اصحاب اولمشار در اول بیبر معجز خطاب
 مددرس جناب علیه صلوات الله العزیز الوهاب * مصحبتان نجسته نصابه
 توصیه فعال حسنه مستوجب الثواب خلانده هر چند دروازه خانه احبابه
 وضع قدم اقتضا ایده سلام مستتبع الا کرام ایله ایتدی کز کی لابد خارج باب
 پانهاده رجوع وایاب اولدقجه ینه کافی الاول آداب سلام الهی بر جای معنی
 زمان وداعده دخی اول قاعده بی اجرا ایتک کر کسر که سلام اول ثانیدن
 بهتر و بوبابده مقدم تالیدن عزیز و معتبر دکادر دیو یور مشلدر اصول مسئله
 سلام الیهدن متفرع اولان نقول صحیح المدلول قرین القبول عالیحضرتدندر که
 هر بار ایکی مؤمن صداقت شعار دست بدست خلوص اندیش وفا پیوست
 اولوب درونلرنده اولان محبت خالصترین اظهار و طرز یکدلی واتحاد
 درونلرین آشکار ایدر یلنلرنده یتش در او رحمت قسمت اولنور هر قنغیسی
 رفیقندن زیاده خندان و بسیم و محبت و خلوصده حریفنه غالب عن الصمیم
 ایسه عداد هفتادك الشمس طقوزی اکا و بر حصه باقیه رفیق آخره
 تقسیم اولنور (کذلك) ایکی مؤمن دیانتکار سر راهده دوچار اولدقجه
 یکدیگره تقدیم هدیة سلام ایتد کلرنده یوز رحمت نازل اولوب طقسان
 حصه سی مقدم سلام ویرن کسیه و باقیسنی حریف آخره نصیب اولور
 مدلولن اشعار ایتشار در بزرگان دین و اکابر اخیار مسلمینک حین ملاقاتده
 تقبیل دست مبارک لرن دخی شعار دیانت و سیر معتبر بکار امتدندر دیو تحقیق
 اولنوب صحابی کرامدن بعضنک فعل و قولی ایله استدلال اولمشدر که
 (حضرت عمر بن الخطاب رضی الله عنه) جناب عالی لرنک دست کرم
 پیوستلرنه تقبیل و التام ایدوب حضرت سرور عالمدن صلی الله تعالی علیه
 وسلم سوال ایلد مکه بر پریمزه حین ملاقاتده رکوعه مشابه خجیده قد اوله لیم می

و یا تقبیل یدوبوس رخسار ایده لیم می دیدم استصواب ایتیوب منعی مشعر
 جواب بیوردیار لکن مصافحه خصوصن تجویز واستحسان بیوروب خصوصاً
 سفر دن قدوم ایدنارک معانقه و تقبیلن مناسب کوردیلردیو تحقیق ایتد کد نصکره
 (امام حجة الاسلام) قدس سره العزیز بو تفصیل جلیل القدر ایله تذیل
 بحث مذکور ایدوب بلاموجب قیام حضور حضرتده چندان موافق خاطر
 خواه اولدیفک بیان اثنا سنده (انس بن مالک کن) نقل ایله تصحیح روایت
 بیوررلر که هرگز جناب رسالتیناهدن زیاده هیچ آفریدهیه محبت نامتصور
 ایکن مطلقاً اول سر وزینده خرام گلزار نبوت ایچون قیام صدور ایتیوب
 اول طریقله ا کرام منفور مشرب سماحت پیشه لری معلوم اولدیغی جهتدن
 اولو جمله معامله دن حذور ایدیم دیو بیور مشلردر لکن مواضع معتاده دن عرف
 انامد ملایم اولدیغی صورتده بأس یوقدر نهایت الامر طور تعظم وخیلای متضمن
 بر آدمک مقابلده پای عبودیت اوزره قیامنه مساعدده منهی اولوب حتی (حضرت
 رسول ذی الجلال والا کرام) محذور مذکور دن خطیر و منعی محتوی درنثار
 مسامع ابرار اولمشلردر که هر کیم مقابله سنده بندکان خدای استاده پای
 و کندی بالاخانه تعظم و خود کامیده مستند آرای ایدوب وضع مذکور دن
 محظوظ و مسرور اوله قعر دوزخده وجودینه جای قرار اعداد اولدیغن
 مقرر بیلسون بیور مشلردر (حق التاسع عشر) صدور عطسه ضروری
 الوقوعده * (یرحک الله) ایله مقابله و شخص عاطس دخی بعد الحمد یرحک الله
 ایله معامله در که راوی صحیح الخبر ایله بومدعای کلام سید الانبیاء تأیید
 ایدوب دیمشلردر که (جناب هر شد الثقلین صلی الله علیه وسلم) برکسته دن
 عطسه صدور ایدیجک لازمدر که (الحمد لله رب العالمین) دیوب شویله که
 حضاردن بری (یرحک الله) دیدکد نصکره ینه عاطس * ینفر الله لی ولکم *
 دیه و شویله که عطسه ایدن جمله ده اهمال ایده یرحک الله دعاسنه لایق و سزاوار
 اولمز بیور مشدر اول منظر مضمون ادبی ربی علیه الصلوة والسلام جنابندن
 صدور عطسه مستحق اولیجق نفس جیاتر سارین کتلمه تقید و اظهار صدا سندن
 احتراز بیوروب ایدی کریمه لری روی مبارک لری نهاده قیلور لر ایدی دیو
 تحقیق اولمشدر و ذکر نام خدا مخالف دستور ادب کوریلان مواضع

مستعجبان الذ کرده عطسه هجوم ایدیک ادای لازمه جدك اظهار و اخفا سنده
 اختلاف اولنوب بعض کبار بالکز قلب ايله جدايلک کفایت ایدردیوب (ابراهیم
 نخعیدن) لسان ايله ادای مجوز قول ایراد اولمشدر (و کعب الاحباردن) منقولدر که
 ذ کر خنی وجلی پیننده تردد ایدوب یارب العزت نزدیکمیسکه مخفی سویلیم
 دورمیسکه آواز ايله فریاد ایلیم مدلولی اوزره مناجات ایتد کده صوب هاتفدن
 بنی ذ کر ایدنلرک هم نشینیم مضمونی اوزره جواب الهامی ورود ایلشدر
 (حضرت موسی علیه السلام) و علی نبینا اثناء دعاده خدایا ضرورات
 بشریه دن جنایت و دفع کشف مقوله سی بعض حالات واقع اولدقچه
 ذ کر جیلک اول رسمه طهارتی محل محارده برآورده زبان ادا قیلنق دأب
 ادبه مخالف کورینور دیوب نیازمند لطف الهی اولیجق هر نه حالده ايسک
 بنی ذ کر ایتکده بی بالک اول مدلولی اوزره بارقه رخصت شعله اندازل
 (کلیم الله) اولدیغی روایت اولمشدر مطلقا عیادت خستگان اهل ایماندر که
 (حضرت شهابخیش) تبرذکان عالم صلی الله علیه وسلم (ترغیب عیادت
 مرضای امت باینده رشحات آب حیات سخن عجم البرکاتک مزارع فهم
 واذعان اصحاب عالی درجته نثار ایدوب هر مؤمنکه پرسش حال مرضی
 منکسر مزاجه عازم اوله همانامیان بهشته وضع قدم ایتش اولور عیادتدن
 عودت ایتد کده یتش پیک فرشته اول مؤمنک سلام و ثنا سنه مؤکل قیلنوب
 اول کون اخشامه دك ادای خدمت مذ کوره یه قیام ایدرلر مضمونیه مطرا ساز
 چیزار مسامع حضار عالیقام اولمشدر و قاعده مسنونه عیادتی قانون نویسان
 دیانت بووجه اوزره مبسوط صحایف روایت قیلشدر که سر بالین مرضی
 بستر نشینه وارلدقده اولادست نواز شکرین سر بیماره نهاده و کفر رفق و تلطف
 ايله پیشانی دردمند شکسته حالی مالیده قیابوب زبان تسلیت فرما برله سؤال
 کیفیت اختلال مزاجی سبک قالب حسن تعبیر ایلیه و بودعای شفا رسانی
 کلاب مزیل الصداغ خسته سوخته جان ایده و کیده (وامیر المؤمنین عثمان
 بن عفان علیه رضوان الله العزیز الرحمن) شکسته مزاج اولدقده (حضرت
 طیب قلوب عالمیان صلی الله تعالی علیه وسلم) عیادت نیتی ايله وضع قدم زیارت
 بیوردقده دعاء اجابت قرین مذ کوری سر بالینلرنده قرائت و قند شیرین


کوار الفاظ سکر مثال هر قومی مکررا جال با کمال ذی النورینه اهدا بیورد قارین
 حکایت ایشلردر و حضور بیمار صاحب اضطراب ده بو تووید بدیع التأثیر کقراستی
 دخی سندر دیشلر و خسته اولان دردناک مشرف هلاک ایشه ده عیادته کلنلرده
 پرسش حال ایدنلره شکایت واضطراب حالک حکایت جائد کلدن زرا خبرده
 وارد در که صاحب فراش اولان خسته حال بی محاله شکر و شکایتک حساب ایچون
 ایکی فرشته مؤکل و مأموردرا کردم عیادته تفحص حالیه تقید ایدن احبابنه
 چین جبین انقباضن مالش دست تحمل ایله مضحیل ایدوب جواب سؤال
 حالده (الشکر لله المتعال) مدلولیه عرض جهال راحت و آرامت روی صحت
 تسلیه فرمای آرزومندان عافیت اوله (جناب سی و قیوم جل جلاله) اول بیمار
 پر عجز واضطرارک ترک دارالبوار ایتسی مقرر اولدیغنی صورتده غرق نور رحمت
 و شرفیاب دخول جنت اولنسن تبشیر ایدوب اگرچهنزار سلامته عزیمت
 و صحن صفه حیاته عودتی مقدر ایشه مرض مذکوری کفارت ذنوب
 وجیره شجاع عیوب ایدوب عارضه بیمار یدن مقدم اولان هیأت بهجت
 نماندن زیاده نهال طبعنه نشوونما افاضه واعطا و لحم و شحم و عروق
 واعصابی اولکی مرتبه دن اعلا ایتسی یریب و مرادر العیاذ بالله تعالی
 درد شکم عارضه سندن متکدر اولنلر کابین حایله سندن برقاج اقچه رجا و اول
 بهایله بر مقدار غسل مصفا اشترا ایدوب اسمایله شربت خوشکوار ایتد کدنصکره
 بنیته الدواء نوش ایدوب امر خدا یله شفا بوله قطرات امطار و انکبین شیرینکوار
 مبارک ایدوکی مقرر و زوجات عصمت صفاتک ازواج مهربانه هبه ایتد کلری
 مهرانده دخی عین مبارکی متحق ایدوکی امر ظاهر در (پس اوچ شی مبارکک
 انضمامی اول خسته یه تریاق اربعه کی مفید اولدیغنده اشتباه قالمز و آداب
 عیادت تفصیلده دیشلردر که (اول) در خانه بیمار کلد کده آهسته دق باب
 و رفق ایله خدمه خسته به سوق خطاب ایدوب و خدمتکاراری و رای پرده دن کیمن
 دیواستفسار ایدیجک بنم عیادته کلدن طریق اوزره تصریح یوزندن جواب
 و برمیوب (سبحان الله والحمد لله ولا اله الا الله والله اکبر) تسبیح ایله عیادته
 کادوکن وضعا و قولا تلمیح ایتسی ترجیح اولنشدن (ثانی) حضور خسته ده
 دور ادورمکت و قرار و مزاج و مضحکات و یاغزع و فریاد ایله بیمار ایراث

عجز واضطرار دن حذر اولنوب ومیت خستدك زوایا ودهالیر وجفت وطاقنه
 صرف نگاه تماشا دن احتراز اولنه و (ثالثا) خسته یه قوت قلب ایراث ایده جك مفید
 مختصر کلمات تسلیه بخش ایله دعای عافیت ورجای حصول صحت ایدوب
 زینهار اکتناه غور مرضی ایله تضییق و تعجیز و حکایت احوال هائله مرض
 و ذکراخبار مدهشده اموات ایله تعزیز و تخویف اولنیه زمان حیاته رعایت
 حقوق اولندیغی کبی بعد الموت دخی خدمت تجهیز و تکفینده دقیقه فوت
 اولنما مقدر و رای جنازه ده تشییع میت ایدرک هنر ارستانه کیدنلره بر قیراط مزید
 عنایت اولنوب و تادفن اولنجه قدر توقف ایدنلره ایکی قیراط ثواب اعطا اولنوب
 هر قیراط حبل احد و زننده اوله دیو تحقیق ایشلردر و آداب تشییع جنازه دن
 بری خنده و تبسم ایتوب کند و موتک اخطار ایله غمناک و حزین اولمقدر
 (اعمش علیه الرحمة) دن منقولدر که بر کره تشییع جنازه ایتدم تعزیت ایده جك آدم
 قنغسیدر بلام یعنی جمله قوم بر برندن محزون و غمناک اولماده تشییع مائمه دهیه
 امکان اولدی دیمشدر ابرار سلفدن بری حضورنده بر جنازه هر ور ایدوب
 بعض حصار فکر معادنندن متأثر اولدقده بیوردیکه کندی غمکز قیدینه
 دوشوب تدبیر جواب یوم سوال ایتک اولادر که حال بومر حوم احوال عظیمدن
 اوج هولی وراء ظهرینه القایدوب هنوز سز زرده و سائر احباده اول حالت
 موحشه متوقع الظهوردر (اولا) قدوم ملک الموت و مشاهده لقاء مهیئندن
 خلاص اولدی (ثانیا) مرارت مرک که خاطره کلدجکه ملاحظه کیفیتندن
 عالم حیاتی ترک لازم کاور چاشیکیر ذائقه سنی تلخکام ایتدن قورتلدی (ثالثا)
 عاقبت حال نیجه اوله جقدر فکری ایله کامو بیگاه و سوسه حیرت انگیره ابتلا دن
 رها بولدی فی الواقع صورت حیاته ذکر اولان غم و اندوه بیگانه خاطر
 هر دم عواقب بینه رهیاب متفکره اولنوب بعد تسلیم الودیعۀ اول اوچ نوع
 کدری بر طرف اولوب سائر اخوان مسلمین سالمینه میراث اولور (رزقنا الله
 احسن العاقبة) اموات مؤمنینه دعادر (امام حجة الاسلام) قدس سره زیارت
 قبور مؤمنینی دخی بوصدده ایراد ایدوب محله خاموشانه وضع قدم زیارت
 ایتدجکه هر یکاه نورسته مقابردن بر کونه عبرت آلتی لازمه عقل و درایت ارباب
 دیانت در دیو بیور مشدر

✽ بیت ✽

✽ هر گیاهی که از زمین روید ✽ ✽ وحده لا شریک له کوید ✽
 (نیز) (سفیان نوری رجه الله علیه) یورر که یاد کورستان ایدن کندی
 مقبره سن ریاض جنتدن برروضه یلور ذکر موت وفکر مقابری فراموش
 ایدن خارستان دوزخدن بر جای موخش کورر (وریع بن حشیم) که
 طوسده مدفون بزرگان تابعیندن معدود در میویدر که زمان حیاتنده
 مماثل مقبره برخفره پیدا ایتشیدی هر چند اشغال آمال دنیویه خاطرینه
 مسلط اوله اولحده بر مقدار آرام ایدوب تاریکی کدردن منور القلب اولیحق
 یارب بنی دنیایه کوندر که تلافی تقصیرات وتدارک عذر مافات ایده یم دیو
 کندینی مرده فرض یدوب بویوزدن مناجات ورجاء تکرر نعمت حیات ایدر
 ایدی واول موضعدن خروج ایدیجک کنیدی نفسنه خطا با یاریع اشته
 دلخواهک اوزره سنی جهانه کوندر دیلر جد وجهد ایله تلافی تقصیرات
 باینده فرصتی فوت ایلله شاید پرکون اوله که تکرار سنی دنیایه صالمیدل ورجاء
 بقاء حیاتک لغو اولوب سنی محل اقتدار که کتورمیدل دیر ایدی نورالله مر قده
 (امام غزالی قدس سره) بوسیاقده (فخر کائناتک صلی الله تعالی علیه وسلم)
 قبرمادر کهر پرورلرنده لؤلوء پاش دموع اولدقلرین ایراد ایدوب (حضرت
 عمر فاروق) صحیح الخبردن نقل اولندیغی اوزره ثبت صحیفه اثبات ایلشدر
 یوماعن الایام (جناب سید الانام علیه افضل الصلاة والسلام) ایله اعدل
 اصحاب (عمر بن الخطاب) روانه زیارت قبور اولدقده (حضرت فخر عالم
 صلی الله علیه وسلم) بر سر کورده نشست یکدمه ایله شرفبخش آسود کان
 بقعه خاگ اولوب بی اختیار سحاب دیده لرین لؤلوبار ایدیجک پرسش داعیه
 کریه دل عمرده باعث حلیجان اولوب لب جنبان تفحص اولیحق (یا عمر) معلوم
 اوله که بوتوده خاگ مقبره مادر مدرانی زیارت والتماس مغفرت باینده صوب
 صمدیدن طلب اجازت ایتدیکنده رخصت عنایت اولندی لکن اقتضای
 مرور ایله حوالیسی موطنی قدم اولمنله عرق شفقت حرکت ایدوب یدمر حجت
 کرهکشای سبحة تاب وطاق اولدیفتدن یرنبجه مرجان دانه سرشکک
 فتاده زمین رقت اولسی لازم کلدی یوردیلر (بعضون صحایف سابقه ده علاقه

اسلامدن غیرى پىنلرنده رابطه آشنایى متصور اولیان طائفهك جواهر حقوق
وتیره تحقیق مصنف الاصل اوزره کشیده رشته تفصیل اولنوب بعد ازین
اشربه تعلق ودوستیلری ممزوج تریاق خلت مخصوصه اولان اقارب و خویشان
واصول وفروع همسایگان حقوق بیانه شروع اولندی (والله الموفق
والمعین)



حقوق همسایه بر قایح نوع اولق اوزره تحقیق اولنوب مثلاً همسایه که مسلم
اوله ایکی وجهله رعایته مستحق اولور بری حق جوار و آخری حق اسلامدر
واول همسایه کیم هم مسلم هم اقربادن اوله اوچ طریق ایله رعایته لایق و تحقیق
اولور بری لاجل اسلامه نایا برای قرابت ثالثاً علاقه جوار جهشدندر (جناب
رسول اکرم صلی الله تعالی علیه وسلم) جناب خدایه وروز جزایه ایمان کتورن
البته جارینی عزیز و کرامی طوتر بیوروب و برکسهك همسایه سی امین
اولیجق اول آدم مؤمن اولز و همسایه سی کلبه سنك انداز اولان همان
جارینی رنجیده ایتمش اولور دیواضرا درن منع و تحذیر بیور مشلدر حتی حضور
عالیلرنده برخاتونك کال زهد و صلاحی اکلدقده ازار همجوار ایتدیکندن غیرى
نقیصه سی اولدیخی ذکر اولیجق مأوا سی نادر بیوردیلر و علاقه جوار قرق
خانه یهك اعتبار اولنوب بعض روایتده یمین و یسار و قدام و خلف اعتبار یله
قرقر خانه یهك حکمی وارد در دیشلر الحاصل رعایت خاطر و تطیب قلوب
همسایگانده بذل مقدور حصوصن کبار ابرار توصیه بیور مشلدر وروز
قیامتده همسایه ر ایله باب حسن معامله یی منسد ایدنلر پیشگاه رب العزته
احضار اولندقده سایه جوار توانگران صاحب یسارده اتخاذ جای قرار
ایدن فقرای بیقدار اول جای هولناك و محل هلاکده دامن اغنیوا کابره پنچدزن
خصومت اولوب نیچون عالم حیاتده اریکه نشین فخر و مباهات ایکن بزنامر ادردن
فضاله خوان احسانلرین دریغ ایدوب حقمرده ایشار مباره اقتدارلری آشکار
ایکن نواله کرمدن بزی حصه دار ایتدیلر و کند ی امثالی اکابر کامکاره

در دولتدارری کشاده اولوب فقیر و خوار اولدیغمن ایچون حالزه نیکه انداز
 اعتبار اولیوب بزه نسبت در معاشرتی دیوار ایتدیله دیو مضیق تفتیشه
 القایله مبتلای اضطرار ایتلری تحقیق کرده کباردر * رعایت خاطر همسایه
 باینده منقولدر که بر مؤمن ستوده سیر خانه سنی قافله موش کثیر الضرر پی سپر
 ایتکله رفقا سندن برینه اظهار کدر قلدی اولدخی سوق مدافعه لری
 ملاحظه سیله کر به شیر پنجه شیرین شمائلک مظهر ادنی التفاتی اولیجق اول
 جمع کثیرک کار ازاله لری یالکز بر حله هن برانه سیله حاصلدر یواندن تدارک
 جواب ایتدکده حریف منصف نهاد العیاذ کویان عنف عتاب امیرایله رد
 خطاب ایدوب نیجه ممکن بومسلکی تجویز ایدوب خانه مده اسکان سنور ایدم
 زیرا مقرردر که خصم جان موش اولان هره زوایای خانه مده ثبات شیرانه و حرکات
 دلیرانه برله جولانه باشلر سه فی الحال صفوف مشاهد الحنوف فاره کریزان و بیت
 همسایکانه القاء راحله زیان باینده شتابان اولورلر اولتقدیر جه
 بندن اضرار جار قباحتی صادر و کندی مضرت می همسایکانه روا
 کوردیکم ظاهر و باهردر بوا یسه خلاف مشرب فتوت و منافی طور مر و تدر
 دیدی الله اعلم بونیت ازاله مضرت باینده کفایت قیلوب طائفه موش
 اختیارلریله مسکن حریفدن بریشان اولوب بردخی اول محله ده هیچکسه ضرر
 رسان اولما مشدر (مبین احکام عالم صلی الله تعالی علیه وسلم) تفصیل
 حق جوار ایدوب بیور مشدر که طلب یاری ایتدیکه معاونت و زمان ضرورتده
 اقراض و اعانت و فقیر اولدقلری صورتده نزل و نفقه لرنده سماحت و وقت
 بیمار یلرنده عیادت و تسلیت و دم سرور و شادمانیده اکرام و تهنیت و حالت
 موت و مصیبتده تجهیز و تعزیت اولنهلر و شرائط همسایه نوازیدن بری ابنیه
 منزلکی رفیع و بالا قتلغله ضیا و هواسن سد ایتمک و دسترس میسر اولان
 میوه نوباره بی دریغ ایتیوب قدر ممکن حصه لرین ویرمکدر اکرشی قلیل اولوب
 تقسیم و اعطایه ممکن اولمسه باری پنهان ایدم که کندی فرزند و عیالکز
 دستنده کوروب آه جگر سوز تحسره نیلی ساز کنبه آرزو اولیه لر و بعض اطعمه
 مخصوصه طبخ اولندخه بوی طعام دماغ لرینه رعاف آرزو انداز اولمدن
 حذر اولنوب (بالضرورة) رسیده مشاملری اولیجق البته بر مقدارین ارسال

ایله اکرام لازمدر ازین جمله در وبامدن همسایه حرمه تیرانداز نگاه اولی
دخی شرع مرونده حرامدر اول جانبیدن صدور زلاتی مهمما ممکن تجرع
ایدوب بعض حوائج لازمه سی ایچون مثلا جدار خانه که وضع چوب و هیزم
ویا الفاء خس و خاشاک ایدوب مشائمه دن حذر اولنه علی تقدیرا الضرر
کلام لین ایله التماس دفعی ممکندر وسیل آب و ممرناودان سد ایتیموب و خدمه
و ثوابنک عیوبنی نجس و اوضاع بارد ایله توبیندن حذور اولنه و بالجمله
اکرام و رعایتده مرتبه مقدوری در میان ایدوب جانب جاردن بحکم البشریه
عقوق صدور ایتدیکه عفو ایله احسان لازمه شان اهل ایمندر * مروید که
(حضرت فخر عالم صلی الله تعالی علیه وسلم) اکرام جار یا بنده توصیه
بیوردیلر که طبخ طعام ایتدیکه حصه بخش مجوار اولغه مادمک تحلی اولیحق
بر مقدار آب صافی القاسیه تکثیر ایدوب بهر حال آبی اولور سه ده همسایگانه
بر مقدار القسا وار سال اولحق کر کدر (عبدالله بن مبارکدن) برکسند
سؤال ایتدیکه غلامدن بر همسایه م بی سبب شکایت ایدر اگر بلاحت
ضرب ایدر سم تعدی ایله آثم اولورم توقف ایدر سم همسایه منکسر الخاطر
قالور بوباید نصیحت طلب ایدر بن دیدی عبدالله بن مبارک بو تعیر دلیذر
ایله جواب بیوردیلر که غلامدن بر تأدیبی مستلزم وضع نامعقول صدور ایتدیکه
توقف قیل تا همسایه شماتت و استهزایه باشلیه بعده جرمی مستوجب
اولدیغی مرتبه ضرب و تأدیب ایله که طرفینک حتی مرعی اولمش اولور
(رعایت اقربا) و خواطر باینده روایت اولتان آثار شریفه لایحصى دراز جمله
(حضرت سیدالوری) بیورمشلردر خویشاوندی ایله اتصال پیوند ایدنلرایله
بندخی اتصال و منقطع اولتلردن انقطاع اوزرهیم * و اول برکزیده کائنات
علیه افضل النحیات جناب عالیلرندن روایت اولمشدر که (حق اقربا) طلب
اولتان شبتک بلا تردد اعضا و اهدا اولمشیدر دیو بیوروب و درازی عمره فراخی
رزق مراد ایدنلر اقارب و خویشاوندینه لطف ایلسونلر دیشلردر * و ترغیب
صله رحمه آندن زیاده ثواب اولمز * حتی آلوده فسق و فجور ایکن صله رحم
صدور ایلسه اول صورت ذمه اندفاعندن غیری مال نافع و اولاد صلحا
ظهور ایلیه دیو تبشیر امت و وعد شفاعت و رحمت بیورمشلردر و اقربا

و بریلان صدقه افضل صدقات اولوب فی الجمله منازعه و خصومت ایدنله
تصدق و جوه ايله افضلدر دیمشله و اقربایه اتصال و صله رحم حقیقی بی بوجه
اوزره تحقیق ایتشله که اقربایه اتصالک معناسی آنلر سندن انقطاع ایدرسه
سن آنلره اتصال ایتکدر و اقربا دن بری سندن بجانب و تنائی کوسترسه
سن اکتارب ایدوب حضورینه واروب و هر قنغیسی نصاب لطفندن سنی
بی نصیب ایدرسه بهره دار عطیه و انعام ایدوب و میانلرندن بری سکاظم و عدوان
ایدرسه عفو و شفقت احسانه مظهر ایتکدر بو تقدیرجه تمام رعایت حقوق
اقارب اجرا اولنش اولور کذا و کذا (رعایت حق والدین) جمله دن
اهم و ذم ناسه جمیع حقوقدن الزمدر حتی اقسام عباداتده تمشیت قواعد
افراطدن افضلدر دیمشله و بر مؤمن که رعایت والدینه تقصیر ایتیه بشیوز یلق
مر حله دن بوی بهشتی اشتیام و راه پانصد ساله دن استنشاق هوای
نجات الانس دارالمقام ایدوب قاطع رحم و عاق والدین اولان فرقه بد فرجام
اول شمیم روح افزادن حرمان و کسب تحسر و آلام ایده جکدر دیو (جناب
سید الانام) و بشیر و نذیر خاص و عام علیه افضل الصلوة والسلام) خبر
و بر مشلدر و پیشوای بنی اسرائیل (موسی علیه السلامه) وحی جلیل وارد
اولوب اول کیمسه که انقیاد امر والدین و اطاعت فرمان خالق الکوین ایلیه
دفتر مطیعان الهییه قید اولوب علی طریق عکس القضية دفتر مخالفین
احکام رب العالمینه ادخال اولورلر الغرض حکم خدایه اطاعت فرمان پدر
و مادره انقیاد و تبعیت مستلزم اولوب احد هما آخردن متفک اولماق لازمدر
و اعطاء صدقه ده ثوابی روح والدینه اهدا اولنق ترغیبی خلاصه تحقیق
اولنشد که ثواب صدقاتی اهداء ارواح اصول ایدن فروع قرین القبول
تجارت مذ کورده راجلدر که هم آنلر اهدا ثوابنه نائل اولورلر هم کندولره
عائد اولان نصاب ثوابه نقصان و سرمایه حسنه لینه زیان ترتب ایتز
بیورلشد * هر ویدر که حضور عزنده بر مؤمن تقریر امر ایدوب (یا رسول الله)
پدر و مادرم رو براه بهشت اولوب دنیا ده بنم ذممه اداسی لازم حق واجب القضا
ترك ابتد کلرندن غافل حالا ادای حقوق والدین امرنده نه مقوله کاره تثبیت
مناسبدر دیوزمینبوس تفحص اولجحق (حضرت شفیق الامم صلی الله تعالی

علیه وسلم انرا چون صلوة و دعا و استغفار ایدوب تنفیز و صیانت برینه همت قبل
 و احبا و دوستان و الدینی معزز و مکرم طوت و اقربا و مخلصین و یاراننی نصاب
 لطف و نکویدن بهره دار ایله دیو بیوردیلر و بوسه سیاقده حق مادر ضعف حق
 پدر مرتبه سنده ایدوکن افاده سمع حضار ایتدیلر حقوق فرزندان و اولاد
 مادمسی دخی حقوق والدینه قیاس اولنوب کرچه آنلر مقدم و اولاد و انسایدن
 معزز و مکرمدر لکن حقوق عیال رعایتی دخی ذم ابایه امر الزمدر (حضرت
 فخر عالم صلی الله تعالی علیه وسلمدن) بر آدم کیلره لطف ایده بی مضمونن سؤال
 ایتد کده ابویه بذل نعمت اولنمنی اشارت بیوروب انلر متوجه جانب عدمدر
 دید کده فرزندی که رعایت ایله خطایله مشرف و مغتنم اولدیغی مفاد کبار
 ستوده شیمدر و حقوق اولاد مشاهیر کتب اخلاق و مواعظده تحقیق اولنوب
 از جمله ترتیب لوازم تأدیب باینده اول مرتبه ده تعجیر و تعذیب اولنمسه لر که
 ضرورت بدخویی پدر پسر بیچاره بی عقوقه الجا ایتیه که بومدلول بر اصول
 موافق کلام رسولدر که رحمت خدا اول شخصه که فرزندی ترک اطاعت
 و انقیاد مرتبه سنده کتورمیه بیورمشلدر (فی نفس الامر) اطفال نمونه ثورس
 نهالدر که تندباد بیخ افکنه تحمل ایده میوب ناچار صرصر قهر ایله شکست
 اولمسه تمایل ضروری حسبیله صورت اعتدالدن چیعوب بر جانب نامأمله
 میلان ایله کوز پشت و ناهموار اولسی مقرر اولور * هر و پدر که تعلیم تربیت
 اولاد بیننده بوجه اوزره کهر پاش تنبیه اولوب طفل رد شیع یدی کونلک اولنجه
 عقیقه و تسمیه لوازم کورهل و تنظیف و تطهیرنده تقصیر ایتیوب شش ساله
 اولدقده تعلیم آداب و تفهیم خطا و صواب ایدهلر طقوز یاشنه کیرد کده کندی
 مایدنلرندن چقاروب خوابگاهنی چامخواب ابون اولان محلدن جدا قلهلر سن
 و سالی اون اوچه ایرشد کده دقایق صلوة و لوازم اقسام عبادات افاده
 اولنوب متردد ترهات تکاسل اولور ایشه ضربا ادخال شارع اقدام ایدهلر
 زمان بلوغ حلم ابریشوب سنوات عمری نصاب ست عشره بالغ اولیحق تأهل
 ایتدیر یله و وجوه مسطور اوزره ظهوره کلان لطف تربیت ایله امتنان یعنی
 فرزنده تعداد وجوه احسان ایدوب ذمت پدر لازم اولان تعلیم آداب و تفهیم
 رشد و صواب لوازمی اجرا اولندقدن صکره طریقه حلالدن انیس و همحال

اوله جق جفت خوش خصاله اتصال مصلحتی دخی همتر ایله صورت پذیر
 حصول اولدی من بعد عالم حیاته فتنه به مؤدی حال کدن و بعد المات استحقاق
 قهر و نکالدن کرم ذی الجلاله التجا ایدرین دیوب دعاء خیراتما ایله امورین خدایه
 تفویض ایدر دیو بیور مشدر و تمامات حقوق اولاد دندر که التفات و توازش
 عطایاده اخوانیله تسویه قلوب بری برندن ترجیح ایتیدر و احیاناً تقبیل اطفال
 دخی پسندیده کبار او اوب (حضرت فخر عالمک امام حسن و حسین رضی الله
 تعالی عنهما) ایله واقع اولان معاملات جلیله لری ایله استدلال ایتیشلردر *
 (حتی اول بر کزیده کائنات علیه افضل الصلوات) تقبیل حسن ابتدا کده حضار
 کرامدن اقرع نوع تعجبی متضمن سوق کلام ایدوب بنم اون فرزندم اولوب
 هرکز برین بوس ایتک اولما مشدر دید کده (جناب رسول الثقلین) هرکیم اولادینه
 مرحمت قیلنه نیجه امید رحمت خدا ایدر دیو بیور مشدر وینه برکون بالای
 منبرده ایکن امام حسنک زلقه قدمنه نظر عالیرلی دوش اولوب فی الحال
 نزول بیوروب (امام حسنی) کنار مبارک لرینه آلوب (انما اموالکم و اولادکم فتنه)
 آیت کریمه سنی قرائت بیور دیلر (وامام حسنی) اثناء سجده ده کردن مبارک
 عالی حضرت ته تشبث ایتدیکی حالده دورو دراز سجده کاهدن سر و زانو لری
 برداشته قلمیوب حتی درون اصحابه نزول وحی جلیل سجده ده واقع اولق احتمالی
 رهیاب اولد قدده سر رشته مراد امام برهمزده انفصام اولماق ایچون سجده دن
 رفع جبین ایتدم بیور دقلری دخی مهربانی فرزندانه دلیلدن و حقوق برادری
 دخی منوال سابقه قیاس اولنوب اخ بزرگوار مشابه پدیده و برادر کهتر منزله
 پسرده اعتبار اولنوب احدهما آخرک رعایت حقوق اول وجه اوزره بر جاقطلق
 کر کدر (جناب رسول) خدا خشیت قهار بیچون و چرانی توصیه صد دنده
 بو مضمونی اشارت و ایما بیور مشدر که بندکان وزیر دستان حقنده خوف و هراس
 لازمه ذمت ناسدر و ملابس و مأکله هر کس کندی نفسنه مختص ایدو کندن
 انلره دخی تقسیم حصص ایدوب و کندور طاقت کتور مدیکی خدمتاری
 اول زمره به تحمیل روا کور میدلر ولایق خدمت اولنلرینه رعایت اولنوب عهده
 خدمت خداوندان دن خروجه قادر اولیان ضعفا و عجزیه تعذیب و اهانت ایتیبوب
 بیع طریقله خلاص اولق مناسبدر و بالجملة حال خدامی کندی نفسلرینه قیاس

ایده‌لر که مشیت الهیه عکس قضیه اوزره جریان ایدوب انلر حاکم خداوندان
 و سزلر محکوم بندکان اول سکر معلومدر که تحمل ازار ایتوب هجوم
 اضطرار جانه **کار ایدر ایدی** ایدی لازمدر که بومضایی ملاحظه
 ایدوب شکر نعمت خداوندی مقابله سنده اول ناچارلرله معامله ده مجامله اختیار
 اولنه (جناب رسالتیناهدن صلی الله تعالی علیه وسلم) عبادمک نه مرتبه دیک
 جرایمن عفو و تقصیراته صبر ایدلم دیوسؤال اولند قدده یتش مرتبه دیک ذکر
 بیور مشلردر * بکاردن برینه بردباری و تحمل و حوصله کاری بی کیدن او کوندک
 دید کلرنده قیس بن عاصمندن دیدی اکناه سبب ایتد کلرنده بر جاریه سی آلت
 تحمل لحوم اولان قلاب آهنینی بر محمدن نقل ایدر کن سهوا التدن دوشوب
 بر فرزند جان بسندینی هلاک ایدی و مملو که مملو که خوفندن دهشت هلا که
 قریب بر موضع موحشه دوش و وهم و بیدن مد هوش اولیحق قیس تسلیه بخش
 جاریه اولوب غم چکمه سنک نه کاهک وار بونازله صوب خدادن بر قضای محنت
 اقتضادر دیوب تأکید تسلیت ایچون فی الحال اعتناق ایدی دیدی و هر چند
 خدمه سندن اثر سرکشی مشاهده قیله ینه خداوندیک خلق ایله تخاق ایتدک
 دیونکایه ایدوب یعنی خداوندیک کند و خداوندینه مطیع اولیوب فرمانته انقیاد
 ایتدیک کی سندخی امر یتنه منقاد اولمز اولدک مغالربن تلمیح ایدر ایدی بس
 بومعامله ممالیکده مناسب حال بودر که آنی دخی سائر احرار بنی آدم کی فرض
 ایدوب خطا ایتد کچه عبدان خدائک فرمان الهیده اولان تقصیراته حل ایده‌لر
 و هر حالده قیاس نفس ایدوب نان و ادام و جامه ده رعایت حد اعتدال
 اولنه و نکاه غضب آلود و نظر خشمکین ایله منظور و پنجه قهر
 و ازدراده مقهور قیلمیه بر مقتضای (ع) بنی آدم اعضای یکد یکنند
 (نثر) مقام خدمته اولان ثواب و خدام تام آدمک دست و پای
 مقامنده در که بر مصلمتک اتمامنده بی دست و پا اوللر پای مردی
 خدام ایله اتمام هجوم خصومه دست و کربان اولنه
 دراز دستان نیرومند اقدام تام ایدرلر
 تمت بالخیر والسلام

مشاق العشاق

بسم الله الرحمن الرحيم

دیباجه طراز دفتر درد * پیرایه فزای پیکر درد *
 سرنامه نویس لوح محنت * زنجیره کش نقوش حیرت *
 تصویر نگار دیر معنا * رونق ده نسخه تماشا *
 رامشگر بز مکاه بیداد * خواننده نقش صوت فریاد *
 مختزن ده ترکسی محزون * فرهاد زمانه نقد مجنون *
 تحقیقه بحث ابتلائی * بویوزدن ایدر سخنسرایی *
 (نثر) نجسته هنگامی که بارگاه معلا حریم ازاده پیشگاه قدیم
 لم یزله سده کار آگاه کارگاه قدرت * یعنی سروش سبکجناح
 رحمت بر موجب امر مشیت * و بر مقتضای حکم ارادت صنوف
 ارواح مختلفه الاشباح بنی آدم ترتیب صنوف قیام و تعیین مقر
 و مقام ایدوب

شعر

ملائکرا خروش و ناله برخاست

که بر رسم ادب صفها شود داد است

(نثر) اول بزم خالص الخالص مکیںک یار یافتگان
 عزت شستی صهبای صفا بخشای التفات الست ایله مست و هربری

محبان قرب ایله دوش بدوش و دست بدست اولد قده و اول مجلس
کرما کرم و داد آینده مصطفیه آریان انجذاب صمیمی و باده کساران
ابتلای قدیمی به کسترانیده دست صنع خدا اولان خوان پر نعمای
ایتلافی تزیین ایچون مجوهر اطباق پر نقش و نگار آشنایی به حدائق
مخضرة الاطراف مناسبتدن چیده کف استعداد اولان با کوره شه دریز
مختلف الالوان مهر و محبت نهاده قیلند قده الحاصل اردوی آذین
بسته عالم ارواحده اقلشه رنگارنگ حسن و جمال دلال عشق النده
مزاد اولند قده و بر موجب حکم همایون (یحبههم و یحبونه) وضوح
سر نهان (فخلقت الخلق لا عرف) ایچون آشفته دلان کمپایه * و سودا
کران بی سرمایه * رأس المال ارادتلرین متاع حسن با کماله صرف
ایتمک مراد ایتدیکی بیلند کده

✽ شعر ✽

✽ بوبلا میخانه سینک تازل میخواره سی ✽

✽ بوفلا کتگاه دهرک او کادق آواره سی ✽

(نثر) اول روز بازار عشق و سوز جهان افروزده متاع مرغوب
القلوب درد و آشوبی رایکان بولوب

✽ شعر ✽

✽ کفر کافر او دین دیندار را ✽ ذره درد دل عطار را ✽

(نثر) قیراط درد عشق جانان یک جهان نقد جانه ارزا ندر دیوب
کالای ابتلای سمیران یاسمن عذاره نقدینه تام العیار جان و دلی ایشار ایله
خریدار اولمشیدی

✽ بیت ✽

✽ دلی دارم گرفتار محبت ✽ کزو کرمست بازار محبت ✽

(نثر) و بو تجارت راجحه سرمایه سعادت دنیا و آخرت در دیوب
بو عقد بازارده تصور دن فائده مند اولوق احتمالیله فرحناک و خرسند

اولوب کندویی امید فوز اجور (نجمه ان تبور) ایله مغنم و کامکار بیلشیدی
(ع) آلدک متاع عشقی بلال مبارکی (نثر) بو علاقه روحانیه ازلیه تأثیریه
* شعر *

* چودایه ناف من بی مسک دیده * * بقیغ عاشقی نایم بریده *
(نثر) قاط ادم رنگ رچدن لحاف زربفت مزرکش طرازشش جهته * وضع
قدم ظهور ایده لی اوقات عمر عزیز سریع الزوالدن مقدار تقلیب حدقه
بر لحظه مرور ایتماشدر که سربی سامان دلدده داغ طاقتکداز بلا فروزان اولیه
* مشوی *

* دل که زعشقی آتش سودا دراوست *
* قطره خوینست که دریا دراوست *
* برقل صد پاره مکو کریه کن *

* دل که نه خونست برو کریه کن *
(نثر) و کردن جان بلاکش قیود سلسله زلف سیاه مار کردار پیچ در پیچ
بنفشه مویان سمنبوی فتنه جویک برندن رها بوله * فی الحال پری پیکران
مردم آزار آدمی کشدن برغیری مکار فسونکار سحر اندیشک پچان اثرهای
کیسوان خم بختی حلقه حلقه صارلیه

* بیت *

* ای وای کجا محال تدبیر * * یک کردن و صد هزار زنجیر *
(نثر) حالیا فصل ربیع شباب سرعت شتابده همحال (تمر مر السحاب) اولوب

* نظم *

* آن رفت که درجوی طرب آبی بود *
* یاد سر زلف آرزو تابی بود *
* دردا که زمان عیش وایام وصال *

* بکذاشت چنانکه کویا خوابی بود *

(نثر) سنوات عمر بر باد داده نصاب اربعیندن تجاوز ایتمه که وحلاج قضا کان
فلکدن آغاز پنه نثاری قیلوب سبره زار محاسن * برف سپیدی ایله خوشه
یخ بسته شکنه کرمکه

✽ بیت ✽

✽ دور بقارفت فزون شد هوس ✽ ✽ آرزوی سینه نفس بر نفس ✽
 (نثر) بعد ازین تف و تاب عشق و جنون بر مقدار بر هم زده سرمای صبر و سکون
 اولی ملاحظه سیله چله کزین خلوتخانه زهد و صلاح و کاره نشین سرکانون
 فوز و فلاح اولی تدبیرنده ایکن (ع) نه دانستم که کار من بدنامی کشید آخر
 (نثر) مکر جرات هوش کداز ✽ هوسگاه زمین سینه زار و شیدایه ✽ و گاهی
 هوای دماغ پروله و سودایه ✽ و گاه جویبار حواس و قوای بی برک و نوايه
 دوشمکه حرارت مهر و محبتله وجود زارم کلخن فروزانه درون بی صبر و قرارم
 منقل آتشدهانه دونوب بو حالده یعنی بوسن و سالده کافی الاول سوزان نار بیداد
 اولی لازمه ذمت استعداد ایش

✽ قطعه ✽

✽ آتش خونست کل باغ دل ✽ ✽ تا نرود جان نرود داغ دل ✽
 ✽ آتش دل کر چه شود کم بمرک ✽ ✽ داغ دل من نرود هم بمرک ✽
 (نثر) نتیجه ناله کریمه ریز بومدعای شور افکن رقت انگیز محنت آمیز در که

✽ بیت ✽

✽ برقاشی یا جوان مهوشله ✽ ✽ باشه چمن قالور کشا کشله ✽
 (نثر) اضطرار بندن تخلیص کریبان جانها امکان اولیوب روزان و شبان و اوقات
 و احیان تعاقب ایتدیکه

✽ بیت ✽

✽ بازم از تو خم ابروی دگر در نظرست ✽ ✽ سلخ ماه دگر و غره ماه دگرست ✽
 (نثر) معناسی انا فانا تجدد بولوب هر زمانده برفته کر بی امانه و بر آشوب
 دهر و آفت جان

✽ بیت ✽

✽ دادم بدست تو دل اندوه پیشه را ✽ ✽ غافل که زود میشکند دست شیشه را ✽
 (نثر) مضمونیه عرض شکوه نیاز ✽ و بسط مقدمه سوز و کدازدن
 خالی اولیوب

✽ بیت ✽

✽ نروده برقاشی محراب اوله کون کبی عیان ✽

✽ کوزم اول یا که دوئر قبله نما کبی همان ✽

(نثر) چار جهت هر کوی و برزیدن کون کبی هویدا و شعله فکن سویدا اولان
مه پیکران خورشید عذاره نکاه اندازی انجذاب و الهانده بی اختیار

✽ بیت ✽

✽ یامنکر سوی بتان تیر تیر ✽ ✽ یاقدم دل مکش از رستخیز ✽

(نثر) کیمک روضه الاتوار جهانده بدیدار اولان شکوفه ستان خط و خالندن
مشام جان فلا کترده استشمام نفحات الانس وفا ✽ و کیمک کمان مشکین توز
ابروانندن کشاد بولان تیر جکر دوز جغای بیك جهانله استقبالدن روح برب
آمده کسب روح وصفایدرایدی

✽ نظم ✽

✽ راه دل آنها که نشان داده اند ✽ ✽ روی نکر دیده وجان داده اند ✽

✽ از رخ زیبا که وفای بدید ✽ ✽ کیست که آن دید و جغای ندید ✽

(نثر) القصه فن عسیر الفهم عشقه افراط و رزش ایله بر هر تبه ده ملکه شور
و شغبه تمکین کلمش ایدیکه مهر و محبتک بوعلی و افلاطونی و غوامض عوینصات
میل و مودتک علامه ذی فنونی اولق دعواسنه لیاقت و استعداد پیدا اولمشیدی
و بو تقریب ایله جنسیت علت ضم اولق ضابطه سی اوزره (ع) احوال دل سوخته
هم سوخته داند (نثر) اکثر اوقات و ایام مکتب عرفان مشقته مواظبان درس
محبت ایله مذاکره مباحث طویل الذیل محنته مصروف ایکن (خدا العلم
من افواه الرجال) مصداقجه اول طلبة علم فلا کتدن استماعله خاطر نشام اولان
مسائل معضله ابتلا و قواعد مشکله رنج و عناد فتر دیوان زمین و زمانده امکان
کنجاییدن آزاده یعنی همنشین اولدیغم هنکامه کیران تحت القلعه
حزن و غمدن کوشزد ذهن فسانه سنج اولان نوادر اسمار عبرت
آمیز و حیرت انگیز احتمال حد و حسابدن زیاده اولمغین احیاناً اول نهاده
درج ادراک اولان جواهر کرانقدر حکایات عاشقانه بی زین طبق ترتیب اتمک
خاطره سی تخدیش دماغ اندیشه دن خالی اولزدی لکن سائق تقدیر پریشان

اثر بودر بدر صدپاره چکری ضرورت قحط رجال داعیه سیه سلك قضاته
ادخال ووجود بدسودیمی طریق فضل وکماله مایه فرونی اختلال اتمکله
شرفیاب حکومتی اولدیغم قصبات ومداین مثالك هر برنده غلبه نشوات سلافه
مسرات ایله ترانه پردازی شعر وانشادن خالی اولیوب ادبه زعم فاسدم اوزره
شکسته بسته نیچه اثر معتبرك آرایش صفحات تبیض اولسنه روزکار زورکار
موافقت کوسترمکله هربری پیشگاه نگاه کباره وصول بولوب کیمی تقریضات
صدور کرام ایله تاجدار اعتبار وبعضیسی قبول مشایخ اسلامیه ایله رونقپذیر
اشتهار اولمشلر ایکن تاریخ (اربع وثلثین والفاده) شهنشاهی رحم روزکار
بوسزاوارضیق الشجونی نشانده مسند حکومت بلده (ایله صان) قیلوب بووجهله
نصاب راحت موهومه دن بهره ور ووايه دار اتمکله

✽ شعر ✽

✽ نه نکستی زکلی نه پیمای ازخاری ✽

✽ درین قفس بچه دل خوش کند گرفتاری ✽

(نثر) مقتضای حکم قضایه لبیک کویان رضا ایکن (فیوم علینا ویوم لنا)
کش مکش دل زار بیقرارك حالدن حاله تحول وانقلابن اقتضا ایدوب تقالیب
محن وکرویدن صورت خوشنمای مدعاوفق خاطرخواه اوزره نقش بدیع دلکش
اسلوبده آب وتاب چهره کشایدن حصه دار اتمکله زمان بولمزدی

✽ شعر ✽

✽ بر موزی پنهان ایتسه لر ✽

✽ بر حقه پوشیده به ✽

✽ مانند یک کوی کری ✽

✽ کردان ایدوب اول حقه پی ✽

✽ احوالن اول مورك خراب ✽

✽ ایلر دوام انقلاب ✽

✽ اول حقه چرخ جنبی ✽

✽ بن غله پر اضطراب ✽

(نثر) اتفاقا هجوم خصوم غموم تیر تیر کزلك وتیرنیره تأثیر خامه دن استظهاره
ارتجاس ایدوب غریم عبوس الوجه کسیدن دفع مجلس ملاحظه سیه
(ع) سمند طبعه سوار اولدی عزم ایدرباقی (نثر) وزنی اوزره یکران طبع صرصر
خرامی زیران ایدوب کشت وکذار باغ وراغ سمخوری به آهسته خرام ایکن
بومامن الایام دامن کهسار تخیلده بو نخبیر فکر صوابه ظفریاب اولدمکه الی الان

صحن جنت نشانده بساط افکن حکومت اولدیغم ممالك خوش آب وهوانك
هر برنده دایه مهربان طینت طبیعت بر زاده نوعروس متفکره یه کهواره
جنبان ظهور ایکن وای العجب بودیار مشتاق الطربده رجولیت سخنوری
معقود کلال وفتور اولغه سبب وهر طرفده خریداران هنر دامن دامن کهرپاش
ولائی نثار الفاظ ومعانی ایکن بوی لرده سر کیسه مخبریه بویوزدن مهر سکوت
اوروب نقود بی نفاق سخن صرفنده اختیار هجئه امسالک وتصرف جهتندن
نکته فروش ناطقهك بازاری کساده دوشمکه

❖ بیت ❖

❖ نه معینر نه سوزل مندر جدر صفحه داده ❖

❖ اگر چه صورت ظاهر ده خاموشم کتاب آسا ❖

(نثر) ایمدی مناسب حال رهین الما لدر که ازاله عارضه ماحولنای خیالات
فاسده اقدار آفرین ایچون دیده دل وجان هنر پیمایه خیابان دلکش هوای
انشایی غیری یولدن تماشا ایتدیرم وبرزمانهك شاهسواران مصافکاه بلاغتک
ربوده چوکان خامه سی اولمامش برکوی دلارای نویدای معنای ساحه
پهنای حسن اداده کردان ایتد کدنصرکه حله فسیحه الاکناف براعتده احراز
قصبات السبق فصاحت قلم یعنی بودیردیر بنیاد جهانده بت پرستان جهانك شاهد
چشم جانی اولان تمایل واشکال اطوار واحوالی موینه قلم فکر دقیق ایل
مجلی الواح تحقیقه رسم ایدوب نقش خیال قصه پردازیده هزاران بهزاد
ومانی معنایه نقش لکچوب مجموعه لیل ونهار شهنامه دور روز کارده سنجیده
عیاران اولی الابصاره حیرانی فزای تعجب اوله جق یادکار اسمار طرفه طرح
نویندا وتازه طرز دلاراده مجلس مجلس آرایش ترتیب وپرداخت زینت وزیب
ویرمکه صور تکرر صنمخانه انشاده قوت مخیله نادره سنجان دقایق
شناسه ضعف کلال وفتور ایراث ایده جک مرتبه ده صنعتلر کوسترم (ع)
کورسون فلکده سوز نیچه اولور خصم نابکار (نثر) با آنکه همصحبان عشق
وولادن مسموع ومنقول و متن مسطر نسخ مهر ووفاده منظور ومشهودم اولان
اطروفه حکایات بتحقق الوقوع متعین الظهوردن قطع نظر یا لکز سرب سامان
مکرده دولتمدن یکن تفاصیل ماجرای دردو بلای لسان قلم تحقیقه کتورسم

نیچه مجلد کتاب اولغه تحمیلی جای اریاب د کادر (ع) عشقمی شرحه باشله سم
نقطه سی بر کتاب اولور (نثر) پس روا بودر که ایام ضلال و اوائل حالدہ سرمایہ
تسخیر شماتت کزاران اولان سرگذشتی یاران رندان بلا پیماسار بلا کشان محنت
ویاران طریقه عشق و مودتدن استماعله جایگیر کنج صندوقه خاطر اولان
غرائب وقایع خنده فرمالیله یک بیک نهاده ظروف تعمیر و افراغ و اعیہ تسطیر ایدم
تا که رندان معارف پیمای بزمگاه لطائف سماط پر نعمای مصاحبتی نازگانه
در میان ایتدیکه اول نوباه نوادر ایله تفکله و تنقل ایدوب مقاله امتنان انکیر
بارک الله شهد ریز و شکر پاش خوان تحسین اوله لردیوب بونیتی اجرایه روزگار دن
انتهاز فرصت مقامنده ایکن بعض مقتضیات حرکتله خوش طبعان دیار دامن دشت
و کوهساره عزم ایدوب درون قصبه قصبه حلقوم فقرا کی مالامال خلوا اولغله آثار
دهشت فزای لیس فی الدار غیر نادیاره مظهر و ماصدق دوشوب بزرگ سنک دیمکله
معروف و مشهور مسیره دلکشای جنت آساده طرح انداز جمعیت و مابین چناران
و کناره آب روانده مهمساز سیر و صحبت اولد قلری کوشزد فقیر آواره نهاد
ازاده خلقت اولیجق

✽ نظم ✽

✽ آشفته دماغم سرو برک سمختم نیست ✽

✽ دامن چه کشایمکه کلی در چنم نیست ✽

✽ از دوری کلشن غرضم حفظ ملاست ✽

✽ ورنه شکر آبی بکل و یاسمنم نیست ✽

(نثر) مضمونیه تابکی کوشه کبر عزالت و انزاق و سوتکش پیغوله قهر
و جفا اوله م

✽ غزل ✽

✽ ای فلک ای بی رحم جور و عدوان تابکی ✽

✽ هیچ دو کز می غمک بودرد و احزان تابکی ✽

✽ هیچ نسیم وصل صبح اسمری کلزار دله ✽

✽ امتداد شام بی انجام هجران تابکی ✽

✽ سیله ویردی حاصل عمرم نیچه بر جوش ایدر ✽

* نيل اشك بر قرارى يوقى طغيان تابكى *

* نيجه بر كه نظم و كه نثر ايله كشف سوز دل *

* بو علور شعله لرای داغ پنهان تابكى *

* خاك سينه م اولده داغ درونه متصل *

* بو تعدی جانه ای مرگان جانان تابكى *

* فارغ اول خوف ورجای هجر و وصل یاردن *

* نر کسی بو قید فکر سود و خسران تابكى *

(نثر) بی تکلفانه بندخی سائر شکفته دلان تفرجگاهه التحاق ايله نائل ذوق
و انشراح و اول عشرت آبادی بهانه ده فاز شوق ارتباح اولق مقتضای حال
قرین الملاله اوفقدر دیوب

* بیت *

* اوتورمه گوشه تاريك جرده یحيى *

* کار گلشنه چق شعر دلکشاذیه رك *

(نثر) فتواسنی دستور العمل جان ایدرك سامان آرامی بر طرف و اول

خرم فضای بهجت افزایه توجه قیلوب وصول نشسته ازاد کان شهر ايله
کسب مایه شرف قیلدم کورد مکه اول جای دلکشاکثر حشر بشرله

مزد جگاه محشره دونوب متعممان صحن عدنه برابر لب جویبار کوثر ائرده
گوشه بگوشه مجلسر قورولش و طرف طرف مجلس عیش و عشرته بنیاد اورولش

جایجا خیمه زرین طنابله چتر فلكه طعنه زن ورشك انداز و بر آتش کرم التهابله
مطبخ کیقباده زبانه لاله زباندراز اولوب روز روشننده هر گوشه گلشنده

بر انجمن عالی ملاء اعلا ايله بحث مباهاتده ولیله ظلماده هر سمت صحراده
زینت چراغان ايله اطراف وحوالی مصایح سماء دنیا ايله دعواى مساواتده یاران

عیش و عشرت الم تفتیش نائب و محتسبدن ازاده پری صفتان جفا کیش
کدر تشویش پدر مغاضب و لالای معاییدن آسوده براور که صفاده مسرورلر

شراب نابى جویا مخورلر بونشیده ايله گویا

* بیت *

* بده ساقى می باقى که در جنت نخواستى یافت *

* کاراب رکنیاد و کلکشت مصلی را *

(نثر) رندان جفاکش غم ایامی فراموش ایدوب سبوی می در پیش و ساغر
صهبا بدست جوانان پری کیش می کلفای نوش ایدوب رطل کران عشوه
وناز ایله فکار و مست

✽ بیت ✽

✽ فغان کین لولیان شوخ شیرینکار شهر آشوب ✽

✽ چنان بردند صبر از دل که ترکان خوان یغمارا ✽

(نثر) درویشان آزاده مشرب حلقه حلقه نعره یا مولانا له یارب یارب ده دلیشان
منخسف کوکب تجرع زهرابه درد و تعب له تحسر جام لبالبده نعره هوی
وهای ایله قبه فلك پرصدانغمه عودونای ایله سمع زمانه پرنوا کلبانك شوقاشوق
ایله پیرهن عاشقان غم اندیشه چاکچاک زهرن مهای نوشا نوشده زهره زاهدان
ریا پیشه رشک و حسد دن هلاک بروجهله اسباب سرور طرب مهیا ولوازم
شورو شغب (ع) همه بروجه کالست کالایخی (نثر) که ارباب نظر تماشا
سند حیران وزهره رامشکر اندیشه رشک غبطه آور ایله غمکین و کسلان ایدی

✽ شعر ✽

✽ کورنلر طرز عیش و عشرت جشید و دارایی ✽

✽ نه کوردی نه کورر بر بویله بزم حیرت افزایی ✽

(نثر) بس فقیر خسته وزار بو ترتیب غریب دلکش آثار مشاهده سیله بی اختیار
بر طرف ساز گروه اندوه و برهمزن جیش حزن اقدار اولوب

✽ بیت ✽

✽ کل کی عشرت اولمز ایسه برك و ساز ایله ✽

✽ سنبل کی یکنمک اولور بر پیاز ایله ✽

(نثر) تحت جگری ثقل ما حاضر واشك تری صهبای بی کدر یلوب اداره
اقداح راح معارفدن محظوظ اولان سبکروح سخن فهم ایله برکوشده
بینکلف طرح بزم ایـتلاف و جاروب اتحاد ایله رفت وروب خس وخار
اختلاف ایدوب (ع) بن عاشقم سوزمده بنم عاشقانه در (نثر) گاه مناو له صهبای
کدر فرسای مشاعره و گاه مفاکمه ثار شهد آمیز مساعره ایله تشخیز خاطر
ودفع ملال متواتره ایکن (ع) قاصد رسید و ساخت معطر مشام من (نثر)

برید سعید فرخ نوید فرخنده اثر یعنی پیام آور مرده رسان نجسته خبر میان
 مجلسه دامن دامن کلفشان بشارت شادمانی فزای اولدی بروجمله که نقدینه
 روح روانی و کنجینه کرانقدر دل و جانی رسم تحیه القدومده ایشار خاکپای
 مرده رس مشکین نفس قیاسم بند حق اوزره ادای قهوه بهای قاصد موصل
 المقاصد عیسی دم حضر قدمه عجز و تقصیرم مقرر ایدی

❀ بیت ❀

❀ ازین بشارت نخرم که ناکهان آمد ❀

❀ هزار جان غمین کشته شادمان آمد ❀

(نثر) خلاصه کلام و نقاوه پیامی حضرت خدایکان عالیجاه معظم و جناب
 معضل کشای عجز نمای فتوی پناه مفهم

❀ بیت ❀

❀ ستوده منقبه یحیی افندی حضرتی کیم ❀


❀ زلال لطفید در احیایدن بودورانی ❀

(نثر) اسعد ساعات مبارکده مره بعد آخری شرف بخشای مسندگاه عزیزالانال
 صدارت روم و مکررا کار که آرای منصب و جاه نظام دین و دنیا اولمغله جثمان شخص
 عالمده خاصه جسم و جان علمای عالی هم بنی آدمده مجددا حیات نو پیدا اولدیغنی
 مشعرایدوکی مقدمات تعبیرات متبع السعاداتدن منقهم اولیجق علم الله تعالی تراحم
 گروه تهنيه گذاران مسرتدن اشخاص حواس که دیرینه خدمتگذار خداوند عقل
 وادرا کدر تبشیر محارزان قلعه دماغ و مرده رسائی قطان چارسوی سرور سینه
 ایچون طرف طرف اخبار مستلزم الشرف ایله پریشان زوایای شهر وجود
 اولدیار برار گذران زمان توقفدنصبره که حواس وقوی یکان یکان برلورنده
 قرار ایدوب رسم قدیم تهنيه گذاران اوزره اجرای ادب دامن بوسیله مباشرت
 قیلدیلر بوامارات مجد و اقبال ایله کنندی پادشاه وقت انکیوب بی محابامی بع
 نشین چار بالش عز و اجلال اولدم کوردم ادای خدمت مبارکده کلان مدیحه
 سنجان خوش ادادن ملازم بزم خاص اولان مصاحب صاحب اختصاص
 یعنی محل خوان بین الاخلاص که قدیمی ندیم دل و جان شیدا ایدی بودو بیت
 اعجاز طراز ایله ترانه پرداز و ترنمساز بزم اهتراز اولدی

✽ شعر ✽

✽ چه مستی است ندانم که رو بیا آورد ✽
✽ که بود ساقی و این باده از کجا آورد ✽

✽ صبا بخوش خبری دهد سایمانست ✽
✽ که مرده طرب از جانب سببا آورد ✽
(نثر) و ملک الشعراء پای تخت ملک درونکه تخلیه نکته طراز صاحب اعجاز در



بو گفته دلپذیر عشرتفرمای عزت افزایی و ساطت ندیم بدیهه کوی زبان ایله
زرینه طبق تهویه ده پیشگاه سامعه به عرض و ابراز ایلدی



✽ اله آل نرکسیا جام صفا پیایی ✽
✽ چونکه کوردک بودم خرم بهجت زایی ✽
✽ قیلینه نعره العیش ایله دهری مملو ✽
✽ الصبوح ایله پرایت سامعه دنیایی ✽
✽ کج اوتور مصطبه عشرته جشیدانه ✽
✽ کج قیلوب طرف کلاه سر استغنائی ✽
✽ طوتسون آفاقینه غلغله نوشانوش ✽
✽ جده کورسون نیجه اولور طنطنه دارایی ✽
✽ کیجه کوندزدیم یوب مست مدام اولسه نوله ✽
✽ رایکان بولدی کوکل باده غم فرسایی ✽
✽ بردخی ذیری عجب عالم بالایه بلی ✽
✽ نوش ایدن بومی راحتده روح افزایی ✽
✽ بومی اول باده دکادر که قدح آشامی ✽
✽ چکه بزمنده انک دغدغه غوغایی ✽
✽ نشوه یکدمه سی فکر خجاز ایله کچه ✽

- * اوله هر بر قدحی ملترم رسوایی *
- * دیدیکم اول می شوق افکن عالمدرکیم *
- * قطره سی زنده ایدر کوسکتوری دنیایی *
- * کوستر لذت شیرینی می فردوسی *
- * اکدیرر نکمت خوشبویی دم عیسایی *
- * یعنی صهبای بشارتکه مباحیتنی *
- * کسه انکار ایده من اوله مکر سودایی *
- * شمه نکمتی صحن حرم بطحاده *
- * ایتدی خیازه کشان صوفی حلواخایی *
- * منت الله که ایردک بوزمان طربه *
- * شکر مولایه که کوردک بودم زیبایی *
- * بارک الله زهی موسم عیش ابدی *
- * لوحش الله خوشاوقت قدح پیمایی *
- * بودر اولد مکه ایدوب اهل دل آهنگ سماع *
- * فرش هفت توی جهان اوره پشت و پایی *
- * نیجه رقص ایتیه یوز شوقله عالمکه قضا *
- * بر اصول ایتده هر نغمه روح افزایی *
- * نیجه حمد ایتیه یک جانبله اشیا که فلک *
- * ایتدی ترتیب ضیافت کتوری دنیایی *
- * بلش اولسون جکرین چالک ایدرین بی پروا *
- * کیمکه شمدنکرو دیرسه فلکه هر جایی *
- * نیجه هر جایی دینورا کا که برو فوق مراد *
- * ویردی کام دل یاران هنر پیمایی *
- * ویردی پروتق نو خاتقه دنیایه *
- * شیخ الاسلام ایدوب اول فاضل بهمتایی *
- * سرف نجم هدی نیر اوج تقوی *
- * واضع الاصل عطا علت جانبخشایی *

- ✽ موشکاف دل تدقیق کر مکار شفیق ✽
- ✽ سیرت لهجه تحقیق اژ دانایی ✽
- ✽ قوه بازوی دین باصره عین یقین ✽
- ✽ رونق روی زمین مایه دین پیرایی ✽
- ✽ معنی نقطه جان صورت شخص احسان ✽
- ✽ نکته نظم جهان نسخه روشن رایی ✽
- ✽ وارث جاه و رتب مفتی پاکیزه نسب ✽
- ✽ ککه وراثتله سمدرا کا ملایی ✽
- ✽ والدی اولدی سمی ز کرای نبی ✽
- ✽ کندی فاز اولوب عز علم بحیایی ✽
- ✽ اول کریم ابن کریم افضل افضل زاده ✽
- ✽ جد بجد ایلدی احیا اثر آبایی ✽
- ✽ ذاتیه جمع بحرین دیسم ارزانی ✽
- ✽ انده فتوا ایله جمع ایتدی خدا تقوایی ✽
- ✽ اولور اولز که ایدر سطر جوابه تحریر ✽
- ✽ صانعه بیهوده ایدر خامه سی اول املائی ✽
- ✽ دهن پالکی کبی طور مه لسان قلمی ✽
- ✽ نفی واثباتله تو حیده درمولایی ✽
- ✽ طور ظاهرده قلان زاهد خر تأویلن ✽
- ✽ بلیوب بندن ایدر سه اکر استقصایی ✽
- ✽ بلزین بن ال اوزاتد قجه کتابه اول ایدر ✽
- ✽ قوت فضل ایله حل نکته یا بحیایی ✽
- ✽ بنده پرور سنده سرور عالیقدرا ✽
- ✽ ای که فرمانکه رام ایتدی خدا دنیایی ✽
- ✽ زخصت اولور سه اکر طبع کر مکار کدن ✽
- ✽ حضرته یدلدیره یم داعیه شکوایی ✽
- ✽ حق یلور فرقت خالک دراجلا لکدن ✽

- * ديه مم هر رتبه سوز دل شيدايي *
- * كوزلم قان آقيدر محتله آكدجه *
- * شرف خدمت درگاه بهشت آسايي *
- * خسته درد و غم قدرته رفتار اولسه *
- * كل ايدنك قتي آسان ايدى خاكياي *
- * اياغم دوزباصه بلسم بريچك دنياه *
- * كوستر دم روش بند كي برجا ي *
- * يوزم اولسه سوره جاك خاك عبودينه *
- * بن بيلوردم نيجه اولوردر كهه جبهه سايي *
- * و برمه مرده اقبالك اكر طبعه نشاط *
- * غم ايدر دى بنى آزده صدر سواي *
- * حمد لله بو پياميله بولوب تازه حيات *
- * بنده كوستردى فلاك معجزه عيساي *
- * اكلا رين بردخى پامال ايده من دهر دني *
- * عرشه اير كوردى كوكل تارك فرقد ساي *
- * اله من جيب تحمل شوقدر بخت كريم *
- * ويردى نقد فرح بحد لا يحصاي *
- * يو قدرر تهنيت حضرته استعدادم *
- * بيلورين پست دل رتبه پرسودايي *
- * هيچ بو صورته بو گفتار شتر كربه ايله *
- * نيجه وصف ايدن اول فاضل روشن راي *
- * درنثار اولور ايدم مجلسيان خاصه *
- * اليمه ويرسه خدا مر سله حوراي *
- * سوزيرينه كهر عدنى نثار ايله رك *
- * تهنيه قيلسم او مخدوم ملك سيماي *
- * نيجه مخدوم شه تختكه علم و هنر *
- * كه مسلم اكاياراي فنون آراي *

- ✽ هنر آموخته خاص خداوند کریم ✽
- ✽ تربیت کرده مخصوص درملایی ✽
- ✽ اول علی نام و علی سیرت و عالی کوکب ✽
- ✽ که ثنا کستر ایدندی ملاء اعلائی ✽
- ✽ مخلصی دیمزایدی اوله رضای استاد ✽
- ✽ کورمه طور کریمندن اگر ارضایی ✽
- ✽ ایکی الما کی سر پنجه ادر اکنده ✽
- ✽ دستخوش ایتسه روا شعر ترو انشایی ✽
- ✽ اولدی مداحی او محبوب قلوبك عالم ✽
- ✽ بکا مخصوص اوله صمك قلم اطرائی ✽
- ✽ نکته سنجانوله اطناب ایله تصدیع ایتسم ✽
- ✽ نیلین ضبط ایده مم خامه بی پروایی ✽
- ✽ مست شوق نوله کر خاط کلام ایلر ایتسم ✽
- ✽ باده کستاخ ایدر البته دل شیدایی ✽
- ✽ بری مقطعه ایکن کور پنجه کستاخانه ✽
- ✽ مخصلم جلووه که ایتکده صف بالایی ✽
- ✽ ز کسی کل کی باش اوزره یرایتسه یریدر ✽
- ✽ نکمت مدحله چون ایتده در بو یایی ✽
- ✽ کل دعا ایله یتربی ادبانه تصدیع ✽
- ✽ ثقلی قونیجه بریاوه و هرزه خایی ✽
- ✽ نته کیم ساقی قدرت ایده بو مجلسده ✽
- ✽ باده لطفله کردان قدح مینایی ✽
- ✽ در میان اوله سماع کر مک صبح و مسا ✽
- ✽ پیدریغ ایده خدا مائده نعمایی ✽
- ✽ یوز سوروب در که که جله ارباب هنر ✽
- ✽ سجده گاه ایلید اول بار که اعلائی ✽
- ✽ عزتک کور مکه اوله احبا مسرور ✽

✽ محنت رشك و حسد ایدہ هلاك اعدای ✽

✽ ویرہ اول رتبہ بہ ہموارہ وجودك رونق ✽

✽ ایدہ اخیار شحات قلمك دنیای ✽

(حقا کہ) بوقدر سرور بدیہی الظہور کہ پرتواند از مرایای صدور و تاب افکن
حجرات طاق بر طاق ادراك و شعور کافہٗ جہور ایدی بوجہلہ جان و جہان
جہانیانہ روشنائی بخش بہجت و جہور اولسی اول آفتاب جلی شمشعہٗ سماحتك
جمال باہر الاجلال حالی افق تابدار جاہ رفعت پناہ شیخ الاسلامیدن عرض
دیدار ساطع النور ایتسیلہ جلوہ کر منصہٗ ظہور و صدور اولمشدر

✽ بیت ✽

✽ بواند ساطی و برمدی سکان عالم ✽

✽ الا کہ بمن دولت مفتی کاردان ✽

(نثر) جبذا دولت عظمای عالم و آدم کہ خامہٗ حل مشکلات ملل و امم اول معلا
جناب نجستہ قدمك کف کریم عطای کہر پاشنہ مسلم و خلعت مذهب
مذهب کریبان و مطلی دامن حضرت امام اعظم اول یکانہٗ عرب و عجم
و حلال عویصات علوم و حکم حضرت تلمینك نسج زرین ناردفہ قلم نجستہ
رقی ایلہ مطرز و معلمدر

✽ بیت ✽

✽ بولور سہ شمدی بولور انعدام ظلمی زمان ✽

✽ کورر سہ شمدی کورر التفات عدلی زمین ✽

(نثر) حقا کہ بوآیین دادودہشہ ترتیب و نظام و یریلہ لی نہ سلم تختکاه صدارت
بومقولہ محق عادلک وجودیلہ مشرف ونہ مسامع فلاک بومقولہ نك قرطہٗ وصف
جہلی ایلہ مشنف اولمشدر نہ بورسمہ قدر شناس مستحق پرور دنیایہ کلمش نہ کلور
نہ بویوزدن عدل و داد صاحبی اولمش ونہ اولور (ع) قدرین بیلور سہ معرفتک
ینہ اول بیلور (نثر) آمدم بمنحن فیہ بویکفیت کلوب اول نفایس صہبای
کامراتی ایلہ دماغ مختل الامانی تحیر سراپای دیار معرفتہ و اندیشہ سیر و تماشای
زوایای اقالیم بلاغتہ مشعوف اولوب دفتر و دیوان شعر و انشای عاشقانہ میانہ
و صحایف الواح اثار بلغای دور قدیم و فصحای زمانہ میدانہ کلوب پیار و سیردخی

لازمه بزم نذله رزله کار پروران سفلانهاد در دیوب اول نفایس شکر امیر معارف
 زیب زرینه خوان مصاحبت ایکن کندی شوره زمین خاطر فاطر سقامت
 زادمند سرزده اولان میوه خام ناخوشکوار آثار بی عزه و بقله الحقای سبززار
 متفکره که زیب سباط قیل وقال همزه لزه در شکسته سغال تعبیر پرتقصیرایله
 در میان ایدوب اظهار خاصه قباحث نافهمی روستایانه موجبیه آروغ
 فرمای مجلسیان وتلوث رسان خوان اخوان اولدم نه حال ایسه اول بارگاه
 معلابیان فضائله شه منسوبیت برکاتیه فضاحت قرین تسامح وعفو وقباحتم
 رهین تغافل ومحو اولوب متاع ناچیز آثارمه بعضار برای خاطر میلان صوری
 نمایان ایتکله مهازله ستم ظریفانی جدمزاح آلوده حل ایدوب اغترار التفات
 یاران ایله مقدا موضوع دست تعبیر اولان نوباوه باغ طبیعت جمله یکان یکان
 نموده پیشگاه احباب اولدقده بعض حق شناسان صاف سینده ونیک سکالان
 پاک آینه جیب انصاف لرنده موجود اولان نقود رایج العیار آفرینی بذل و ایشارده
 بی اختیار اولوب کف مداهنه ایله جواهر تحسین بی نهایی تشار قیلدیلر
 بر مقتضای قاعده (الکلام بحر الکلام) میدان مدعای سابق الوصفه عطف
 زمام اولوب دیرینه مراد خاطر امنیه خواه اولان ترتیب حکایات مشاق
 کتب ضعیف التركیب وعاشقان ملامتکش فلاکت نصیبك صورت پذیر تحریر
 اولسی موضوع طبق استشاره اولیحق احباب ستوده جناب (طوبی لهم وحسن مأب)
 مسئله استجازیه صورت استصوابده سوق جواب ایدوب خصوصاً خبر خیر
 حیات بخش عز و اقبال خداوند فتوی پناه کریم الحصال عظیم المثال ایله جسم
 وجانه بورسمه نشاط و انبساط و یروب بووجهله نشوه دار ابتهاج ایکن شکر
 کزاری نعمت غیر مترقبه ایچون نسج زر دوزنادره باف اولان طرف اقصیه
 کرانهایی پیشکش مسامع یاران ایتماک داخل دائرة انصاف اولورمی دیوب
 فقیر خا کنهادی بووجه وجیه ایله الزام و بونیت مستحسن الحصولك نهانخانه
 قولدن جلوه گاه فعله بروزی باینده قرع باب استعجال وسد منافذ توانی واهمال
 ایدوب ترویج تشار ایچون بذل ماملک اقدام ور جای تاملرین ایصال مرتبه
 ابرام محصل المرام ایتدیلر بهانه جوی تشویق اولدیغم جهتدن فی الحال ادوات
 تحریر یعنی دوات بسته دهان وخامه دلکش صریره پنجه زن اهتمام اولوب

ادعای سابق الذکر اوزره بلا کشان عشق هوش کداز طاقت فرسادن
 صدور ایدن حالات غریبه انکیرک بطریق التسامع او علی وجه المعاینه قرین
 رتبه تحقیق ورهین درجه تصدیق اولنلرین بو طرز یاران پسند اوزره ثبت صحایف
 ترتیب ایدوب (مشاق العشاق) نامیله تسمیه روا کورلدی هر چند بوقطرات
 کوثر اثر الفاظ معانی نادر برابر شکسته سفال طبع فقیر در بدر رهین الکدردن
 ترشح ایتکله دامن چارو بکشان حریم ارم نظیر خاطر عاطر دریامتقا طر نظر
 اندازی غبار استنکافدن وقایه ایچون خاک پاک عنبرناک ساحه فهم
 وادراک رین تر ساخته قلیق سعادتنه لایق دکدر لکن امیدوار لطف خدایم که
 باری پایه پست عوام پسندیدن بیوایه اولیوب باشد که شرمه ساده
 لوحان فرومایه دن برینک بوستان دروونه طراوت بخش مداهنه اولق خدمته
 مستعد اولوب کل خوشبوی تحسین صوری شکفته لکنه باعث وپادی ضروری
 اوله آمین بحق الکتاب المبین

❖ بیت ❖

❖ این نامه سزای آفرین باد ❖ ❖ ان شالله اینچنین باد ❖

اگر بعض ریایشکان ظاهر پرستک که

❖ بیت ❖

❖ هر که درو چاشنی سوز نیست ❖ ❖ مظهر اسرار دل افروز نیست ❖

(نثر) مدعا سینه ماصد قدر که رسیده پیشخانه نظر لری اولد قدح روزنه
 حجرات هفت طبقه دیده لرینه عنا کب و رع تار و پود کش انکار اولمغله

❖ بیت ❖

❖ آن علم که در مدرسه حاصل کزدی ❖

❖ کارد کرسیت، و عشق گارد کرسیت ❖

(نثر) رموزنی ادر اکه مانع قوی اولق توهمی حدشه اضطراب ویر مسه
 سرب سامان فلاکت مدارمدن کذران ایدن ماجرای تعلق وابتلا بیان که
 قضیه فرهاد و شیرین اگا نسبت فسانه و سرگذشت مجنون و لیلی آنک یاننده
 کلخن دوزخ مقابله سنده کمتر زبانه در سار و قایع بیگانگانه تقدیم ایدوب ضحک
 مسلسل و قهقهه پیدر پی ایله گروه مستمعینی نفوه حیرانی ایتک جائزایدی

✽ بیت ✽

✽ آنکه در راه عشق من دیدم ✽ نشنیده است در زمانه کسی ✽

✽ بیت ✽

(نثر) امانه چاره

✽ طی کرده شبهه مجازم ✽ الله بیلور که پاکبازم ✽

(نثر) مدعاسن اثبات ایچون هزار باردامن پاك (لايمسه الا المطهرون) نه نشبت

ايلسم بنه اول كروه نادان روشن لازمه طبع نخوت آلودلری تكرير كلمه

(استغفر الله) ايله رو كردان استنكاف اولمقدر (ع) دارم كلمه وزهره گفتن نيست ✽

(نثر) فلهذا بيان حسب حال فقير نهاده كوشه طاق تأخير قيلنوب عهد قريب

وقوعی قرين رأى العين اولان حكاية منج الكرامه ايله بدأ اولنقى مناسب كورلدی

رثاءت هيئات وحقارت صورتى سبيله اصرار نظردن عار ايتمين ياران كرمكاران

راست كرداره عرض تنای مستندان اولنور كه (ع) هر بدنكونمايد در چشم

نیک بینان ✽ (نثر) مدلولی اوزره مسامحه زلفه قدم قلم پریشان رقم باینده اجرای

خاصه كرمه كردن ودوش محرر الحروف بی عقل وهوشه تحمیل منن بیوره لر كه

نه مقوله زانچ اكدار كونا كونده كشيده رشته تسطیر اولديغك بیانه عرض

عريض نجلد تحمل ایتسه كلفه اعتذاردن مستغنی ایدرایدی

✽ بیت ✽

✽ كره شد ست شفا بی صدر از و بدلم ✽

✽ فغانكه عرصه اظهار بر زبان تنگست ✽

✽ بو حكاية صحيح الروايه ✽

ابرار امتدن بر فاضل عالی رتبه او اخر سن وسالده بردلبر ناقد ر شناسك آشفته

مكر محبتی اولوب هر جا بلغی سبيله مشرف موت اولد قده دم واپسين ده ذكر نام

معشوق ايله تسليم روح ابتديكيدر

* بنده بیغای کلاک شکر خای * اولدی بر طرز نوده نعمه سرای *
 * یند بو طرفه قصه دلکش * ایلسون جان خلقی پر آتش *
 (نثر) ینه براحد و نه غریبه فتحقق الوقوع تحقیق ایله تصدیق یاره شنوان
 هرزه کاره شروع اولنور که تاریخ الفدن برایکی سنه مقدم سرحد ممالک رومده
 کمال فضائل و علوم ایله مجدد مایه عاشره اطلاقه ماصدق بر فرید الدهر
 استاد کل و اریدی که طنطنه کوس اشتهاری آفاقیر اولوب بشیوزدن زیاده
 طلبه علم پیشگاهنده زانورده تعلم و استفاده ایدی الحاله هذه اول اطراف واتحاده
 نما بخشنده مزارع قابلیات انام اولان رشحات مایه الافاده علم و هنر اول یکانه دهرک
 منبع طبع تام الافاده سندن مترشح اولان قطرات فنون معتبره جمیل الاثر ایدوکی
 مقرر در بومر تبه احیاء علومده بذل تامل مشاهده ایدن طرح اندازان اساس
 خیر اتدن بعض کبار * کندویه مشروطه مدارس و بقاع بنا ایدوب شرف بخش دیار
 اولشار در کندی محضا کسب علومه از دیار غبت ایچون تلامذه سنه برمر تبه بذل
 نقود رعایت ایدردیکه لازم مجلسه هنوز ابتدا مقدمات علوم ایدن کپایکان
 طلبه ایچون راه یکماهیه پیاده روان اولور ایدی انجام مرام تلامذه باینده
 درمیان ابتدکی همت بلند شوریده پسندی بوشیوه دن منفهم اوله که
 ایام تعطیلات برنده جمیع طلبه سیله تفرجگاهده ایکن گوشه نشین صف اتعالده
 اولان فرومایکان تلامذه دن بری لوله چشم جیچون مثالندن اساله خون
 دموع ایدب نوحه کران شیونکش رسمنده آوازه فریادنی پیوسته قبه چرخ دیر
 بنیاد ایدوب زمزمه آه و انین ایله طنین انداز مقعر سقف سمای بیستون
 و عماد اولدقده حضرت استاد که بالانشین صدر مجلس ایدی صورت حال
 داسوخته اشک ریزه نکه انداز ترجم اولوب پرشش اسباب انفعال و استکشاف
 داعیه ملال سیاقنده مولانا هر اد خاطرک وساطت بنی آدم له جلوه کر حصول
 اولور اموردن ایسه البته بیان ایله که صورت پذیر وقوع اولسی بنم عهدمه
 منوط اوله دیو تکریر ابرام ایلدی حریف اندوه الیف انین وزاری و مجلت
 شرمساری ایله الم دل محترده سن بیان و تقریر به اغاز ایدوب فلان کبر میفروشک
 آغوش ازدواجندن حاصل نکار پاره کننده کسک نیجه زماندر که جرعه
 کش عشق و و لاسی و پیمانه کش درد و بلاسی یم (ع) نه صبر در دل عاشق نه

آب در غریب * (نثر) مضمونیه بسط جواب سؤال ایدیچک فی الحال جناب استاد شاگرد نواز سبک پایان طلبه دن بر نیچه شجاعت پیشه سر باز پر خاش طرازنده استصحاب ایدوب کر مر و باده فروشانی اولوب دق باب نکر ایتدیله اول فاجره دخی میکسار ان معهوددن بعض شراب ایچون کلمشردر اعتقادی ایله دروازه یه چیقوب حضرت قدوة العلماء دست مبارکنده اولان عصای اژدرهایگری ایله اول قجه بی ننگ و عاری اوکنه قنوب علی الفور بز مکاه شاگردانه احضار و پیش زانوی عاشقده بر مقدار مکث و قرارینه رخصتد نصکره یه اودمده عرض و وقاری دریده اولمدن بی هجته تقرب کارخانه یه تسلیم ایدوب کندی حرقه عرض و دستار ناموسنی پنجه ابتدال ایله چاککالک ایتکی اختیار ایتشدر (آمدیم بمانحن فیه) افاده پناه مومی ایله پنجاه سالدن متجاوز طلبه علومه سبق آموز فنون ایتکله بر عزیز جلیل الاعتبار ایدیکه اول قلمروک صغار و کباری نصاب فضیلت لایحصاصنه معتقد اولمغله نام نامیسی یاد اولندقدده اعظم قبائلی رعشه الحذر طوتوب هیچکسده خلاف فرموده سنه جواز احتمالی مسدود ایدی اتفاق آخر عمرنده (ع) رفت بیرون ز کفش حالت پنجه ساله * (نثر) ابراهیم دلکش نامنده بر آدمی زاده پری وشه دلدادده اولوب الی التمش سنه دنبرو قلوب عامه و خاصه ده جایکسر اولان رفع و قبولی تاراج کرده یغما کر تنفر و استنکاف اولدی اوچ درت سنه دنبرو بو آتش جگر کداز ایله جسم و جانی کباب اولوب بو مدت پر محنتده حضرت استاد تقوی پناه دن روزمره بو گونه هفوه عجیبه و برنوعه زله غریبه ظهور ایدردیکه تفصیل تحقیقه اوراق هفت آسمان تحمل دکلدرد (الحاصل) ظهور کوکبه صباحدن طلوع طلیعه ظلامه دک جدارد کاننده قرار ایدوب یته ابتداء شامدن انتشار بیاض فجره دک پاسبان چارسوی کوی جانان اولوب کعبه وار پیرامن بیت ابراهیمی طواف ایدوب منظومه

* بیت *

* در دلم شد مقام یار مقیم * صار قلبی مقام ابراهیم *
(نثر) تمام موافق حال محنت مالی ایدی اما جوان سفله نهادر و ستایی نژاد که رزیده کفشگری ایله کار و کسبه مشغول اولوب لبان لعین فامی همیشه آلوده لوث

ادیم پاره‌های ناپاک ابدی بر مقتضای (کل اناء یترشح بما فیه) اظهار و سخن کر به
بیوفاییده تقاضای رزالت شانی و ندالت حسب و نسبی در کار اولمغله قدر عاشق
ستوده جناب حقیقت نصابی فهم واذ عانده مقتضای حیثیت طینتنه تبعیت
ایدوب هر کون بر کونه جفا کاری ایله آزار خاطر نکار عاشق زاری واجبه ذمت
وانواع جور واهانتی طبع دنائت شعارینه فرض و سنت بلش ایدی

✽ نظم ✽

✽ در کیش مقیدان وفا باشد فرض ✽ ✽ در شیوه دلبران جفا باشد فرض ✽
✽ ما اهل محبتیم در مذهب ما ✽ ✽ سنت باشد غم و بلا باشد فرض ✽
(نثر) بیچاره عاشق ستوده سیرتک مبذول راه جاتان اولوب (صاحب العشیره
والعقبلة الحی) اولمغله بر قاعده احسانه استعدادی مقرر ایکن بو قدر زمان
هرزه خایانه نثار ایتدیکی تحف نقود بحد و شمار ایله اکتفایه جوان شعبی الاوصافک
حوصله حرص و آزی نامساعد اولوب

✽ بیت ✽

✽ گفت فکر سیم وزر کن زانکه ای عالی پدر ✽

✽ مقصدت حاصل نکر دبی نثار سیم وزر ✽

(نثر) و بالاخره علت ذمیه مجعولیت بحرانی ایله حرارت حکه باطنه دن بر کجه
بستراتفاقدده همپهلو اولوب ترك دیاره کر بند میثاق اولورلو و بیچاره عاشق زاری
بیوجه و سبب محنت فراقده قیوب تنهاجه ضلال وصال حکمک و یررک نهانی
کشت اطراف دیاره روبراه اولوب کیدر صبحدم که آبستن شرور و فتن اولان
لیله حبلائی فلاکت زای بو بر جنین مستوجب الانین خبر و خشت رهینی دایه
یرحم روز کاره وضع ایلد کده اول بابای عالم و خدایکان خاتمان حزن و الم یعنی
عاشق پر درد و غم وقوع قضیه بیوفادن آگاه اولد قده دائره شعور دن دور و مرتبه
عقل و ادراک دن محجور اولوب تعب شب فراقله نهاده بالین بیماری و آواز
حزین و اسفاله این وزاریه قرار و یروب بستر نشین مرض موت اولدیغی
تحقق بولدی

✽ نظم ✽

✽ فرایاد که دلخسته الام فراق ✽ ✽ بیداد کش محنت ایام فراق ✽

✽ بلم سحر و صله میسر می ابر شمع ✽ ✽ شمدی هله بن تیره دل شام فراق ✽

✽ اول سر خوش ناز اچمه ده اغیار ایله باده ✽

✽ بن غصه ایله جرعه چشم جام فراق ✽

(نثر) شاگردان حقیقت آموز چون مقاله جگر سوز آتش افروزی کوش ایتدیلر

هر برینک خون حتی جوش ایتدیکله کمر غیرتی درمیان وتیغ همتی حائل

آسار دوش ایدوب تفقد اطراف کذرگاه

✽ بیت ✽

✽ شولقدر آره بی بن شاهد مقصودیمیکیم ✽

✽ جس سجوده طلبم رخشنه میدان دوکنه ✽

(نثر) سمت سمت و جانب و جانب ره پیمای شارع اقدام اولدیار تا استانبوله وارنجه

اقطار و انجایی و تمامی روی زمینی تک و پو و طرف طرف اجرای هر اسم جست

و جوا ایتدیلر بوا ثناده ره نوردان خبر پزوهک زمان ایانه دک عاشق خانه خراب

بالکلیه تناول مایته خالدن کف نفس ایدوب ولود فعه جنس ما کول و مشروب

رایحه سیله ضیافت شامیه اقتداری اولدی بومدته یار هر جایی نهادک تصور

سیب ذقنی ایله تغدی و تخیل و جام لعلیه دفع عطش ضروری قیلوب

احتمالی محال رجعتی ایله تسلیه بخش خاطر فائر ایکن جویندکان نام و نشان

جوان اولان ره نوردان یکان یکان خبر حرمان ایله رجعت قیلوب حضور عاشقده

تقریر بر پیام یأس ایتد کلرنده استاد خسته حالکه بستر نشین درد و ملال و آزرده

حزن و انفعال ایدی خبر جانکاه قنوطی استماع ایدیجک کانون درون پر خونندن

بردود آه سیاه پیدا اولوب ظلمت انداز قبه افلاک و تیره ساز آینه مهر و ماه اولدی

پس انگاه دهر ظلوم مظلوم مکشه وداع و یاران و احبابندن انقطاعه قرار و یروب

عروق و اعصاب تحملی کسسته و محسم و اعضای هزال زده سی بند بر بند

بر بردن منقسم اولوب پنج روزه قالدیکه علایم ردیة منیه و دنیای دینه دن

امارات قطع امنیه حالاتی آشکار اولدی بعض اخبار صحیح المقالدن کوشزد

راقم الحروف در که حالت نزعده سر بالینده مشغول ایدم کلبرک خزانزده زبانی

باد سموم احتضار ایلہ آہستہ آہستہ حرکت ابتدی کن حس ایدوب آیانه کلمہ
شریفہ تفوہ ایدراولہ دیو طرف ناطقہ سنہ توجیہ سامعہ قیادم اول دم واپسینده
آہ دلکش کلامک تکریر ایدوب بوندن غیری تعیر رسیدہ سمع فقیر اولمدی
واول آندہ کلقد نام محبوب ایلہ حلوا المذاق ایکن چاشنیکیہ مرک اذاقہ
مرارت تسلیم تقدینہ حیات ابتدی تجاوزاللہ عن سیئاتہ

✽ قطعه ✽

✽ بہین راتبہ عشق نقد ہجرا نست ✽

✽ مکینہ وارد جاهش نثار صد جانست ✽

✽ شہید عشق نسوزد ز تابش دوزخ ✽

✽ کہ دوزخش دگرست و ہمیشہ سوزانست ✽

✽ عصر دیرین و ایام پیشینده ✽

دارالعجایب ستانبول محمیدالجوانب دلربالزندن فردی مخلص یکپیری فرقہ سنہ
ملحق و مختص بر محبوب شہر آشوبک عاشق کشایکی حکایہ سیدالعهدة
علی الراوی

✽ ایلہ ایا کلک ستوده سیر ✽ ✽ ینہ بیان اثر شور و شر ✽
✽ خنجر ازار ستم پیشکان ✽ ✽ نیجہ ایدر کارنی ایلہ بیان ✽
پری پیکران آدمی کشدن صدور ایدن غرائب حالات بدیہی الظهور دندر کہ

✽ بیت ✽

✽ قورقورم جنبده ده عشاق راحت بولیه ✽

✽ او کر نورسہ شیوہ خوبان استانبولی حور ✽

(نثر) کان محایب عاشق فریب اولان دریای آدمی زاد محمید قسطنطنینہ جنت
آبادده ایام سالفہ ده فردی مخلص بر یکپیری جوانی پیدا اولمشیدیکہ تاج زر بفت

بکتابشینی بر سر قیلوب اتاغه ثریا پیکرنی بالاسنه وضع ایله فرق دولتمندینه
زیب وزبور و برد کده مهر منیر آسمان نخلت و شرمساریدن قعر زمینه کبرمک
مقرر ایدی

✽ بیت ✽

✽ زردواتن طاقنوب چیفسه اوندن سحری ✽

✽ آفتاب او که مقابل کله من میدانه ✽

(نثر) اتفاق آزاده دلان بی قیددن بر ساده لوح تلاشی پیشه یادکار جوان
حور اعدار مارالذکر ک بند کند زلف هوشرباسنه گرفتار اولوب روز روشننده
سایه واردنباله روملازمی وایالیده پروانه کردار پیرامنکرد شمع منیر طلعتی اولوب
شب و روز یانندن آیرلزو کجه کوندز صحبتندن مفارق اولمز ایدی عاشق بی صبر
و قرار ک بومر تبه ده ثقلی جوانک جاننه کار ایلیوب دفع ضرر عین الکمال
ملاحظه سیله حریفک ایکی چشم جهان بینندن گوشه ییک آویز خونریزیه
محلندن اخراج ایله کدر نظر بازی ضرر رساندن خلاص اولدم قیاس
ایلدی حریف کستاخ روشک قوه باصره سی مزداد اولوب بوکره جمال
جانانی نشانگاه تیر نکار ایدوب همواره نظر پیدر پینی حواله روی زیبای جوان
ماه پیکر ایدر اولدی اما طرف یارکان ابرودن تبرجفای جانکاهد نغیری نیم نظره
التفات مظهر اولیوب

✽ بیت ✽

✽ خواهمکه جوب تیرشوم تاو کاه کاه ✽

✽ بر حال من بکوشه چشمی کنی نگاه ✽

(نثر) تضرع نگاه متغافله جانان ایله همواره آه و واه ایدوب هر چند یار پری
چهره جانب عاشقه سنک انداز نفرین عتاب اولسه تحفه دلر بادر دیوب کل کبی او پر
باشنه قوردی وهر جفاسنی بیک جهان وفادن مر جمح کورر ایدی عاقبت دلبر
خونی نگاه مهر کسل اول دردمند روسیاه و لایعقلک بومر تبه ده جور و اذاده
تحملی اولوب جفا کورد کجه جاده وفاده پا بر جالفن مشاهده ایتمکله روی حالنه
سلی زن التفات اولغی لازمه ناز جوانی بیلدی بالاضطرار اطراد و اتحاد قرار
و بروب سکون و حر کتده کندویه رفیق و همزانو قیادی و یکدیگر دن و لوحظه

مفارقت کو ستر میوب عاشق بینوا حضور دلر باده وفق هر اداوزره منزله تقرب
بولندی اما دماغ بیچاره غایبه سودای عشق ایله براوز که ما یخوایای جنون
افزا استیلا ایتدی که خلال مصاحبته بی مناسبت بوتکلیف خام ایله تکدیر
ضمیر جانان ایدوب البتہ عزیز باشک ایچون کبش وجودیمی کندی دست
مبارک کله قربان ایله که آخر دمه جال که نکران تسلیم جان ایلیم شو یله که
بو عید سعیده ایرمز ایسدم محقق بیله سنکه بن چا کرک کستاخانه وجود ناز
پروردیکه آفت رسان اهلک اولورم

✽ بیت ✽

✽ از قتل من مترسکه دیوان حشر ✽ مجرم کند بهر تو صد داد خواهر ✽
(نثر) الحاصل یا کندک ارتکاب زحمت ایدوب بنی اولدر یا مقرر بن سنی اولدوره بن
دیوب گاه و بیکاه بورسمه الحاح بی مزه دن خالی اولمزدی بوتکلیف خام عاشق
مشرب صافی جانانه غایتده ناموافق کلوب بووضع ناهموارندن همواره دامن
طبیعتی مغبر و آینه سنیه بیکینه سی ژنک بسته و مکدر اولور ایدی وهذیان
بی معانی به حمل ایدوب دلخواه بی مناسبت حکیم و یرمکه مساعده کو ستر مز ایدی
اولقدر که جنساب دلبر سینه صافی بو ابرام نامو جهدن روگردان استنکاف
اولوب هی سقیه بی ادراک هرگز بنیدن مراد خاطر یکه مخالفت و خلاف
مقصودک بر حرکت توجیه ارادت صدور ایتیموب رضای طبعکه منافی بر وضع
ایتمدم وشاهراه وفاقی قیوب کر یوه شقاقه کتدم بو مقوله تکلیف سخیف
واقدام فضاحت انجامه سبب و کلشن عیش و طرب بی ترک ایدوب داعیه میلان
رنج و تعب ندر دیوب مدافعه ثقلت نادر برابره بذل همت ایدرایدی قطعاً
مفید اولیوب بیچاره عاشق وضع ناهموار سابقده اصرار ایدوب همانکه
فرجه مقال و فرصت عرض حال بوله کلام ثقلت آمیز مذ کوری مقدمات
ایمان ایله تأکید ایدرایدی مؤلف تذکره الشعراء پسندیده مفهوم جنت مکان
عاشق افندی المرحوم تحقیق روایت ایدر که بر کون اول حیران اسرار عاشق
جانان و کتان آماده ماه تابان جنساب دلبر نامهربان مدرس کوی جانبلرین
تفرج و سیرانه کیده لم دیو الحاح و ابرام ایدوب اولدخی انجاس مرام ایله
شفقتنا اولوب جایکه معهوده روان اولدقلرنده جوان مذ کور حکایتی اوزره

اول کون درد مند سینه فکار بیاض جامه و پاک عمامه کیوب رهگذارده دوچار
اولدیغی آشنا ویکانهیه بو کون بیرامدر دیوب سرور وافر و نشاط ظاهر ایله
ایات و اشعار عاشقانه برله مناسب حال ترانه کتان و سرور کو یان آهسته آهسته
کلهکشت و تماشای صحرا و دشت ایدرک محل معهوده وصول بولدق امامدعای
طلب هلاکی هرگز لساندن کتیبوب خلال مصاحبتده مقال و خشت انکیز
مقاله پی تکریرندن خالی اولیوب لیکن کثرت اعتبار ایله (ع) هرزه کویدلطیفه
پندارد (نثر) و فقیحه مقالات خلعت پوش التفات اولمغله ناچسبان اولق
حکمک و یرمکه تقید ایتدم ینه معتادی اوزره آغاز هرزه کاری ایدر دیو تصام
وروا کورم مکر برجانیده شب دیجور فراقه بکرز بر غارتنک و تاردن خبردار ایش
درون غار تاریکک تماشا سک مراد ایدوب سوق د خول ایلدی همانکه
اتفاقا درون غاره وضع قدم ایتدک طرف مدخلکاهی وجودی ایله سد ایدوب
حاضر و مهیا برنده بر خنجر سرتیز سینه شکافی وارا ایش فوری دره یان اولوب

✽ بیت ✽

✽ دولت اگر مدد کندد امنش آورم بکف ✽

✽ کر بکشم زهی طرب و ربکشد زهی شرف ✽

(نثر) ای یار جانانم و مراد بخش درونم دیرینه تمنای دل و جان شهیدایه
فائز اوله جق بر روز فیروز فرخ نوید بو یوم عید سعیدر که پیشگاهده قربان اولمغه
سزاوار اولوب سنک کی شهسوار میدان رخساران الندن شهید اولق سعادتنه
نائل اولورین (ع) غازی چو تویی رواست کافر بودن (نثر) لله تعالی کار حیاتی
بوکار دسر تیره تفویض ایدوب بو کردن رضایی دست قضایه تسلیم ایدن
پابسته رستبازان تحملی ذبح و بسمله اهمال و تفصیر ایله که فردایه تأخیر ایدرسک
فردای قیامتده دامنکه آویخته اولورین و بالجمله تأخیرده آفت تقصیرده
هم ندامت مقرر در اگر بنی بو لحظه ده مراد جائمه ایصال ایدوب کل جالنه
نگاه ایدرک تسلیم روح ایدرسم قائم حلال اولسون شویله که مقدار ثقلت
حدقه تسامح ایده سن بی توقف بن سنی عرضه تیغ تلف ایدوب هر تکب و پال
اولورین بلا اعمال بودعوایه همان بو آنده فیصل و یرمک کر کدر دیوب
النده اولان سکین زهره خراشی سینه مه حواله قیلدی کوردمکه رفع حائلده
مسامحه ایدرسم امر هلاکده بر طرف ساز تر حدر

✽ بیت ✽

✽ قتلش بچار مذهب واجب چو قتل افعی ✽

✽ دفعش بچار ملت لازم چو دفع سائل ✽

(نثر) دیوب کندی بچا غیله نامرادی ذبح ایلم جماله نگاه ایدرک تسلیم
کنجینه روح ایدب خلعت کلرک شهادتی دریده قیابوب جاوه گاه آخرته شوق
ونشاط ایله عزم خرام ایلمدی اما بندخی بوار تکاب نامطبوع ایله ستمکش
انواع عذاب و آزرده صد گونه اضطراب اولوب بالای حاله لباس عافیت
تنک و مرارت ندامتله شربت شیرین حیات ذائقه ادراکه شرک اولمشدر
دیواظهار پشیمانی ایله صورت حاله چهره کشای قیلمشدر

✽ نظم ✽

✽ غازی زپی شهادت اندرک و پوست ✽

✽ غافل که شهید عشق عاقل ترازوست ✽

✽ خود روز قیامت این بدان کی ماند ✽

✽ این کشته دشمنست و آن کشته دوست ✽

✽ فردی سالف الوصفک ✽

طریق آخردن حکایت نا جوانمردی سیدرکه زمره دلدادگان
بی سرو سامانیدن یکپیری اغاسنک مظهر قهر پادشاهی و سر بریده
تیغ در که سلطنت پناهی اولسته باعث و بادی اولمشدر

✽ اولسه روایتیه بونوداستان ✽ ✽ واقعه سابقه عطف بیان ✽

(نثر) تاسخن سنج نکته پرداز نادره پیمای انشاطران دور بو قلمون کهنه
سالک اشبهی طرفه روشن روشن ادای عصر قدیم دیرینه ایامک طرز
موجهی مصنف تذکره المرحوم عاشق افندی فردی بیکناه آزار مر قومک
آثار ضرر و تأثیر شراره شرور مستتبع الکدری وجه آخر اوزره خانمان سوز

عاشق تیره بخت سیه روز اولدیغنی بو طرز بلاغت طراز اوزره ثبت صحایف
تحقیق ایتشدیر که جوان مذکور کمال زمان در بای و موسم حسن عالم
ارایی سنده صاحب مذاق اولان ارباب جاه و جلایده یکجیری اغالغی رتبه سیه
کامروا و نشو و جام عشق جوانان ایله آشفته دماغ وینوا پرداز بردولتمند
عالمقدار محبوب مذکور البیانه طالب و جهان پهلوان زورمند محبتیه دست
و کریبان اولوب لشکر حسن طاقت شکنیه روزان و شبان کوششهای جنک
و پیکار ایدی

✽ بیت ✽

✽ لشکر حسن اوز بسیاری ✽ ✽ هر کجا بر گذشت ویران شد ✽

(نثر) اغای مشارالیهک خدمت تعیین خدمه خاصی تقریدیه مقرب الحضرت
ندیم صاحب اختصاصی بو حکایت مضبوط المأله بو یوزدن پیرایه بخش
اولدیغنی عاشق افندی هر حوم ثبت صحایف روایت ایتشدیر که بر کیجه اغالیه تک
و تنها ماوله کاسات رحیق مصاحبت نشو و دار صفا ایکن بداء میر آخور بنه اشارت
ایلدیکه کولک طورنه دینکاه متعارف اولان بادپای صرصر تکی کندویه
و برجست رورهواری وره نور دصبارفتاری بکازیرین ایده لر هماندم سوار
اولوب ایکن بی رفیق و هوادار و بی انیس و قفادار سمت قرار کاه دلبر آهونکاهه
تبدیل هیئت ایله خرامان اولدق مکر اغا دلدار ییلور و کاهی ملازمت نهانی
ایدر ایمش سرکوی جانانه قریب اولدیغسزده کندی بر سایه دیواره التجایدوب
بکا واردق باب ایله باشد که بر تدبیر ایله اخراجنه چاره ساز اوله سن دیو امر ایلدی
بنده خی حسب الاشارة در دولتمداره واروب تحریر حلقه اقدام ایلدیم مکر پدر
اردها بیکر یا یا باشیلردن ایمش ریش سفید و رویاه سیای بطارقه بولهب سیرتدن
نور و قادیدوب دجال و ش خروج ایمش غول هر د مغرب شکننده طور عجیب
و وضع مهیب ایله نه خبر بو وقت نامناسبده دق بابه سبب ند دیو مخارج عذف ایله
رعوتدن خارج تنافر حروف تعبیرات ناهمواری بروجهله دماغ دانشده هشت
انداز خوف و بیم اولدی که از قالدی دفته روحی خزینده داران دوزخه تسلیم ایدیم
بر زمان کمر کرده ره شعور اولدقدن صکره ناطقه ده امکان افصاح مرام ملکه سنی
ادراک ایدیجک والد هر حجت شعاره بسط مقدمات نیازه آغاز ایدب احسان

بیکران کردن مخدوم مکرم جنابلرین بومحله ارساله عنایت ایلک اغا حضرتلری بالذت
ارتکاب زحمت ایدوب کلمشرو قدیم رنجه فیلسلردر چلبی حضرتلرینی دعوت ایدوب
مشرف اولق استردیدم حریف عنیف غضبان و غیر تکش استیلائی حرارت
انفعال ایله مشوش درون پر آتش اولوب بی پروا آهنگ شتوم و هرزه خانی
قیلوب بونه کلام هجنت انجامدر که سویلرسن و نه تکلیف سخیف
واقدام خامدر که ایلرسن اول اغا ایسه خنکار صاغ اولسون دست بر بالای
دست مقالی کوشن دیکز دکل ایسه دوه دن بیوک فیل مثلنی کوش ایتدیگریمی
صباح دیوانه وار دیوانه وارهین بن اغانک دست جورندن کریبانی چاکچاک
وروی زردیمی آلوده خون و خاک ایدین دیوب بر مرتبه یاکوی و ترزیق طراز
اولدیکه حوالی نشینان جمعیتگاه سینیه تفرقه انداز پریشانی اولغه ازقالدی
بالاخره تسکین لب غضبی ایچون دره دن یتش ایکی صوکتوردم و خاکپاینه رشحه
پاش تمی اولوب اغا محب کرک جناب مخدومه کم نظری و بد قصدی یوقدر
حقنده فکر ایتدیکی باشنه کلسون اول آتی بقاسندن کچورب آخرت اوغلی
ایدنمشدر ادب وارکانه و حسن واذعاننه مفتون اولوب چراغ ایدنک استر
و شمع جهاننه بال و پر صبر و سامانی سوزان ایدوب کندویه قول و فئات اوله سن
مرادایلر او جاغکز حق و پیر کز حاجی بکتاش ولی روحی ایچون ارسالنده
تأخیر ایله بنم سلطانم بوندن بیوک ثوابی قنده بولورسن انشاالله تعالی دنیاده
کوردیکک عزتدن غیری عنقریب آخرتده نلر کوررسن دیوب انواع دروغ
مصلحت آمیز ایله چرب زبانقلر ایدوب هزار کونه زاری ایله تملق و جا بلوسی
کوستردم نه حال ایسه بیک بلا ایله راضی ایدوب پسروالا کهری ارساله
مساعده نما اولدی بر مقدار گذار زمان توقفدن صکره کوردیم جوان زهره جبین
جبهه سمینی چین چین ابروانی کره بند خشم و کین خرام ناز آمیز و نگاه فتنه انگیز
ایله شرفبخش موقوفگاه اولوب لبلری دوشینه دن لعلگون و دیده لری خواب
نوشیندن آلوده خون بر طرفه جلوه عاشق کشانه ایله سرو زیننده خرام
اندامی طاوس جنت کبی جولان ایدرک آستانه بهشت آسیاه چقدی و دهان
لؤلؤ نثار کوهر فشانندن سحر جوانی ایله جواهر سخن یرینه جور و شراره
ریز عتاب اولوب ای یاهو طرازان ثقلت مأب خدادن شرم وانساندن حجاب

ایتر میسر که بو وقت نامناسبه آدمی جامه خوابدن قالدیروب مانع
حضور خواب اولور سر بویوزدن بنی آزرده اضطراب ایتکه باعث
وموجب اسباب ندر دیوب هنوز اراده خاطری اوزره اتمام جواب ایتدین
کوشمه بر صدا او یله طوقندی که خواجه افندی جوان بویله قایلور
ودیدمه دخی بویله بر خیال کورندی که شراره نعل سمنددن عالمه اودلر
صا چیلور ایدی

❖ (بیت) ❖

❖ چو کرم کشت نیارد جهید باو برق ❖

❖ چوتند شدتواند بردنشت غبار ❖

(نثر) الحال اغا وجوان دیو و پری کی کوزدن نهان اولوب بندخی لنکان لنکان
افتان رخبران دنباله دوان سرای عامره اغایه روان اولدم نهانخانه عشرتگاه
کبردم کوردم عاشق و معشوق زانو بزانو دست بدست رطل کران شوق لقائله
مست ناز و نیاز خاطر فریانه به آغاز ایتشلفقیر دخی کناره نشین سمط عیش اولوب
دایر آتشین عذار مهر فلك آغوش ظلمت شبیدن خلاص اولوب جلوه گاه
مشرقده نازایله جولان اید نجد ساغر صهبا ماه هاله دار آسا در میان اولوب
اول هنکام شبیدن نخستین صبحه دك کاسه پر شراب مانند ماهتاب ضیابخش
مجلس انس جناب اولدی (الغرض) بی کدر هوا جس تشویش
وبی ضرر و ساوس تفتیش بروجله آیین بند بزم عیش اولدیله که جان جهشید
نهانخانه لحددن خیازه کش حسددر دینسه جائز ایدی

❖ بیت ❖

❖ نه عالمده بو کونه باده عشرت کورلشدر ❖

❖ نه عشرتگاه دهر ایچره اوساغر لر سورلشدر ❖

(نثر) مکر افلك صندوق تمکنده بر تحفه کرانقدر و ذی بها مکر بندز راندود
موجود ایش که سلاطین عجمدن خزانه شاهنشاه رومه هدیه طریقیله داخل
اولوب واغلك زین طراوت کلبك جالندن ناشی جانب شاه عالمدن کندویه
عطیه رسمنده واصل اولمشیدی اول کیجه اثناء سرکرمی صهبای وصالده
اول مکر زرینی در میان ایدوب بیحجابا جوان رعنا عذاره اهدا قیلدی

فردا که جهان پهلوان فلک پالهنک سیمین ماه و کر زرنشان کهکشان می‌اندن
 جدا اولوب جوان تابنده جمال روز دخی ششعه بار خورشیدی زیور فرق
 فرقدسای ولالای سیه روی زنی نهادشامی کندویه قفادار ایلدی حلقه
 جمعیت مجلسیان باده کسار هاله مه کبی ناپاید ارومانند خیل انجم رخشنده
 تارو مارو هر پری بر کناره کیدوب آرزوی اتمام مه‌سام لازمه لرنده درکار
 اولد قده جوان آفتاب رخسار میان بند معهودی استصحاب ایدوب *
 نازکانه رفتار ایله سیر شهر و بازاره خرام ایلدی مؤکلان درگاه اولان
 خدمه عفریت پناه عصای محمد الطرفین تعرضی حاجز کذرگاه ایدوب
 ای ناخلف بیعرض و عار هزار حیف و دریغ اول لطافت جمال ورشافت
 قد و تناسب یال و باله بوش-هلو ندانه طرز ایله ارتکاب اطوار و محنتانه و اختیار
 اوضاع زنانه قیلوب بر حریف ایله نهانخانه وصالده شب تاسحر هم آغوش
 و همسر اوله سن و ایرتسی جامه خواب ارازادن حمامه کیدر فاجره بی نام
 ونک رنگنده بیا کانه خرام ایله پیشگاه همزدن کنار ایده سن ادیده خیلی هنر عرض
 ایتش دلاور سن اغامز اوله جق سفیه بینوانک عطیه سن آلوب کالای وصالکه
 بر غیری خریدار پیدا سنه کیده سن اول اول کر زرن یانکه قالور می ظن ایدر سن
 اول کر شه نشاه بحر و بر معلومی بر یاد کار معتبر در عنقریب کنجشک جانکه افعی
 هلاهلر یز پرستیز کبی مضرت رسان بلکه وجود یکی مرده و بیجان ایتکه اژدر
 بیجان آتش فشان اولور دیوب اول پری چهره بی غول بیابان کبی اهر منلر اورتایه
 آلوب هر جان بدن کلاب ذی ناب سرکوی عوعو شتوم ایله اول ماه تابانه
 حله و هجوم و دندان آزار ایله دامن خاطرین صد پاره قیلدیلر بو آتش قهر ایله
 ورد مطرای عارضی خونچکان اضطراب و نرکس خوشنمای دیده سی شبنم
 سرشک ایله کاسه پر کلاب اولوب خون اشک ریزان ایدرک فی الحال دونوب
 نشسته که انا حاضر تلرینه کادی و کر غیرتی در میان ایتکه اول میان بند بر کزیده بی
 مار کزنده کبی میانه آتدی و طبقه زبانیله بی نه‌ایه میوه خام ناخوشکوار نفرین
 نثار ایدوب محل بنم کبی نادان بی ادعانه که سنک کبی اوزباشنه حکمی نافذ کل
 معنوه نابسامانه هواخواه اولوب مجلسکه کلورین و تطیب خاطرین تکلفنه
 تحمل ایدرین آل احسانکی باشکه چال کندی مالک اولدیغی شیئی غیره

احسانك معناسی ندر و باشكه بوریق اولمیحق طور اراذلانه تقلیدایله مجلسكه
 یاران کتورمهك صفاسی ندر سكا كتهدارك واغارك مصاحب یترسن بردخی
 بزی وسائری مجلسكه دعوت و کندیکزه تحمیل زحمت ایلکزدیوب عصف تام
 ایله قصد ایلدیکه بیرون خانهیه وضع قدم اقدام ایلیه واغای بیکنه سراسیمه
 و سرکردان اولوب دردندن دیده لری طاس پرخونه وروینی خجالت کستخی
 و حجاب ایله رنگ بوقلونه دوندی حاصل کلام دیوانه وار جایگاهندن عجزایوب
 دامن جانانه صارلیدی و خاکیانه جواهر پیکران سرشك ایشار ایدوب زارزار
 اغلیدی و بهی بنم سلطان عالیشانم اول ملاعین بدآیین هرزه کارلک حکمی و یروب
 بن نامرادی کشته اضطراب ایتک انصاف واذعان پاککه دوشن اوصافیدر
 بنم خصوصیمی ییلورکن آخر خربدرای خوک نهادن فساد پیدا دیله اولیله بی
 اولدیروب قائمه کیرمه

❖ رباعی ❖

❖ ای دوست کسی بی سببی یار کشد ❖

❖ وانکه چومن یار درون دار کشد ❖

❖ تودوست مکن دشمن خود کیرمرا ❖

❖ کس دشمن خویش را چنین زار کشد ❖

(نثر) نیم لحظه توقف بیور اول بیدینلری نیجه کشته سیاست صد گونه
 ایده حکم سیر ایله کور الله تعالی بر مقدار مسند آرای قرار ایدوب تغلیب
 حدقه ایدنجه اتکای بالین حضور ایله بربر آنارک کار حیاتی حواله دشته
 جلادان تبر دست ایده بن شرابین سراینلرندن جهان اولان فواره خون
 تماشاسیله کسب سرور ایله دیو منظومه نیازی مستزاد ایتدکجه دلبر جقاپیشه
 روگردان استنکاف اولوب بحث جورآمیز نازی کتدکجه دراز ایلدی و بالجمله
 کوردککه بودرد عمتع التدیبرک علاجی امر عسیر انجق

❖ بیت ❖

❖ نباشد اگر رهبر خضر پی ❖ نکردد پیا بان اندوه طی ❖

(نثر) اب دریاده خضر نجسته پی توفیقه دوچار اولق احتمالیه جمله من دامن پاک
 جانانه صار لدق و هر بریمز همیان اقتدارنده موجود اولدیغی نفوذ نیازی نثار

خاکبانی قیلوب اول سرو سمن سیمانک ایاغنه جویبارتمنی اساله اتمکله نهال
موزون طبیعتک جانب دخواهد اماله ایدوب بشکطاش سمتده برکاستان
ارم نشانه کتدک نلافی تقصیرات گذشته ایچون برطرفه بزم شاهانه طرح
انداز اولوب تمام اوچکون اوچ کیمه صحت پیانی ونوش جام لبالب ایله
فلکدن کام المق اسبابنه مباشرت قیادق امانه چاره

✽ بیت ✽

✽ ساقی دهر بزه ساغر عشرتی ویر ✽

✽ کینه جودر فلک اهل دله رخصتمی ویر ✽

✽ نظم ✽

✽ نداری تعجب ز نیرنگ دهر ✽	✽ که آرد زیك حقه تریاكوزهر ✽
✽ چه لذت زانعام عام فلک ✽	✽ که خوان نوالش ندارد دنگ ✽
✽ خلید از کاش خار در چشم شوق ✽	✽ چکد زهر از شکرش گاه ذوق ✽
✽ فلک راست کرد باهل وفا ✽	✽ اگر حلقه کرد خط استوا ✽
✽ کراز دفترش برکشایند فال ✽	✽ برآید که ای وای براهل حال ✽

(نثر) مکر شهنه خشمکین قضا مجلس عیش وصفامن پریشان اتمکه تهیو
اسباب ایدوب مکر سحره فلکدن بیخبرویم غدر هزار آشنای جهاندن
آینه سینه من نامکدر ایکن طرف شهر ستان بولدن بداء خبر کلدیکه قول طائفه سی
اغامن ناپیدا اولغله بوندن اعلا فرصت شور و غوغا اولمز دیوب مساکن
مساکن یهود یغماسنه جرأت و هجوم ایتشار فی الجمله سرمایه عقلی ربوده
یغما کرستی اولمیان یاران عاقبت اندیش مددهای واویلا یه بشایوب بوفتنه
ناگاهکیر ✽ تخدیش مسامع جلیله خداوندان اولوب فحوص و تفتیش ایتدین
مرکز خدمتده بولمق کر کدر والا خطر قهر پادشاهی محقق کورینور
دیوب اغانک روی حالته رشحه پاش ایقاظ اولمق تدار کینه دوشدیلر اما
بروجهله گرفتار کیفیت شراب اولمش یا تور که روزگار قطرات هفت دریایی
دیده لرینه نثار ایتسه ✽ احتمال پیداری محال یاران مجلس مال حال نیه مؤدی
اولسنه انتقال ایدوب ساغر و صراخی بی مینای خاطر کبی شکست ایتدیلر
وسفره صفای برداشته و بساط عشرتی نور دیده قیلدیلر اغای عالیجناب

حضرت تیرنگ گیمی الینه و کیمی ایاغنه یایشوب عالم صوره وضع قدم احتمالیله
 گاه دریاه باتوردیلر گاه اوستنه صوق صولر دوکوب سنکلاخ اوزره یاتوردیلر
 قطعاً چاره اولیوب عالم ادراک تماشاسنه اصلاً حواس وقواسنه قدرت
 بیدار اولدی بو حالده جانب سلطنت پناهیدن بوستانجی باشی حضرتلری
 قضای آسمانی کبی ورود ایدوب پیشگاه اغاده اولاتعظیم وتوقیر تام ایله سلام
 حضرت ملاک المولی بی ابلاغ بعده پیام دعوت جناب سلطانی اسماع مراد
 ایلدی درون صخره صمابه نفس نسیم صیانه مرتبه ده تأثیر ایدر ایسه مقدمات
 مذکوره دن اغاده همان اولقدر جایگیر اولوب بالاخره کوردیلر که چاره وتدبیر
 برطرف لاشه بهایم مثالی قایغک پر گوشه سنه آتدیلر طرف سلطنتدن استعمال
 دعوت ایچون پی در پی آدم لر تعاقب ایتدیکله مساحبه امکان اولیوب
 اول هیئته حضور سلطان زمانه احضار ایتد کلرنده نار غضب
 شهنشاهی بو کره مشعل اولوب فی الحال زبانه تیغ
 سیاست دردمندک نهال وجودینی سوزان
 و خاکستر جسمی هوای فتنه پران ایلدیکی
 نکاشته عبرت امثال اولمشدر

✽ م تم م ✽

تر کسی مر حومک بیسانه کوره مقدمات برای حکومت روم ایلیده واقع
 ایلحصان قصبه سنده بولنوب بعض احبالت ابرام والاحاحیله مشاق العشاق
 قلمه آلوب مدت وافر مرورنده بش نهالی مشتمل خسته یه شروع
 ایتد کلرنده نهال ثانیده از سر نو مشاق العشاق وافر حکایاتی عینیه تحریر
 ایتدیکی کوریلوب بر بر لر یله مقابله ایتدیراد کده قالی قابله
 اولدیغی بیلنوب انجق خسته یه صکره دن همت پیورد قلرندن ناشی
 اولکیدن زیاده رونق ویرملریله نهال ثانیده اولنار
 ایله اکتفا اولنوب بوراده اولان تکرار
 حکایات رفع اولمشدر

✽ ✽

✽

قانون الرشاد

* ای خامه اگر چه ناتوانسن * ظاهر ده خوش و بیر بانسن *
 * اسناد اله کیر نجه اما * ایلر سنی عندلیب کویا *
 * اولور سن اودم ترانه پرداز * هر نغمک ایدر بیان صدر از *
 * و پرده او ترانه حالت * مانند صغیر مرغ جنت *
 * ایلر اونوای عاشقانه * نی کبی اثر صماخ جانه *
 * کل ایمی سروده قیل سر آغاز * اول بلبل طبعه هم آواز *
 * چون حمد خدا ایله ترنم * لازم ایده جمله به تقدم *
 * اول خدمته ایمی ابتدا ایت * درگاه خدایه چوق ثنایت *
 * پس تصلیه رسول وآله * اقدام ایله زیب ویر مقاله *

نثر لال بیثال *

خدایا سن اول پادشاه مستقل حکم بیچون وچرا و سلطان
 مطالع الامر نافذ القضا سنکه مضمون منشور قدرتک (یفعل الله

مايشاء) ومدلول احكام حكمتك (تؤتي الملك من تشاء) در*
فرما نفرمای بيقوقف سنكه استقلال داد ودهشده مداخله*
مستشاروزير برطرف ممالك بخشای ببتكلف سنكه مسلم دست
شهر ياران اولان معموره جهان امواج بحر قدرتك انداخته ساحل
ايتديكي پاره خرف نه ضبط وربط هجده هزار عالمده تدابير
حكماي تجربه آموزه اختياجك ونه رتق وفتق مصالح اجناس
امده اصالت واستقلال ايله غرور وابتهاجك وار* نه قانون
حكمتله هيچكسده زهره اعتراض متصور* نه مضمون
مشيتكدن امكان اعراض متيسر صحايف اسرار كاف ونون
مسطره حكمتك اوزره مسطوره چارجهت ربع مسكون دستور
عدالتكله معموره كردكارا عصاي الف ثنا كه اتكا اولنمسه
طى بوادي مدعايه كيرلر سهوا ترك اولنسه سر منزل مراده ايرلر

* نظم *

* بنامش كردم آغاز اين چه نامست *

* كزو دائم زبان من بكامست *

* زبانا اين چه كامست الله الله *

* خدا را اين چه نامست الله الله *

(نثر) پس انگاه طومار نعت رسول وحرز مدح آل بتول و تعويد

ثنای صحابه صاحب قبول نهاده كلمه كوشه همت قيلنمسه طوارق

عوايقدن روى سلامت كورلر

* شعر *

* احمد الله واهب الامال *

* دائما بالغدو والاصال *

* واصلی علی النبی الامین *

* وعلى اله هداة الدين *

(اما بعد) بوجواهر شمعشعه پاش نصايح شجر اغ خاصيت كه

هر بری تنها روزلام غفلته مشعل راه هدایت اولمغله شایسته خزانه فهم
کار که آریان جاه و دوتدر بوسمت بلغا پسند اوزره کشیده سمط سطور اولمغه
باعث بواقاویل و مباحث اولمشدر که بوازهار نکت و اطائف ایله پیرایه بخش
اطباق و صحائف اولان

✽ بیت ✽

✽ گوشه کبر ریاض فیض قدیر ✽ ✽ خادم الشرع نر کسی فقیر ✽
(نثر) پیرایه جمال استعداد اولان حلیه فیض خدا داد ترتیبه اشتغالی لازمه
قابلیت مادر زاد یللوب اوائل سن و سالدن بوحاله کلنجه نقود سعی جیل
تکمیل اسباب معارفه صرف اولمغله مراسم سخنوری به نائل خصوصاً فن
دلپذیر انشاده (خواجه جهان) کبی مرتبه تمیز و اشتها و اصل ✽ اولمشیکن
بودور مقبول الطوره منتهی اولنجه اکثر ازمنه ده سر رشته حل و عقد مناصب
علمیه دست شیرینکاران طرفه نقش دستگاه رد و قبوله دوشمکه نسج کالای
معیشت ایچون ترتیب تار و پود جاه و ماله اقتدار بر طرف اولوب

✽ بیت ✽

✽ اینست اگر مضایقه ساقیان بزم ✽

✽ بسیار آب حیرتم اندر کلو کنند ✽

(نثر) چند باره دست اندازستم پیشکان بی انصاف بوالعجب کردار ایله ادوات
انتظام حال ارباب فضل و کمال شکسته و صد پاره اولدیغی جهتدن تدارک
مابه العیش تشویشدن تخلص دل و جان امکان اولمغله ✽ اظهار قوت کامله
سخن طرازی به زمان بولنماشیدی

✽ بیت ✽

✽ کجاروم بنجارت بدین متاع کساد ✽

✽ هنر نمخرد ایام و غیر ازینم نیست ✽

(نثر) القصه آرزوی تک و پوی میدان گفت و کوی خاطر نااسوده دن اخراج
ایدوب گوشه نشینی زاویه بطالته قرار ویرلمشیدی و بر مقتضای

✽ نظم ✽

✽ کر جرم و هز مایه این بکروشیهاست ✽

✽ سو کند بچان تو که از بی هز انیم ✽

✽ از لاف هز توبه ولا حول زدانش ✽

✽ زانسانکه دلت خواهد من بعد چنانیم ✽

(نثر) اندیشه بیهال نکته سنجی و خیال خام سخن پروریدن بالضروره و سوسه اختیار فراغ رهیاب خانه دماغ اولوب

✽ نظم ✽

✽ کردم ز شراب ناب توبه ✽ از کرده ناصواب توبه ✽

(نثر) مصداق قبحه پیمانه پیمای صهبای معارف و جرعه فشانی سلافه لطافتدن احتساب باینده تابع مقتضای دهر سقله نواز اولمق واجبه همت با تمشیدی

✽ نظم ✽

✽ ز دور جور ستمکار و روز کار لئیم ✽

✽ نشسته اند بخون نکته پروران فهیم ✽

✽ زمانه سقله نواز و سپهر دون پرور ✽

✽ هزوران شده درمانده عذاب الیم ✽

(نثر) بوجمله امتداد فصل الشتاء فساد جویبار نشاط عالمیانه باعث انجماد ایکن اتفاق

(مصرع) رسید مرده که ایام غم نخواهد ماند (نثر) آثار نوبهار فیوضات کرد کار ظاهر و بیدار اولوب خورشید فضل و کرم پرورد کار برج حل توفیقدن عرض دیدار ایتمکه یعنی سعادتلی عظمتلی پادشاه همزادام الله تعالی ایام دولتد فی سماط عزته مایه السج المدهر بدکانه وعزته هزار میمنت واقبال ایله سایه انداز تختگاه اجلال و شرف بخشای زمین مجدو و افضال اولمغله عامه کائناته بلکه جاد و نباته افاضه حالت حیات واعطاء ملکه جنبش و حرکات ایلدی

✽ بیت ✽

✽ جهان بر تازہ رونق بولدی بر روح مصوره ✽

✽ عجبی تازہ نشه داستانی ماه کنعانی ✽

(نثر) نتیجه سخن اول شهریار عدل آیین سرکار نظام عالمه تعیین اتدیک
مباشران نامدار شیمه عدل و دادی پیشهاد مشرب قرین السداد لری قیلغله
وهربری رجای خالق و رضای خالق اوزره حرکتی واجبه طبع صواب آشنالری
بملکله زوایای هفت اقلیمه بروجهله روتقده انتظام و اطراف وارجای ربع
مسکونه بر طریقله طراوت افزای بهجت و صفای تام اولدیله که

✽ بیت ✽

✽ عالم او قدر فیض نشاط ایله لبالب ✽

✽ کویا که فلک جام طربخانه جدر ✽

(نثر) مقالی موافق حال و ماصدق دور فرخنده فال اولدی

✽ قطعه ✽

✽ آرام یافت در حرم امن وحش و طیر ✽

✽ آسوده کشت در کنف انس و جان ✽

✽ کردون فروکشاد کمر از میان تیغ ✽

✽ و ایام بر گرفت زه از کردن کمان ✽

(نثر) الغرض ساحة ملسای مرآت آسای دنیادن کرد محن و کروب چاروب
تقید شهر یاری ایله رفت وروب اولنمغله تماشای صور امانی و اماله نوعما
استعداد پیدا اولوب (ع) وین حال که نوکشت زمین راوز ما ترا (نثر)
مصداق قنجه طراوت جلال بیثال معشوقه هزار آشنای عالم تحریک سلسله
دمادم کادی و پای انداز موکب اجلال الهی اولق ایچون اساتیده حرفت
بلاغت نسج افشه کرانبهای تازه نقش بر اعت قیلغله بو خام دست پیشه
معرفت دخی بو فن جلیل الاعتبار ایله مناسبتن آشکار ایتک لازم کادی
هر چند

✽ بیت ✽

✽ که بن قنده ادای مدح سلطان جهان قنده ✽

✽ نیچون خدم بیابوب مهر سکوت اورم دهان اوزره ✽

(نثر) مضمونی امر مقرر ایکن (ع) سلیمان باچمان حشمت نظر ها کرد

باموش (نثر) مدلولی بسط مقدمات کستاخته خاطر فاتر پر عجز و قصوری

مقدم وجسور ایدوب علی طریق فرض المحال رسیده پیشگاه نظر پادشاه
عاجگاه باهر الاقبال اولمق احتمالیله سلاطین دور قدیدن سلطان محمد خدا بنده
ایچون تألیف اولسان رساله اخلاق السلطنه بی که نصایح ملوک و سلاطینی
متضمن * وقواعد رسوم جهان بینی ورعیت پروری بی میندر تسهیل فهم ایچون
تعبیرات خوش آینده ترکیانه ایله ترجمه یه نیت و بعض حکایات خوش طبعانه
الحاقیله پیرایه بخش صحایف واوراق اولدقد نصکره هدیه نمله مقابله سنده
برداشته بارگاه کردون اشتباه صاحبقران سلیمان مکان اسکندر توان قیامغه
عزیمت اولندی و مضمون هدایتی مودار رشد و سداد اولمغه (قانون الرشاد)
نامیله تسمیه اولمق روا کورادی اگرچه بوجاله الوقت ناموار خلال ملال
غربت اثناء بلاء ملار متده کمال عجز و توانی وغایت فتور و پریشانی ایله مشوق
کک سهو آثار ورقزده خامه سیهکار اولوب علم الله تعالی بعض مقتضیات
استیصال حسابیله تسوید و تبیضی نصف شهر دن اقلده پیوسته حصول و کمال
اولمغه تکلفات الفاظ و عبارات منشیانه و نقش و نگار نکت و کنایات سخن
پرورانه ایله آرایش و تزین تعبیراته بحال اولماشدر لکن بوجرات غیر
مستحسنه دن غرض ارادت مرتبه قوت سابقه اولیوب مراد اصلی مقدم
همایون شهر یاریدن رسیده سینه ستمکشیده اولان سرور و موفوری و دعا
دوام عروجاه پادشاه جشید اشتباهه کیفیت اشتغال بی کلال و فتوری بر تقریب ایله
عرضه داشت مسامع شریفه فرمان فرمای کارگاه دولت قیلوب برقاج نصایح
مفیده بی اسهل عباراتله ایصال کوش هوش مدیران عالی منزلت قلمغه مرتب
سازدواعی تأسیس بنیان دین و دولت اولمقدر (فلهذا) تعبیرات مشهوره ایله
اداسی مراد اولوب شکنجه اصطلاحات نامطبوعه ایله تعذیب سمع جیل
اکابر جلیل المائر روا کورلندی و بوعلت ضروریه سببیله کردن و کوش ترکیب
زیوروزیب تشبیب * و پیرایه ترصیع و تجنیس بدیع التزییدن بی نصیب اولمق
مقتضای مقامه اوفق ملاحظه اولندی امرار نظر دن استنکاف اتین اجله
اشرافدن درخواست عاجزانه اولنور که مستعد خارش کزک اعتراض اولان
اولان مواضع بی نهایته خطو خلنه پنج انگشت استهزا ایله تنزل بیور میله

بنم کی نصاب تعیندن یوایه اولان کپایه اندک مایه آثارینک بجه تحمیلی
یوقدر که نیک و بدینک حکمی و یرلک جائز اوله

✽ قطعه ✽

✽ کسی که مظهر توفیق از آسمان نبود ✽

✽ هر آن هنر که نماید بخلق نامقبول ✽

✽ شجاعتش همه دیوانگی فصاحت حشو ✽

✽ سخا کذا ف و کریمی فساد و فضل فضول ✽

(نثر) جناب و اهب الامال حقیقیدن صنوف عجز و ابتهاج ایله ماتمس کدای بیکس

و رجای فقیر بیدر سدر که بو ساخته کهر عبر قرطه کوش قبول شهر یارداد کر

معدلت اثر اولغه لایق و سزاوار اولمسه باری آویزه کردن روزگار و پیرایه

اکلیل اعتبار صغار و کبار اوله آمین بحق الکتاب المبین

✽ نظم ✽

✽ الهی این عروس حله غیب ✽ که بهر جلوه سر بر کرده از جیب ✽

✽ مقیم مجلس اقبال بادا ✽ رفیق بخت فرخ بال بادا ✽

✽ جمالش را دمادم تازه کردان ✽ کمالش را بلند آوازه کردان ✽

(نثر) هله فقیر ناتوان ککرده نشانه ماده شادمانی و مایه سرور جاودانی

بو معنی کفایت ایله که حضرت شاهنشاه سروش انتباهک فاتحه سلطنت

و صباح الخیر دولتمده نام شریف لرینه ترجمه کتاب سعادت ایله شرفیاب اولمق

اولا بو کدای بی سر پای ککرده شعوره میسرو بو نعمت عیم المواهبه جمله دن

مقدم بو فقیر کثیر التقصیر مظهر اولمائه میدان سخنوریده چوکان خامه ایله

کویر بای معنای الفضل للمتقدم اولمق مقرر اولدی (ع) منت جناب حقه دمادم

هزار بار ✽ (نثر) امید و اراطف خدایم که نام همایون لری پیرایه دیباجه کتاب

اولدیغی جتهدن


✽ بیت ✽

✽ حشره ذک آب حیات سخن باقیدر ✽


✽ اکدیروب زنده قیلان نام سلیمان خانی ✽

(نثر) فحواسی اوزره جهانداری جمید اشتها رک ذکر جمیلی همواره زیب صحایف

روزگار والی یوم القرار پیرایه ورق لیل و نهار اولمخده بهانه اوله والله الموفق والمعين
 (تنبيه) چون بوصفایف حکمت غمون عبرت مشمکون اول شهنشاه ربع مسکونک
 نام همایونه ترجمه اولنوب احتمال عز و قبوللری ایله جلوه کر معرض حصول
 اولمشدر لازمدر که اولافریضه ذمت جهانیان اولان ثنای ذات کرم شعار و دعای
 بقای وجود کامکارلری سیاقنده آثار حسنه لرندن بر مقدار بیان اولنوب
 پس انکاه (الشیء اذا ثبت ثبت باوازمه) مصداقجه صداقت اوزره خدمت
 بارگاه کردون اشتباهلرین مؤدی قیلغه آسایش عبادالله باعث اولان صنادید
 علمادن بعضنک اوصاف جیهالری ذیل صحیفه مدیحه طرازی شهریاریده مذکور
 ولالی ثناوستایشلری بعدازان کشیده رشته سطور اوله



اغاز مدیح صاحبقران عالیحضرت شاهنشاه سامی رتبت جهانیان اسکندر
 نشان سلطان مراد خان عالیشان



حالادوشیره پاکیزه عذرا عذار دنیایی کشیده آغوش تسخیر و مشت سامان فرمای
 قهرمانی ایله شهریاران روی زمینی بارگاهنده بنده واسیرایدوب امر و فرمانی قافدن
 قافه جاری و روان و عدل و احسانی جوهر جان کبی ماده بقای عالمیان اولان خلیفه
 الله اعظم جهان پناه معظم پادشاه زمین و زمان ظل الله سایمان توان جمجاه فریدون
 حشم سیاره سپاه آفتاب علم قهرمان رستم اثر جهانگیر اسکندر سیر افسر ربای
 صدا فراسیاب کمر کسل هزاریزد جردود ارباب پنجه شکن کیو و پیش زهره شکاف
 خدیوان پیلان تن مظفر محض و غالب مطاق سایه خدا و بخت حق السلطان
 بن السلطان المظفر المنصور مرادخان ابن السلطان العادل المغفور احمدخان

❖ قطعه ❖

❖ یا الهی بحق فخر جهان ❖	❖ ایله عالمده آنی پابنده ❖
❖ شهریاران دهری سرتاپا ❖	❖ ایله درگاه عزته بنده ❖

(نثر) برپادشاه عالیجاه فلک بارگاه ملک انبیا هدر که زمان کیومرث و جانشید
بلکه ابتدای گردش چرخ و ماه خورشید دن بوقته گنجینه یعنی دور آمدن
بوده منتهی او لجه ❖ بورسمه فهم و فراست ❖ و عقل و سیاست ❖
وضبط و سیاست ❖ و جرأت و جلالت و هیبت و صلابت ❖ صاحبی بر شهریار
کیومرث اشتهار تشریف سریر شاهنشاهی قیامش در و هرگز بو گونه
فرمانفرمای مستقل رأی عالمیرای اقلیم کبر و ممالک کشانک سایه انداز تختگاه
ظل اللهی اولدیغک دیده عجایب بین روزگار مشاهده ایتماشدر

❖ نظم ❖

❖ بویله شاهنشاه عالم کلامشدر عالمه ❖

❖ جمله تاریخ سلف خاطر نشانمدر بنم ❖

(نثر) شمشیر جگر شکاف خونریزی بر سر زه شیر دلیر سر تیز پنجه در که غابه قرابت
پرتاب ابتدای ساعت اولاد درنده جگر بیر بیابان اولدی و تیغ بیدریغ اندام شکن لرزه
فکنی براژدرهای مرد مرئی هفت سرمه یب پیکر در که غار غلافدن
سر بر آورده اولدیغی دم جانواران موزی خلقتدن بو گونه بر کراز بد طینت
بلکه برغول دیولقای دوسبرتی کترین طعمه حوصله دشمن آشام آتش
فشانی قیلغله سرو شورندن تخلص جان جهانیان ایلدی

❖ قطعه ❖

❖ شهر یارا سرور دشمن کشا خنجر کشا ❖

❖ ای سرافراز شهنشاهان دوران قدیم ❖

سنسین اول شیر زبان زورمند خصم کش ❖

❖ کایتدک اول جمله ده بربری قهر کله عدیم ❖

(نثر) صد (بارک الله) و هزار آفرین اول صاحبقران ملک آرای بی پروای
روی زمین و خاقان تیغزن بیرافکن بهرام رزم غضنفر کینه که ابتدا دست
کشور کبر عالم ستانه چوکان جهان ربای شمشیرین الدیغی حین ظفر رهنده
نمرود وقت و فرعون ثانی دیمکه ارزان بر کشتنی مختل الدین مشوش الیمانی
(اولا) لکد کله کوب قهر قهرمانی ایله پیشگاه دولیدن رانده اقصى الغایات
مفاوز سرکردانی قیلوب (ثانیا) کوی ناپرداخته سربى سامان ناتراشیده سن

سر میدان زندگانیدن نشیبگاه پر عقیبات نیرانه غلطان ایدوب اول نمودار خربزه
بوجهل اولان کله بی دولتی دستخوش اطفال ابالسه اولق ایچون بر لعلبله
انداخته جمعیتگاه دوزخیان شیطان قلدی

✽ بیت ✽

✽ بحمد الله شرف بولدی ینه ملک سلیمانی ✽

✽ فلک خاکله یکسان ایلدی بر دیونادانی ✽

(نثر) اول جهانیان مظفر کردون شکوه اسکندر ظفر حضرتلرینک ایام دولتی
مهر تأییدر بانی ایله منور و هر خطه آنی تأثیر سعد السعود اقبال ایله نوروز عیده
برابر اولق بلا شبهه امر مقرر و نور شمس منیردن اظهر در که افتتاح سلطنتده
بومقوله برغزای اکبره موفق اولغله مغبوط شهریاران ظالم کداز و محسود
جهانداران مظلوم نواز اولق ذات کرم شعارلرینه اسهل و جوهله میسر اولدی

✽ نظم ✽

✽ آفرین ای روزگارک قهرمان صفدری ✽

✽ عرشه آص شمدنکرو تیغ ثریا گوهری ✽

✽ تیغکه نوله یمین ایلرسه روح هر ترضی ✽

✽ برغزا ایتدنکه خوشنود ایلدک پیغمبری ✽

(نثر) حقا که ظالم کشان سلفدن برینک پای موکب اجلالی بویوزدن لکدزن
چشم دشمن اولیوب بو گونه خون واجب الاساله اراقه سیله رنگین ساز پایین
نحت اجلال و بومقوله مغیلان لازم الازاله نک کلزار سلطنتدن قلع وقعی ایله
رونقده ریاض مجد و اقبال اولق صورتیذ بروقوع اولماستدر زیرالی هذا العهد
سوزان شراره غضب الله یعنی کشته سیاست پادشاه اولان هر تشیمان
خیانت پناه یک یک مشار بالبدان عد و احصا اولیحق میا نازنده بعض افراد
تعدادی ممکندر که هر چند آلوده لوث خبت نفس ایله وجوه خبیساتدن
فی الجمله دین و دولته لایق برحالتہ مالک اولغله ساده لوحان عالمدن بعض
عقول قاصره اربابی دعوای ترجیح سلامتہ سالک اولق جائز اوله اما بو خرس
حریص هر اس پیشدنک که (ع) قباحندن هر کب سر بسر پیدا و پنهانی ✽
(نثر) مضمونی صفت کاشفہ سیدر مکارم شمدن مقدار شمه وایه کیر شائبه حسنه

اولیوب قلعاً وجود خبث آلودینک دنیایه لزومی * و نشانه تیرتد میر اولمقدن
غیری مصلحتیه جسم کشفنک استعدادی برطرف ایدی روزی چند دهر
اسافل نواز اول تیره دل چپ اندازه میدان سرکشی و خود کامیده رخصتمای
تک و تاز اولوب دستیاری دهر ظلوم بیکس ازار ایله پانهاده سلم استقلال
و عروج کرده بالاخانه استدراج اولمغله برایکی کون ز غم بنجه نیل مراتب ابتهاج
ایتمشیدی لیکن هوای راحت فرسای دولت سه روزی مزاج اهل دله
موجب انزعاج اولوب جوربی موقعندن ارباب قبولک چکدکاری درد ممتمتع
العلاج سببیه درگاه مدد رسان حقیقیه پیوسته اولان دود آه سیاه رفته رفته
سحاب ظلماتی کبی تراکم ایدرک عاقبت مزاج حالته تکرر اختلال و سر نخوت
مدارینه صاعقه قهر و نکال نازل اولوب بالاخره جناب سلطان باهرا لاجلال
اول برکشته حال مشوش الاحوالک امر حیاتی حواله تیغ آتشبار و جسم
پرسیئاتنی هیمه دوزخ قهر و بوار اتمکله مسرتسان سینه ابرار و اخبار اولدیار

* نظم *

* دشمن رو باه سیرت کرک اولور سه خیده ده *

* پنجه پر زورینه طاقت کتوم سرورا *

* کشته شمشیر قهرک ابتدا بیر اولیحق *

* زهره چاک اولزمی اعدا کر اولور سه اژدها *

(نثر) اول شهر یار دیار بنخت واجلالک طالع همایون فرخنده
فالی صنوف یمین و اقباله مقرون ایدوکنده مشاهد عیون اعیان اولان دلائل
قطعه دن بری دخی بولاطیفه غیبیه درکه حضرت مالک الملائک جهان آفرین
دیهیمگاه سلطنت هفت اقلیمی اول پادشاه جوان بنخت کردون اورنکه میسر
قیلوب سریر معلائی جهانبانی به جلوس همایون ارزانی ایتدیکی آن سعادت
قرینده مجموع وزرای ملک آرای بیروا و علمای صاحب رای مشکل کشا
وسائر اعیان دولت عظمایا گروهها گروه تفاهم پیشگاه سلطانی و ترقب دامنبوس
صاحبقرانی اوزره ایکن

✽ بیت ✽

✽ نظر بر قرعه توفیق بمن دولت شاهست ✽

✽ بده کام دل حا فظ که فال بختیاران زد ✽

(نثر) فحواسنجه فیض قدم کرم توأمی ایله اطراف ممالکدن قطار قطار خزاین
واموال بی شمار دیوانخانه آسمان نشانه ورود ایدوب مقبوض مستوفیان
عطارد قلم ومضبوط محاسبان پسندیده رقم اولدقده مستخر جان احکام
زائجه ذکا وفطنت بوقضیه اتفاقیه بی دلیل صنوف عز ودولت اولق
اشارتیه دیباجه طراز تقویم بشارت اولمشدر درحق سلاطین سالفه دن
بر دولتند عزت مأنوسک آوان جلوسی بومقوله میامن عام المنافعه مصادف
اولدیغی خاطر نشان دقیقه سنجان تلید وطارف ✽ ومحاط علم وادراک نادر
بینان جمیل المعارف دکدر بعد ازین روی دریاده ریح عاصف وتندباد
مخالف کی نیچه ماه وسال دبر و تهیج لجه فساد واشعال ناره بغی وعناد ایله
تخریب نواحی عباد ایلین قزاق طائفه سنک انهر املری ایله مسامع ناس
پرسرود سرور اولوب وکلای دولت قاهره اوائل ایام عرضده تشنیف سمع
تشریف پادشاهی ایچون بوجواهر کرانبهای بشارتی طبق عرض ایله
پیشکش پایه سریر عالم مصیر جهانبانی قیلدقدنصرکه درعقب طائفه
خائفه مذکوره سفن ومعبری ایله گرفتار واسیر ودست بسته وکردن در زنجیر
پیشگاه جهانپناه سلیمان نظیره احضار اولنوب مقدمات پیام تبشیر بوجمله
نتیجه بخش قمع وتیسیر اولدیغی نشاط افزای صغیر وکیر اولمشدر

✽ شعر ✽

✽ بشری لقد حصل الاقبال والظفر ✽

✽ والمسلمون علی الکفار قد ظهروا ✽

(نثر) محصل الکلام اول شهنشاه عالی مقام واجب الاحترامک برکات مقدم
همایونی وآثار ککو کب سعد یمینت مقرونی بیرون حیطة عدو احصا
وبوسن وسالده ضبط وربط ممالک بابنده اظهار ایتدیگی هم پیران پسند
عبرتمونی حیرت افزای اولی التهادر

✽ نظم ✽

✽ زعدش عامه در شادی و دستان ✽

✽ چنان کز جمعه طفلان درد بستان ✽

✽ زمانه تابود دوران اوباد ✽

✽ سراسر دور در فرمان اوباد ✽

(نثر) از جمله رقکشان دفتر تزویردن بعض چب اندازان کتبه شرت پذیرك آلوده
لوث خباثت اولان ایدی جنایت پیمای خباثت افزالین آب شمشیر ایلہ تطہیرہ
اشارتفرما اولدقلری محسوس خدمه دیوان عالی اولدقده فی الحال بلا توقف
واهمال موجب فرمان واجب الامتثالی اجرا اولمغله جله حیلہ کران مکراندیش
وغایشدنک دست خدعه پیوستلری کارد بیم قهر قهرمان هفت اقلیم ایلہ
بریده و دفتر فساد و فتنه لری طی کرده و نور دیده اولوب عامه هوسناکان کربوه
تزویر و حیلہ ضرب دست جهانگیر عام الجمیلہ برله پنجه رعشه نالہ اندیشه لری
جیب فراغه کشیده قیلدیلر

✽ بیت ✽

✽ یمن کیمسه طمانجه دور عدائده مکر دشمن ✽

✽ دم اعدادن اوز که کیمسه نک دوشمزیره قانی ✽

(نثر) و بالجملة براز زمان ایدیکه ظلام ظلم اختلال صد کونه بر طرف ساز روشنایی
حضور اولوب محاق دولت جهلاده تاریکی لیل الیل فساد ایلہ روز روشن
جمهور انام همان شام دیجوره دوغش ایدی و بر مقتضای (ع) جهان درهم
شده چون موی زنی ✽ (نثر) تاروپود نظام و انتظام برهمزده سوء صنیع
خام دستان ناهوشمند اولمغله نسیم کار و کردار خواص و عوام صورت پذیر
حصول و اختتام اولدن قالب (ع) سرپایای سرایلر جهان ربی سروپادر ✽
(نثر) و فقبحه ارتفاع قانون تیز که و مه سبیلہ اعلا و ادنا بر برینه کیرمشدی
حدا لله که جناب دادار هفت اقلیم و خنکار و صاحب تاج و دیهیم خیر الخلق
(سلطان سلیمان) نقد وقت (سلطان سلیم) یعنی حضرت جان جهانیان
(سلطان مراد خان) عدالتکار فهمیم که عدل و دادور شد و سدادده مثل و مانندی
عديم و خلق کریم و لطف عیمی غبطه انکیز خسروان دور قدیمدر کون کبی

ز رینه تاج درخشان ایلہ افق کرسی مذهبیدن پرتواند از زمان وزمین و ششعه پاش
چار جهت ارضین اولوب بروجہلہ روشنائی بخش ساحہٴ ملسای جهان
وباعت محض سطوع نورامن و امان اولمشدر کہ (بفضل اللہ المستعان)
صخرہٴ صماوزرہ لیلہٴ ظلمادہ خرامان اولان نملہٴ سودانک کیفیت حرکتی عامہٴ
ناسہ نمایان و درون جہانیانده پوشیدہٴ استار کتمان اولان جملہ اسرارنہان
جرم نورافشان شمس تابان کی کافہٴ خلقہ عیان اولوب انشاء اللہ الرحمن
بعدالیوم (ع) او یور آہو برہ زانوی شیران ژیان اوزرہ (نثر) مدلولی
مشاہدہ سیلہ یکسرہ خلق جہان جرم و خوشحال و شادمان اولملری
قراردادہٴ روشندلان و مجمع علیہ صاحب نظراندر همان اول قادر یریب و کان
آسیب دور زماندن وجود پاک شہنشاہ جم نشانی محفوظ و مصون اتمکله
جسم و جان قاطبہٴ برایاہ راحت رسان اولہ

✽ لَمَشْئَہُ ✽

✽ ہنوز بولدی شہن مسند جہانبانی ✽

✽ ہنوز بولدی یرین دولت سلیمانی ✽

✽ ہزار سال ایدہ عمرین مقدرالاعمار ✽

✽ یکہ سروز و طربلہ جمیع احبابی ✽

مطرز ساختن خلعت مدح پادشاہ بحر و بر و الایہای مناقب صدور علمای
فضائل پناہی

اگرچہ بر مقتضای قاعدہ (الناس علی دین ملوکہم) مصالح مختلفہ الاحکام
دین و دولتہ مأمور و معین اولان جملہٴ کار فرمایان دستگاہ ملک و ملت کمال عدل
و استقامت اوزرہ حرکتی واجبہٴ ذمت بیلوب ہربری فردا فردا سزاوارا طرا و مستعد
مدح و ثنادر لکن فقیر محرر السطوری سائق قضا و قدر زمرہٴ قضاۃ ایلہ

شرفیاب انتساب ابواب دانشوران حکمت آموز مناسبتیله رأس المال آشنایی
 ارباب فضائلدن حائز نصاب قیلغله ادرالک عاجزانهم کندی مسلوکم اولان
 طریق علم وهنر اساطینک تفصیل احوالنه یالغ اولوب صدور علمادن غیرک
 اوصاف جمیله سن زیانزده تحقیق ایتک خلاف مقتضای ظاهر اولغین حافظ
 خوش ادای کلک نادره زای اول صناید کرام عالی مقامک نشیدمدح و ثناری
 اوزره بوجمله ترانه پرداز بزمگاه تقریر اولور که ذکر اوصاف شیخ الاسلامی
 اولاعصر شریف میامن ردیف سعادت رهینده که رشک روزگار قدیم و روز پیشین
 فصل الربیع نجسته سال عز و تمکیندر * شرف بخش سجاده غرای شیخ الاسلامی *
 وزونق افزای متکای مفتی الانامی * ذات مکار مصفات کرامی * صاحب انواع
 الکرامات الباهره * صاحب اذیال الغایات الظاهره * فرید الاوائل والاواخر *
 البحر الذی لا یجذب ساحل * سلطان العلماء والافاضل * التحریر الذی لم یسمع
 الدهر بمثله قط * وقوله الذی هو الفصل صحیح و ما عده غلط * مدار الدولة
 والدین * مدیر سماء الفضل والیقین * الهدی لفظ و ذاته معناه * والتقی
 کلام و طبعه فحواه * محبوب القلوب و ممدوح الكل * منظور الاله و مقبول الرسل *
 عقیلة الدهر والفضلاء عیاله * علامة العصر یحای عین الحیاة مقاله
 * عون الانام * غوث الاسلام * حسنة الیالی والایام

* لمنشئه *

* پناه دولت و دین حضرت ولی الله *

* بلند مرتبه اسعد افندی طال بقاه *

حضر تلرینک مسائل اوصاف جمیله سندن اداره بخته بنم کی دهبستد
 نعتیه قصور و مبتلای حصروعی و کلال و فتورک نطق و بیاننده نیروی
 و مکنیت و تعبیر بی انسجامنده یارای لیاقت تصویری ممکن اولدیعی
 صورتده کلاب استغفار الیه اوساخ مالا یعنیدن هزار بار شست و شوی طشت
 سمین دهن لازمدر که شربت کوثر اثر و صف برجاوشهد مصفای تعریف
 واطر الزینی افراغه جواز اوله

❖ بیت ❖

❖ شریف ترز تو کس را بارگاه وجود ❖

❖ پس از نبی و علی تا کئون کسی نشود ❖

(نثر) بفرید الدهر مسعود الوجود که لبان شهد ریز شکر فشانی مص
ابن پستان مادر زهرا خصال رابعه مثال دن استغنا غنا اولان آلوده
چاشنی محرمات اغدیه اولق دکل وقایه دایه تأیید وسعادت و تنبیه لالای
توفیق و هدایت ایله استشمام لقمه قرین الشبهه دن مصون اولوب احتمال
ارتکاب کبائر خود بین الاستحاله ایدوکی بدیهیت اموردن اولد یغندن
قطع نظر طوارق صغایردخی اول خاندان فضل باهره برکات حرز تقوی ایله
رخصت دخولدن مایوس اولغله دواعی هفوات و معاصیدن ظاهر و باطنی
محفوظ و محروس ایدوکی محسوس کارا کهان ربع مسکون اوله بومقوله
مقبول بارگاه خدا و منظور جناب ذی العظمة والكبریا نك لالی ثنا و ستایشنی
توجهله کشیده رشته تحریر ایتک کر کدر که ناهمواره تقصیر سببیه ناظمی
ستمکشیده مؤاخذه و تعبیر اولیه

❖ نظم ❖

❖ معذورم ارمقصرم اندر ثنا که تو ❖

❖ زان بر گذشته که منت بر ثنارسم ❖

❖ هنگامه ایست کرم ز شکر عواطف ❖

❖ هر کوی و برزنی که من انبجارسم ❖

❖ باشد مرا عزیمت سرحد مدح تو ❖

❖ روزی که در سخن بحد انتها رسم ❖

❖ عمرت در از باد که من در ثنای تو ❖

❖ دارم امید آنکه بامیدها رسم ❖

(نثر) شهادت کراما کاتین ایله اثبات مدعا ممکندر که ترصیع مکر بند مدیحاری
آرزوسیه پیرایه هر سله وصف آخر اولمش ناسفته کهر تعبیر دلپذیر
تهیه سی ایچون سمسار متخیله بی چارسوی گفت و کویه صالوب بومراد
جانه دسترس فکری ایله هر چند تکاپوی بازار الفاظ و عبارات بلیغانه قیلام

رشته مدح غیره انسلک ایله معیب اولمش برزینده کوهر پاک ترکیبه ظفر
بولدم و اتحاف بز مکاه محمدتلی ایچون کوشه دندان غیر ایله آلاش پذیر استعمال
اولمش بریا کوره ناظر فریب سخن تحصیل قصدیه خد متکزار مفکره بی
اجتناء ثمار مقالاته ارسال ایدوب اولقدر جست و جوی حدایق تصور
و خیالات ایلدم سماط ثنای آخره پیرایه بخش وزینت افزا قیلنمش برنا خاییده
مضمون خاصه مصادف اولدم و اولقوله نازنین بازاری که هزار مجلس وصف
اکا بره دخول ایله حلیه ننگ و عار اعتباردن عاری محبوبه هزار آشنای لفظ
و معنای پیشکش نهانخانه مدیحاری قیلغه عار ایدوب ناچار بووجهله معترف
عجز و قصور اولمدن غیره چاره بولدم ❦ حقا که اول یکانه آفاق حضر تلی
تشریف دارالاجلال وجود ایتدکلی ساعت سعیده دن بوآنه کلنجه
ذات فرخنده صفات بی مدانیلی السنه قاضی ودانیده مدح و ثنا و خیر
دعا ایله مذکور اولوب بو قدر ماه و سالده مباشر اولدقلری خدمات جلیله
دین و دولته جاده (فاستقم کما امرت) دن مقدار ذره انحراف و تمایل
ایتموب سبوی طبع مکارم شعار لرندن ترشح ایدن قطرات عین الحیاة
خاصیت عدالتلریله مطری کن سبزه زار عالم و حیات بخش تفسیده
لبان امم اولدقلری جهتدن قطان ملاء اعلى سبجه کردان مدح
و ثنای ایکن بنم کی خاک نشین زمین حول و کنامینک نه حدی وار که
اوج و صف جیلارینه ارتقاء آرزوسنه دوشه

❦ شعر ❦

❦ سئل الذی قدمت للناس محضرا ❦

❦ وانت بما تأتي من الخير اسعد ❦

(نثر) بومر تبه ده جرأت مدیحه سنجی دخی محض قباحه نافهمیدنشی ایکن
مجرد تبرکا بذکره الشریف و ثقالا باسمه اللطیف نام با احتراملری ایله
پیرایه بخش دیباجه کتاب اولوب (ع) سکه دار اولسه لابد یوریمز نقره خام
(نثر) مصداق فحجه بومسبولک قالب سطور اولان ابریز مغشوش العیاری اول
سلطان العلماتک تمغای اسم جلیل الاعتباری ایله مسکوک و شرفیاب قلیق
ملا بسه سیله در امیدر که نام شریفلری اسم اعظم وار بو فرزند نوظهور

معنویك نهاده تاج دیباجه سی قیامغله آفت انکار هرزه خایان روز کاری دافع
وسالب و شیرینی رغبت والتفات مشکلیسندان ستوده کاری جاذب و جالب
اوله یو خسه شان شریفی اول مرتبه دن عالیدر که بنم کی بر قاج صحیح
وسقیم ناریت بی مزیه ترتیب شتر کر به ویرمکله مزور دعوی سخنوری به
سالك مقلد بی رسوخ کوته قلمک تعبیرات بی انسجامی اول حضرتك
مقاله توصیف ذاته سزا وارا اوله (ع) بین تفاوت ره کن بجاست تابکجا
(نثر) اکر اول طود شاخ جهان تاجر وایقانک بالای قلل شاهقه فضل و کمانه
عیار چاپکیای عقل چالاک کند فهم وادراکله غروجه قادر اولسه باری
اول حالتدن فی الجمله پیام آور تحقیق اولغله رونق افزای صحایف اولق بشقه
بر سعادت عظمی ایدی لکن اول مر امک سر رشته حصولی دخی برهمزده
عقود تعسر و امتناع اولغین متیقن قلب آگاه اولان مرتبه قرار دادهك
آرزومندان اکتناهنه بوکلدسته افاده اتحافیه امتنان اولنور که اول رکن
رکین دین واول خیر الخلف مجتهدین عامه ارباب یقین اعتقادی اوزره حالا
قطب عالم و غوث اعظم و هر حالده نفس درمانرسیدن استمداد مدار حصول
مراد و وجود کریمی آسایش افزای بلاد و عباددر

✽ شعر ✽

✽ لازال غیاثا و مغیثا و معینا ✽ ✽ فی الدوله و الدین شهر او سنینا ✽
(نثر) و حالا مشرف ساز مسندگاه قاضی القضاتی اولان صدرین فضائلیناه
مکرمین که قطب الاقطاب زمانک یمین و یسارنده قرار ایله تصرف روز کاره
مأمور اولان عالم ملک ملک کوته ناظر اما مین معظمین منزله سنده درر لر
حق الانصاف هربری فرید زمانه بی عیب و بهانه برر علامه یکنانه در کوی شاه
بیت شریعتک ایکی مصراع موزونی و یاهمای دیانتک ایکی جناح همایونی
قهرمان بی پروای دولتک ایکی بازوی پرزوری محبوب دلارای سلطنتک
دودیده پر نوری خورشید و ماه آسمان عدل و دادک نور و زو عید نجسته سال
صدق و سداد بحر و بر جهان معدلت کعبه و طیبه حجاز مکرمت جانشین
امامین نعمان اجتهاد قائم مقام عمرین ستوده نهاد مضطربان بحر و بر حزن

و کدره مدد رساننده خضر و الیاس اتباع فرمان پیمبریده همحال
خزیه و عباس در

❖ مدحت صدر روم غنی زاده ❖

خصوصا کار فرمای صدارت ممالک روم اولان جامع اشتات العلوم المولی
المعروف والکرام الالوف ببدل الالوف الصندید الوحید والسمیدع الفرید
اصمعی الفصاحه برمکی السماحة مفسر الايات القرآنیة مبین الاسرار الربانیة

❖ منشئه ❖

❖ فرید دور زمان حضرت غنی زاده ❖

❖ شهنشه فلك اورنگ تختگاه هنر ❖

❖ کزیده کراما قبله کاه اهل رجا ❖

❖ یکانه فضلا داور ستوده سیر ❖

❖ نه ایتدی نه ایده بذل و نشارك اهل کرم ❖

❖ نه کوردی نه کوره عدلك عیون اهل نظر ❖

❖ محاط طبع محیطی رموز فرقانی ❖

❖ مفاد قول مفیدی حدیث پیغمبر ❖

❖ زهی غنا که دو کمن مدام بذل ایله ❖

❖ لسانیدر کهر وایکی دستی سیم ایله زر ❖

بر شهر یار بحر و بر علم و عرفان و برجها ندارد شرق و غرب فهم و اذعان در که
وزیر ارسطو نظیری توفیق و هدایت و مشیر مشتری تدبیری عقل و درایت
طغراکش یرلیغ اقبالی عطارد زرین قلم امین دفترخانه افضالی برجیس نجسته
شیم مستوفی خزانه فکرتی عقل کل سپهکش اردوی عزیمتی همت انبیا و رسل

پهلوان پای تختی خامه مشکل کشا لشکر فرخنده بختی هزاران هزار لفظ و معنی
سمات بزم عالسی کهکشان خدام اطراف و حوالیسی نجوم رخشان چاکر
زرین کلاهی مهر و ماه خیمه و خرگاه بونه بارگاه قلمرو ضبطی ملک فضائل
زبردست حکمی قبائل حصائل ثبت آثارینه اوراق هفت آسمان مهیا اوقاتنک
هر لحظه و آنی بر عید مهنادر

✽ مثنوی ✽

✽ فلک خاشاکروب دولت اوست ✽ ✽ قمر مشعل فروز خرکه اوست ✽
✽ سپهر و آفتاب و ماه و ماهی ✽ ✽ بتقبیل جناب اومباهی ✽
✽ ز شوق مدحت او هر زمانی ✽ ✽ بر اندام شود هر موزبانی ✽
(نثر) اول کشف معضلات سبع المثانی ز محشری حقیقی وقاضی ثانی
حضرت تریبک فنون کونا کونه تعلیق ایتدیکی کتب و رسائیدن قطع نظر که
هر بری نسخ نسخ اسلاف ایدوکی بی ریب و خلاف مجمع علیه اجله اشرافدر
اجل مراتب علوم اولان فن جلیل تفسیر شریفده حالا تصنیف ایتدیکی
تألیف لطیفی توصیفنده (ع) من خود چه کسم کیم کدام (نثر) معترف
حق کوی کلک فقیر دکل خامه زبان معجز بیان فضلالی نحاریر دمبسته
عجز و تقصیر در

✽ قطعه ✽

✽ اومسلم اثر خاص تصرف که روا ✽
✽ فضلنه معترف اولسه فضلالی اشراف ✽
✽ سخت بازوی بلاغت که کوریدی قلمک ✽
✽ اثرین آچزایدی کیمسه به صاحب کشف ✽
(نثر) معطر ساز مشام کرو بیان اولان فححه مداد عنبر سایندن دماغ طیبی
(پرنکته) مشک اذفر و بیم نبره کلک معنی ربایندن جان قرطبی (ترسان
و کریزان التجا نموده جوارا من افزای شیخ اکبردر) خلال تحقیقات
مفیده دن اختراع اسجاع بلیغانه استماعندن ابن تمجید مناره تحبیده زمزمه
سبح یا مولای و اثناء تفصیلات افاده ده ایراد ایتدیکی مقالات بدیع غبطه سیله
(حاشیه شیخ زاده) قطعه قطعه و پریشان اجزادر ✽ اول غرنده شیر دلیر

نیستان فضیلتك زور پنجه سخت آویز خامه سن (ابواللیس) مشاهده قیسه
تبصیر رو بهانه به سر اغاز ایتسی مقرر در واول کرسی نشین جامع معلا بنیان
بلاغتك حسن و بیان و لطف آراسن (حسین واعظ) کوش ایتسه پایین سلم
تحقیقنده خاکنشین اولوب (نحن علی ذالك من الشاهدین) مقالی ایله
مهمساز تصدیق اولسی نور شمسیدن اظهر در * خلاصه سخن ببلبل
خوشنوی ناطقه اول یکنه دور کهنگ حق اوزره مدیحه سرای گلشن
آرای منقبتی اولق پنجه میسر واول زنده سازدل مرد کان غیاوت اولان
مسیحای سمای بلاغتک عهده شکر کرمندن خروجه تصور اقتدار پنجه
متصور در که وخامت هوای فتور و توانی ایله کالبد مهزول دانش تبلرزه
اضمحلال ایله وهن تمام پیدا قییش ایکن نفس حیاتبخش ایله بر صرتبه ده
احیاء علوم ایتشدر که نفخ صور ایله فناپذیر نسیان اولیه

* بیت *

* اورولسه صور قیامت فناپذیر اولز *

* شود کلوایلدی بنیان علمی مستحکم *

(نثر) حقاً که نسج اقمشه بلاغت ایچون ترتیب ایتدیکی تار و پود الفاظ
و عباراتك حسن السجای محسوس مدر که (امام غزالی) اولسه کندی
سر رشته رغبت بر همزده بیچتاب خواری ایدر ایدی و دیبای والای تحریری
مشاهد اذعان (حریری) اولسه کندی آثارینه مقراض اعتراضیتور و ب
معیوب رخنه بی اعتباری قیلور ایدی ساخته استاد طبع موشکافی اولان دفتر
ودیوانك لطف ارتباطی شیرازه کسل حسن ادای (علامه شیرازی) و پرداخته
متقب کلك نادره پردازی اولان کوهر رازمتمیزی سرشکن فخر و مباهات امام
(فخر رازی) بووجهله ذات فضائل رهینی شیخ المفسرین ایکن احیانا کلکشت
حدائق معارفه تنزل و ثمار مضامین شعروانشا ایله تفکله و تنقل بیور مغله اول
فن دلپذیرده ابداع ایتدکاری کلمات شریفه شکر ریزلندن چاشنی حیات افزا
رسیده ذائقه ادراک عالمیان اولمشدر که لذت صفابخشی رغبت شکن طبرزد
وفانید بلکه چشمه حیات کی ماده زنده کی جاویددر (والخاصل) ممالك
فسحة الکاف علوم و فضائل مسخر قبضه دانشنری اولدیغی کی

چهل سالدن تجاوزدر دینلسه جائزدر که زور بازوی استحقاقی ایله تخت نشین
 ملك الشعرايى اولوب عامه سخنوران جهان بنده درگاهى اولغله مفتخر
 وماهيدر سبحان الله نه حال بوالعجبدر که طریقه ملاعبه دن انامل خامه ساینه
 میدان قرطاسده رخصت تلهی ارزانی بیوروب آزمایش مداد خامه ایچون
 برکاغد پارهیه برایکی نقطه نهاده وبرقاج مد کشیده قیلسه هر نقطه ضمننده معنای
 بحد وهر مد تحتده مضمون لایعد مندرج اولور مثلاً اول مداد نموددار کشیده
 سین حساب ابروی شاهد کلروی سخن ابر او بار بهار علم وفن کمان زر نشان
 پهلوان عبارت کهکشان آسمان نکت وکنایت غره غرای افق معنی پیدرپی
 پرنده کلنک هوای فصل بهار کورینور واول نقطه لخال جمال زیب رخساره
 صحایف داغ ساعد زیب تراکیب مشعر اللطائف صدف قرطاسده درردراری
 التباس دکان کهر فروش بلاغتمده خریدار مترقب قطعه الماس دیده سخننه
 هر دمک عبرین دل کلامه سویدای حکمت ضمین سمای ادا ده نجم هدی
 زمین معناده قطره ماکیما کرخامه کلیچه مدعایه طرح ایچون اعداد ایتدیکی
 جواهر اکسیر معتبر نهال خامه دن فتاده زمین کاغد اولش میوه پیشرس
 علم وهنر فهم اولنور

✽ مشنوی ✽

✽ موسی طبعش ید بیضائمای ✽ ✽ خاطرش اعجاز مسیحائمای ✽

✽ شرح معانی زیاناش طلب ✽ ✽ درج لالی زدهانش طلب ✽

(نثر) اول صدر نشین بالاخانه حل وعقدك منظومه

✽ بیت ✽

✽ صدر یکه ازود دولت و دین جفت ثباتست ✽

✽ آن خواجه شرعیست که سلطان قضائست ✽

(نثر) کتابه ید شطاق دیوانخانه مجد و اقبالی و پیرایه دیباجه منشور عز و اجلا لیدر

سائر محامد شیمدن قطع نظر زخارف دهر پر قوادح و صوار قدن استغنای

تامی ایله گروه محتاجینه انعام عامی بر طبقه یه بالغدر که مستوفی قضای و قدر

عطیه یکروزه سن حساب ایچون صعائف افلا که رقش اولسه جمیع نوابت

وسیار جمله احسانه صفر الوف اولغه کفایت اتمز و دقیقه سنج فاک وزن جنس

کرمی ایچون کره زمین و شکل مجری قنطار ایدوب یوم حشر و میرانه دك
مجموع اوقات و احیانك بوكاره مصروف ایلسه معشار عشر مكار منك
معلومیته چاره بولمز

✽ نظم ✽

✽ بارك الله زهی همت واستغنا کیم ✽

✽ اول ایکن ملأكل مرجع ارباب دول ✽

✽ الله كوكلن آورا هل فسانك اما ✽

✽ بوجهان طوبطلو كنچ اولسه اوزاتمزا کال ✽

✽ لوحش الله خوشا حسن تواضع که اکا ✽

✽ بویله حق ویرمش ایکن کوبه و صدر اجل ✽

✽ قالدیرز خاکدن ارباب دلی عار ایتمز ✽

✽ صورتا هر نقدر اولسه حقیر واسفل ✽

(نثر) واخلاصل طالع سویدای سعادت نماندن هویدا اولان نور لطف موفوری
منور ساز درون جهور اولوب اوصاف کریمه لری

مثل سائر کبی السنه انامده متلو و مذکور و حسنات جمیله سی کون کبی مشهور ایکن
بو کمیا به کدای عاجز و قاصر حق ادا یله تحقیقه نیجه قادر اولور همان جناب
خالق الخلائق ظلل عاطفن مفارق ناسدن مفارق ایتیه که نه وجهله دعای
دولته اشتغال ایده جکنده عقل کریز پای متحیر در

✽ شعر ✽

✽ دام فی عز دولة الاقبالی ✽ حرس الله بابه ذالعالی ✽

✽ ذکر صدر اناطولی غزلی زاده افندی ✽

کذلك امر معظم صدارت اناطولی مسلم وجود و مقبولی اولان شاهسوار
عرصة بلاغت یکه تازمیدان فصاحت

✽ منشئه ✽

✽ معلا پایه عز می زاده صاحب فضیلت کیم ✽

✽ اباعن جد طریق علم و فضله عازم اولمشدر ✽

✽ همیشه پویه یکران سعی ساحت معنی ✽

✽ دما دم آکا کشت راه عرفان لازم اولمشدر ✽

(نثر) بر سپهسالار زور مند عالم علم و معرفت در که ربع مسکون فتون کونا کون
مسخر طبع فلاطون حکمت اسکندر همتی اولهلی و نوله انداز مسامع کرو بیان
اولان غلغله کوس اشتهارندن اقطار جمیع ممالکده علم افزاز دعوای کمال
(و منم دیگر نیست) زمزمه سیاه نو بترن استقلال اولان میر کلامرین اندام
استعدادینه لرزه خوف و هراس دوشمکله دست رعشه ناک ادراکری میدان
دار و کبر مخنوریده اعمال اسلحه حواسیدن قالب هر بری دست بسته
رویمال عتبه فضل عزیز الماننه استعجال و بارگاه تحقیقنده نیل رتبه عبودیت
اسبابی ترتیبه اشتغال ایدوب چاشنیکیر خوان بیایان افاده سی و یاجار و بکش
حریم تعلیم مستوجب السعاده سی اولقی آرزوسنه دوشمشدر در ✽ اول شارح
معنی اللیب ادب و محشی منار فضل مکتسبک علوم نافعده دایر اولان تألیفات
جلایه بی نهایت سندن قطع نظر کا هی تشحیذ خاطر ✽ و یاتشریف سلاطین
و اکابر ایچون ادهم چاپکیای خامه لرین میادین شعر و انشاده رخصت جولان
ارزانی ایتد کده چهران اولان هر شراره نعل جهان افروزی که بر سخن
پرسوز ✽ و بر مضمون آتشباردن عبارتدر ✽ فک معنایه شهاب ثاقب و نجم
رخشان وزمین اذعانه مشعل راه و شمع شبستان اولور

✽ بیت ✽

✽ هر نکته خفی که کلامنده درج اولور ✽

✽ مضمونی دست عالم برداستان ویر ✽

(نثر) حقا که هر غزل بی بدلی طعنه زن خسته نظامی ✽ و هر شعر مذیلی رشک
هفت رنگ جامی قطعه داری ✽ بازو شکن ابن یمین رباعیاری کف الخضیب
آسمان فضل و یقین ✽ بلکه اضطراب انداز چار جهت عالم جان خیام سحر
آفریندر لالی مشوره منشئات شریفه سی خود سرمایه دکان (خواجه

جهان) ورأس المال صیارفه بازار بلاغت و عرفان اولمغله مکر بتد ترکیب
 و توشیح قلاده تشبیب اراده قلنان اساتیده حرف بلاغت اول کهر سنج درج
 فصاحتک زیب طبق ترتیب ایتدیکی مروارید کرانیهای عبارت پسندیده
 مراجعت ایتسه اولمز * اول صدر عالیه عدالت پناهک وابسته دست کرم
 پیوستی اولان سر رشته تار و پود حل و عقد مناصبی دخی بروجهله محوک
 منوال عدل ایتشدر که صدساله پیران جهانیده مهمل دیبای والایهای
 داد و دهش برجایک بورسمه صورتپذیر حقایق اولدیغن نه بطریق المعاینه
 مشاهده ایله قریرالین اولمش * ونه حکایه پردازان احدثه دور قدیمدن
 استماعله تحصیل رتبه یقین قیلشدر

* بیت *

* بامر ادونشاط و راحت روح * * عمرش هزار ساله چونوح *

* آغاز ترجمه کتاب * وابتداء ترتیب نصایح شاه کامیاب فلك جناب *
 * بر مقتضای آراء صائبه اولی الالباب *

* زدارادانش اسکندر نشانا *	* شها حکمت شناسا کار دانا *
* برسم نیک خواهان نکته چند *	* بکستای برون افکندم از بند *
* که از تلقین حکمت کامرانی *	* تو خود در کار ملک آن رازدانی *
* هم از لہام غیبی کنج داری *	* هم از خود عقل دولت سنج داری *
* نصیحت کردنش نواز غیب *	* چولتمند ملهم باشد از غیب *
* که کس بر گلستان ریزد کلابی *	* بدان ماند همی زینسان خطابی *
* بدریادر یکان کوهر فکندن *	* خرد نبود بمعدن زرفکندن *
* بنور آلودن خورشید پر نور *	* عمارت کردن اندر بیت معمور *
* بواجب شرط باشد نیکخواهی *	* ولی بردولت اندیشان شاهی *

(نثر) اول سلاطین دین * و شهر یاران عدل آیین * هر اسم فرمانروایی لزومی
فهم و اذعان ایلدکاری کبی لازمدر که فرمانبرداری باری بی * ذمت همملرینه
واجب و متختم یله لر * یعنی کندولرین تنفیذ اوامر و احکامنده ساعی اولدقلری
اسلوب اوزره مراتب انقیاد فرمان رب العبادی * مراعی اوله لر * و خدم
و حشملرینک کندولره امثالی نه مرتبه ده خاطر خواهلری ایسه پادشاه بی اشتباه
حقیقی به انقیاد و عبودیتده اهتمامیدخی اولقدردر مهمترین امور لازم الظهور
قبیلندن عد ایلیدلر

* نظم *

* پرستش چون ترا جله جهان کرد *

* ترا باید پرستش بیش ازان کرد *

* بشاهی سهل باشد ملک رانی *

* بملک بندگی رس کر توانی *

(نثر) (و شکر نعمای متعاقب الورد ملک و دوده) مسامحه روا کور میوب
اولبابده یعنی حد و ثنای رب الاربابده * سر موقتصیره مساعدده و رضا
کوسترمیه لر که نیل زیادکی فیض خدا * خزانه شکر و ثنایله صورتنا اولور

* نظم *

* نمی باید حق نعمت نهفتن *

* تودانی چیست باید شکر گفتن *

* زبهر شکر اگر فرزند آدم *

* بقدر هر یک از ذرات عالم *

* دران کوشش کند چندانکه خواهی *

* بگوید ذره شکر الهی *

(نثر) و معلوم نکته پیمایان منظوق و مفهوم اوله که مراتب شکر سلاطین
عظام مختلفه الاقسام اولوب یالکز خطیب خوش ادای ناطقه لری منبره سی
ودوپایه دهندده فقره بلیغه (الحمد لله) ایله کویا اولمغله خدمت جلیله شکر
و ثنا کما ینبغی مؤدی قیلنمز و بومرتبه ایله اکتفا اولنیجق فوز درجه
(الشاکر یشتحق المزیذ) میسر اولمز واجبدر که صوب جلیل منعم
حقیقیدن مظهر اولدقلری صنوف سعاداتک جدا کانه هر برینه مناسب
شکر و ثنا * و هر نور بدیهی السطوع دواته ملایم جد و سپاس مستقل ادا اولنه

✽ نظم ✽

✽ تراهم چون زبان دادند چون کوش ✽

✽ سخن بشنو مباش از شکر خاموش ✽

✽ بشکر دست و پامیکوثنایی ✽

✽ براه شکر میزان دست و پایی ✽

✽ چوداری چشم چشم خود بره دار ✽

✽ دات دادند دلها رانکه دار ✽

✽ بشکر ظاهر و باطن پیر داز ✽

✽ بظاهر باطن خود را یکی ساز ✽

(نثر) مثلاً (شکر سلطنت واستعلا) درون افراد برایابی عدل و داد ایله
پرصفا و خانهٔ جان زیر دستان و رعایایی شعلهٔ جود و عطایا ایله پرضیا
قیلقد

✽ قطعه ✽

✽ از عدل پادشاه چه چیزست خوبتر ✽

✽ کز عدل میشود ممتشی علی الدوام ✽

✽ هم شکر را طراوت و هم شرک را زوال ✽

✽ هم خالق را فراغت و هم ملک را نظام ✽

(نثر) و (شکر فسمحت ملک پهنای) املاک بندهکان وضعفا طمع و رغبت
ملوک و امرادن مبرا اولوب نکهبائی پادشاه و وکلا ایله افراد بیکسان
و فقرا موطی پای تملکری اولان عرصهٔ بقدر و بهایه بیداک و بی پروا
واضع الید ضبط و تصرف اولغله غوغای ظلم و تعدی نابرجادن اقتضای
آسودکی ایله کاهرو اولمقدر

✽ بیت ✽

✽ هرگز کسی که خانهٔ مردم خراب کرد ✽

✽ آباد بعد ازین نبود خانمان او ✽

(نثر) و (شکر جریان احکام و نفوذ فرمان) حکم پادشاهه منقاد و رام اولان
حلقهٔ بکوشان عبودیتک دقایق حقوق خدمت بیلوب هر برینک بالای استحقاقنه

چسبان اولان خلعت فاخره لطف واحسانی طراز خوشنمای التفات ایله
معلم و ارتقای بالاخانه رعایته رخصت دریغ اولم یوب طبقات خدماته نسبت
درجات مکافاتی قصر منیع ترقیه سلم قیلمغه مؤیدرو (شکر مساعده بخت
و موافقت اقبال) بالای کاخ معلا ی عز و اجلادن لکدانقلاب مکدرالقلوب ایله
فتاده حسیض مذلت و ملال اولان برکشته حالان روزکاره (ارجوا عزیز
قوم ذل) مصداق بجه هر هم زحمت و اکرام ایله جیره بند توارش و التفات اولوب
اولمقوله شکسته دلان منکسر البالك علاج زخم اختلاله مومیای شفقت
پادشاهانه بی مبذول و بیدریغ ایتکله هویدادرو (شکر معموری خزانه
و بسیاری مال) اجرای قوانین سماحتده برطرف سازدواعی اهمال اولوب
سر راه فقر و اضطرارده کردن پیچ عجز و خواری کوریلان بیکسان تهی کیسه
و مفلسان کهن جامه بی وایه کیر نصاب کامرانی قیلوب اولرسمه پریشان
دغدغه کرسنکی بی تعیین وظائف و رواتب ایله منتظم حال ایتک صورتنده
حاصلدر

❖ قطعه ❖

❖ زرچه شماری که بروز شمار ❖ ❖ سیم وزرت هیچ نیاید بکار ❖
❖ روز جزا از دل و جان یاد کن ❖ ❖ خاطر مختزد کان شاد کن ❖
(نثر) و شکر شکوه و سطوت قهرمائی) پای لغزیده من الق سهو و غفلت و آلوده
چرکاب خطیه وزلت اولان بدمستان شراب نخوت و تنك حوصله کان
میخواری شقا و شریدن اخذ انتقام مقامنده جویبار عفو و صفح جیل ایله
تنظیف بطانه باطن و تطهیر جامه ظاهر لرنده درکار اولمق طریقله ممکن
و اولمقوله سرخروی و شرمکین نجات کنه کارینك عارض اضطرار بنه سبوی
(احسن الی من اساء) دن رشحه پاش قطرات التفات اولمق صورتنده قابلدر
(و شکر صحت بدن و سلامت وجود) امراض تعدیدن خسته حال و بمجال اولان
درد ناکان بستر فلا کتک حکیمانه پرسش اسباب و علامات زحمتلریله تقید
بیوروب سبابه زینهار ایله نبضکیر اولدقد نصکره اشربه عدل و تریاق لطفله
صفابخش و راحت رسان اولمقده صرف نقدینه استعجال ایله میسر در
(و شکر بسیاری لشکر و فراوانی جنود) کتاب و مواکب جنائب و مراکبی

رعایای عجزه نك مزارع و مر اتغدن دور اولمغه سعی موفور ایدوب فرسان
میدان قهر و زورك سمند جور و كز ندلری مصافكاه تعیشده ارجل و پیاده قالان
مستندان درد مندك كشتزار حالارندن مهجور طو تاق باینده اعمال تیغظ
وانتباه ايله معرض حصوله جلوه كردد (و شكر تملك حدائق و ریاض) و ایادین
رعایا و برایك خرابی خانمانلك مقتضی امور مستلزم التضجر و مقدمات
منتج التكدردن اجتناب و تنفر دستوری می ری طو توب هر حالده حای حایت
ولایت و رعایت رعایای كككرده طاقت قانونی اجراده بذل همت ايله مقرر در

نظم

دست رعیت زرعیّت مدار کار رعیت بر عایت برار
از نفس صور قیامت بترس و زشب دیجورندامت بترس

حکایت

روایت كرده نقله اخبار عبرت آثارد در كه قانون عدل و دادی دستور العمل
و پیش نهاد ایلین كسرای بیعادل نوشیزوان عادل بر كون اكتهاه کیفیت
آبادانی ممالك نیتیه ترتیت تدبیر تجسس و استفسار ایدوب تعمد ابستر نشین تمارض
اولدی و دواء داء صوریسی بو كا منحصر ایدو كن بروجهمله ایصال سمع
مقربان ایلدیكه بو عارضه نك بامر الله تعالى برء الساعی بر خرابه منزل
تزلزل پذیردن برخشت فرسوده اخذ اولنوب رقیه خوانان و كهینه اول
خشت باران دیده ككهینه فسون فلانی دمیده قیلد قد نصكره و سادۀ
زر كش پنبه آكینه بدل زیر سر پر كدرمه وضع اولنق ضمننده واصل
و جسم و جان بیتاب و ثوائمه مایه راحت عافیت بو تدبیر پذیر بدیع التأثیردن
حاصل اولور پس خدمه بارگاه عالی و سندنه تختگاه محروس الحوالی
حقه دهن شاه شو كتنه اهدن بو كوهر جواب شافیهك نهاده طبق افاده
اولدیغن ككوروب فی الحال محفوظ درج امثال قیلد یلر و جمله
كارفرمایان باهر الشرف كوشه كوشه و طرف طرف رو براه كشت
و كذار قطار و جویای ویران جدار و طالب وصول خرابه دیار اولدیلر هر چند
نواحی حوزه تملك نوشیزوانی پویه بادپای سریع السیر اهتمام ایتدیلر
قطعاً زیر حكومتده اطلال و دمن و خرابه مسكندن نشان بولنوب

بر جایگاه ویرانه راست کافدی که مزاج تبرده پاشاه باعث علاج اوله حق
 حلت خشت معهود اخراج اوله بالاخره مباشران کاره یاسله ایاب لازم
 کلوب مجموع ممالك معموره ده بر جای خرابه ظفر یاب اولدی دیو پایه سریر
 نوشیزوانه عرض جواب ایتدیلر جناب نوشیزوان کاردان بو تقریب ایله
 معموری ملک و دیارندن آگاه و خبردار اولوب شکر و ثنای عادل حقیقی به
 سر آغا ایلدی و فواره لعین دادن قطرات حد و سپاسی پیوسته طاق
 زبرجد رنگ هفت آسمان قیلوب حد الله زمان سلطنتده صحن جهان
 نسیم عدل و رأفتله طعنه زن باغ جنان و غبطه انکیز ملک سلیمان ایدوکی
 ظاهر اولوب وسوسه چکونکی نواحی و بلدانن خلاص اولدم دیوروی
 نیازی سوده زمین اخلاص ایلدی

✽ نظم ✽

✽ خنک روز محشر تن داد کر ✽	✽ که در سایه عرش دارد مقر ✽
✽ بقومی که نیکی پسندد خدای ✽	✽ دهد خسرو عادل و نیک رای ✽
✽ چو کین آورد دهر بر عالمی ✽	✽ نهد ملک در پنجه ظالمی ✽

✽ تمثیل موجب التبحیل ✽

سیمرغ زور آزمای پیل ربای قوی پنجه مور ضعیف میان شکسته بی گندویه
 طعمه و غذا قیلخی همت و الاسنه روا کورمز و شیر دلیر تیر ناخن درنده
 فضله چاشت روباهه تنزل و شاهباز هوا پرواز شکار باز ملخ ناچیزه که غدای
 کنجشک و چکا و کدرنکه انداز حرص و از اولمز و صرصر تند کوه افکن
 هدم ابنیه شدادی قیلور کن گیاه ناچیزی محبت و برباد ایلز کذلک پادشاهان
 ذی قدره و شهر یاران صاحب شکوه و شوکتدن فقرای رعیت و ضعفای بیتاب
 و طاقتک ملک مائه رغبت کدا جشمانه صدوری موافق دستور همتدر دینلر

✽ بیت ✽

✽ پادشاهی که طرح ظلم افکند ✽ پای دیوار ملک خویش بکند ✽

✽ حکایت ✽

مفاد خانه زنجیر آستان سر لوحه تاریخ ایام اولان عجایب اسماء حکمت
انجام دند که ملوک از مننه سالفه دن بر جبار هامان طینت بناء کاخ مشیده
نیت و طرح صرح مرده مباشرت قیلوب مهندسان سمار صنعته تنبیه
واشارات ایلدیکه جایگاه فلانیده بر قصر بلند خورنق مشاله طرح انداز
عمارت اولوب اراده طبع محال اندیشی اوزره اول طاق عالی رواق
شدادی بناسنه تهیئه ساز اسباب اولدر اتفاق تعیین ایتدیکی محله بر مجوزه
ناچار پراضطرارک مسکن ویرانی ملاصق اولمغله خاطر خواه پادشاه اوزره
بنای معلای مذکورک مهیا اولسی انهدام خانه ویرانه سالف البیانه موقوف
ایدی هر چند که معتمدان کار و معماران ناستوار بطریق الاشترا تملک خانه
مارالذکره صرف نقود اقدامی بهانه قیلدیلهر تئید تدبیر لری نتیجه بخش
حصول اولیوب زن پر خزن ککرده حضور بیع منزلدن مجتنب ونفور اولمغله
مراد و مقصوده وصول میسر اولدی بر کون مستوره مسطوره تدارک
حوائج لازمه سی ایچون کشت و کذار اطرافه مشغول ایکن (لیس
فی الدار غیر نادیار) مدلولانه ماصدق بولوب بی توقف و تکلف بناسنی
خاکه برابر و سقف و جدراننی زیرو زبر قیلدیلهر شبانگاه اول ضعیفه عنیفه
عزم منزلگاه ایدوب کلد کده مسکن و مأوا سن بنای صبر و قرار عاشقان
کی ناپیدا کور یجک کانون سینه زارنده اشغال خس و خاربجز و اضطراره
مباشر اولوب دود آه سیاهی ستون سقف سما قیلوب زبان زبانه فشانی یله
مشعل افروزند دعا و شراره پاش و او یلا اولدی و مقاله جگر سوز (یار باه

ان كنت غائبة فليست بغائب (ايله مد عای شکواینی برداشته پیشگاه
 عرض خدا قلدی تحقیق راوی صحیح الکلام بوقول سداد انجام اوزره
 قرار داده در که مراد آورقاصی و دانی اول دادخواه فلا کتیناه ناتوانی
 تکریر مناجاته محتاج ایتیوب فی الحال بر زلزله سخت هونک ايله خانمان
 سلطان پیداد کری ماصدق (فجعلنا علیها سافلها) قیلوب لمحة البصرده
 بنیان ایوانی ویران وطاق وراقنی ساحه غبرایه یکسان ایلدی * واثناء
 انهدام جدران رفیع البنیاده پریشان اطراف اولان سنکیارهای ناپر داخته نک
 بری منجیق قضادن سرنخو تپذیر شاه ظلم اندیشه نازل اولوب هرغ
 روحی آشیانه حیاتدن اوج شاخسار مماته پروازو جسدناز پروردی
 زیر خشت حدهه قالوب دم انهدام راسیه دهر ظالم کدازه چشم انتظاری
 یاز ایلدی

* نظم *

* خبرداری از خسروان عجم *	* که کردند برزیردستان ستم *
* نه آن شوکت و پادشاهی بماند *	* نه آن ظلم بر روستایی بماند *
* خطابین که از دست ظالم برفت *	* جهان ماند و او بامظالم برفت *

* صرف مقال بصوب اعتدال *

اگر چه (حلم و کرم) صفت محموده در ولی اول مرتبه ده دکل که عجز
 و قصوره محمول اوله (و عنف و غضب) دخی سیرت ستوده در اما اول
 درجه ده دکل که تکدیر لجه درون خلقه باعث اولوب افراد ناسک هربری
 بو تضییق ناملایم حسبیه محزون و ملول اوله (سعی و تحصیل مال) کردار
 پسندیده در ولی اول طبقه ده دکل که مصادرات نامعقولیه مؤدی اولوب
 اخلال احوال زبردستانه باعث اولمغله خواطر دائره محبت و انجیز ابدن

خروج ایده (عفو جرم رجال) شیمه کریمه در اما اول حدده دکل که
 هر کس ارتکاب مفاسده جسور اولوب ارازل و او باش فراز کوه فتنه
 خروج ایده (لهو و لعب و صید و شکار) بادی تشحیذ خاطر و دافع ملال
 و غدر ولی اولو جهله دکل که تقید احوال سلطنتدن اشغال ایدوب
 تعطیل امور جهان بنانی بی مؤدی اوله (ضبط و ربط) خونخواران عسکره
 پادشاهک نفس نفیسیله اشتغالی ناموجهدر اما اول طریقله دکل که
 رشته مشرب خذله بی عرض و ناموسده عقده حقدو کین پیدا سنه موجب
 اولغله حین توقع خدمت و جان سپاریده حبال عزیمت لرینک پرهمزده اختلال
 اولسنه باعث و بادی اوله

نظم

مکن تیغ سیاست آنچنان تیز * که چون آتش نداند کرد پر هیز *
 شه آن به کو عمل چون آب راند * که هم جان بخشد و هم جان ستاند *
 توشو جان بخش تا انسی و جانی * همت جان بخشد و هم زندگانی *
 (نثر) محصل کلام جمیع احوالده رعایت حد اعتدال رابطه دفتر کمال *
 و ظابطه اندفاع قیل و قال ایدو کی مسلم دور دور اندیشان فرخنده فالدر *
 ویرمک استرسن اگر اجزای لطفه ارتباط * بیت *
 دفتر احواله اول شیرازه بندائسباط *

تشویق و اغراض عبادات خدا

شهریاران عادل و پادشاهان روشن دل اشغال مهمه جهان بنایدن فاضل
 اولان اوقات عزیزه لرینک عبادت جناب رب العزتده گذراننه بذل همت
 قیلسلردر و بوسنت سنیه بی همواره واجبه ذمت بیلسلردر

✽ بیت ✽

✽ چنین کردند شاهان ملک رانی ✽ چنین بود دست رسم مهر بانی ✽
 (نثر) ورثه تاج و تخت اولان شهریاران جوان بخته امر لازمدر که اسلاف
 کرام جنت مقاملرینک بوحال ستوده مآلنه دخی وارث اولوب اقامت
 مراسم طاعتده هیچ نامری قومیلر که عبادات خدایه مشاغل دنیا مانعیتی
 امر محال و بوباید عذر عوایق و اشغال بارگاه باریده پیوسته رتبه قبول
 اولق نه احتمالدر بندکان حضرت و مقربان عالی منزلتدن قیاس ممکندر که
 مامور اولدقلری امور رتق و فتق کما هو الواجب مؤدی قیلدقد نصکره
 کندی مهمات لازمه و حوایج دائمه لرین کما ینبغی مهیا ایدر و ارباب
 صناعه و اصحاب حرف که نفقه یومیله لری صرف نقود عرق جبین ایله
 آماده دستکاه حصول اولسه رأس المال حیاتلری لاشحاله قرین ضیاع
 وتلف اولور کذلک تهیؤ برك و ساز معاش اهل و عیال ایچون اکثر اوقات
 و احیان جداید دکن مراسم عبادات خدایه خلل و یرمزلر و اشغال دنیویه
 مزاحم طاعت و عبادتدر دیمزلر

✽ نظم ✽

✽ مشو مغرور این مشتی خیالات ✽

✽ که در پیشش تومی آید بحالات ✽

✽ جهان خوابست پیش چشم بیدار ✽

✽ بخوابی دل مبندای مرد هشیار ✽

(نثر) ایمدی بو مقدمات منتج البر کاتدن منفعهمدر که پادشاهان ذیشانیه
 ادای فرائض و نوافلده شوائب تکاسل و توانیدن تجانب و تنائی الزم
 لوازمنددر و ضمن عبادتده آسایش عبادالله ایچون بارگاه کریم کارسازه
 عرض نیاز دخی طراز آستین دولت مکاری و شقه رایات فلکسای
 بختیاری ایدوکی پیشه به امر مقرر و متفق علیه دقیقه سنجان هنزوردر
 زیرا پادشاهلر سایه خد او نظر کرده جناب کبریا اولدقلری جهتدن ناوک
 دعاری سریعا پیوسته هدف قبول و مقدمه ثمنالری ادعیه سائرهدن مقدم
 نتیجه بخش حصول اولور

✽ بیت ✽

✽ عنان شاه اگر بر آسمانست ✽ دعارادست بالاترازانست ✽
 (نثر) و بومدعای تأیید باینده اصحاب فهم سدید دیمشردر که نور عالمگیر
 سلطنت فروغ شمع منبره مماثلدر که افروخته دست قدرت الهیه در
 صرصر آفات روزگار دن و قایه ایچون حریر والای دعای اکافانوس
 ایده لر که تندباد حوادث کار کر اولیوب جنبش دامن چرخ دوار ایله انطفا
 پذیر اولیه

✽ قطعه ✽

✽ پادشاهی و بندگی کن اگر ✽ حکم بر بند گانت می باید ✽
 ✽ ناخوشیهای روزگار بچش ✽ کر خوشی جهانت می باید ✽

✽ حکایت ✽

شکوفه زار اسرار شقائق نعمانیه دن بوکلدسته حکایه اقتطاف کرده
 دست براهه در که حضرت شهریار ممالک کشای بی تقصیر مظهر اسرار
 مقال نعم الامیر یعنی فاتح قسطنطنیه سلطان محمد خان کردون سریر تیره
 بختان جهنم نشین مشرکیندن استخلاص حصن حصین دارالاجلاله
 مباشر اولدیغی حین نصرت قرینده رایت افراز دعای اجابت رهین
 اولان (ع) فیض الوجوه کریمه احسابهم (نثر) اکابرندن جناب ستوده آیین
 حضرت فخر الاولیا (آق شمس الدینه) قدس سره وزیر ای ملک آرای
 پسندیده رأیدن ابن ولی الدین احمد پاشای فرستاده قیلوب فتح باب قلعه باینده
 فیض انفس بدیع التأثیرندن استمداد همت و تکلیف ارتکاب مشاق مرافقت
 قیلد قده جناب شیخ عالی منزلت اسعاف مراد پادشاهه مبادرت وجیش
 نظربین مؤمنین ایله معاسفر همایون مذکوره عزیمت قلوب محل ملحوظه

وصول نصکره یوما من الایام انشاء الله العلام ضحوة کبری یوم فلا نیده جانب
 فلانیدن قح قلعه میسر و وزیر مشارالیه هم رکاب سلطان معلی جناب اولمق اوزره
 دخول درون حصار امری مقرر در دیو پیرایه سطور لوح محفوظ اولان مضمون
 حکم تقدیری مشاهده سی اوزره اخبار و تقریر ایلہ خاطر عاطر فاتح الممالک نشاط
 بخش تبشیر اولدی اتفاقا زمان موعود معهود قریب اولدقدہ اما زات قح
 ونصرتدن اثر نمایان اولمغله شیخک مقدماتیصال مسامع کار آکھان عسکر استدیکی
 دخول قلعه دن خیر اولان معتقدان حضرت درونلرینه وهم و بیم تخلف
 نصرت وسوسه انداز حیرت اولمچق متشبثان دامن اعتقاد اولان احبہ
 سدید الاعتماد دن بریکه تحقیق کرده راویان اوزره کندی فرزند نجیب
 دولتندیدر تأخر قح قلعه دن فوق البیان متأثر * و طرف پادشاهیدن احتمال
 ظهور غیظ ملوکانه ایلہ متضجر اولوب آیا بو حالده شیخ بزرگوار عالیقدر
 نه کاره ملازم * ونه مقوله اوراد واذکاره مداوم اولمقدہ در دیوب استعمال اطوار
 خفیه سی نیتله عزیمت سمت خرگاه شیخ ایدوب کوردیکه دامن خیمه دست
 طنابدن رها بولوب خدمت خاکبوس ولایت پناهی ایچون ساحه زمینه اینمش
 استار شرفیاب قبله الاسلام کبی اول کعبه فضل و یقینی سرتاپا اخاطه
 قیاش * کویا حریر والای سپیددن پردا خسته بر فانوس غرا ایدیکه
 جناب شیخ عالی رتبه نک شمع ضیا پاش نیازنی باد نظر اغیار دن وقایه
 ایچون مهیا کرده دست قضا ایدی * ویا حرارت سوزو کداز عزیز آفتاب
 طلعتدن (کائنا ما کان) شعله کیر وجد و حال اولسون دیو عالم بالادن
 نازل ومیانه حائل بر سجابه بیضا ایدی * خدمه شیخ معلا جنابدن بری در خیمه ده
 مأمور دفع مترددین خلوتگاه اولوب شخص متفحص الاحوالی دخولدن
 منع تصدی ایتمکله بالضروره دامن خیمه نک بر طرفن برداشته بنان تقید قیلوب
 نکه انداز درون چادر هدی مشحون اولدقدہ چشم عبرتبینی بو نور معاینه ایلہ
 قریر اولدیکه اول غره بیضای وجه دوران * واول صباح الحیرد هرو سپیده دم
 دور زمان * یعنی جناب شیخ مکارم پناه قدس آشیان * خاک تضرعه جبهه سای
 نیاز اولوب سرمبارک کنی سامان عمامه دن عریان ایتش وکال ذل ابتهال ایلہ
 سجده به واروب دو چشم خونپاشنی همحال (عیشان بحریان) ایتش بروجمله که

پیرامن سجده گاهی دریای محیطه دوش و کانون سنیه شراره تارندن کلخن
 شعله فروز سوز درون اولش بر طریقه دود آه سیاهی پیوسته چرخ برین اولوب
 رستباز نیاز اول سلسله فرقد سایه آویخته اوله رق رسیده اوج قبول اولغی
 مقرر بلش (الحاصل) برسوزو کداز ایله زبانه پاش هیزمگاه نیاز اولقنده که
 رشحات سرشک دریا مثالی فی الجمله تسکینده اولسه آتش انداز خرمن مهر و ماه
 و محترق ساز نیلی خرگاه اولق مقرر ایدی بو حالتده اول تیرانداز هدف نیازک کان
 سخت توجهدن پرتاب هوای تمی ایتدیکی ناولدعا خلیده طبله اجابت
 اولدیغندن جبریل سبکچناح الهام درون شیخ عالی مقامه پیام آور تحقیق
 وافهام اولیجق در حال مانند عصای آژدر ربای موسی بر پا اولوب (والحمد لله
 الذی منحننا بفتح القلعه) مقالی ایله کلبک شکر و ثنا و نعره نکیر مولای پیوسته
 مقعر هفت آسمان ایدی همانا دبده کوس بشارت فتح و ظفر دخی غلغله
 انداز چار جهت معسکر وهم آواز نعره هیبت فرازی (الله اکبر) اولیجق
 بو طنطنه بهجت زای شادمانیدن شهباز باصره هر دتماشایی بازوی اختیاران
 رم کرده جانب دروازه حصاره بالکشیای نگاه اولوب بوجامه سره پنجه زن معاینه
 اولدی که نسق معهود موعود شیخ اوزره حضرت صاحبقران عالمگیر ساحه
 حصن مذکوری موطنی باد پای تسخیر ایدوب فروشکوه ایله گروه پرخاشکران
 مجادله کارپیش و پس شهریاری احاطه ده سرش نصرت ایله عنان در عنان
 اولوب مهم ساز جنک و پیکار اوله رق قدم نه درون حصار اولشار درو حضرت
 فاتح عالمجناب دخی قدم بر قدم داخل باب و ابن ولی الدین سایه وار اول حضرت
 ظفر یابه ملازم رکاب اولوب کیدر لر بو آثار قوت قدسیه شیخ کرامتیناهی ملازمت
 اردوی پادشاهینک پنجه شکن ریب و اشتباهی اولغله هر کس دغدغه تحیردن
 امین اولوب فراغ بال ایله زمین ابتهاله ناصیه سای شکر و ثنا اولدی لر ازین جانب
 بومضمون صحیح المأل حضرت شهریار منصور اللواء مشار الیهدن منقول
 اختیار کرامدر که حین دخول قلعه ده اطراف و جواتبه کرم نظر ایلمین
 ابن ولی الدینی بخت بیداری کی رکاب همایونه ملازم کور یجک حضرت
 شیخک ظهور وعد کریمندن فرح و شادان اولوب ابن ولی الدینه قسم
 یاد ایدوب زماننده اعزه اختیاردن بومقوله صادق نفس مسعود الوجود

موجود ایدوکنده مسرور اولدیغ قدر قح قلعه دن کسب نشاط و حبور
 ایتدم دیو بیور مشلردر * پس انکاه حضرت پادشاه عالیجاه آرزوی
 دستبوس شیخ ایله عزم خرگاه عزیز کرامتینه ایدوب جناب ولی الهی
 مضطجعا اتکای بالین عز و شرف ایله مستریح اولدیغی حالده بولوب توقع
 توقیر و اکرام ایدرکن حکمة شیخ عالیقام قیام تعظیم مراسم انداخته
 مطرح مسامحه قلدی * بووضع نامأمله خاطر شهر یاریده نوع اغبرار
 پیدا اولوب بعدالمسامحه دهنکشای رجا اولدی * و دیدیکه آرزو مندم که
 بنی طریقه مسالوکه صوفیه اوزره خلوته قویوب روزی چند رخصت
 جهاد اکبر کرامت بیوره سین * جناب شیخ مرشد الفقراء صورتغای
 امتناع اولیجق بو معامله بارده دن کدر پادشاهی من دادو مضاعف
 اولوب متعجبه استثناف خطاب ایلدیکه اراذل و اترک مککرده ادراکدن
 بر شخص غلیظ فظاظت الیف جنابیکه بورجای صعب المنالی تکلیف ایتسه
 بلا توقف مساعده و رضا کوسترسن بن شهر یار هفت اقلیم * و مستقل
 حکم تاج و دیهم ایکن عدم قبولک وجهی ظاهر بوکه بر حکمت خفیه یه
 دأردر دیدی حضرت شیخ دل آگاهینه اسعاف دلخواه ایتیموب خلوت
 و عزلته چاشنی ترک و فنا * ولذت فراغ و انزوا محسوس ذائقه وجدانک
 اولیجق اخلال احوال سلطنته الجالیدر راحت انام ایسه حالا جناب
 حضرتک بومهمه قیامی سببیه تمام اولور * مصلحت وقت و کار زمانه
 دائرة دولت اسلامیة کز و مر کز وجود و مسعود کز اوزره دوران ایله
 حصوله کلور * ارتکاب مشاق خلوتدن مراد ترتیب مهمام عدل
 و داددر اگر رضای مولایه تبعیت مقصود ایسه اجرای قانون عدالته
 مجد اولدیغک بسدر دیوب نیجه لالی کر انبهای نصیح و پند سود مندی
 قرطه کوش هوش پادشاهی قیادی * مجلس تشرف انجام بولوب
 حضرت پادشاه باهر الاجلال بنه و براه مخیمگاه اقبال اولدقده ملازمت
 رکابی ایله کامیاب اولان ابن ولی الدین حضرتنه متعجبه دهنکشای شکایت
 اولدیکه وقت ملاقاتده حضرت عزیزک رعایت ادب قیام ایتدیکدن
 قوق البیان متأثر الحظر * و متکدر الجنانم بووضع غریبک البته سرو حکمتی

و سبب وعلتی مقرر در دیکجك احمد پاشا که هر دو کاردان * و حکیم
 فیلسوف اذعان ایدی * ازاله اضطرار شهریار ستوده کردار همچون
 بوتریاق جواب شافی بی حقه حسن تعبیر ایتدی که وقوع فتوحات عظیمه در
 طبع کریمه نوع عجب و اغترار رهیاب اولق معناسی لایحد مزاج و طبعنده
 اسقامی اشربه حکیمانه قیلدی * قیاس ایلرین دیوب ایتسی وقت ثلث
 اخیر ایلده حضرت پادشاه جهانگیرینه شیخی مجلس خاصنه دعوت
 بیوروب اولدخی تشریفه عزیمت و دعوتیه اجابت قیلوب مضرب خیم
 زرین طنابه قریب اولدقده حضرت جهاندار اسکندر تبار غلط انداز
 مشرب شیخ اولق نیتله سائر اعیان و اکابرله مختلطاً تعظیم و استقبال
 همچون پیشگاه چادره چیقوب لکن رشته دروونده اولان کره انفعال
 سابق الذکری هنوز محل انامل مهر و ولایت مشیدی حضرت شیخدن
 روایتکرده راست کوین نقله در که اول شب مظلمه گروه مستقبلین
 میانده بصر صوری ایله روی زیبای پادشاهی مشاهده و تخصیصه مجال
 اولیوب حاسه روح ایله پیکرینی ادراک ایتدی کمده اندام لطیفک
 اغوش عناقه آلوب بروجهله سینهمه کشیده قیلدم که زورمدن بیهوش
 اولوب مرتبه سقوطه قریب اولدی تادرونده جایگیر اولان حالات
 ناپسندیده زوالپذیر اولمچق المدن رها بولدی دیو بیوروب حضرت پادشاه
 عاجله دخی مقربانی بومعیندن آگاه ایدوب اول زور معانقه ایله حضرت
 شیخه اولان کدر و غیظم بالکلیه برطرف اولوب حالت برودت حرارت محبت
 منقلب اولدی دیو بیورمشاردر پس انگاه ورای سر ابرده هر هفت کرده
 تسلیم و انقیاده بر نیچده زمان قرار و بینلرنده کاسات رحیق معاملات
 روحانیه تداور ایدوب الی الان حکایه سی پیرایه دفاتر لیل و نهار و زیور کردن
 و کوش دهور و اعصار اولمشدر فذلکه کلام اول صاحب ید بیضای
 ولایت مشاهیر مشایخ سامی منقبتدن اولغله مقدمه نیازی عاجله نیجه
 بخش اجابت اولدیغی قوت قدسیه لارینک حواس لازمه سندندر * لکن
 سلاطین اسلامیه دن هر برینک یتش ولی قدر قوت معنویه سی اولق معناسنه
 تشبث اولمچق افراد اولیادن برینک بومرته ده تأثیر تیردعاسنه نسبت

شهر یاران عدالتکار عثمانیه ک همای همایون بالرجاری دامن عرش اجابتدن
غیری محله آشیان ساز قبول اولق نه احتمالدو

حکایت

تأثیر تیر جگر دوز دعاده مشاهد عیون اعیان اولان حالات غریبه قریب العهد
ملواندندر که هر حوم و مغفور له جهان بان جیل الخصائل سلطان
(احمد خان) عادل حضرتلرینک والد بزرگوار سرافرازی جنتمکان
سلطان (محمد خان) غازی بسج سفرانکروسه اظهار تقید شهر یارانه
یوردقلرنده (ارباب الدول ملهمون) مضمونی اوزره قدیمی خیر اندیش
دولت عظمای عثمانیه حضرت سعدالدین ثانی (ابوالسعود) حقیقی
بیوک خواجه افندی جنابلرینک بقای فروغ مشعل نور پاش سلطنتده
مدد کاری بشماری وقوعه کلمک تیقنیه مجلس خاصنه دعوت وانواع
نوازشهای ملوکانه ضمنده تکلیف اختیار مشاق مرافقت یورمغله مبادی
وخواتیم سفر ونهضتده حسن تدبیر عقلا پسندی ایله درمیان ایتدیکی
صنوف همم اعجاز طرازی علت مستقله فیوضات عظیمه اولمشدر *
محصل کلام سعادت و اقبال تام ایله منازل و مراحل پویه بادپای اهتمام
ایدرك عسکر جرار انجه شمار ایله قدمنه دیار مستعد الاستیصال اهل
ضلال اولدقدنصرکه کنجینه حصن حصین اگری بی اژدرهالر کی خاطره
قیلدقلرنده فضائل پناه مشارالیه عیم المعارف نسخ تواریخ سالفه ده مصادف
اولدیغی نوادر تدابیر قاعده کشایی خاطر نشان حافظه کردون اشمالی اولدیغی
جهتدن تخصیص مواضع نزول و هجوم و تعیین اسالیب ورود و قدومده
نیجه وجه وجیه دلپذیری اسماع کار فرمایان ستوده تدبیر ایدوب هر حالده
مقتضای رأی رصین اصابت رهینیه عمل اولمغین بفضل الله تعالی اون سکر

کونده اول حصن آسمان مماسی که رصد سازوهم و قیاس سطرلاب تصور
 و دوائر حواس ایلہ اخذ ارتفاعندہ قاصرو عنکبوت باصرہ مک تشبث تار نظریہ
 بالای بروج مشیدہ سنہ عروجدن عجزی باہر در * اہل وجوہ اوزرہ مضبوط
 شمشر تسخیر ایتک میسر شدہ * شہر یار جہانگیر اسکندر ضمیر اولدی *
 بواحتیام ضرام قہر یبیا کانہ درون تیرہ دلان دوزخ مکانہ اذاقہ چاشنی
 عذاب سعیر ایدوب اگر بودفعہ هجوم جیش حیدری الحلا تدن اہمال وتوانی
 جائز کوریلور ایسہ محنتکدہ روز کاردہ آسایش ملت مسیحیہ دشوار اولوب
 ساحہ پهنای غبرادہ بر کافر تیرہ دلہ جای قرار بر طرف * بلکہ عنقریب لشکر
 و سردار یمز کشتہ تیغ تلف * و دار و دیار یمز موطنی پای خدا پرستان باہر الشرف
 اولوب * زور پنچہ نرہ شیران ارد شیر قدمدن خوک صفتان کبرانہ رو براہ
 عدم اولقدن غیری چارہ و مجال قالمزدیو قاطبہ نامداران اشرار خس و خاشاک
 وار بریرہ کلوب اوچ در تیوزیک مقداری عسکر جرار ایلہ سیل عرم کبی
 استخلاص قلعه و مقابلہ * مسلمین ملاحظہ سیلہ مکر بند کین اولدقلری پیوستہ
 سمع یقین مجاہدین اولدی تحقیق جدل پیشکان کهنسال اوزرہ * طائفہ
 مشرکینک ہرگز بومر تہ اجتماع و تحزب لری صورت پذیر وقوع اولیوب بلکہ
 بو طبقہ دہ جمعیتہ قدرت لری علی طریق فرض الحال زبازدہ ژاژ خیان فسانہ
 کوی اولسہ دانشوران ادراک جواب لانسلم ایلہ فیصلہ بحت احتمال اولور ایدی
 تمام اول کروہ مکروہک مخیمکاہ پادشاہی یہ قریب اولدقلری مفاد السنہ
 جواسیس خبر پڑوہ اولیحق اکابرناکار دیدہ دن بعض واہمہ پرستان ضعیف
 القلبہ خاطرہ عودت و سوسہ فرمای راحت اولوب حمد اللہ تعالی مفاتیح
 قلعه سلم دست تسخیر در بومر تہ دہ حصول مراد ایلہ مغنم ایکن بو کونہ دبدبہ
 صولتندہ ساحہ غبر اوطنطنہ شوکتہ قبہ خضر اتاب آورا ولیان ییروکوک
 کوتورمز عسکر ایلہ فکر و مقاومت دلیل قلت فطنتدر بعد ازین مقر اجلالہ
 ایاب و رجعت مناسب حال و داعیہ سلامت پادشاہ ورجالدر دیور ہنمای کریوہ
 انصراف اولوب بورای ناپسندی کہ میوہ خام ناخوشکوار بیان عجز واضطراری
 نہادہ طبق تقریر ایدوب پیشکش پایہ سریر شہر یاری قیلدیلر حضرت
 مؤید الدولہ والدین (اسکنہ اللہ فی اعلی علین) یعنی خواجہ فضائلناہ

سعد الدین افندی حضرت تری بومقوله افکار سخیفه مترجلین رانده دور باش تهدید
ایدوب نیروی بازوی دولت اسلامیه اول مرتبه دن را سخر در که بر قاجا پرداخته
صنایه چوپین عاجزدن استمداد قوت ایله بین اقدام واججام میدانه کلان
شرذمه لئامك پنجه شکن قهر و کینی اولده زحمت چکوب کثرت سواد لری
سوی دای آهن دلانه باعث انفعال اوله رو امیدر که (القصاب لایبالی بکثرة الغنم)
مضمونی لوح دلدن شسته آب نسیان ایده سز دیوب صنوف تسلیه دلاورانه ایله
تقویت بخش خواطر پادشاه و عسا کر اولدقد نصکره جناب سلطان کامیابی
طرف مصافکاه تشویق و حرز نصایح مفیده بی رشته حسن اد ایله کردن اذعان
سپاهه تعلیق ایلدی محل تقابل فریقینده خنا زیر مستعد التدمیرك طریقه
مناقصه اوزره هجوم اقدام لری پیوند کسل سخط جمعیت اسلامیان اولوب
بعض بیوفایان حشر بر طریق ایله ملحق صنف عسکر اولمشار ایدی بالضروره
کریزان بیابان این المفر اولوب کویا جناب خدای کریم (مامن قوم یظهر
فیهم الرشا الاخذ و اباز عب) مضمونی تذکیر ایچون طائفه جنک آورانی
مغلوب جنود خوف و بیم ایدوب بی اختیار جله سی عنایرین سلامتگاه فرار اولدیلر
حضرت صاحبقران اسکندر توانك توسن ثباتی استاد خیر اندیش صداقت
کیش شکال نصیح و پند ایله محکم بند ایدوب نتیجه سخن حضرت استاد
ستوده شمله جناب شاهنشاه کثیر الجمیل ثابت قدم حلیه تحمل و مستند کوهسار
توکل اولوب حله و هجوم رذله نذله مشرکین بر طبقه یه واردیکه خزانه گاهه
قریب محله نصب رایات معکوسه قیامد قاری منظور چشم اعتبار مجاهدین
اولدی ثقات رواندن مسموع محرر الحروف در که بو حالتده حضرت پادشاه عالیجاه
خواجه فضائل دستگاه غرضبان اولوب بو احوال مستلزم الاهواله سن باعث
اولدك مقتضای رأی صائب فتح قلعه دنصکره مقر اجلاله راجع و آئب اولوب
وقعه هائله مشاهد مسندن فراغ باله همت مناسب دکلیدی دیو خطاب عتاب
آلود ایله زباندن از تو یح اولدیلر جناب نیکخواه صادق خیر اندیش مشفق بیباکانه
جواب صحیح المفاده آغاز ایدوب فضل کریم کار ساز ایله انهرام دشمن ساعتی
صدر دخولده و سیره زار قرار اشزار اشراف زوال و ذبولده در و سوسه مغلوبیت
قطعا جلوه کر مرآت مجلوه طبیعت اولسونکه بومقوله حالات هول انگیز و خطرات

دهست آمیز اکثر غزوات سالفه ده مقرر الوقوع ایدوکی مشهور و مسعودر
مقتضاب صلابت جهانبانی بو کونه آثار پریشانی به وجود ویر میوب علی کل حال
اظہار بیباکی و تجلدا یله حفظ ناموس جهانبانیدر دیو تسلیه فرمای درون صاحب
قرانی اولدقدنصر کره یدیعنا ی ظفر پیماسی اولان مخدوم بزرگوار افلاطون اثارینه که
وجود مقبولی کار فرمای صدارت اناطولی ایدی اشارت قیلدیکه ترکش
زراند و دنده موجود اولان سهام الماس خدنگ زهر آلودک هر برینی که آفت
جان خصم غم فرسوددر یکان یکان در یکان ایدوب اوزرینه ادعیه مأثوره
رہین الاجابه دن حسب الامکان قرائت و سفارت جانستانی ایلہ پران
لشکر گاه دوزخیان بدطینت قیلہ فی الحال اول قوی القلب میدان جدال
و یبسا کرو عراض و طراد و نزال فرمان والدماجده امتثال ایدوب اول
همجناس سروش نصرت اولان نبال بدیع التأثيرک مقدار عشری عقاب
تیز پرکی هنوز خیل کنجشک نهادان اشراہ بالکشای دمار اولمش ایدیکه
امر خدای قہار ایلہ جلہ سی تار مارو دام افتاده قہر و ہوار اولدیلر کار
زار مذکورده ادنا شخص بیتاب و توانک کشته تیغ بی امانی بالغ عدد
عشرین اولدیغی تحقیق کردہ روشن نظران مجاہدیندر الغرض اول سفر
ہمایون میامن قرینده عسکر موحدینک مظفر و منصور اولمسی بلا شبہ
اول ادعیه مأثوره او قمنش تیرانداختہ صفوف مخالفین اولمغلہ صورت پذیر
تیسر اولمشدر تماشا یان دارو کیرمذ کوردن روایت کردہ نقلہ صحیح
الخبردر کہ خواجہ افندی حضرینک اول محل چکاچاک تیغ و تبرو جای
اصطکاک کرز و سپردہ برو جہلہ قوت قلب و متانت فؤادی مشاہدہ
اولمشدر کہ اول مرتبہ ده ثبات و برقراری (حیدر) کرار (وحزہ)
مبارزہ کاردن غیرہ میسر دکلدردیلر فی الحقیقہ اول ہرج و مرج و اختلال
موجب الملالدنصر کرہ دولت عثمانیہ بلکہ ملت اسلامینک بقاسنہ خواجہ
افندی حضر تلرینک وجود مسعودی بادی ایدوکی قراردادہ ہر بندہ
وازاہدر

☆ حکایت ☆

(ع) وللدعوات تأثیر بلیغ (نثر) مدعاسنی اثبات امرنده مشاهد
 راقم الحروف اولان غرائب حالاتندركه تاريخ ثلث وعشرين بوفقیه
 بر تقصیر قلم وروم ايله قصباتك بعضنده مامور امر قضا و خدمت گزار شرع
 مین مصطفی ایکن بر فقیر دلخسته خون آلود و سرشکسته تظلم کنان
 جامه دران مسندگاه حکومت حاضر اولوب شخص آخردن بث شکوی
 و بیوجه و باعث سرب سامانه زخمرسان اولدی دیو حکومت عدل
 و احقاق حق رجا ایلدی مقتضای ادب قضا اوزره حریف ستمکار احضار
 اولوب پرسش تفصیل غوغا و اکتشاه غورماجری اولندقدده مکر بدبختان
 اراذلدن دیوانه ارسلان دیمکله شهرت شعار بر شقی بد کردارک برادری ایش
 بلا تلثم اقرار و ایتدیکی وضع ناپسندده اصرار ایدوب محظورات دینی
 مباهی و محذورات دنیه ايله مباهی اولدیغی جهتدن مقتضای غلبه غیرت
 حق ايله اجرای کردار ناصوابنه اهتمام ايله نیل ثواب اسبابنه اقدام اولندقدده
 کندی امثالی فجره ضلال اندیش ايله کربند تعدی اولدیله و بو مقوله
 بر شیرغابه شرتک برادر پر آذری روبه نهادان اسافلدن بو گونه برکتر
 کدای احقری ازده پنجه ستم و جور ایدر ایسه نه لازم گلور دیو اول کلاب
 عوعوزك هربری آغاز هر یرونباح و شرور وقتن قیلدیلر اتفاق صلحای
 قصبدن حسن خایفه نام بابای صاف خلقت و پاکیزه طینت رفقای
 شخص محرك الفسادی الزام قصدیه بر قاج کلام پند آمیزه دهنکشای
 اولوب نیچون خلاف شرعی متقاضی و ناراضی حکم قاضی سزدیجک
 میان اراذلدن بری کردن افراز عتاب اولوب قاضینک کاسه ایسی اولغله
 جانبدارلق سمتن طوتارسن بو یولداشمزك برادری سفردن کلدکده

سکا وقاضی یه پهن دشت دنیای دیده موردن تنک و حفره کوردن
 تار ایدردیو ژاژخای و هذیان پاش اولدی مزبور حسن خلیفه دخی
 مردغیور اولمغله صدق نیت ایله جناب قهار شدیدالبطش وعزیزدی
 انتقامدن نیازمند و امید وارمکه شروشوری ایله تهدید ستمیدکان ایتدیگکز
 خبیث بدنهادی وصول اهل ووطن ونزول مقروم سکندن محروم ایلله
 دیوقیل وقاله فیصل ویرلدی و صورت واقعه یوم صدورنده ثبت سبجل
 اولمغله حین منازعه مضبوط و معلوم اولوب برقاجگون مرور ایدیجک
 سفر پادشاهییدن برآدم کادیجک خبر ویردیله طریقه معتاد اوزره بحسب
 احوال عسکر ایچون دعوت اولتوب پرسش وقایع دهر اولندقدده جمله
 سپاهک سالما عودت لرندن پیام آور اولوب شخص پرنقص مذکورک برادری
 ارسلان خوک اندامک اسقای مواشی ایدرکن یوم فلا نیده جمیع ساز و سبلی ایلله
 بر جویبارده غرقاب اولدیغن حکایت و قعرچاه غیایه وارنجه عنا نکش
 سمند باکرند اولمیوب توجه (بنس المصیرده) همحال فرعون اولدیغن
 تحضیضا روایت ایلدی سبجل محفوظه مر اجعت اولندقدده بعینه یوم وقوع
 غوغا بلکه لحظه صدور بددعاده حریفک مهلکه فنادن پالغزیده درکات
 هاویه اولدیغی ظاهر اولوب (سبحان القادر القهار) مقالی پیرایه زبان صغار
 و کبار اولدی

✽ بیت ✽

✽ کار ایدنجه آتش آه دزون مستند ✽

✽ بر دم ایجره قلعه هفت آسمانی قالدیر ✽

✽ حکایت ✽

ینه سالف الذکر حسن خلیفه نک تأثیر تیردعاسی بووجهله معاین اولمشدر که
 حرمکاه پادشاهی تیردار لرندن برینک مادری که نهایتده دمیم الخلق و ذمیم

الخلق ایدی فرزندینه استناد ایله بی وجه و سبب صلاح اندیش هر قومک آویخته
 دامن خصومتی اولوب هر چند که موجب احکام شرع شریف ایله الزام قصد
 اولمش ایسه ده کارکر اولدی خلال قیل و قالده اول زن پرفتق هر قوم حسن
 خلیفهیه خطابا او غلم سنی عن قریب بومملکتدن اخراج واجلا * و مداخله
 امور ناسدن سکاقطع رجا ایتدیرر مضموننده بعض اراجیف بی مزه ایله
 زباندرازهید اولدی * اتفاقا خصومت و نزاعلری لیلہ قدره مصادف
 اولوب مزبور حسن خلیفه کلام دهشت آمیزا جلابی استماع ایدیجک
 تبردار مغرورک امر حیاتنی حواله تیغ قضا ایدوب بولیلہ مبارکه حرمتنه
 جناب رب الاربابدن رجایدرین که فرزند نایسندک مظهر قهر پادشاهی
 اولوب مفتخر و مباهی اولدیغی رتبه سندن مهجور و مکاره و مکایدی مفارق
 یکنهان عالمدن دور اولسون دیوب کلاملری پیوسته ختام اولدقدنصرکه
 برقاج کون مرور ایدوب دارالاجلال عثمانیه دن آدم لکلوب پیام آور تحقیق
 اولدی لکه حضرت پادشاه عظیم المعادل ماصدق قول قائل

* بیت *

* خان احمد عادل که قضایا نعل سمندک *

* ماه علم رأیت فتح و ظفر ایلر *

(نثر) لیلہ قدرده ادای فرائض و نوافل عقبنده سجاده سی اوزره برکاغد
 بارمیه نکاهی دوش اولور دستیار ایدوب امرار نظر بیوردقده بعض مقربان
 حضرتنی غز غمینه متعلق هرزه وهذیان مسطور ایدوکن مشاهده بیوروب
 آینه ضمیر منبرلری ژنکیز یرتکدر و اغرار اولغله تهجیل عقوبت رقعه نویسه
 اصدار فرمان قهر آمیز ایدیجک مؤکلان خدمه حرمسرای عالی جست
 وجوی کاتب تیره بخت کوته قلم سیه نامدی کربند اهتمام اولدقلرنده
 زن شورانکیز فته بیرک فرزند ناخلف بی عقل و تمیزی اول رقعهیه آب
 و تاب ارتباط و یردیکی متعین و کندویه خط آزادی اولمق اوزره تحریر
 ایتدیکی حجت افتضاح و رسوایی پرداخته خامه قباحت زایی ایدوکی متحقق
 و متبن اولغله فرموده فرمانفرمای قهرمان رأی اوزره فی الحال سیاستگاه
 احضار اولنوب لیلہ مبارکه حرمتنه اراقه دمی اذاقه چاشنی ضربه تحویل

اولمغله جائزه كنسابت ناميله بشيوز عدد چب راست فرنكي بلا مسامحه
عطيه اندام فلاكت انجسامي قيلنوب خلعت وظيفه راتبه دن عريان وديده
كر يان وسينه بر يان رانده دور باش (فاخرج منها) قيلنوب غلبه مذلت
وخواري * و هجوم نجات و شرمساري عنانكيز عزم وطن مألوف اولمغله
مكروب وملهوف رو براه مصر اولوب كيدر كن سفينه حياتي شعب ممت اولمشدر
* بيت *

* هر كه اوينك ميكند يابد * * نيك و بد هر چه ميكند يابد *
(نثر) زهي رب ذي الجلال وقادر قهار پر كمال كه افراد ناسدن بر ناتوانه
اولقدر قوت واقتدار احسان ايدر كه

* بيت *

* بانكه ناكشيد يكي تيغ از نيام * * بانكه تانهاد يكي تير در كان *

(نثر) نيچه كونك مسافه ده بي باك و بي پروا مسنداراي متكاي جاء و جلال
اولان خصم قوي بختك صدپاره ساز خلعت حياتي و سرشكن پيكر عجب
ومباهاتي اولور * بروجهله كه نمبازوي قوت وزوريه تخليص دامانه مجال
* ونه سير شروشورايه مدافعه زخم انتقامه فرجه احتمال بولور (ع)
وايس لما شاء الله مدافع (نثر) آمديم بمانحن فيه

* تشيل موجب التبعيل *

شهر ياران باهرا لاقتدار سحاب رشحه باردرد كه خشك وتره و بحر و بره
فيضني دريغ ايتيوب هر محله رشاشه پاش و قطره فشان اولور * وانوار مهر
تايدارد در كه حضيض واو جد و بلند و بسته نوربخش و پرتوانداز اولوب
اعلا و ادنا زيرو بالاي منور و تايدارد قيلور وجود كوه ثباتلري طودشا مخدر
تحمل اخطار روزگار ده بحر ناخرددر كتم خبايا اسرارده

✽ قطعه ✽

✽ ای بوده بر معارج اقبال کا مجوی ✽
 ✽ وی کشته بر ممالک آفاق کا میاب ✽
 ✽ تو ابر بحر مرحتی بر همه بیار ✽
 ✽ تو آفتاب عاطفی بر همه بتاب ✽

✽ تشویق و اغراب استخدا المیق و احرا ✽

واجب در که پادشاهلر شایسته قبول خدمت بیادگیری عبادی نوازش
 التفات ایله محرم بزم رعایت و مستعد رد و نفرت کوردگیری بدنهادی
 سرزنش و عتابله رانده مفاوز اهانت قیلغی لازمه دستور سلطنت و طغرای
 مناشیر دولت بیلر زیرا نیک نهادان خوش دله ترتیب و بدتر اذان ارادادن
 مباحثات قانونی رعایت اولنمسه شیوه تمیز رذیل و عزیز بر طرف اولوب
 نیکو منشان عالم بلاکش خزی و سرزنش و مختل روشن ام جرعه چش
 لطف و پرورش اولق لازم کلور و بردیارده اشرار لثامه و اخیار کرامه ستم
 روا کور یله البته اول ممالک سوزان آتش مهالك اولوب حوالیسندن
 مزین خیر و نیکوی منقطع اولمغله اهلایسنک کشتزار آمالی باران احسان
 ربانیدن کسب ریانی قیلق ممتنع و محال اولور

✽ نظم ✽

✽ ریاست بدست کسان خطاست ✽
 ✽ که از ظلم شان دستها بر خداست ✽
 ✽ خدا ترس را بر رعیت کار ✽
 ✽ که معمار ملکست پرهیز کار ✽

✽ حکایت ✽

فی الجمله مناسب سیاق ملاحظه اولمغله بولطفه صدد ما نحن فيه منساق
قیلندیکه اهالی کوفه خلفاء عباسیه دن مأمون خلیفه درگاهنده والی
ولایتلرندن بسط شکایت و دیارلرنده ابداع ایتدیکی بدع ومظالمی تقریر
وحکایت قیلدیلر * جناب مأمون مشکور المساعی خطاب لانسلم ایله
اسکات شکاته ساعی اولوب میان ولایه وو کلالده انذن مأمون الغائله
مجنب احوال هائله برامیر عادل و کار فرمای معتدل یوقدر اعتقادندهیم
دیو جوابده داد خواهان اولیجق ستمیدکان کوفه ای شهریار عالمقدار
چون سر بلامدار یمزه حواله ایتدیکن عامل دیار بوجه اوزره داد کستر
ومعد لتکار ایش لله تعالی نصاب عدل شاملندن سائر ممالک واقطاری
دخی بهره ور و حصه دار ایله که یالکز فقرای کوفه لطف عمیندن
مستفید اولوب سائر جوانب ونواحی سکائی محروم و ناامید اولق سمت
عدل وانصافدن بعید در دیو بالاتفاق نوحه سرای فریاد اولدیلر
مأمون که شهریار منصف ومیال نکت واطائف ایدی کوفیانک بوجواب
خوش طبعانه لرنندن شکفته درون اولوب فی الحال طبق لعین زبان ایله کوهر
افشان احسان وعزل عامل ستمکاره اصدار فرمان ایله مرهم نه زخم کوفیان اولدی

* نظم *

* مکن جور بازیر دست و ستم *

* که بیخست این کارورد پار غم *

* نجوید کسی کو بود از عدول *

* ز عدل و از انصاف هرگز عدول *

* مکن ظلم کان کس که او ظلم کرد *

* بری هرگز از زندگانی نخورد *

تغیر و تحذیر از نامناسبان شریر

قرب سلطان لایق کورلیان اوباشان اشخاصك * خدمات جلیله خاصه ده
استخدامی ناروا اولدیغی کی اسافل روستا زادك ملتحق سلك اجناد اولسی
تجربه کاران عقلا در زیرا اول مقوله کار نادیده ضعفای سخیف الافکارك
تکثیر سواد دن غیر فائده لری اولیوب بلکه محل تصادم عسکرده مقتضای
طبع تشوش مدار لری اوزره صدمات **ک**ر و فره تاب آور مقاومت اولغه
اقتدار لری یوقدر که رهنمایی کریوه فراردن غیر خدمت **ه**مه عهده سندن
خروجه مجال لری اوله

حکایت

تاج ربای شهر یاران هفت اقلیم کشور کشای بی پروای فلک تحت و آسمان
دیهیم فاتح الحرمین الشریفین سلطان سلیم خان حضر تلی شاهزاده لکری
حائده کار فرمای منصب امارت ایکن جوانب و اطراف عالم دن استماع ایتدیکی
نامداران روز کاری پنجه لطف و التفات ایله ربوده قبضه تسخیری قیلوب
اول مقوله دلاوران عصر و نامداران دهری زمره بندکان خاصه الحاق ایله
تکثیر خدم و حشمه اشتغال پوررل ایدی * اتفاق اول دیارک رئیس اهل
سوق اولان بازار باشینک بر فارس دلاور اوغلی پیدا اولدیکه فن فارسی
وسلا حشوری و خیالیده خیالنه ایرمز * و حین مشواره کوسه تردیکی
خرده کاری دشوار فهمی قوت باصره ایله ادراک اولمز ایدی هتکام تک و تازده
عیار چاپکیای صبا توزینه ایرمکده عاجز * و توسن صرصر تک فلکی
یک میخ سها اوزره قوللمغه قادر دینسه جائز ایدی والخاصل

بیت

جهان آفرین تاجهان آفرید * چورستم سواری نیامد بید *
(نثر) تعریفه ایراد نقص ایدوب اکثری چا کران شهراده به تعلیم آیین تک

ودو قشش بر دلاور پهلوان بی باک رو ایدی آرزوی الحاق بندگان سلطانی ایل
 کندوسی شاگردانسه مراجعت قیلدی که شهرزاده جوا نجحتک سر وقت
 صفارنده حول زمرة سپاه ایچون خا کراهنه در نثار شفاعت اوله لر بر کون
 جناب شهرزاده رکاب عزیمته پانهاده اولوب توجه میدان طوب و چوکان
 قیلدقه اشارت بندگان ایله شخص معهود دخی هم رکاب خدمه شهرزاده
 سکندر جناب اولوب صنعت فرسرانیده معلوم و مقدوری هر تبه سن در میان
 ایلدی و اولقدر طرید و جولان کوستردیکه حضرت شهرزاده جلیل المأثر
 بی اختیار منجذب الخاطر اولوب قصد اسعاف ایله خاطر خواهندن استکشاف
 ایدیجک جمیع سپاه متفق الکلمه روی نیازی سوده خا کرجا ایدوب دلاور مذکور
 فن تک و تازده استاد الکل اولغله سلاک بندگان حضرته الحاقی با بنده الطاف
 خداوند نعمتن نیازمند رخصت و رضا جوی حضرت زدیو بسط کلام و عرض
 عرام ایتدیلر شاهنشاه سوید التیمیز الحاح سپاهی بی تجویز صورتنده جوا بفرمای
 نیازمندان اولدیکه بومقوله فنک فریدی بریکانه وحیدی زمرة بندگانه الحاق
 جانه منتدر * لکن نسب و حسبی و طور وادی معلوم هما یونم اولیجق قبولی
 دآب عالمگیرانه مه ناملا یمدر دیو پرسش اصل و فرعی ایله تقید ککوستریجک
 شهریارا بو دیارک رئیس سوقی و نامدار کوی و بازاری اولان بازار باشینک
 فرزند رشید وار جئیدر دیدیلر حضرت پادشاه ستوده اوصاف اسعاف
 دلخواه سپاهدن استکاف ایدوب بر آدمنکه پدرینی محتسب وقت و حکام
 زمانه نغز و سیاسته اقدام ایده کلوب هفته باشنده قولانغندن میخلمغه معتاد
 اوله لر زمان جنک و مصافدن رعب و خوفه مشحون اولان درون فشل نمونی
 مائل انصراف اولوب ایاق نایی کلمک توهمی ایله سمت اختفایه اماله
 لجام ایتسه کرکدر

✽ بیت ✽

✽ دلاور که نبود سلاح آزمای ✽ ز بی دستی خود در ایدز پای ✽
 (نثر) بنم خدمت بارگاهمه طبانجه اورمغه معتاد اولمش آدم لایق و سرا وار
 اولور یوخسه بومقوله مغلوبیت ایله پرورش یافته اولان حریف لکد خورده

همیشه باعث انهمزام اولغله میان عسا کرده وجود بی سودی علت پریشانی
وداعیه فرار اولور دیو ملتسانه قبول الزام صورتشده بسط مقدمات
اعذار ایتدیلر

✽ شعر ✽

✽ لاتصحب الکسلان فی حالاته ✽ ✽ کم صالح بفساد آخر یفسد ✽
✽ عدول البلیدالی الجلید سریعة ✽ ✽ والجر بوضع فی الرمال فیحمید ✽

✽ قول راسخ در اختلاط علما و مشایخ ✽

مشیران دولت و مباحشران کار سلطنته لازمدر که سمت صواب و راه ثوابه
ترغیب ایچون مشایخ و علمای مجلس پادشاهی به تقریب ایده لر که طوائف
مذکوره خبردار اسرار خدا و راز دان احوال کبریا اولغله جناب سلطانه
تقر بلری موجب سعادت عظمی و مدار بقاء رونق دین و دنیا در

✽ نظم ✽

✽ همره و همره رو دهم زهبرد ✽
✽ هم می وهم ساقی وهم ساغرند ✽
✽ چنبره حلقه در کاه شان ✽
✽ زرکش خور دامن خر کاه شان ✽
✽ ملک نه و ثوبت شاهي زده ✽
✽ تخت دراکوان الهی زده ✽
✽ درره عرفان چوشدی راه جوی ✽
✽ معرفت از من عرف الله جوی ✽

✽ حکایت ✽

روایت کرده صادق نغسان خبر در که سلطان محمود غزنوی حشره ربه
 علی الصراط السوی ونور ضریحه بالبر الاخر وی برقاج ماده ده پی برده
 راه اشتباه اولوب سمندو همی شکل اشکال ایله پای پسته قید و تردد اولمغه عزیمت
 سمت یقینه امکان بولماشیدی (اولا) حقیقتده سلاله سبکتکین اولوب
 خیر مایه وجودینه ماء منی شخص آخر مختلط اولماشیدر (ثانیا) میدان
 مجازات حسنات و سیئات اولان عرصه عرصا نده محرز قصب السبق
 مغفرت اولورمی (ثالثا) العلماء ورثة الانبیاء حدیث شریفنک معنای لطیفی
 الان بقا اوزره میدر یو خسه مایه وراثت نبویه نقود بولوب اول سعادت
 عظیمه فائزلی معدوم و مفقود میدر سالها رائض متفکره سی احتمالات
 دورا دورده جولان ایدوب کوی ربای تیقن اولمغه مجال بولماشیدی اتفاق
 علماء روزگاردن بری طریق زیارت ایله بارگاهه جبهه سای اولوب شرف بخشای
 بزم بهشت آیدنی اولدقده پادشاه مذکور عالم زائری اولقدر حصه دار
 نعمای التفات ایلدی که جیب و دامان تصوری فوا که شادمانی ایله مالامال
 اولدی شبانگاه مسند آرای سریر اصطفا (جناب حضر محمد المصطفی
 صلی الله تعالی علیه وسلم) رؤیاده پادشاه مشارالیهک رفع مرات اشتباهی
 ایچون طبق لعین زبان شکر پاس تحقیق اولوب بیوردیکه (یا ابن سبکتکین
 اکرمک الله کما اکرمت وارثی) یعنی ای زاده صلب سبکتکین و یکتا کهر
 صدف رحم مادر نازنین بنم وارثه اکرام ایتدیکک وجه دلپسند اوزره
 حضرت رب العالمین سنی دخی اکرام عامندن کامیاب ایلسون دیومرده
 رسان شاه مکارم قرین اولیحق بوتعبیر خاطر پذیر رسالت پناهی سلطان
 محمود کشورستانک حل و تغییر عقد شهادت دیر ساله سی باینده تعریف
 جامع الافراد مانع الاغیار اولوب اول عالم زائر وارث رسول اولسی
 و پادشاه اکا اکرام ایتمکله اکرام خدایه وصول بولسی شهادت حضرت
 سید الکونین ایله مثبت اولغین آینه خاطر کثیرا خواطر پادشاه جمیل الماثر دن
 ژنکار تردد و تحیر زائل و مصقله زبان معجز بیان رسوالله ایله هرأت مجلوه
 طبیعته انجلاء یقین حاصل اولدی

* نظم *
 * خرد گفت بامن که مطلق بکوی *
 * بفر خند کی شاه والا طلب *
 * ندا نمک سر طالبان رامدام *
 * رساند بمطلوب الا طلب *
 * چودانی که دانش به از چیزهاست *
 * همه چیز هاتوز دانا طلب *

* اثبات لزوم ثبات در اوضاع و حرکات *

جمیع کارده ثبات ملوک و سلاطینه اهم مهماتند در شمول مرتبه ده دك که
 پادشاه را اقوال و افعاله ثابت قدم اولی لازم در که فرضا بحکم البشریه
 بروضه صابت ایتیموب ارتکاب خطایله و مقربان حضرت بر مقتضای
 مراسم نیکخواهی اول کارک خطایلو کن اشعار ایدوب صوب صوابه
 القایله و کندویه دخی ثبات کلوب مرتکب خطا اولدیغه جازم اولسه
 ینه رجوع و تحوله سرعت و عجله روا کور میوب بر مدت ثبات قدم صورت
 اراءت ایلیه امدی دانشوران حکمت آموز جایل الحركات خاصه ثبات ایچون
 بو مرتبه ده وجوب و لزوم اثبات ایدیجک یعنی اصرار خطا محض نقیصه
 ایکن مجرد محمول تلاشی اولماق ایچون وقت صدور خطیئه ده صورت نمای
 تثبت اولق متحکم اولیجق اوضاع حمیده و اطوار پسندیده ده نه مرتبه
 پابرجا اولق کرکدر که دامن دولتری آلوده کل ولای تعیب اولیه و بویابده
 یعنی خصلت ثباتی ایجادده مفاد مشکل کشایان عالم اولان تمثیلات
 مشعر الحکم دندر که مثلاً هر کس که اقامت ارکان اسلامیه ده ارتکاب محذور
 تلاشی ایدوب بعض فرائضی مؤدی کرده و بعض آخرین بطرح تسامحه

انداخته قیله البته احوال دیانی خلیذیر پریشانی و ناچار دامن سیرتی
آلوده لوث نامسمانی اولور کذلک بر آدم یارانی ایله معامله ده هرزه کردیبان
تلون اولوب گاه قدم نه میدان خلت و ولا و گاه کریوه مر دفیانی علت وریا اوله
یعنی پرکار اختلاطی مرکز صدق و سداد اوزره دائر اولیوب کلمه الفتی
حرکات ثبات اوزرینه مبتنی قیلمیه لابد دائره محبتی اعوجاج لجاج ایله
خط مستقیم نفس الامر دن منحرف واسم حقیقتی علل حقایق انعدامی ایله
قاعده انسانیتدن منصرف اولوق لازم کلوز القصد هر شخصک که
لعبتازی مشرب حیلہ پردازی انبان سینه سندن گاه عدل و گاه جور
صورتلرین ابراز ایدوب حفاق وفاقده اخفاء مهره نفاق وزیر حرقة اتفاقده
ستر کاسه اشتقاق ایله کنندی دخی هیچکسدن نائل جوائز آفرین اولیوب دامن
کوتاه تصوری نقود صلات حسانتدن بی شبهه تهی اولور مشاهد عین اعتبار
هر کسدر که امر نفسی سندن اختیار ناهمواری قیلان ارباب وضع شتر
کریه که گاه اسباب زندگی و صحت و گاه دوائی مرض و علت مباشر اولوب
مأکل و مشربنده و مطاعم و ملا بسنده رعایت ضابطه اطرا و مهمی اولیه
یعنی گاه اغذیه مختلفه المطاعم شره و ولوع و گاه ریاضت و پرهیز ایله تحمل
متاعب عطش و جوع قیلوب گاه تکثیر جامه و لباس قبای یکتا ایله استیناس
اختیار ایله بالاخره بو حالات متناقضه ارتکابی هلا که مفضی اولوب بوهوای
سرد ناهمواری ایله شمع حیاتی مرده و جویبار سلامتی فسرده اولوق لازم
کلوز بس عوام انامه علل تلاشی بو مرتبه ده مضرت رسان سوء جزا
اولیحق شهر یاران جهانه بطریق الاولویه منتج اختلال حال و اثر شمانت
موجب الملال اولسنده شبهه وارتیاب قالمز

✽ قطعه ✽

- | | |
|------------------------------|----------------------------|
| ✽ در امور زمانه ثابت باش ✽ | ✽ متغیر مشویر تغیر ✽ |
| ✽ قطب چون ثابتست و پابرجای ✽ | ✽ هست بروی مدار هر تدویر ✽ |
| ✽ قطره ابر چون توان یافت ✽ | ✽ در دل سنک میکند تأثیر ✽ |

❖ القاء صواب ❖

خدمهٔ بارگاه شاهی و سدنهٔ دیوان ظل الهی به اول مرتبه ده رخصت
غنی و ترفه نامناسب در که داعیهٔ سروت و کامرانی ایله خدمت اردوگاه اجلا لدن
بی نیاز و مستغنی قیله و اول درجه ده تضییق و اذایه توجه ناملا یمدر که علل فقر
و ناتوانی ایله خاك مذلدن سر بر آوردهٔ اقتدار اولمغه مجال بوله میوب هنگام
لزوم جانسپاریده جناب ولی النعمایه مدد رسانیدن عجز و توانی لازم کله

❖ بیت ❖

❖ در افراط جود و روی کرم ❖ ❖ گاه می بند و گاه هم بکشی ❖

❖ اشارت و ایما بملا حظة خوف ورجا ❖

هر حالده نیت صافی و عقیدهٔ خالصه ایله جناب مسبب الاسبابه توکل قیلوب
حالت خشم و رضاده یعنی صورت لطف و جفاده سر رشتهٔ فکر حتی دست
تصوردن گذاشته قیلوب توسن حرون تندرو نفسی دائما شکیهٔ خوف
خدا ایله ضبط و تسخیر ایلیه

❖ بیت ❖

❖ خوشست از قهر و لطف اندیشه کردن ❖

❖ بهم خوف ورجا را پیشه کردن ❖

(نثر) وسعت رزق و وسعت معیشت ایله عجب و غرور و مجتنب و حذور اولوب
مساعدهٔ اسباب جاه و جلال مشاهده سی ملاحظهٔ بیم زوالدن اشغال آتیه که
وفق دلتواه اوزره ظهور آثار کمال طلیعهٔ جیش اختلال و مبتدای
خبر انفعالدر

✽ شعر ✽

✽ اذا تم امر بدا نقصه ✽ ✽ فهمي زوالا اذا قيل تم ✽
 (نثر) بوجوهله توفرا سباب تحمل و کامرانی و سوسه انداز طبع پاك جهانبانی
 اولد قده ملاحظه سر گذشت اسلاف ايله ازاله خواطر غرور افزایه
 همت پیوره لر

✽ بیت ✽

✽ همی تا بکردانی انکشتی ✽ ✽ جهانراد کر کون کندد اوری ✽
 (نثر) گاه اولور که جناب محول الاحوال کره زمینی دستخوش پنجه تسخیر
 ایتکله فریفته بازیچه استقلال اولان جهانداران اسکندر مثالی عدد حصی
 ورمال ده چند رجاله کار فرما ایکن بر لعله خاک کنشین زمین فنا و زوال ایدوب
 بی نام و نشان کنج حول و انزوا بر کدای بی تاج و قبای رایت افراز مصافکاه
 استعلا و نوبترن تغلب و استیلا ایدر عند الحقیق جمله ملک جهان قبضه اقتدار
 حقد و سیرای پای زمین و زمان زیر حکم فیاض مطلقده در

✽ نظم ✽

✽ ای بصد لطف کار سازنده ✽ ✽ بنده را از کرم نوازنده ✽
 ✽ تو توانی که بخشی از شاهی ✽ ✽ هر چه خواهی و هر کرا خواهی ✽

✽ حکایت ✽

نقشبندان دیباجه حکم و عبر و طرح اندازان صور و قایع و خبر بورسم طرفه
 نکار ايله پیرایه بخش شهنامه دور بوالعجب اثر اولمشلردر که از مننه سالفه سلاطیندن
 بر شهر یار قوی بخت زورمندکینه اصحاب تاج و تختدن کندویه نسبت
 بر ضعیف الحال بی تاب و طاقت ايله خصومتی اولوب هر پری جمع لشکرده بذل
 خزانة اهتمام ایدوب مجادله گاه تقابلده آهندلان فریقین و جنگجویان طرفین

✽ بیت ✽

✽ شتابان دوجیش از دو سوی درنك ✽

✽ دل هر دو چو شان ز صفرای جنك ✽

(نثر) نعره زن (هل من مبارز) اولد قلرنده پادشاه صاحب اقتدار که زور بازوی قوت قاهره سینه اغترار ایله احتمال مغلوبیتی ضمیر پالکی با که اخطار ایتمز ایدی نعره زنان فرسران سرمیدان اولوب سلطان کپایه فرومایه به اسماع خطاب ایتدی که سر رشته منازعه ایگیزك و بسته دست همتی ایکن بو کشاکش خصومت سببیه طرفیندن بو قدر عساکری نه پایه بر برینه مکر بند انتقام اولق ناملایم قانون عدالتدر مناسب حال ایگیز بی مددکاری معین وقفادار عزم پیکاری گاه جنك یکا یك ایله اقدام بخت آزمایی در تا که اهی خدا ایله غالب و مغلوب متین اولوب مایپندن غبار جنك و آشوب بر طرف اوله

✽ مشوی ✽

✽ توای تا جور کامدی در نبرد ✽

✽ بمردی کن این داوری نه ببرد ✽

✽ پیکار اگر بامنی کینه سنج ✽

✽ سپه را بیهوده داری برنج ✽

✽ چو کاری میان من و تست بس ✽

✽ چه جوییم فریاد و فریاد رس ✽

✽ پیا تا بهسد ست بیرون کنیم ✽

✽ زره در خوی و تیغ در خون کنیم ✽

✽ بکوشیم تا بخشش کرد کار ✽

✽ که را بر سر آمد سر انجام کار ✽

(نثر) بو تکلیفی پادشاه ضعیف استصواب ایدوب بلا توقف جرأت نمای مبارزه و قدمه جلوه گاه مقله اولوب شاه عالیجاه ایله آماده مصارمه و مقاتله اولدی

بیت

بخصم آزمایی علم برکشید

همه دشت در زیر لشکر کشید

(نثر) ایکی طرف عسکری تیغ جدالی قراب فراغه ادخال ایدوب وهربری
برطرفده نیره فرقد سایلرینه اتکا قیلوب اول ایکی نره شیرک تماشای دارو
کیرینه مشغول اولدیلر هماندم که اول ایکی جهانگیر نامدار پنجه جراتی
حواله قبضه تیغ آتشتاب همیر تحریکی خلیده باره صر صرک
بادشتاب ایتدیلم

بیت

عنان درعنان هر دودر تاخشد

سنا نها بیکد یکر اندا خشد

(نثر) سلطان زورمند بی نهایه اول جمله ده خصم کپیایه ناتوانه رستمیه
برسیف سرشکاف جکر در حواله ایتدیکه صاعقه وار سر بلامد ارینه
تیغ نزولی ایله مرغ روح شاه ضعیفک ترک آشیان حیات ایتسی بر لحظه ده
وقوعه کلدی تمام پادشاه مغرور مظفر و منصور اولمش ایکن ارادت علیه
قهاریه اول شهریار غرور اندیشک خذلانه تعلق ایتکین رسان کارخانه
تقدیر صحیفه جداله بویوزدن طرح انداز نقش تغیر اولدی که دیده
شهریار قرین التائیده سمند شاه سر بریده مقبول و بسندیده کورینوب
بومعنی جلوه کر همیر پر کردی اولدیکه جد الله تعالی خصمه ظفر بولوب
کله سن کوی بازیچه گاه فنا قیلدم روا بودر که اسب غریبه سوار اولوب
کندی عسکریمه توسن دشمنی زیران ایتدیکم حالده جولان مباهات
کوسترم دیوب فی الحال کندی ادهم همایون قدمندن زین سمند شامت
پیوند خصمه پرتاب ایدوب آهسته خرام جانب صفوف اعلام نصرت
انجامی اولیجق کندی مطلق العنان ترک ایتدیکی اسبی ما لوفی اولان طرف
لشکر کاهه یعنی شاه منصورک تخیمکاهی اولان اردوی سپاه طوغری
زمان سور یوب شاهدن اول چیه کلدی عسکر که مصافکاهده
خصمینک برین فتاده خاک سیاه کور مشلرایدی هنوز قنغسی مقبول ایدوکی

تشیخص و تمیز او لنما مغله کندی پادشاهلرینک سمندینی بو حال ایله
 قید رائضدن وار هیده کور یچک اول شهریار کامین فتاده زمین کین
 اولمش توهیمیه جله سی یکسره عنانیز کریز اولوب برآنده پریشان
 چنکا ستان وروبراه بیابان اولدیله هر چند که پادشاه غالب اسماع پاسخ
 سلامته راغب اولوب کشته ساز خصم تبه کار اولان سرفراز روزگار بنم
 مغلوب طرف دشمندر نیچون فرار ایدرسز دیو تسلیه فرمای عسکر اولوب
 بانک و فریاد برداشته قیلدی مفید المیوب صحن میدانده تنها قالدیغن عسکر
 مخالفین مشاهده ایدیچک فرصت غنیمتدر دیوب بالمله اوزرینه هجوم و حمله
 قیلوب دست بسته وارث تاج و تخت سلطان مقتوله کتوردیلر مکر شاه مقتولک
 بر فرزندرشید خیر الخلق و ارایدی فی الحال قصاص پدر حکمیه اول سلطان
 مظفری عرضه تیغ هلاک ایدوب کندی جانشین پدر و شر فساد تاج و افسر
 اولیچق بی منازع و مخاصم علم افراز استیلا اولوب ممالک خصمی بی حارس
 و نگهدار بولغله بلا مجادله ضبط و تسخیر ایدوب پدری بومر تبه ده منخسف
 الکوکب و ضعیف الحال ایکن پسری بر لحظه ده ایکی ملک عظیمه وارث
 اولوب چار جهت ممالکه سایه انداز اجلال اولدی

✽ نظم ✽

✽ بساغره کز مر دن ایمن نشست ✽

✽ که تا چشم بر هم نهی دیده بست ✽

✽ اکر تاجداری و کرسر فراز ✽

✽ بتاج سرخویش چندین مناز ✽

✽ که یک صدمه زین باغ نیلوفری ✽

✽ رباید دوصد تاج اسکندری ✽

✽ القاء اصغای شکوی ✽

طریقهٔ مسلو که سلاطین و ملوک آدابندن بری اصغای شکوای دادخواهان
درم حاله توجه و اقبال کوستر مکر

✽ نظم ✽

✽ فروخوان نامهٔ مظلوم ازان پیش ✽

✽ که می بینی سپهر و نامهٔ خویش ✽

✽ سپید ست هر چه ایوان شهنشاه ✽

✽ سینه کز دزد دود تیرهٔ آه ✽

(نثر) واجبدر که هر ستمکشیده مظلوم بلا دیدهٔ انین تظلمی پیوستهٔ سمع
قبول ایدوب اغلو طهٔ تصدیع بی موقعلرندن تکدر پذیر استکاف اولیهلر که
بزرگان مسندگاه بختیاری مکالمهٔ بلاورزان کوچهٔ ذل و خواری به صرف
نیم خطی اسراف کنجینهٔ عمر و اتلاف نقدینهٔ وقت اولور دیمزلر بلکه داد
خواهان فلا کتائب استماع ناله وزار یسن ترانهٔ سر و دوشادمانی به ترجیح
ایدوب طنین نوحه و فغانلرندن تنفر ایتمزلر (حضرت سلیمان امین الله علیه
و علی نبینا صلوات الله) شرف نبوتله سر افراز عالم اولدیفندن غیری اجناس
مخلوقات نفوذ اهل ایل احرار از رتبهٔ امتیاز ایش نظر کردهٔ خدای بی نیاز
واجب الاعزاز ایکن بوقدر کوکبهٔ احتشام و تجمل ایل معاملهٔ مورچهٔ ناتوان
شکسته میانه تنزل قیلدیغی مدعایه دلیل و بومقامه مناسب تمثیل جمیلدر

✽ رباعی ✽

✽ ای رتبهٔ تونه برتر از سلیمان ✽ بشنو سخن ارچه گمزمورم ✽

✽ زرین مبحثم بدولت عالی شاه ✽ هر چند که بی زرم و بی زورم ✽

✽ حکایت ✽

روایت کردهٔ حکایه پردازان توار بخدر که شهر یاران جهان آریان فرخنده
رایان هندوستاندن بر پادشاه نصفت پناهک قوهٔ سامعهٔ سنه بعض

عوارض سبيله نوع خلل تطرق ایدوب روزنه کوشندن صباى آواى
برایار سیده کاخ سماخ اوراق مرتبه لری استار صمم ایله ارتفالع قوت شنواییدن
مکدر الحاطر ومشوش الحال اولوب برکون منادمان بزماکهنه تضجر
وتکدردن ناشی مقالات شکا یگونه یه سر آغا زایدوب بو عارضه سبيله
نعمات فرحبخش و ترانه خوب و دلکش استماعندن تلذذ بایک انسدادی
لرؤمنه فزغ و فریاد ایتم علم الله اضطرار بم مدعای مظلومیتی اصغایه
اقتدار امتناعنه در بعدالایوم پیشگاهمه جبهه سبای تظلم اولان یکسان
ستدیده نک حال تشویشمالی نیه منجر اولور و نتیجه فریاد و خلاصه مراد لری
بن کاینبغی فهم و ادراک ایتمینجک محنتکشان اندوه کیلک تدیر دفع مظالم لری
ایله کیلر تقید قیلور دیو آه جانکاهک پیوسته طاق مهر و ماه ایلدی و بوجهتدن
قاطبه زیر دستانه اصدار فرمان ایلدی که بعد از ان ملوک و عمال و سایر مباشران
احوالدن شکا یته کانلر قبای سرخفام پوشیده قیلوب دم تظلم و هنکام نیل
ترحمده لباس خونابه رنگ ایله عر ضحال ایده لر تا که داد خواه اولدقلری
هیئت معهوده لرندن معلوم پادشاه قوی جاه اولوب تدارک دفع مکاره لرنده
حسب القدرة در کار اولغله عهده جهانبایدن اقتدار ما و یوم قرار ده زیر
سایبان رحمت پروردکارده وجودینه جای التجا پیدا قیله

✽ شعر ✽

✽ نامت جفونک والمظلوم منتصب ✽

✽ یدعو علیک وعین الله لم تتم ✽

✽ فاحذر اخي من المظلم دعوته ✽

✽ کی لا یصیبک سهم الظلم فی الظلم ✽

✽ در بیان تنبیه وجیه ✽

سرکار و کالته معین قلنان مشیران ارسطو نژاد و وزیران فیلسوف استعدادك
خفیه تتبع کار و کردار لری مندوب و مستحب کیفیت سلوکلرینه حصول وقوف
و اطلاع در نصکره مجازات عملرنده مسامحه دن احتراز مناسب دأب ادب و موافق
رضای ر بدر و بویاده اهمالی و توانی احوال سلطنته مؤدی اولغله تجسس
عملرنده فرط اهتمام لازمه طور جهانبانیدر

✽ بیت ✽

✽ کسی کو مملکت را بد سکا است ✽

✽ بکش کان خون بی حرمت حلاست ✽

(نثر) بو مسئله صحیح الفحوی متفق علیه مشکل کشایان مباحث عقل
رجحی در که اکثر از منده و برانی ملك و خرابی ممالکه مظالم کاشتگان و مکاره
و کلا باعث اولمش اوله

✽ شعر ✽

✽ لا تظلمن اذا ما سكنت مقتدرا ✽

✽ والظلم آخره یا تیک بالندم ✽

✽ حکایت ✽

مفاد خامه تحقیق نمای رفکشان اخبار اولان عبرت آثار دندر که زمان
سابقده ایکی پادشاه عالیهجاه جهشید اشتباه میانلرنده بحکم التضاد نطع
معادات مبسوط اولوب همواره اول ایکی شاه باهرالا جلال شطرنج جنك
و جدال لعبته اشتغال ایدرلر ایدی و یکدیگره لشکر کش بغضا اولغله اشغال
ناره قتال ایچون تحریک قداحه کشا کشته بازوی اهتماملری در کار ایدی
بری عادل مرضی الشیم و بری جبار صاحب ستم اولوب مقتضای ظاهر
ممالك شاه عادل معهور و آبادان اولق ایکن امر برعکس اولوب پادشاه

جابرک حوزہ سلطنتی قرین معموری و شادابی و سلطان عادلک ولایتی یوما فیوما
مشرف خرابی اولغله بوطور نامأمول محیر العقول ظهورندن خاطر شاه
عدالت پیشه ملال و تشویش ایله پامال اندیشه اولوب بوسرخفینک تفحص
و تفتیش اسباب و دوا عیسنده محمد و ساعی اولدی بالاخره بر عاقل و کاردان
وزیرنی رسالت طریقله حضور شاه ظالمه فرستاده قیلدیکه بالذات بومشکلی
کندکدن اکتناه ایدوب خداوندینی واقع حالدن خبر و آگاه ایلده

✽ بیت ✽

✽ طلب کرد مردی خردمند و جست ✽

✽ باندیشه دانا بگفتن درست ✽

(نثر) حسب اشاره سفیر ستوده تدبیر شهریار ستمکاره واروب پرسش احوال
ایتد کده بو وجهله جوابده سؤال اولدی که فی الحقیقه سنی ارسال ایدن
پادشاه فرخنده حصال فوق الغایه رعیت پرور بر جهانبان عدالت کستر در
لکن سرانامه تسلیط ایتدیکی و کلا و عمالی ستمکار و ظالم همه دوزخ اولغله لایق
برر اخگر عالمسوز کلخن مظالمدر (مصراع) یقماغه برولایتی برادرهایتر (نثر)
فحوا سنجه خرابه ساز معموره جهان اولمقده یالکز برینک جور ممتنع الازاله سی
کفایه ایلرکن بو قدر شراره شرورک ناره نوائی یالکز پادشاهک سبوی
طبع کر مشعارندن ترشح ایدن قطرات عدالتله اطفایه مجال اولیوب هزار
شخص جبارک سوء صنیعاری تراکم ایدیجک بر آدمک لطفی ایله مندفع اولغله
چاره اولمز کذلک بنم مقتضای نفس اماره آشپارم کرچه آیین ظلم اندوزی
و دستور کشور سوزیده غلبه نمایی اطوار حجاجیه در لکن ممالکه تعیین ایتدیکم امرا
اطراف و انحاء جمله عادل و نیکو سیر و مهر و بان و داد کستر اولدقلری جهتدن
تتها بندن صدور ایدن ظلم و ستم بو قدر کر مکاران ستوده شیم الطافی میاننده
صورتمای وجود اولیوب اهالی ممالک مباشران کاردن لطف و شفقت
مشاهده ایتکله یالکز بنم شامت شقا و تمده متأثر شرر زود میرضرم میان دریا
بار کرمه دوشمکله فی الحال منطقی و ناپیدا اولور فلهمذا بنم ولا بتم معمور و آباد
ورعیتم مسرور و دلکشاد و انک ممالکی ویران و برباد و اهالیسی بلاکش

جور و پیدادر حقاً که (لیس الخبر کالعیان) فحواً سنجیده بومضمون صحت
رهینک آثار عبرت قرینی ازمنه قریب العهد ده کرارا نمایان اولشدر

✽ نظم ✽

✽ من بگویم که ظلم در عالم ✽

✽ چیست چون خواستار آن کشتی ✽

✽ که در کله ما دارند رجب ✽

✽ خاک در دیده آب در کشتی ✽

✽ پند و نصیحت و نکهبائی رعیت ✽

پادشاهان جهان را تکاب ناواچیدن بعض مکره و مضار تربی واجب اولور مثلی
علی الحال توفیر خزانه و تکثیر مال مراد اولتوب البته کیسه سیم و همیان زر مملو
ومالا مال اولق کر کدر دیوب بوامنیه مکر النیه بی سائر مهمام جهانبانیدن
تقدیم نصیم اولنور ایسه احوال ملک و ملت قرین اختلال و درون عیال و رعیت
قرارگاه درد و ملال اولق لازم کلور

✽ نظم ✽

✽ بود شه در فراز تخت جشید ✽

✽ چراغ هفت کشور همچو خورشید ✽

✽ چنین روشن چراغی را بود شوم ✽

✽ که باشد و غنش از مغز مظلوم ✽

(نثر) هر چند که لزوم توفیر مال دخی بعض عقلای دور اندیش مذاهبنده
تجویز اولتوب استحسنانا (وعلیه الفتوی) مقالی ایله امضا اولنمشدر لکن
جمع مالی آسایش رجا لدن ترجیح قول غیر صحیح اولغله خیار ائمه نفس
الامر دن هیچ احد اول مسلكه ذاهب اولیوب وعامه مجتهدین رشد و سداد

باب اذیت رعایا انسدادنده متفقد درو عند التحقيق خزانه عامه دیدگاری
وجود رعایان عبارت اولی قولنده اجاع ایشلردر زیر رعایا که یرویرنده
ساکن وسعت معیشت ایله متصرف اوطان و مساکن اوله هر نه زمان اراده
اولور سه و خزانه ده مضایقه اولوب استمداده حاجت اولور سه جزوی
اشارت ایله انلردن مقدار کفایه بلکه حددن زیاده مال تخصیصه مجال
وارد امار عیت پریشان اولیجق خزینه تهی اولدقده کمیدن طاب
و تحصیل ونه طائفه دن استیفایله نقصان بیت المال تکمیل اولور

✽ نظم ✽

✽ رعیت مایه بنیاد و مالست ✽ ✽ ز مال اسباب ملک آماده مالست ✽
✽ رعیت چون خلل یابد ز بنیاد ✽ ✽ بکاماند بنای دولت آباد ✽
(نثر) فلهمذا دور اندیشان سلف ادخار اموال دن معموره ملک و خوشحالی
رعیت اهتنامی ترجیح ایشلردن و بالجمله مجرد وجود نقوده بذل مجهود و انوب
کاروبار سلطنتدن مراد جمع مالدر ثنوب آسایش رعایا اولیجق محققدر که
نه حسب الاراده خزانه حاصل اولور ونه مملکت نظام یولور بلکه میانه خلق
و بادشاهه توحش و تنفر دوشوب بالاخره بومقدمات ناپسندیده منتج سوء
حال و موجب حزن و ملال اولور

✽ نظم ✽

✽ زیان رعیت پی سود خویش ✽ ✽ زیان رعیت پی سود خویش ✽
✽ یقینم که سلطان نخواهد کزید ✽ ✽ یقینم که سلطان نخواهد کزید ✽
✽ چرا زانکه داند بنور خرد ✽ ✽ چرا زانکه داند بنور خرد ✽
✽ که سود از زیان در جهان کس ندید ✽ ✽ که سود از زیان در جهان کس ندید ✽

✽ حکایت ✽

من وجه بواسطه صد دنده مناسب ملاحظه اولمغله ایرادی مزه دن خالی
اولسه اولور * مرویدر که عظمای سلاطین جلیل الشانندن برینک
خزیننه داری عقلای اقرباسنندن برین تماشای عجایب خزائن ایچون
حرمسرای خاصه دعوت قیلوب یک بیک حجره پرتحف و تفاریق واموالی
سیرایتدردی ابتداملبوسات فاخره حفظ اولندیغی جایگاهه کوتورب سمسار
ادراکی بالغ اولدیغی مرتبه اول ملابس کرانبهایه تقدیر ثمن ایتمسن تکلیف
ایدیجک حریف ظریف مبلغی فهم و قیاس اوزره بر بها تقدیرایتدی بعده
کتبخانه و دارالاسلحه و محل نقدینه یی بربر کوستروب بر مقدار معین تخمین
ایدوب مقبولترین خزائن اولان بیت هر صعاته کتوروب زعمی اوزره شخص
مذکوری اول کوزلر کورمش جواهر تماشیه تحیر و تعیر اراده قیلدی اول
خزانه ده ایسه محفوظ اولان کتر جوهرک ادناهایه خراج مصر و شام ایکن
مجموعه بالبداهه بر بها تخمین ایتک کر کسن دیو حریفی تعجیر قصد ایلدی
شخص مذکور نهایتده عاقل و هو شنید اولمغله بر مقدار عین و یساره نکه انداز
اولدقدنصکره جمله سی اون بیک التون د کسه اولور دیو جواب ویریجک
خزیننه دار اغا طریقه تسفیه دن زباندر از دشنام اولوب بهی یادکار بن سنی
بر مرد هوشیار و سمسار سدید الافکار قیاس ایدردم بومر صعانه یالکز
اون بیک التونه معادل جواهر اون بیکدن زیاده درسنگ تقدیر ایتدیجک
ثمن سفیهانه نک بو محله نه مناسبی وارد زینهار بومقوله هذیان بر دخی
تکرار ایتده که عقلا جنونه نسبت ایدوب کاریکی حواله دارالشفاء ایتیه لر دیو
توبیخه سر آغا ایدیجک حریف خنده زنان (ع) دیوانه تویی که عقل داری
(نثر) مضمونیه رد جواب ایدوب بنم تقدیم و تخمین ایتدیکم بومر صعانه
مکنون اولان التوندر بو خسه سزک جوهر تسمیه ایتدیجک سبج ناجیر
میناپارملر بنم حسابده ایکی پوله دکر زیر اخزانه ضرورت حال اقتضای
ایچون حفظ اولتور و حالا بو جواهرک ذی قدر و کران قیمت اولدیغی
ملوک و سلاطین رغبت کوستروب مشتری لری اولمغله در شویله که
بحکم الضرورة خزانه ده نفود مدخره نفود بولوب هر صعاته منحصر اوله
وسلاطین مشتری سی اولمقدن قالوب فروشنده لکه تنزل یورملر هیچکس

نکه انداز التفات اولیوب فرضاً یوزیک التونه معادل اولان جوهری سپاهک
برینه وظیفه سی ایچون تکلیف ایتسه لر ایکی الحقه به قبول ایتمز دیو جواب
ور یجک خزینه دارک بومقال صحیح المأل غایتده مناظر پسنیدی اولوب
بوجوهر پند سودمندی قرطه کوش هوش پادشاهی ونهاده صندوچه
فهم واذعان ظل الهی قیلدی جمله ارکان دولت بو کلامه تسلیم ایدوب
بعدزان اولوجمله ائتلاف بیت المالدن مهمالکن اجترار اولمق اوزره فرمان
سلطانی صدور ایتدی

❖ امتناع نظم جهان بیوجود پادشهان ❖

تا که معوره جهان وصمه زوالدن مصون اولوب خطه ربع مسکون وجود
بنی آدم ایله مخلو و مشحون اوله پادشاهان روز کار دخی علی طریق
التناوب والتعاقب مسند آرای متکای عظمت واجلال اولوب همواره سایه اندازان
مفارق عالمیان اولمدن خالی اولمز لر یعنی تحتکاه زمان البته مفتخر شهر یاران عالیشان
اولوب هر عرصه ده وجود کریم لری شرف بخش کون و مکان اولور اما بختیار
وهوشمند اول پادشاهدر که شاهین همپروا زهمتی صید کنجشک پر شکسته دولته دروزه
دنیا ایله قناعت روا کور میوب پنجه زن نسر طائر مثنوبات یوم الاخره کوشش قیله

❖ نظم ❖

❖ بزن دستی زهمت بال بکشای ❖ ❖ بروی خود در اقبال بکشای ❖
❖ که بینی جای خود فرق شهرائرا ❖ ❖ بزیر پای خود ملک جهائرا ❖
(نثر) یعنی بو عالم صورتده پادشاه منصور اللواء اولدیغی کبی لیواه قیامتدن
تخلیص کریان حاله همت عالم معناده دخی سلطان بی پروا اولغله کسب استعداد
ایلیه والخاصل دیهیمکاه دارالبقاده بیم تعرض اصحاب حقوقدن آسوده وسالم
وحسن کرداری سییله سخن ریاض جنتمده صحبت حور و غلمان ایله عیش
سرمدی به مداوم اوله

نظم

نمیکویم که ترک خسروی کن * ره کم تو شکا ترا پروری کن *
ولیکن سالك راه هدی باش * درون درویش و بیرون پادشاه باش *

عظمه و تذکیر

جمله وجوه کسب سرمایه آخرتدن بری پادشاه گذشته ک ابقاء اساس خیراتنده
بذل کجینه اهتمامدر یعنی بر شهر یار عادل که سبب ذکر جیل اولق ایچون
بر پادشاهک طرح انداز ایجاد اولدیغی بنیاد حسناتنی میتین غدر ایله
قلع وقع ایتیوب بلکه تعمیر و توفیرنده مقدم وسعی دار اوله البته کند
آثاری دخی تعرض اخلاف کر آمدن مصون اولوب جانشینی اولان سروران
عدل آیین قبلندن مظهر تأسیس و تأمین و تمکین اولغله حسنات مقبوله سی
الیوم الدین پیرایه روی زمین وزیب جبین ارضین اولق مقرر و محقق در

نظم

پادشاهی که رفت و خیر گذاشت * نام اوزنده ماند تا جاوید *
وانکه اونیر خیر می نکند * بی خلافت بی ثمر چون پید *

لزوم وزرا بنخدمت پادشاهان عالمگیر شوکتپذیر

بالذات تمشیت امور جمهورده قادر اولوب حرما و حسیما فصالح متفرقه
سلطنتی نفس نفیسی ایله کما ینبغی ادایه مستعد اولدیغی صورتده ینه بروزیر
صاحب تدبیردن لابد در

شعر

فاصابة الخلفاء فیما حاولوا * مقرونة باصابة الوزراء *

(نثر) زیرا سلطان وزیر کوره جک مصالحه کندی وجودی ایله مباشرت
قیلورسه رتبه سلطنت و پادشاهیدن ساقط اولوب کندی وزیر اولوق لازم کلور
مثلا خدمت احتسابه معین اولان شخص رذیلک خدمت نقیصه جویسنه
وزیر کندی نفسی ایله مباشر اولسه سامان وزارت برطرف اولوب خلق عالم
اکاوزیر نظری ایله نکه انداز اعتبار اولیوب محاسب مقاممنده طوترلر امدی
وزیردن بوجال صدوری مستقیم اولدیغی کی امر وزارتله تقیددخی سلطانندن
مستعجن کلور زیرا عامه جناب سلطان وقتی ورای سرا پرده شکوه وشو کتدن
مشاهدهیه معتاد اولغله نظرلرنده جلیل القدر و جلیل الاعتبار اولمشدر
شویله که مباشر امور خسیسه کورملر خاصه سطوت جاه و جلال برهمزده
اضحلال اولغله صغیر و کبیر اول رسنه پادشاه تنزل نمودنی وزیردن فرق
ایتیوب رعایت عرض و ناموس سلطنتده تقصیره مؤدی اولور پس امر خطیر
سلطنت بیوجود وزیر عالی منزلت صور تپذیر ایهت اولوق بین الاستحاله اولیحق
عالمک وجود امامه احتیاجلری مقرر اولور بناء علیه شایسته رتبه وزارت کوریلان
صاحب سعادت که تعریف آتی البیان ماصدق اولوب اوضاع و اطوارینک
مشرب صاف پادشاهی بی تکدیره باعث و بادی بر اثر مستوجب الضروری
نمایان اولیسه و هر حالده رضای سلطانیه موافقی آشکار اولوب خاطر خواه
شاه امر اعائنده شایسته تقصیردن مجتنب و حذور اوله واجبدر که اول مقوله
وزیر جلیل المأثرک قدر جلیلی مرعی اولوب فسانه بداندیشان و خرافات
حسده بد کیشان ایله حضرت سلطان صادق اولمقوله وزیر مستحق الاعزاز
سی الظن و بد کان اولیه زیرا وزیر البتہ محسود صغیر و کبیر اولور خصوصاً
مظهر انتفات مخصوص پادشاهی اولیحق کافه مقر بان حضرت حسد و معادته
سر آغاز ایدر لر سبب حسد و بغضا کر چه لایعد و لایحیی دراز جمله خدمت بارگاه
شهنشاهی ایله مستعد اولان اکثر سده درگاهی علی حده آرزوی مرتبه وزارت
ایل اول مقام عالی به خدمتکار اولمشدر در اول جهتدن لازم کلور که جل همترین
کندولری پادشاهه مقرب و مقبول و وزیر نظرولی النعمدن اسقاط ایله مطرود
و محذول ایتمکه مصروف ایدر اول تقدیرجه حقننده ترتیب مفتریات و اراجیف
باطله دن بی اختیار اولور لایدی سلطان سدید الاذعانه لازمدر که وزیر حقننده کذب

و دروغ و شاة و حسادی اصفا ایتوب نیمه سنجان بیعتانك مقدمات فاسده لری
 کار کر اولیه و هیچکس وزیر حقنه قیل و قاله رخصت ویرلیوب حضور
 شهر یاریده اطواروز یردن بحشه رضا کوسترلیه و اول رتبه جایله یه وصولندن
 مقدم تجربه اولتوب سبیکه نهادی محک امتحانده آزمایش اولندقدنصکره
 مسند صدارت و سرکار وزارت کتورلك کر کدر زیر او کالت عظمایه لایق
 کورلد کد نصکره اول جاه عالینك حکمی و مقتضای کال استقلال
 اولغین شویله که حقنه کلام انام و هذیان خواص و عوام مسموع و مقبول
 اولق بابی مفتوح اولوب گاه و بیکاه تجربه و امتحان ایله مبتلای کشاکش
 اختلال قیلمق جائز کوریه سامان وزارت بر طرف اولوب امور جمهور
 عهده سندن خروجه قادر اولمز اولور و الحاصل وزیر جله دن معقد
 و موثوق به و پادشاهه سائر دن مقرب و مسموع الکلام اولق لازمدر
 و جمیع مصالح ملک و لشکر و امور مالیه و اسرار سلطنت و مهمام دین و دولته
 پادشاه کندی اعضا و جوارحنه اعتماد ایتدیکی کبی وزیره دخی اعتماد
 و اعتقاد ایله پس وزیر پادشاهك اعضا و جوارحی مقامنده اولیحق
 وزیر حقنه کلمات ناروا تفوه ایدنلر اعضا پادشاهه تعرض ایتش اولورلر اخلاق
 وزیر حقنه عقلای حکما دیمشردر که وزارت عهده سندن کلمك اراده
 ایدن صاحب سعادت علوهت و سمو منزلت و ذکا و فطنت و عدل و رأفت
 و سداد و فطرت و رشاد سیرت و تقوی و دیانت و انصاف جبلی و تدبیر تحری
 صاحبی اولوب عقل و اذعانده معمول علیه فهم و ادرا کده مشار ایله
 روزگار دیده و کار آزموده ذی نجبت و جرأت صاحب شجاعت و صلابت
 کریم الاخلاق طیب الاعراق طبعی سخی منظری بهی تیز فهم و دوراندیش
 مجتنب تلاشی و نفور تشویش فصیح القول فسیح الخوصله سدید الرأی
 و مأمون الغائله متین بودر یادل دیندار بی غش و غل اصغای اقاویل
 متخاصمینده بی کلال و فتور اجرای احکام او اوامره مجد و غیور کسل
 و ناتوانیدن محترز و حذور قهر و کیتی مهر و لطفله مشحون تواضعی شکوه
 و شوکته مقرون داد و دهشده ثابت قدم توجیه عطاده بنیان اختیاری
 مستحکم مالک ازمنه عدل و انصاف سالک مناهج سماحت اسعاف آداب

مصاحب ملوك وسلاطينه واقف مراتب ومقادير اكابر واعيان كايدي
عارف عمارت دنيا وتحصيل امواله قادر ترتيب صفوف لشكر وتدير
صنوف جهات كبريده ماهر باب تحصيله اهتمام و تعجيله سالك باين جمله
افراد رعايائيه مدارايه مالك اصحاب معارف و علومه مائل وراغب زهاد
و مشايخ ايله صحبت و الفت طالب غفلا ايله مشاوره دن محفوظ حصن ديانتي
محارزون اصلاح وامانت ايله محروس و محفوظ اولمق كر كدر بوجه شرايط
مستحب الحصول مراعاته قادر اولدقدنصكره شهرزادكان واغايدن
ومقربان پادشاهينك رعايت خواطر شريفه لرنده انجام واسعاف ملتساننده
دخني كمال اعتدال اوزره حركت عهده سندن كلمكه ماهر اوله حكمت
آموزان عقلا ديمشردرامر و زار تده مشكلترين حالات مقربان سلطنت ايله
مدار اقدر زيرا اول طائفه نك تمشيت اما نيلرنده مساعده ايدوب هر اراده
ابتدكاري مصلحتي مبذول و بيدريغ ايديجك جانب پادشاهه متمخص اولوب
بكالاظم اولان خاطر پادشاهيدر دخواه متعلقاته سعي ايتديكم منافي طور
صداقتدر ديرسه عداوته مفضي جزوي بهانه صدورنده تيرسعايته ستیه
وزير سپر قيلورلر و اقتضاي تقدير ايله اقطار ممالكده بالجملة شوروش
پيدا اولسه سؤتد بيروزيردن نشأت ايتشدرديو سوق كلام نيمت انجامه
اقدام ايدوب تغير عقیده پاك شهر ياري به بادي اولورلر امدی انجام مرام
مقربان سلطانيده وزيره اول مرتبه ده مساعده به جواز و رخصت واردر كه
فرضا رسیده سمع پادشاهی اولدقده بيحضور اوليوب مقربان سلطنته
اول مرتبه ده اسعافي بالذات پادشاه دخني بيدريغ ايتك جائز اوله في نفس
الامر بو طبقه ده رعايت خاطر خواه ارکان و خواص بيرون دائرة غدير
و خيانت اولمز

ترتيب نصيح و پند باوزيران ارجند

قانون شناسان دفتر خانه رشد و سداد بو ضابطه بی پیرایه دیباجه پند
منج الرشد ایتشردر که روزی طرف شاهنشاه کردن سر بردن رخصتیافته
کمال استقلال و احسان دیده توجه و اقبال اولدقدنصکره واجبدر که
مقتضای خیر اندیشی و نیکیخواهی پادشاهیده سرمو تقصیر و مسامحه
روا کور میوب لازم گلیجک سلامت وجود پادشاه ایچون کندی نفسی
دادن کردن بیج تعلق و عناد اولیه که نقود عمرینک جمله سنی راه ولی النعمه
صرف ایتک موافق دستور عروت بلکه مناسب دأب حقیقتدر بو تقدیرجه
راحت و حضور خداوند ایچون هر تکب مشاقق تعب و زحمت اولمق
بطریق الاولویه واجبه ذمت اولور و حفظ ناموس دولت و کتم اسرار سلطنت
باینده وزیره اول هر تبده اهتمام لازمدر که فی المثل یغما کر اجل صندوق
وجودنی صد پاره تیر فنا قیلسه و پنجه سرتیز هر که همیان سینه سن صد چاک
ناخن زوال ایلسه یند کیسه سر بمهر سینه سنده مودوع و موضوع اولان جواهر
کرانیهای اسراری پریشان میدان شیوع ایتیه

حکایت

بومیوه خوشکوار معنیدار حدائق توارینخ روزگار دن اجتنای کرده انامل کلک
کوهر نشار در که نوشین روان عدالت پدشه نک بر پادشاه قوی بخت و زور
آزما ایله که قوت شکوه و شوکتده کندویه کمال تغلب و استیلا سی مشاهداعلا
و ادنا ایدی زمانها بینلرنده رایات نزاع و تخاصم بر پا و عسا کر طراد و نزاع
مهیسا اولوب بالاخره دفع خصومتلری امرئده تدابیر هوشمندان تجربه
کار بورای صائب اوزره قرار ایتدیکه دختر نوشین روانی پادشاه مذکور
نامزد قیلوب بعد الازد واج احوال تنا کر و اختلاف مبدل ابتلاف امتزاج
اوله لکن اکاثره عجم بیتده کندی ثمره نخل وجودین دشمن بی مذاقه

اطعام و اذا قد منسوع و بومقوله خصما بيشنده قانون صهریت هر فوع
اولغین سفینه طبع نوشین روان بوکار نایسندك صورتپذیر وقوع اولسند
فتاده کرداب تحیر اولوب کندینك مجرب خاص و معتقد صاحب اختصاصی
بزر جهر دانادن دستیاری (و شاور هم فی الامر) ایله استمداد رهایی
قیلدی بزر جهر تکاپوی اطراف فی ملا حظہ و تفکر دن صکره بو حبل متین
تد بیرہ ظفر بولدی که دفع محذور مذکور ایچون دوستیزگان اشخاص بیگانه
دن برین خاندان سلطانده بنت صدریه مقام منده دایکان و پرستاران
حرمسرا تریبت قیلوب هنگام ذفافده دختر نوشین روانه بدل تجهیز و ارسال
حلو تکاه داماد ایده ار که بو تقریب ایله هم علت قرابت صهریت برجاهم محذور
دشمنی نابود و ناپیدا اوله بو تدبیر دلپذیر ذهن پاک نوشین روانه جایگیر اولوب
اگر ادنی بغی و عناددن برینك دختری مناسب کور یلوب مال فراوان ایله
پدر و مادری ارضا اولسند قد نصکره بیت الحرام اعظمده تعیین دایه و خدم
قیلوب برآز زمان تربیت شده دامن درمیان اولدیله اتفاقا بزر جهرك بر محذور مدسی
وارایدی احیانا حرمسرای نوشین روانه تردد ایتدیکه اول دختر کردیه
خیانت اصلیده سی مقتضاسیله حرکات ردیه دن خالی اولیوب اوضاع وارده
ایله دختر بزر جهری آزرده قیلور ایدی بر کون دختر بزر جهر پدري حضور نده
اول ساختد کوهردن شکایت کونه دهنکشیای تظلم اولوب ای پدر مهربان
حرمگاه بادشاهه وارد بجه دختر سلطان بکا بی سبب اذیت رسان اولور دیوب
مقاله شکواسنی بحر طویل اطنابده بر منظومه مستزاد ایدیچك بزر جهر شفقت
پدرانه حسابیه تسلیم فرمای جگر پاره پریاره بیچاره اولوب ای اختیر برج وزارت
اول سکا جفاکار اولان دختر بد اصل و زشت طینتی صلب شهر یار عدالتکاردن
ساقط بر عالی نژاد و سلطان زادمی قیاس ایدرسن اول سلیطه بد زبان بر کردیچه
پسبانیدر برای مصلحت فلانی گوشه گیر دامن دایکان حرمسرای سلطانی
قیلمشدر اکا بی حضور و اوضاع عنیدن رنجور اوله دیو جواهر تسلیتی هر سه
کردن هوش کافور رنکی قیلدی بعد زمان دختر بزر جهر عالیشان طریقه
معتاد اوزرینه دار السلطان و اروپ سفره مصاحبت درمیان اولد قدده
دختر معهوده عادت مألفه سی اوزره بند سر آغاز جفاکاری قیلدی و وزیرزاده

محمد بن قلوب (ای خضره الدمن) نیچه بر بوی خلق ذمیمکن اذیت
 رسان دماغ جان اولورسن مکرسنی کنیدیکی نسل سلطان و در صدف صلب
 نوشین روانی ظن ایدرسن بر کرد ناپاکک ناخلف اولادندن ایکن کنیدیکی
 فروع اصل جلیدن قیاس ایدوب بوهر تبه غرق نندن لازم کاور دیوب ناخن
 عتاب ایله چهره خراش خطاب اولیحق اول دختر بد اختر بومقال منج الملالدن
 سر خروی انفعال اولوب کلمات وزیرزاده بی بر برایصال کوش پدر قیلدی
 نوشین روان عالیشان بو کوهر سر خفینک غلطان میدان شیوع و ظهور
 اولدیغندن نهایتده بیحضور اولوب اسان وزیردن معرض بروزده جلوه کر
 اولدیغن تیغن ایتمکله امر ایتمدیکه اسرار ملوکی فاش ایدن کستاح تنک
 حوصله نک جزاسی بودر دیویزر جهری بر دار ایدلر فی الحال جلادان
 بی ترجم اجرای فرمان ایچون دست و کربان وزیره آویخته اولوب سرداره
 معلق اولان امر خیانتی حواله پیچتاب رسن قیلدیله هنوز هنکامه گاه سیاست
 مالا مال تماشا یان ایکن بزر جهرک دختری سروپا برهنه مکشوف العوره
 میدانه کلوب بی باک و بی پروا زیر و بالایله جولانه بشلدی نوشین روانکه عفت
 ورشد دختره واقف ایدی البته بو وضعک بر حکمتی و سبب علتی واردردیو
 پرسش مرادینه اشارتفرما اولیحق دختر که نهایتده عاقله ایدی بو وجهله
 رد جواب ایلدیکه حالا عرصه پهنای دنیاده رجل اطلاقه سزا بر آدم بو قدر که
 آندن ستر عورت لازم کله حضار محاسی یا بکروه اعیان و اشرافه نه دیرسن
 دید کلرنده دختر تکریر جوابه لب جنبان اولوب ظاهر بو عرصه پر اشباحده
 بر آدم بو لسه پدرم کبی عاقل و دانا وزیر ی پادشاهدن رجا و دامنبوس
 شفاعت اولمغله سلطان قهرمان روشن استعفا ایدرلر ایدی دیدی نوشین زوان
 پاکیزه اذعان مدغای دختری تحسین ایدوب تهو رله بی سبب وجود وزیر ی
 برباد ایتمدیکنه پشیمان اولوب دهن تأسغه انکشت حای ندامت و مسامحان
 شفاعته زباندراز تو بیخ و ملامت اولدی

✽ شعر ✽

✽ احذر مباشرة الملوك ولا تكن ✽ ماعشت بالتقريب منهم واثقا ✽
 ✽ فالغيب غوثك ان ظمئت وربما ✽ ترمی بوارقه اليك صواعقا ✽

نصیحت در تحری و تدبیر و تأمل و تفکر

بوضابطه حکمت قرین کذاک خاطر نشان کار آکهان دور بین اوله که
بر کنه ناسزا که مقتضای خطیه سی اوزره مستعد سوء جزاء و مظهر قهر
و اذا اوله و تا که کنه کنه و اصل و غدر و جورینه اطلاع حاصل اولمدین
(و جزاء سیئه سیئه مثلها) مضمونیه جزاء عملده سرعت و عجله ناروا و علی الفور
عقوبت و سیاستی عین خطا در حضرت مالک الملک حقیقی جل شانہ افراد
ناسک بوجایگاه شروشورده می تکب اولدقلری صنوف شقاقک تفاصیل
ودقایقنه واقف ایکن دیوان محشر و جای مکافات خیر و شرده تعجیل عقاب
ایتمیوب کنه کاران شوریده بختک صحایف اعماللرین اللرینه و یرمدین و مجال
انکار بر طرف ایکن شهادت ایدی وارجل ایله سوء صنیععلری بالمواجهه
مرتبه ثبوتہ ایرمدین پاداش کارلرینه اصدار فرمان ایلمز یعنی مجرمین و عصائی
الزام ایتمدین جزالریخی روا کورمن جناب خدا (عالم الغیب والشهادة) ایکن
(یوم یؤخذ بالنواصی) ده توقف و تحریدن مستغنی بر قهار شدید البطش
وسلطان صاحب جبروت ایکن ینه مجازات جرایم عبادت ثبوت استحقاقدن
تقدیم یلن سایه خدا و ظل مولا اولان جناب شهر یاران عدالتکاره دخی بوبابده
مناسب حال مدلول (تخلقوا باخلاق الله) ایله متنصح اولوب مجرمینک استحقاق
عقوبتلری یقینا معلوم اولمینه تعجیل سیاسته اقدامدن مجتنب و خذورا و لقی لازم کلزمی

نظم

- | | |
|------------------------------|-----------------------------|
| ترا چون زبزدان بزرکی عطاست | تعجیل حکم سیاست خطاست |
| کر اول توقف کنی در قصاص | توان کشتن اورا که بدهی خلاص |
| ولیکن چوقالب پراکنده کشت | نیارد بفرمان تو زنده کشت |
| چوازه هم شد این خالزنکین جست | نکر ددسفال شکسته درست |
| بر آمرزش مجرمان کن شمار | کرامید داری بر امر زکار |

(نثر) فی نفس الامر تحریر و تأئیدہ شائبہ ضرر متصور اولیوب عکسندہ ترتب
ندامت عظیمہ امر مقرر در مثلاً بر آدم حقیقتہ مستعد وجوب قتل اولیوب
حوالہ تیغ سیاست قلمسندہ بر مقدار اہمال اولیوب هیچ مصلحت فوت اولیوب
ہرنہ وقت ارادہ اولیوب ازالہ وجودی امر ممکنہ اندر اما اہلا کنندہ مسارعہ
صورتنہ تلافی و تدارک بقا محال اولیوب فرضاً اول شخصک اطلاقندہ ملک
وملتہ نافع بر مصلحت ظہور ایستہ بعد القتل و الافنا تدبیرہ مجال بر طرف اولیوب
(ع) بسیار بخاید سر آنکشت ندامت (نثر) مقتضای حسبحال اولیوب لازم کلور

✽ شعر ✽

✽ ان الزحاجۃ مہمما حطمت سبکت ✽

✽ ولا تکسر دراً ثم ما سہکا ✽

✽ حکایت ✽

زمان سلطنت یرویزدہ مقبولان سلطانن بر شخص جلیل القدرک دماغنہ
سودای غرور و سرکشی استیلا ایدوب اطاعت شہریار عالیبتاردن روکردان
و علم افزا خود کامی و عتو عصیان اولیوب جمیع نیک اندیشان حضور حضرت سلطانہ
کلوب حریف عنیفک تفصیل وجوہ مفاہدند نصکرہ شویہ کہ حقندن کلہ کردن
اہمال اولیوب قطع عروق دکارہندہ استعجال اولیوب داء عضال خیانتی سار خدمہ
بارکادہ سرایت قیلوب بعدہ علاجی تعذر پذیر و تدبیر دفعی امر عسیر اولودیو
تقریر مقدمات خبرخواہی قیلدی یار پادشاہ با انتباہہ مقر بان بیغرضت کلمات مذکورہ سی
قرین صحت و سداد اولدیغنہ حسن اعتقاد حاصل اولوب علی الصباح دیوان
معلاہہ مجموع وزراء و ارکان دولت حاضر اولدقارندن کلہ حریفی کلہ
حیاتدن عریان و میدان سیاستدہ غلطان ایتک اوزرہ بسط عہودی و موثیق
ابلدی سپیدہ دم کہ مر یخ فلان کار نطع سماء پنجمدہ جلوہ جلا دانہیہ آہنک

و ترتیب سازو سلب آشوب جنگ ایلدی پرویز دلیر خونریزهای تفرای بهرامی ایل
 سایه انداز سریر قهرمانی اولوب قاطبه ارکان دولت صف امتثال عبودیتده
 دست بسته قرار ایتدیلر شخص پر نقص خباثتکار و خیانت شعار مقام معهودنده
 مشول ایدوب هر کس مترقب کیفیت ظهور قهر و کین اولدیلر پادشاه عالی
 جاه اول کتھکا رتبه ده متغافلانه اکر آمد سراغاز ایدوب مرتبه قدیمه سندن
 نیجه طبقه زیاده رعایتلر اظهار ایتدی وجیب و دامن تصویرین نقود جواهر
 احسان ایله مالا مال ایتد کد نصکره مأمول سندن هزار مرتبه والا تر بر منصب
 رفیع و عالی ارزانی بیوروب اعیان و ارکان تعجب قیابوب بونه حال بوالعجبدر که
 دونکی کون حضور پادشاه عالیجاهه محض نیکخواهیدن ناشی القا اولنان
 اقاول صحیحده پی اصغایور رب موجبنی اجرایه تعهد نمایکن حالانه حال ظهور
 ایتمک کر کدر که سمت خلافه ذاهب اولوب عفو جرایمندن قطع نظر بومر تبه ده
 عواطف و الطاف بشماره مظہر قیله بوسر سر نهفته نک البتہ بر حکمتی وارد
 دیوب غوطه خور بحر اندیشه و تشویش اولدیلر پرویز دور اندیش ارکان دولتک
 دفع وسوسه لری ایچون بو وجهله جواب فرمای سوال مقدار اولدیکه
 بوشخص مرتکب المفاسد حقننده دونکی کون عرضه داشت پابه سریر عالم
 مصر ایتدیکر اقوال صحیح المأل هر چند مطابق نفس الامر و موافق واقع حالدر
 و مغرور من بورك پانهاده رکاب شرور اولوب نیت و همتی عزیمت میدان عصیان
 و کشت دشت ضلالدر بناء علیه بندخیانی مبتلای قید و بند و محبوس چاه کزند
 ایتمکی لازم و نسق سازی کار ساز دولته مناسب و ملایم بلکه واجب و مهم
 بیلوب هر چند کیفیت حبسنی تفکر قیادم حکیم دور اندیش عظم بوطریق
 القا ایلدیکه هر نه مقوله عضوندن نه رسمه زنجیر ایله بند اولنور سه انفصام و انحسام
 قبول ایتمکله حبس مدیددن رها بولسی ایله جمیع بدنی مقید و محبوس اولمیه پس
 ملا حظه قیادم سکین مکر و حیله و سوهان فکر و تدبیر ایله بریده اولمیه حق
 زنجیر لطف و احساندر و مجموع جوارح و اعضایه شامل عضو قلب و جناندر
 اول جهندن قلبنی بسته سلسله عواطف و الطاف ایتدم امیدر که مدت العمر
 خلاص اولمیه و تا که مجلس تک جهانده وجودی موجود اوله بوقید
 و بنددن رها بولمیه

✽ بیت ✽

✽ دست و پای میتوان زدبند اگر بردست و پا ست ✽

✽ وای بر جان گرفتاری که بندش برداست ✽

(نثر) هر ویدر که شخص مذکور بمقابلۀ شهر یارید نصیحه بروجیه غل اطاعتی پیرایۀ کردن جان و خلوص تامی آرایش صحیفۀ جنان ابتدیکه سائر سدنۀ دیوان بوحاله حیران قالدیلر

✽ نظم ✽

✽ نباشد چو توشاه در قهر و کین ✽

✽ بکوشش چنان و بپخشش چنین ✽

✽ چو بستی بقید عطا کردم ✽

✽ چه حاجت رسن در کلو کردم ✽

✽ جواهر زواهر در تسلیۀ خاطر ✽

امور مملکتده موجب مسرت و انشراح بر حال باعث الارتباح پیدا اولدقده جناب فیاضه تقدیم حمد و ثنا قیلوب قضایله بر رخنۀ تغیر و اختلال ظهور ابتدکده قطعاً هرأت سینه لری ژنکپذیر نأثر و ملال اولغده مساعدده بیور میوب هر حالده خزانه دورنلرین نقود شکر مولا ایله متلی ایدلر که خواطر شهر یاران عالم نمودار دریای اعظمدر هر سیل بلا ایله تکدر پذیر اولق روا اولمز و اولر رسمه دواعی حزن و اندوه صدور نده مقدما سبق ایدن مقدمات فرح و سرور تفکری ایله بر همزن جیش غوم اولوب عالم کون و فسادک حالدن حاله تحوان یاد ایله لر (مصرع) عاقل نه شساد اولور بو جهاندۀ نه غم جگر

✽ ذکر مالا بد ✽

احقاق حقوق دادخواهان بهترین کردار شهر یاران جهاندر ویر مقتضای
(کلام راع وکلام مسؤل عن رعیتہ) محکمہ محشرده هر کس علی قدره
زیر دستان وتوا بعدن مسؤل اولیحق خلفاء سطوتیناه و پادشاهان عالیجاه
احوال افراد بریادن نه مرتبه ده منظر تدقیق وسزاوار تضییق اوله جقاری
بدیهیات امور دندر

حکایت

مرویدر که عهد سلطنت ملکشاه سلجوقید بر پیره زن پر حزن دردمند
اسباب تجمل و کامرانیدن بر لاغر و ناتوان کوسفتنده مالک اولوب نفقه یومیه سی
پستان کوسفتند عز بوردن مقدر اولغله انکله سدرمق ایدرایدی اتفاقا
سمت چراگاهه اخراج ایچون اول فرتوده ککرده راحت متوجه طرف
صحرا اولوب کیدرکن رهگذرده برجسر خرابه راست کلدیکه بنیان وجود
عجوزه بی برک و نواکی متضعضع الاضلاع اولوب هر تخته پاره سی که
معاصر اجزاء سفینه نوح نجی علیه السلام ایدی مانند استخوان سفینه
زن هفتادرسیده و هن تمام پیدا ایتشیدی و دل دردناکنده اثر تیر قضادن
پیدا اولان هزار زخم عناقبی هر محلی سوراخ سوراخ اولمشیدی نه حال ایسه
بیچاره اواره مروره جرأت ایدوب کیدرکن پای کوسفتند بر رخنده خلیده
اولوب فتاده قعر آب و متوجه چراگاه عدم اولدی عجوزه مصیبت زده اول
محمده ناچار قالب آه و وایلایه آهنگ وقامت خجسته سن بزم عزایه چنک
ایدوب زمزمه و السفاایله خنیا کر بزمگاه فریاد اولدی بو اثناده ملکشاه
ملک انتباه خدم و حشم و کروفرایله نشسته که فرتوده دن گذر قیلوب همان
اول عاجزه دلتک ارغنون فریاده آهنگ ایدوب ای خلف صلب الب
ارسلان وای مسند خلافت شاه کامران روامیدر که زمان سلطنتکده
بنم کی فقیره ناتوانه بورسمه ظلم وعدوان ترتب ایدوب غذا بخش رضیع

جان اولان کوسقند مظلومی بوجسر اژدر نشان التقام ایله بن ناصراده
 موجب خسران اوله البته بومر خونخوار جکر دردن دادیمی الیو یروب کین
 ستان اول والاصراطده حضور پادشاه حقیقیده دامنکه آوتخته اولوب
 دادخواه اولورین دیدکده ملکشاه متعجبه جوابه مقصدی اولوب جاداتدن
 اولان جسربن روح و بی عقلاک ظلمنه مامور امور انسانیه اولان سلطان
 عادل نیجه ترتیب در مان ایلسون اکر سکا تعدی ایدن طوائف ذوی
 العقولدن اولسه احقاق حق نیجه اولور کورردن دییجک زن مظلومه
 ای شهنشاه دل آگاه سنک تیقظ وانتباهکه لایقیدر که مراضف مخلوقات
 اولان جسرچوپین خاطر اهل دل کی خراب اوله تعمیرنده اهمال روا کوره سن
 معنی بکا ظلم ایدن سنسین دیو بسط کلام مستلزم الالزام ایدیجک درون شاه
 نصفت پناه بومقالات مکدره دن نهایتده متأثر اولوب امر ایتدیکه مال حلالندن
 هزار غنم غنیمت اتردیت کوسقند اولق اوزره تسلیم کرده زن پر حزن
 قیلنه حسب الاشارة فرمان سلطانی برجا اولدقده فرتوته مذ کوره نک
 خاطر زاری متسلی بولوب آخر عمرینه دک دعای بقای ملکشاهه مشغول
 اولدی اول دمکه ملکشاهه تبدیل منزلگاه ورحلت بارگاهه لازم کلوب
 عالم بقاده قرار ایلدی صلحای زماندن بری عالم خوابده پرسش چکونکی
 احوال پراهوال معاد ایتدکده اکر سر جسر معهودده دادخواه اولان
 زنی بربک ونواحقنده ظهوره کلان حسنه حالادستگیر ومعیت اولسه
 چاه عذابدن خروجه قادر اولمزدم وهزار کوسقند معهود مطیه روحم
 اولسه کل ولای محنتدن گذاره چاره بولمزدم حمدالله که اولوجهله
 احقاق حق ایتدیکم جهتدن حالا مظهر کرم رب رحیم وسزاوار دخول
 باغ نعیم اولدم دیو شکر گزار حضرت پوزشپذیر کریم اولدی والسلام

حمد الله تعالى حكاك چالاک دست سلیقه یه بوجواهر الفاظ و عباراتی گوشه
 صندوق مخیه دن اخراج و ابراز و بوطرز بلاغت اوزره پرداخته منقب کاک
 نادره برداز ایتد کد نصکره پیرایه کردن و کوش دوشیزه قبول فحول اولق
 ملا حفظه سیله یک یک کشیده رشته تسطیر و دسته دسته نهاده طبق تحریر
 ایتک نصیب اولدی امید در که (ع) سخن در دست تعلق بکوش شه دارد
 (نثر) وزنی اوزره داخل خزانه فهم پادشاهی و یا واصل پیشگاه نظر ارکان
 دیوان ظل الهی اولمغله بوکیایه فقیراندک مایه به باعث کامرانی اعتبار
 و موجب نیل رأس المال اقتضار اوله اگر چه صورتاً صحایف مشعر الحکم
 رساله اخلاق السلطنه دن مترجدر لکن احتمال رغبت و تقریب مناسبت ایله
 نسخ مختلفه معتبره دن نیجه عبرت آمیز و غیرت انکیز حکایه لار ضم و الحاق
 اولمغله حقیقتده تألیف مستقل اطلاقده محمولدر دینارسه قابلدر هر چند
 بعض مقتضیات ضروریه سببیه تسوید و تبییضی خلال خزن و ملال و کمال
 تشوش و استعجاله مصادف اولوب هنوز معتبرات کتب ادبیه و مهمات لغت
 عربیه دن برجزء و پریشان اوراقک علی وجه الاستصحاب نهاده پیشخته
 مطالعه اولسنه روز کار سیره کار مساعد اولمغله حسب الاراده ایرادنکت
 و امثال و انشاد اشعار مزین المقال ایله زینت یاب اولسنه مجال بولمبوب دکاچده
 حافظه ده و کنج حجره متفکرده موجود بولسان مرتبه ایله اکتفا اولمغله
 بو عروس تعبیرک کردن و کوش انسجامی اولمقوله زیب و زیور دن خالی
 دوشدیک محض نقیصه در لکن گوشه چشم التفات ایله نیم نگاه دلفریبانه یی
 زکاة نصاب مروت عد ایلین اجله اشراف زمانه دن درخواست مستندانه
 اولنور که حواضع بی نهایت خبط و خلل انکست پنج استهزا ایتکه تنزل بیورمیه لار
 بتم کبی خامد ست فرومایه اثارینک مظهر التفات طعن و تشنیع اولمغه
 وجود استعدادی صورتنده وضوع اعداز مانع تنفر و انکار اولق جائزدر
 حقا بنم کبی ناتوان بیکسک زاده طبع تکدر پذیر یی ترتیب دایه حسن
 تعبیر دن انجق بو مرتبه ده وایه کیر اولور بو مدعا شهادة (عالم لغیب و الشهادة)
 ایله محکمه عدل و انصافده قابل اثباتدر که بو بضاعه مزجیاتک بالغ منتهی
 الغایات بلاغت اولسنده تعد خاطره کلوب و ترتیب تراکب شکر کر به سنده

اظهار تصنیعات منشیانه به قصد تعلق ایتیموب من کل الوجوه رسم تکلف
مطروح اولوب ابتدا خاطر فاتره سنوح ایتدیکی وجه اوزره قلمه کلدیکی
متعین الوضو حدر (انشاء الله تعالی)

✽ لمنشئه ✽

✽ ظهوره باعث اولان همت مریدر ✽

✽ مشال ذره یم اما ضیعا ندر بلم ✽

(نثر) فی الجملة شمه التفات کار فرمایان ستوده ذات فرخنده صفات احساس
اول نورایسه استمداد فضل خداداد واستناد قوت بازوی استعداد ایله عبید کمتر دن

نیجه طبقه راجع و معتبر اثار فصحا پسند نیجه زن کوشش اولق طبع

شوریده حالک کم پیشه سی و دل اندوهینک همیشه اندیشه سیدر

امیدر که جناب میسر الامال توفیقک رفیق ایتکله بو آرزوی

درونه اتصال و بومراد جان حصولیله فقیر ناتوانی

مسرور البال ایلیه آمین

✽ لمنشئه ✽

✽ نه معنیلر نه سوزلر مندر جدر صفحه دلده ✽

✽ اگر چه صورت ظاهرده خاموشم کتاب آسا ✽

و تم بعون الله و توفیقه

✽ تم ✽



غزوات مساله

✽ بسم الله الرحمن الرحيم ✽

هر سیاح چاپکیای مضمون آشنای عالم شعر و انشا ✽ و عیار معنی
 بیمای دانش پیرای جهان تحریر و املایه قدمها ده کشت و گذار
 دیار فسیحه الاقطار مدعا اولق صد دنده اولا چنستان اخضر یافته
 رصافه بهجت فزای دلدن اقتطاف ایتدیکی کلدسته نورسته حد
 و ثنای برك سبز درویشانه رسمنده طبله لعلی رنگ زبانه فرستاده بارگاه
 باهر الاجلال پادشاه عمالك ابد و اذل و مهدی کرده سلطان لم یزل
 قلیق نخستین ادب طریقه سخن پروریدر و هر مداح نکته
 فروش آفرین ربای بی پروا و داستان پرداز منتظم ادای سلیقه آزمایه
 بر قصه پر حصه بی سبک قالب طرز نویسی قیلوب مزدحم
 بوالسهو و سان اصفای اعجوبهای دهر که نسالده کرم ساز هنگامه
 قیل و قال اولق تصمینه ابتدا شهیت بدیع الانسجام حد و سپاس
 براعت لباس ایله سر آغاز ایتک اولین دأب معر که آرایان بلاغت کستریدر

✽ نظم ✽

✽ ای تو بهین صفت سزاوار ✽ نام تو کره کشای هر کار ✽
 ✽ تاجان بودم امید وارم ✽ کز حد تو دل تهی ندارم ✽

(نثر) آئنا بو مقدمه د لپسند مستحسن الفحوای عنوان
مناسیر مقالات عبرتینا قنای یالکز نکته سنجان نازک ادانك عادت
وسنتی دكل ابجد خوان مكتب تكلم اولان افراد بنی آدمك
بلاکة ذرات هر ده هزار عالمك فریضه ذمت همیتدر

✽ بیت ✽

✽ تسبیح حمد و نشر ثنای تو میکند ✽

✽ در کوه سبک ریزمو بر شاخ کل صبا ✽
(نثر) ولی هیئات بنم کبی راجل سست روضعیف الحرکه
بو خدمت عمیم البر که بی حق ادا ایلله مؤدی قیلغه نهاده ملکه
اقتدار حس ایدوب اتکای عصای کلك سترده پای ایلله سر راه
سختوری به لئك ولوك وضع قدم اتمکله کندوده مبارزان
هیچاگاه فصاحت اولان تکاور سواران تیر جنبش مضمار
بلاغت کبی طی فیافی ثنا کاری باری به استعداد تصور ایلله
و طفل نو آموز هیچانا شناس طبع بو نبلج حق و غیاوت ایلله
کاینغی افصاح کله تحمید رب مجیده قادر اولوب برقج صحیح
وسقیم لفظ نادرست وادای رکیک ناچسبانه ترتیب شتر کر به
ویرمکله قاعده اساتیده دقیقه باف دستکاه سلاست اوزره قبول
مولایه لایق حمد و ستایش ایلله آرایشفرای دیباجه مقال اولوب
پیرو پیران طریقت اولدم دیه

✽ نظم ✽

✽ خواهم بستایش تو بودن ✽

✽ من خود چه توانمت ستودن ✽

✽ نه بس دل پاك من زبان هم ✽

✽ در مدحت خویش و بلکه جان هم ✽

✽ تا گوید ذکر تو بتییر ✽

✽ تنهانه زبان که جان و دل نیز ✽

* امتزاج دادن شکر شکر خدا باشد مصفاى مدحت خبر الوری *

* و خوشبو ساختن شربت شیرین مدحا بکلمات ثنائی ان اصحاب باصفا *

الهی سن اول مستعنی پر خاش و جنک * مالک المملک کبریا اورنک *

ظرازنده مینا سرای فیروزه رنک * ماحی آرنک وجود اهل نیرنک * استواری

بخش ساعد پر زور قهرمان و پیشنک * فرمانفرمای بی تردد و تلغم *

طاقتربای خسروان باهر التجسم * راحت افزای ملهوفان مستحق

الترجسن * اسرار بدیهی الظهور قضا و قدر * مسامحه محیر العقول

اراد تکدن پرسم * و آثار محقق الصدور خیر و شر و مصدر مشیتکدن

بر فعل معتبر در خدایا مباحث معجز النحریر الوهیتک زبانزده تحقیق اتمک

قنغی سر باز نادره سنج سدید الافکارک مقدور ناطقه مشکل کشا سیدر

مکر (جناب محمد مصطفی) اوله صلی الله علیه وسلم صل علیه و آله ماظهر

الحب علی و آله پروردگار امسائل مسکت البلفاء شئون حضرته مفاد

السنة قالیه و حالیه قلیق قنغی معجز کوی رموز آموز فصیح الاقوالک میسور

معبره نماسیدر (مکر صبح کزین و آل باصفا اوله)

* بیت *

* باد برایشان ز خدای و دود * هر نفس انواع ثنا و درود *

(نثر) حقا که اول یکه سوار مضمار (سبحان الذی اسری) و کوی ربای

سبز میدان (ان هو الاوحی یوحی)

* نظم *

* سلطان ممالک رسالت * طغرای صحیفه جلاله *

* محجوبه کشای پرده غیب * گنجور خزینهای لاریب *

(نثر) جناب قدسی مآبه که منظومه نشید (علی المصطفی الوضاح وجهها محمد * علیه کتاب الحق بالحق نازل) مبین کیفیت صدور التفات و مصدوق دعوی فخر و مباهات اولور صوب درگاه رفیع الجناب صمدین مهدی اولان فرقان مجید حاوی اولدیغی اسرار غریبه وعد و وعید و آثار عجیبه توحید و تمجید و احکام لازم الانقیاد غزو و جهاد و امور واجب الامثال نزال و طراد و سایر موقوف تنبیه و افاده اولان تفصیل اشارات مستوجب السعاداتی ابلغ وجوه اوزره معنی طلبان رشد و سداده ابلاغ * و هر کس که حوصله استعدادی کنجایش پذیر اولدیغی مرتبه نفایس علوم الهیه بی اوعیه فهم و ادراک لرینه افراغ ایدوب کاینغی اجرای مراسم امت پرورید نصکره منظومه (انابی السیف) ایله نعره زن میدان مباهات اولوب دفعات ایله بالذات جسم عروق و اعصاب روسیهان کمر کرده راه ایچون اختیار کلفه جمع سپاه و ارتکاب زحمت عزم مصافکاه ایلدی و بر مقتضای (ان الرسول لسیف یستضاء به * مهند من سیوف الله مسلول) صصامه سرشکاف مفرق الباهه بی کردن رعونت مدار عبده اصنامه حواله وسیل عزم عساکر نصرت مأثر اسلامیه بی دریامثال ملک و دیار عنده کتنامه اساله اتمکله ساحه کلزار حجازدن خس و خارجور اشرار بد کرداری ازاله قیلوب مهب دهان معجز بیانندن و زان صیبای معنای (فاقتلوه هم حیث وجدتموه هم) خطه مقدسه یثربدن مهل سهل ایچره رسیده چار جهت مشرق و مغرب و اول نسیم کلیر نفس پیغمبری مشام اهل هدایه نفخه رسان روح و راحت و درون هوا پرستان و غاده شعله فروز درد و محنت اولغله بدبختان مشرکینک خاتمان صبر و قرار لرین مخرب اولدیغی داعیه حضور خرب الله غالب اولمشدر

* نظم *

* محمد کاصل هستی شد و جودش *

* جهان کردی زشاد روان جودش *

* چراغی روشن از نور خدای *

* جهانرا داده از ظلمت رهایی *

* دم خلقش که جان داده عرب را *
 * فرو کشته چراغ بولهب را *
 * که از آهو سخن گفته کهی شیر *
 * کهی حجت زبان و کاه شمشیر *
 * براهیل اقلیدو ارانده غضب را *
 * بلوح فاستقم خوانده ادب را *
 * زدو لتمدی بخت جهانگیر *
 * نوای شرع کرده آسمانگیر *
 * روان باد ابدو از طرف امت *
 * دما دم صد سلام و صد تحیت *

(نثر) كذلك خلفاء رابعه که فروغ رأی جهان پیرای شجرای خاصیتلری
 منور ساز چار جهت عالم اولغه تیغ چلی ضیای عالمکشای خورشید
 اضاءتلی شعله زن خرمن حیات سیاوش و عمر کداز روین تن و کسستم
 و پنجه سختگیر جگر شکاف همتلری افسر ربای افراسیاب و کر کسل رستم
 و نعره جهانگیر ساعقه تأثیر عدد همتلری زهره شکاف شیراجم و اشتم انداز
 درون خسرو و جدر

* بیت *

* در صف هیجا چو غریب آورند *

* رعشه بسر پنجه کیو آورند *
 (نثر) هر بری نوبت نکهبانی گلستان خلافتده معوری چارباغ ملک و ملت
 باینده بر یوزدن بذل کنجینه همت و بر طریقله صرف سرمایه و سع
 و قدرت قلوب سر چشمه دریا قیاس فصل پیریدن اعتراف ایتدکاری
 رشحات فیوضات ایل طراوت افزای چمن دین و تقویت نمای بن و بیخ شجره
 ثابت الاصل شرع متین اولوب منجل سیوف و خناجر خناجر مقر ایله مشرکین
 بد آیینک شول لازم الحک وجود بی نفع و سودلرین بریده * و دست همت اسکندر
 پسند ایله بساط آسایش و حضورلرین نور دیده * قیلیدیلر و توسیع حای محیه
 الجوانب دارالامن اسلامیه باینده شمیر ساق اهتمامله دامن عالمیانی دست تلوث

رسان اهل عدواندن تخیلش ایچون طرف طرف مردان جدل آوران کین ستانی
 تجهیز وارسال و گروهها گروه شجاعان مبارز کار دشمن شکاری فرستاده دیار اهل
 ضلال و مستط اماکن مستعد الاستیصال ارزال قیغله زمان قلیله اکثر عراض
 فسیحه الا کتاف جهان داخل حوزه تصرف خدا پرستان اولوب جنود
 مؤیده پر خاسکران قوی القلب سدید الجنانک آثار عزیمت صادق لری که
 آسود کی دل ابرار و اختیار در سرنامه تواریح روز کار اولوب کلک وقایع
 نویس قضا اولابی باک روان میدان غزادن صدور ایدن حالات صفدرانه
 وحلات رستمایی ثبت صحایف دوران و پیرایه کوش هوش عبرت شنوان
 هنگامه گاه آخر الزمان قیلدی

نظم

چار یارش بچار سوی یقین	چار رکن و چهار صفة دین
آن بزرگان که همنشین ویند	ریزه چین کنار خوان ویند
هر یکی سر سرمدی دارند	زانکه نور محمدی دارند
آنکه پا کند و پاک کیشاند	رضی الله عنهم ایشاند

بیان موجب تحریک شغب کلک خوشنما و پرداخت کوهر ذی
 قدر مدعا

داعیه مرتب ساختن تار و پود سخن و باعث نسیم دیبای مهلهل معنای
 داستان کهن بوحال ستوده مأل اولمشدر که نویسنده این سواد و مترجم
 حکایه صحیح الاسناد فقیر آزرده درون منکسر الفؤاد شوریده سردر هوای
 سبوخانه تلاشی لاابالی بی باک و آلوده بی تحاشی نامراد امنیه دشمن در بدر
 صد کوی و برزن سنجاده پیرای زاویه صبر و سکون مصطفی آرای خجکده

عشق و جنون * برباد کن خرمن سرو سامان * بر طرف ساز کلفت فهم اذعان
سبوشکن میخانه عقل و هوش * سرنگو نساز پیمانه عیش و نوش * پاکشیده
بزمگاه شوق و شادی خوشنشین کناره نامرادی

* بیت *

* از خدا امید و ارباد فیض و اقداسی *

* گوشه کبر و وضه لطف الهی ترکسی *

(نثر) گاه ریاض ارم کردار عالمده نسیم التفات کبار ایله کشاده ذل و شکفته
درون و گاه کلشن بهجت فزای مجالس اهل دلاندن انقطاع ایله پامال دهر
دنی و دون * گاه شبنم کرم حاتم نهادان مخادیم ایله طری وریان * و گاه سموم
قهر بی رغبتی ایله هم رنگ برک خزان گاه جایگیر گوشه دستار اعتبار * گاه مقهور
دست سیلی زن روزگار * ما ندهشیم ناچیز خاکسار اولوب (ع) فیوم علینا
و یوم لنا (نثر) انقلا بدن رهایی تصویری ایله تابع مقتضای دور عجایب زای
ایکن ضرورت قحط رجال حسبیلله دهر دون پرور طریق جلیله قضایه ادخال
اینگله اکثر عمر برباد دراده * ملازمت خدمت صنایع المعی نژادان روزگارده گذار
ایدوب هر گاه سانحه کار گاه خیال اولان او هام بی مال کامرانی بخش بازوی
تفید منصفه ظهورده جلوه کر بونور ایدی بلکه نیجه معانی امانی مستبعد الحصول
هنوز مسوده تصورده نکاشته کلاک مفکره اولمدن صحایف وقوع تیسرده
بیاض اولمش کورینور ایدی اتفاقا تاریخ ثلاثین و الفده حکومت قضاء موستار
ایلله کامکار اولوب اول قصبه مدینه نمایشده بر مدت آسایش نیتیه بسط بوریا پاره
اقامت اولند قدده روش و مقتضای مشرب فقیر مشغله دشمنه موافق کلوب
آب و هوای دماغ افسرده مدار قوت و قوت و نسیم صبای دل پز می دمی
مایه روح و راحت کورندی * حقا اول دیار بهشت آثارک هر گوشه سی بر صحن
صفا و هر طرفی بر مسیر دلکش فتای بی فتنای خیابان در خیابان و کلشن
در کلشن صحرای جانفزاسی گلستان در گلستان و چمن در چمن میان حدائق
پر شقایقنده انهار غفرسای کدر شوی جاری و زوان صحن ریاض با جیاضنده
نسیم صبای روی افزای مشکین بوی همواره وزان اولمغله نمودار روضه
رضوان اطلاقنه سزا بر جای زوان آسای طرب فرا ایدی

✽ شعر ✽

✽ و ماء على الرضراض يجرى كانه ✽

✽ صحايف تهرقد سبكن جد اول ✽

✽ كان بهامن شدة الجرى جنة ✽

✽ فقد البستهن الرياح سلا سلا ✽

(نثر) الغرض دواعی عیش و صفاهمیا و لوازم شوق و طرب (ع)
همه بوجه کمالست کمالانحی (نثر) ایکن مألوف صحبت حیاتبخشی اولدیغم
مخادیم کرامک فراق مجلس روح افزالری موجب انقطاع سر رشته حیات و مستلزم
وداع جمیع مسرات اولوب رهزنان طرق راحت اولان حرامیان حسرت
دروندن نه مهمما نخانه جانه مسافر تاب و طاقت کلور ✽ و نه دروازه رباط
آرزو دست یأس و قنوط ایله بر بسته اولور ایدی

✽ نظم ✽

✽ شبنم بایاد آن آرامش جان ✽ ✽ نکر دد آشامژ کان بمژ کان ✽
✽ هم آغوشند در عهد فراقش ✽ ✽ شکاف دامن و چاک کریبان ✽
(نثر) بواسطه راب آرزو مندی صحبت اولیای نعمت ایله سرسری و حیران
هرزه کرد اطراف بیابان اولوب

✽ بیت ✽

✽ اطراف دشتی کشت و کذار ایتدیکم بودر ✽

✽ دیوانه کوکلم اکلنه جک بریر استرین ✽

(نثر) دیهرک هر کون بر کوشه ده تشحیذ خاطر زاره قرار ویرلمشیدی
(یوما من الایام) طریقه معتاد اوزره بعض غمکساران ایله سخن چتراره
واریلوب بر کوشه ده سجاده صدپاره آرام یکساعت کسترانیده قیلند قدده
صلحای قصبه دن مظنه کرامت بر بابای صافهاده پالک سیرت تشریف
انجمن فقیرانه قیلوب دسته مانند جام شراب بر تحفه کتاب مستطاب
صوندیکه کیفیت مشاهده هیئت نشاط بخش کدر کدازی دماغ مرده
صدساله بی نشوه دار اهتر ازایلر

✽ شعر ✽

✽ کتاب لوتاً مله ضریر ✽ لعاد کریمه بلا اریاب ✽
 (نثر) استفسار موضوع و ماهیت رغبت کو ستر مکه گوشه بنان تقید
 تر ساخته قیلوب فاتحه و خاتمه سده امرار نظر ایچون تقلیب صحیف اولند قدده
 حضرت سلطان المشایخ والاولیاء فرید الدهر والدینا (محمی الدین العربی)
 قدست اسرارہ تألیفات معتبره سندن کتاب سامره ایدوکی معاینه اولنوب
 برای تعلق صمیمی واشتیاق قدیمی بوسیده و برسینه کشیده اولسی ایجاب
 ایتکه درون حریف سماحت پیشه ده آثار دل ربودکی فقیر دن نو عماثر
 پیدا اولوب واول دیرینه معشوق جان و دلاک آغوش استصحابه کلمسی باینده
 کرامت شیخ عالی رتبه یره مراجعت اولنوب روحانیت حضرت ولایتیناهی یره
 تقدیم نیاز مندی مستندانه اولندیغی پرتوانداز قلب آگاهی اولغله ایشار کتاب
 جلیل الاعتبارده مسلوب الاختیار اولوب فی الحال نهاده یسختخته اهدا قیلدی
 بوموهبه الهیه و لطیفه غیبیه دن بر مرتبه ده سرور و انبساط رهیاب درون
 پر نشاط اولدیکه تعبیر کیفیتی مقدور زبان فصیح البیان دکلدر حضار مجلس
 کتاب مذکورک بر محندن نیاز مند قرائت اولغله علی طریق التمثال فتح
 صحیف واوراق اولند قدده انفاقا زمان سلطنت عبدالاکده که تاریخ هجرتک
 التمش بشنده مسند آرای امارت اولشدر عساکر موحدینک حمیه قسطنطنیه
 بی موطنی بادیای همت قیلوب حصن حصین غلطیه و حالا صحن لطیفنده
 واقع عرب جامعی دینکه متعارف اولان عبادتگاه شریفه طرح انداز
 عمارت اولدقلری و سردار جنود مبارزه کار اسلامیه اولان مسلمة بن عبدالملک
 همته تاخت نشین دار الملک استانبول اولان الیون تیره درونی ملتزم خراج
 و باج ایتدکلری قصه پر حصه ورود ایدوب اول جواهر کرانه های حکم
 و عبر قرطه گوش هوش مستمعین قیلند قدده شکرانه نیل کتاب اولوق ایچون
 احوال مذکورمک نسق ترکیانه اوزره افراغ قالب ترجمه قلمسینه بسط
 اقدام و اظهار شوق تام ایتدکلری جهندن حد بندگی دکل ایکن اسعاف
 مراد احباب واجب و التماس امر التباسلرینه مخالفت نامناسب کوریلوب
 بوجه اوزره نقل مسطر تدبیر اولندی و بحکایه صحیحه عبر تشعارک

وقوعی مجمع علیه کبار و مرتبه شیوعی نادره سنجان روزگار در لکن روائک
 بعضی مبالغه و بعضی آخری مسامحه ایدوب حضرت شیخ بزرگوار
 سدید التمیز قدسنا الله بسره العزیز عنعنۀ ثقات و رواة ايله بالذات محاربات
 مذکوره ده موجود اولان عبدالله بن القیس الهمدانی نقل ایتکله شائبه
 استباهدن مصون کمال صدق و سداده مقرون اصح روایات اولغین
 (الاقوال المسئلة فی غزوات المسئلة) دیو تسمیه روا کورانی امرار نظر دن
 استنکاف ایتین اجله اشراف عجم الاطافدن مسؤل و متضرع در که
 (الاصاغر یهفون و الاکابر یعفون) مدلولیله عمل بیوروب مواضع بی نهاییه
 خبط و خلان گوشه قلم اصلاحدن محروم ایتیدلر و التفات تصحیح شرفبخشه
 مظهر بیورمغه تاج ابتهاج فقیر پرتقصیری فرقدسای ایتدکلرنده ژاژ خایان
 عیب کوی و نقیضه جویان ملامت سنج بدخویک رسم معتاد اوزره خنده
 بیجای تمسخر و از در ارینه رخصت و یرمیوب قلت بضاعه و عدم
 استطاعه سنه اعتراف صحیح ايله مقر اولیوب حضور اساتید معلا جنابده
 حدین بملکه افتخار ایدن بنده بمقدار درون دلدن معذر تخواه ایکن طعن
 بی محل و دخل نادر برابر ايله آهنگ ستم ظریفی ایدن لثیمان بدفرجامک دهان
 هرزه پاشنی سد و طبانجه رد و تو بیتی قفای مستعد البلاسنه ایصال ايله
 مبتلای لقوه ملامت قیلغه همت بیورمه که اول مقوله بدنهادان یاوه سنجک
 بو وجهله مقدارین بلدرمک محض انصاف و عین عدالتدر حقا که لجه
 درونک تکدرندن آگاه اولنلر اصدا ف مضامینک آلوده کل ولای سخافت
 اولدیغنه تعییب و مذمت زوا کور هنرلر

✽ نظم ✽

- | | |
|------------------------------|--------------------------------|
| ✽ چشم هنرین بود از عیب پاک ✽ | ✽ بی هنر از عیب کند زوجه پاک ✽ |
| ✽ دیده انصاف چو بینا بود ✽ | ✽ در شمرد اگر چه که مینا بود ✽ |
| ✽ وانکه ندارد دل رحمت پذیر ✽ | ✽ تهمت پشیمه نهد بر حریر ✽ |
| ✽ رسم بزرگان بود انصاف کار ✽ | ✽ کار خسان نیست مکر خار خار ✽ |
| ✽ ای که نظر سوی هنر نیست ✽ | ✽ عیب بخود کن که نظر نیست ✽ |

✽ آغاز جمع لشکر و معین شدن مسلمة نامور بسرداری جند مظفر ✽

وقتا که راضی توفیق قلاده سلطنتی کردن عبدالملکه تعلیق ایلدی خاطر
استعلا اندیشه ملاحظه توسیع انحای حای ممالک اسلامیة رهیاب اولوب
بو امنیه درون حصونه قیام ✽ و بوامل جانہ وصول امیدیه ترتیب دواعی
اهتمامه اقدام ایدوب بساط آسایش و حضوری نور دیده وجیش بیکران
سعی و همتی ملک تکاسل و اهمال تخرینه کشیده قیلدی لکن بومهمه
حصونه کندی نفس توانی دشمنیه مباشر اولیحق اخلال احوال تختگاه
ودارالاجلاله مؤدی اولق احتمالیله رایات فک سای اهتمای بروکیل مقدم
مہیب الشکل جلیل الاعتبارک دوش ہمتہ تحمیل ومیان لشکرده عز بوری
کندی طرفندن نائب مناب ✽ و وکیل ایتک تدیرینی ترجیح ایدوب جہلہ
مقربان حضر تدن شجرہ ثابت الاصل وجودندن بالا کشیدہ اوج استقلال
اولش نہال نخل اندام باہر الاقبال (مسلمہ) نام سروخو شخرام باغ جاہ و جلالی
منصب جلیل سرداریہ سزاوار کوروب علم افزاز میدان کارزار و سبہکش
سمت رزم و پیکار قیلدی و اطراف و انحای ممالکہ منادیلر صالوب بویوزن
ابراز ہر اسم تنبیہ اکید و اسماع لوازم فرمان رھین التا کید ایلدی کہ قلمرو
حکومتندہ گوشہ نشین مساکن و خلوتگزین اماکن اولان مرتب ساختگان
برک و ساز چنک و دشمن شکاران صاحب نام و ننگ

✽ بیت ✽

✽ دلبران خصم افکن شیر کیر ✽ ✽ خروشنده باجوشن و تیغ و تیر ✽
(نثر) برطرف ساز صفای استراحت و مرتب مقدمات غیرت اولوب اردوی
آزین بستہ مسلمہ جنگجوی رزم خویہ مبادرتدہ رنورد بادیه مسارعت و پیرامن
ہرگز رکیز خیریدہ دائرہ بند جمعیت اولوب ہر حالده اول کعبہ مجد و رفعتہ

لبیک کویان اطاعت اوله لر ورؤساء قبائل عربدن حاکم سمت عراق حجاج بن یوسفه
وعامل جانب حجاز اولان عثمان بن عفانه وعامل طرف یمن اولان علقمه بن مروانه
ارسال برلیغ لازم الامتثال ایله اشعار فرمان قضا جریان ایتدیکه هربری تخت
حکومتلرنده اولان ممالک معموره مک رؤسائی جنود نامعود ایله جمعیتگاه سپاه مسلمیه
علی جناح الاستعجال تجهیز و ارسال ایدلر و برادری محمد بن مروانه که حکومت
قلمرو بصره وابسته ذمت همتی ایدی بالذات قاطیه شجاعان مروم مروم
ایله پیشگاه سرداریه روبراه اوله لر دیو مستقلا مظهر اکرام اقدام ایدی
همان که صباي فرمان عبدالملک رسیده ساحه صماخ مأمورین مذکورین اولدی
شهره عزیمتلرندن خس وخار تعلای رفت وروب ایدوب هربری فرمان سلطانه
اطاعتی مهمترین مشاغل ییلوب کروهها محل مأموره تفاهم ایتدیلر و اطراف
مخیمگاه اجلالنده ضرب طویله اقامت و ترتیب صفوف اطاعت قلدیلر تمام
امر تحیز اجتماع پیوسته مرتبه کمال اولدقده بالذات عبدالملک عالیجاه خرامان
صوب جمعیتگاه اولوب میان صفوف مرتبه غزائده بر خطبه بلیغه حسان
پسند ایله زمزمه سازی نصیح و پنده سر آغاز و لازمه حمد و ثنای کار سازی نیاز
غازی نواز د نصکره کیسه سر بمهر سینده سندن نقود و جواهر نصایحی بووجهله
نهاده طبق ابراز ایدی و دیدیکه ایها الناس بو معنایی صواب انما جلوه کر خاطر
سداد آشنا کر اوله که شریان عدوی بدنهادده خون تعدی غلیان ایدوب
درون رعونت شخونلرنده جایگیر اولان ماده کبر و نخوت واختلاط
فاسده شرور وضنت مایلخولیای طمعلرینک رسوخ واشتدادینه
و حرارت حمای محرقه حرص و آزرینک بحران اواز د یادینه موجب اولشدر
وبادخانه دماغ پر شر و شورلری هوای تغلب استعلا ایله طولشدر نیشتر خنجر
سرتیز ایله فصد اکحل جانلرنده بر مدت اهمالکز سببیه زیادکی دماء فاسده
جرأتلری اول سیه رویان خاکسارانی مبتلای سیف و سنان انتقام ایدوب نیروی
بازولرینه غرورلرله پنجه زن دامن شرور قلمشدر بوبابده وارد اولان اوامر
واحکام الهیه تفاصیلی رسیده کوش هوشکرز ایکن ترغیم انوف و کسر جباهلری
ماده سنده پر خاشکران سخت بازوی اسلامیه مک مشیت چهره فرسای ازدرالری
منوع و لطمه افکار ساز قهر و جفالتی مروم فروع اولدیغی مستلزم عنایت

قهاری و طرف مخلوقدن مستوجب تذلیل و خوار یدر حالا مقتضای علاوهمت
مردانه و داعیه حیت عالمگیرانهم بوحالی مقتضیدر که سرمایہ وسع و قدرتم
اول طائفہ خائفہ نک تذلیل و تحقیرینہ مصروف اولوب برجلہ رستمانہ ایله
جله سن فتادہ خندق ته نابید هلاک و بوار و صرصر جنبش خيول دشمن
شکاران ستوده کار ایله توده خاشاک جمعیتلرین تار و مارایدهم خصوصاً
تخت نشین حصن حصین قسطنطنیہ الیون عدواللهک تاج لعین پرزورینی
سربی سامانه برطاس آتشین پراخکر واستیصال ملک و مانند نصرکه تختی
تابوت محقر و کاخ عمر دینی حفره نیراته برابر قلیق اهم آمال دروندر مذل
کردنکشان تنود و مخرب ایوان عاد و ثمود جل جلاله الطافندن امیدوار
و مساعدہ یمکه بوملتمس جانہ دسترس بولوب ارادت علیه سی اول فتنه
پرسیئه نک خذلانه متعلق اولغله رزق و ماللری وایه سپاه و اهل عیاللری تحفه
پیشگاه اولدیغی عن قریب مشاهده و محسوس بارگاه اوله

✽ بیت ✽

✽ نیکو شود از رحمت او کارها ✽

✽ نیقاد دهری طائعا و کارها ✽

(نثر) ایمدی یامعشر المسلمین و یا اخوان الدین سزلی بومحمدیه جمع و ترتیدین
مرادم اقتدار و بأس و نجدت و فرط جرأت و جلالتکزه و نوقم اولغله فتح ممالک
دشمنان دین و قهر و کین گروه مشرکینه تعیین وارسالدر اتباع فرمان
خداوندی که فریضه هر مسلمدر کما هو حقّه مؤدی قلیق ملحوظ خاطر همت
کزینکز ایسه لازمدر که بودفعه حق خدا ورسوله قیام ایدوب شردمه ذمیه
کفار لئامدن اخذ انتقامده درکار اوله سز و جلّه کزه امیر و سپهسالار نصب
ایتدیکم (مسلمه) دلیره که بدن عسکره جان و درون سپاهله قلب و دائره جتوده
مرکز و آسمان اردویه آفتاب منزله سنده در مرکز بسته انقیاد اولوب پیرامن
شمع منیر وجودینی باداضرار اشتراردن و قایه ایچون فانوس والاکی محیط اوله سز
ونشست و برخاست و سکون و حرکتده سایه وارتابع مقتضای طبع صواب اندیشی
اولغی واجب ذمت بیه سز اگر بامر الله تعالی صهیبای شهادتدن سرگردان
زقده ممت اولور ایسه کندود نصرکه امر امارت عسکر (محمد بن خالد

بن ولید الخزومی به منوط اولوب اكا دخی تبدیل منزلكاه ورحلت بارگاه اله لازم
كلور ايسه (محمد بن العزيز) سر عسكر و امير اله و خدمت امانت
غنایمی رجا بن حبانہ مفوض قیلم و مسلمہ و لشکره آنی امین نصب
ایتدم لازمدر که فی عزاتک علی وجه التعمیم امر حفظ و تقسیفی کف
بی سرقتہ وابستہ اولہ و ریاست قبیلہ تیمم (محمد بن الاحنفہ) و ریاست
اهل ہمدان عبداللہ بن قیسہ مفوض اولسون دید کده عبداللہ ابن قیس کہ
تحقیق (حضرت شیخ) اوزرہ راوی حکایہ دزقبول ریاستدن استنکاف
وسبق عہود و ایمان ایلہ بسط مقدمات عذر خواہی واستغفا ایدیجک
ریاست ہمدانیان (صدق بن الیمان) الہمدانی یہ حوالہ اولندی
وقبیلہ ربیعہ (عبد الرحمن بن صعصعہ یی وقبیلہ طی و لحیم و خدامہ
(عبداللہ بن عدی) بن حاتم الطائی یی وقبیلہ قیسہ (ضحاک)
بن مزاحم الاسدی یی و بنی امیہ یہ و بعض قریشہ (محمد) بن مروانی
وقبیلہ ککندہ و غسانہ (اصبع) بن اشعث الکندی یی و اهل ہجازہ
(عبداللہ) ابن عمر بن الخطابی و اہالی جزیرہ و دلاوران شامہ (بطلال)
مشہوری و ناموران مصرہ یزید بن مرۃ القبطی یی و مبارران کوفہ یہ (ہشیم)
بن الاسود النخعی یی و غازیان بصریہ (سلیمان) بن ابی موسی الاشعری یی
و مجاہدین یمنہ (جابر) بن الجیر المذحجی یی و مرابطین خیالہ (عبد الرحمن)
بن جریر بن عبداللہ البجلی یی امیر قبیلہ و رئیس کتیبہ نصب ایتد کد نصکرہ
مسلمہ سر عسكرہ توجیہ خطاب ایدوب ای نور عینم سنی بوجیش انجیم
شمار اسلامہ

✽ شعر ✽

✽ جیش کما التبع طامی الموج مصطحب ✽

✽ يضيق عنه سهول الارض والاکم ✽

(نثر) والی مطلق و فرمانفرمای محقق نصب ایتدم لازمدر کہ ذکر اولشان
جنگ آوران دشمن شکار و پر خاشکران مجادلہ کار ایلہ قدم بر قدم عزم
دیار کفار و قصد تسخیر ملک اشرار ایدوب ملک روم الیون مذمومک
تخریب داور دیارندہ بذل کنجینہ اقتدار ایدہ سن واستیصال ملک و مانندہ

برطرف ساز راحت و سکون اولوب فیافى مشاقى پویه گاه بادپای همت ایتکی
 واجبه ذمت بیله سن و عباداللهه رفق و شفقتله معامله ایدوب گروه مجاهدینه
 که رفقای طریقه جانسپاری و سربازی و هر روان بی کلال و فتور شارع
 پهنای مغازی درر هر حالده مشفق و مهربان و هر برینه والدخاطر نواز بی
 دلفریب و راحت رسان اوله سن و زنهار و هزار زنهار جبار و عنید و مختال
 و فخور اولمقدن نفور و خدور اولمغله همت قیله سن دیوب مدعای نصیح
 و پند سودمند فیصل و یردی و جمع سپاهی یکان یکان پیشکا هندن امرار
 ایدوب جمله دن سکسان بیک شجیع نامداری افراز و تشخیص و هم رکاب
 مسلمه قیلوب قهر عدویه تعیین و تخصیص ایلدی که او توزیکی سوار و ساری
 پیاده ایدی

❧ بیت ❧

❧ سواران صرصر تک برق رو ❧ ❧ دلبران بیر افکن تیر دو ❧
 (نثر) آنکاه ترتیب صفوف سپاه و تعیین جای نبرد و مصافکاهه سر آغاز
 ایدوب دیدیکه انشاءالله تعالی تقابل فریقین لازم کلدکده محمد بن الاحنفی
 رئیس مقدمه لشکر قیلوب محمد بن مروانی مینه یه و عبد الرحمن بن
 صعصعه بی میسر میه و محمد بن العزیزی ساقیه تعیین ایدوب کندک قلب
 سپاهده جان بی قرار ایده سن و طلا یعه بطلال فرخنده فالی معین قیلوب
 تنبیه ایده سنکه بطون لیالیده خدمت قراول و تجسس جوائیده درکار
 اولوب محافظه موارد و مداخل کتائب مذموم العواقب مخالفینده اعمال
 جواسیس بصیرت و انتباه ایده (و یعون القادر القیوم) ممالک فسیحه الاکناف
 روم موطنی اقدام جنود حیدری الهجوم اولدقد، جل همتکز اول امرده
 هراس اندازی دل دشمنانه مصروف اولوب مبادی تصادفده ترعیب
 قلوب خائفه لرینه بادی اولمغله ساعی اوله سز باشد که صرصر هیبت
 فکن طاقت شکن صولتکز دن اقدام تخاذله اقداملری مترزل و توده خاشاک
 جمعیتلری برباد اوله هر چند طرف مشر کیندن آثار ثبت و اصطبار نمایان
 اوله قطعاً مرآت سینه کزی ژنک پذیر تغیر ایتیوب هجوم بی باکانه کره فتور
 کتور میه سز که حضرت قهار شدید البطش و عزیز ذی انتقام اول رهط

اشرارک مہلکی و دیار مستعدالد مارلرینک مخربی و چند ملائکہ اول کروه
مکروہک مخاریدر امدی لایق علوہمت اسلامیہ بودر کہ زہار اول قوم
مستحق اللوم بر کشتہ حال ایلہ مصافدن انصراف و مجادلہ بی باکانہ دن
انحراف ملاحظہ سی پیرا منکر د خاطر جہاد اندیش و وسوسہ انداز درون
بی تکدر و تشویشکنز اولیہ کہ فرار عن الزحف ارتکاب ایدن محنتان معجر
پوش جمعیتکاه فر دادہ پیشکاه مردانہ بی نقاب نہالت قدومدن ممنوع
اولوب خدادن غضب و عباددن بغض و ملائکہ دن لعنتہ مستحق اولورلر
وہرامی پسندیدہ کہ مصدر سینه کزدن مشتق اولہ زہار سزلرہ باعث عجب
واغترار اولیہ کہ قتل ورمی وانکال و بونک امثالی افعال مستحسن الملالک
مبدع و موجدی خدای عزوجل در دیوب بعدذا افراد اجسادی مظہر
عز خطاب ایدوب ای برادران دین و عونہ اہل یقین معلوم خاطر صداقت
زہینکز اولسونکہ سزلرہ امیر و سپہبد نصب ایتدیکم مسلمہ دلاور نور عینم
ثمرہ جانم و محصول مزرعہ جنامدر اتمام مہام غزو و جہاددہ بکایدینی
وتیغ کلہ رباو تیر سینه دوزعدو فر سادر کہ انکلہ پنچہ زن دامن اعدا
وسر شکن دشمن بدلقا و چہرہ خراش اہل شقایم حالا وجودین جناب
واہب الامالہ ہبہ ایدوب رجای نیل رضای مولایلہ دمنی و مہجہ سنی راہ
خدایہ فدا قیلدم بن کہ سبیل حقہ نور دیدہ می افنادن ابا ایتیمچک سزلرہ
دخی واجب و مناسب اولان جان و باشہ قالمیوب دم ہجومندہ معین
وقفادار و حین سکونندہ تحریض و اغرائلہ مشوق سمت پیکار اولمقدر فرضا
ہنکام اقدامدہ اشکال و ہم ویم پای بندیکران اہتمامی اولور ایسہ بنان
تشجیع و تشویق ایلہ عقدہ ترددینہ کشایش و یروب حواس جراتنہ خواب
سکون استیلا سیلہ سر نہادہ بالین اہمال و توانی اولمق لازم کلور ایسہ رشخہ پاش
تنبیہ و ایقاظ اولہ سز بحکم البشریہ لغزیدہ پای مز لقمہ سہو و غفلت
اولدینگی کور یلور ایسہ خندق زلتن اخراجندہ بازوی سعی و ہمتی درکار
ایدہ سزدیوب بالای عرعر مثال مسلمہ بی در آغوش ایتدی و صنوف نوازشہای
پدرانہ ایلہ مخاطبات متضمن الاتفاہ شروع ایدوب (یا حبیبی و ثمرہ قلبی)
دیہرک میانہ ایکی سیف سر شکاف ذوالفقار اندام بند ایلدی کہبری تیغ

مسلمه وبری شمشیر عبدالملك ایدی و سردو لتمدینه کل کی بر عمامه بیضا تکریر
ایدوب یر کوه پیکر اشهب صر صر خرام پیل اندامه سوار ایتدیکه مضمون
قطعه غرای بی مانند

❖ قطعه ❖

❖ تکاوری که بیک حله زیر پا آرد ❖

❖ اگر درازی امید باشدش میدان ❖

❖ زمین نورد چو شوق و فراخ رو چون هوش ❖

❖ سبک کذر چو جوانی و قیمتی چو روان ❖

(نثر) مین اوصاف دلپسندیدر یوم جمعه ده که غره مبارک رجب ایدی ادای

صلاة ظهر دنصکره بحر مواج عسا کرو جیوش نسیم اشارت عبدالملك ملك

آرایله خروشه کلوب بدرقه یمن و اقبال و دلالت بخش فرخ فال ایله باب

دمشق دن خروج ایتدیلر بالذات عبدالملك فرخنده صفات خدمت تعظیم

واجلال غزاة مدھی الطغاة کربند اهتمام اولوب درت فرسخ مقداری

محله دك اختیار کلفه تشییع ایتد کدنصکره (ع) قنده کیم عزم ایده سن

عون خدا یارک اوله (نثر) مقالنی مخدوم عالیتر ادینک حرز بازوی جانی

(ع) حضرت خضر نبی قافله سالارک اوله (نثر) کلامنی رؤسای قبائل

واجنادك عنوان مناشیرامن و امانی

❖ شعر ❖

❖ و حیث انجهم ساعد تکم سلامة ❖

❖ ویرعاکم الرحمن من کل جانب ❖

(نثر) مدلولنی افراد مبارزین جهاد آیینک پر کلک کوشه سرو سامانی

قیلوب تیر قامت فرزند هو شمندن کان آغوشندن جدا قیلدی و دامن

اجفان ایله کهرپاش سرشک اولوب برایکی ساعت خونابه فشان فرقت

و قطره نثارشک حسرت اولدقدنصکره

❦ نظم ❦

❦ رفتی و گشت حال من خسته زارتر ❦

❦ دل بقرار شد من ازو بقرار تر ❦

❦ سرگشته هوای توام ای بهار عمر ❦

❦ بادیده زابر بهار اشکبار تر ❦

(نثر) دیهرك پاره جگرو نور بصری اولان پسر نامور وعسکر مظفر باکر

و فرخی وداع ایدوب زبان شراره فشانله زبانه پاش فرقت اولدی

❦ نظم ❦

❦ الهی نصرتش ده تاز عالم داد بستانند ❦

❦ مراد دل تمام از بنده و آزاد بستانند ❦

❦ خدا وندا سلیمانی ده این فرزند جانم را ❦

❦ که کام مور بنحشد انتقام از باد بستانند ❦

(نثر) مضمونیه دعای فتح و نصرتی لسان حال و قال برله تکرار ایدرك جانب

دارالاماریه عطف عنان عزیمت وعسکر صرصر اثر تخریب ممالک دشمنان

دین فکری ایله سمت رومه امالهء لجام پکران همت قیلدیله روزان و شبان طی

مر احل کنان طر سوس نام محمله نزول ایدوب حوالیسی اعلام رنکارنک ایله

لالهستان اولدقدده فرمان مسلمة سرعسکر بونهج اوزره مقرر اولدی که

اول مقامده تمام بزننه آرام اولند حسب الاشارة لشکر کش عالم بالایعنی

ابن ذکاء جلی ضیا طی منازل اثنی عشر ایدنجه طر سوسده مکث وقرار

اولنوب تکمیل مهمام پیکار و مشق رشق کارزاره اشتغال اولندی زمان نهضت

و آوان حرکت کلوب سنهء مزبوره ایامی نهایت بولیحق اول محمدن نقل

زاملهء احوال اولنوب بلاد اصحاب شرک و ضلالتدن عموریه نام محمله

حل عقود حبال اقبال مناسب کورلدی

✽ ورود جنود اسلامیه بحوالی عموریه و مقابله نمودن شمعون ✽
✽ و مصاف کردن مسلمین و کشته آن لعین پیدین ✽

حوالی عموریه مضرب خیام فلک فرسای مجاهدین اولدقدده جواسیس
خبر بر لبو پیامی اسماع کار آ کهان گروه با فرو شکوه ایتدیلر که حاکم حصار
ناستوار عموریه اولان شمعون ملعون مست شراب غرور اولدیغندن
هوادار لرندن نیجه بدمست خندریس خیلا ایله مترقب دم تصادم اولوب
نعره زن هل من مبارزدر پس مسلمه دخی نامداران قبائلی زیر لواسنه جمع ایدوب
بویوزدن مخاطبانه سر آواز ایادی که ای مبارزان بیباک رووای چاپکسواران
عرصه تک و دو معلومکن اوله که شمعون خدعه نمون جمع لشکرده بذل مقدور
ایدوب کنندی امشالی علوج ایله پانهاده رکاب خروج اولمشدر حالا
سزلردن نیاز مند و امید وارمکه مقتضای قوت قلب اسلامیه اوزره دبده
کوس منکوسی کوش هوشکزه طنین ذیابدن احقر و این دلخستگانه
برابر کلوب دیب خیول ناقبولی حرکت نملاه میان شکسته قدر مؤثر و کار کر
اولیه که بعونه تعالی نصرت سروس فرحت جیوشه توأم و تأیید اله
عزیمت سپاهه همدرا کر چه اول خوک صفتان روبه درون مقتضای کلیت
ایل اول امرده هریرنباح دلخراشه آهنگ ایدوب عوعو خاطر آزار ایله
اغلو طه کدر رسائییه آغاز ایتلری مقرر در اماهز بران بدشه زاروغا وزه
شیران غابه هجوم و غوغا اولان مبارزان بیر انتقام اسلامه تاب آور مقاومت
اولغه اقتدار لری اولیوب ناچار چنگال قهرو نکال جدل پیشگانه
کرفتار اوللری دخی محققدر دیوب هر برینک بالای اذعانه

الباس خفتان تسلیه د نصیره محمد بن الاخنئی مقدمه و محمد بن مروانی میمنه به
و عبدالرحمن بن صعصعه بن میسریه تعیین ایدوب کندی قلب عسکرده ثابت
قدم و پابر جا آماده جنك و هیجا اولدی و بطلال فرخنده فالی رئیس طلیعه
قیلوب مانند تیر پیشرو میدان دارو کیرایتدی

❖ نظم ❖

❖ فغان چاوشان هر گوشه برخاست ❖

❖ که بر رسم ادب صفها شود راست ❖

❖ سپاه از هر طرف صفها کشیدند ❖

❖ چو لشکر گاه شطرنج آرمیدند ❖

❖ کما اندازان کمانها بر کشادند ❖

❖ عقابان شکاری پرکشادند ❖

(نثر) القصه صفوف رزم آراسته قیلنوب بطلال همراکب اولدیغی شجعان
و ابطال ایله استیصال شمن بد فعال ایچون روبراه مصافکاه اولیجق عسکر
شمعوندن بر بطریق بی توفیقه دوچار اولوب بر ساعت مقداری زمان کاسات
محاربه میانلرنده تداور ایدوب بعدالتصادم سراندازان طرفینک صراخی
انداملرندن سلافه خون ریزان زمین اولوب خاک سیاهی لاله کون ایتدیلر

❖ نظم ❖

❖ ز غلطیدن کشتگان در مصاف ❖

❖ شده پشته بر پشته چون کوه قاف ❖

(نثر) دلاوران طرفین هنوز سرکران خسار فتور اولمامغین بروجله
امر جدال وقتاله مقدور ایتدیلر که نبرد گاه آسماندن سماک راح و بهرام خون
آشام بنان آفرین برداشته قیلوب سبابه کزان حیرت اولدیلر (ع) فلک گفت
احسنت ملک گفت زه (نثر) هنوز حجت قاطعه هر هفتات مصقوله غزاتله
فصل دعوی غالب و مغلوب اولمامشیکن بطریق کماکرده طریق بیرهمنا و رفیق
چب روکریوه انهرام اولوب سپر انداخته عنان یز سلامتگاه کریز اولدی
بعده جمله سپاه منصور اللوا امواج متراکه دریاکی پیدر پی و فوجا فوج بر بریخی
تعقیب کان خرامان جای نبرد و پویان میدان تمیز جبان و مرد اولدیلر

بیت

همه کس بازار جویند برد * ولی گاه مردی شناسیده مرد *

(نثر) زایت فلکفر ساوینرهای کله ربا ایله تلاطم صفوف دلاوران مبارزه
کاری کورنلر اشجار ملتفة الساق بالساق ایله کوه البرز و قاف حرکت کلدی
قیاس ایدرلر ایدی وشقة رنگارنگ خورشید التهابك جنبش و اهترازین تماشا
ایدنلر کار شهر اجنحة سروش نصرت نمایان اولدی صانورلر ایدی

بیت

شہسواران روز میدان نیزها جولان کنان *

چون بر اطراف نیستان روز کین شیردمان *

(نثر) تمام لشکر اسلام ظفر انجام جای هیجاده الای الای قیام ایدوب

نظم

بیابان همه پیشه شیر کشت * جهانی پراز تیروشم شیر کشت *

(نثر) طرفیندن کوسلردو کلیوب صدای کره نای محاکی صور قیامت
ودیده به طبل و نقاره هم آهنگ رسد پرهیت صہیل افراس جیادد مساز نعره
آهنگلان اجناد اولوب طرف مشرکینده فریادها یاہای وواویلا و آہ وجانب
مسلمینده کلبانک عالمگیر الله الله پیوسته قبه آسمان وطنین انداز مسامع کرو بیان اولدی

نظم

هراهر در آمد بهر دو سپاہ * روارو برآمد بخورشید و ماه *

زموج سلاح وز کرد زمین * کلین کشت چرخ وزمین آهنین *

بدریای آہن جهان کشته غرق * هوا پرز میغ وزمین پرز برق *

زبانک خیولان کیتی نورد * شده پر صدا کبند لاجورد *

کره بر کره دست پیکان زنان * زره بر زره پشت رو بین تنان *

خروشیدن کوس روینہ کاس * فلک راپراز رخنہ اکرده طاس *

سپاہ از علمہا شده سایہ دار * دلیران بر آشفته دیوانہ وار *

بہر سنیہ نوشده کینہا * کریزان شده رحمت از سنیہا *

جدا کشته دلہا زیوند خویش * پدر تشنه خون فرزند خویش *

(نثر) طرف مخالفین هزیمت رهین دخی صف آرای مقاومت اولوب بر بردن

امیدمدد رسانیده پشت بر پشت و دست بدست کردا کرد قیام ایتدیلر لکن
 وخامت هوای راحت فرسای غوغادن اول خسته دلان زهره چاک مبتلای
 جای وهم و بیم اولغله اعضا وجوا رخلری تبلرزه رعب و هر اسدن
 رعشه ناک اولوب نیچه زن قبضه تیغ اولغله مجال محال اولدی جمیع کار
 و کردارلری مخالف اصول معقول اولغین ترانه و اوایلارینه پای نابرجار یله
 اصول طوتوب کف مطرب دفاف مشائده اقدام لرزه ناکلری آهن رکابه
 طوقند قجه سامعدلرینه صدای درای مصیبت کبی زمرمه سنج فریاد اولور
 ایدی (القصه) جنود مؤیده مسلمدن اولار رئیس المقدمه محمد بن الاحنف
 حله قیلوب

نظم

نه بیم از خدنگ و نه بالک از شان * قضارا بتسلیم داده عنان *
 بجنبید و آمد بجای مصاف * بسنحتی پی افشرده چون کوه قاف *
 در آمد بمیدان و جولان نمود * نمود از دعوی فراوان نمود *
 (نثر) اول کون سلحشور معرکه زار فلک اثر یعنی جهان پهلوان مهرنیر شمشیر
 تیرینی نهاده نیام شام ایدوب ایرتسی علی السحر قدمه سرمیدان روز اولوب
 ورای جنبه کوه دن تیرزاندو دشمنه بی عالمه پریشان اید نیچه دلاور مشارالیه
 وسائر عدو شکاران تیر افکن و سربازان دشمن شکن شمشیر شیر زهره شکا فلرین
 خوابگاه غلافدن بر لحظه آسوده قومیوب تمام بر کون و بر کیجه علی الدوام
 جنگ و پیکار برقرار اولدی شویله کیم جائیدن نیچه پیاده سوار مرکب
 نعش اولوب نیچه سوار صحرای عدم اجام سمندور خش اولدی

نظم

سراسر شده زوی صحن زمین * زبس نقش بیجان چو دیبای چین *
 ز نهای صد پاره و شاخ شاخ *

شده طعمه بر کرک و روبه فراخ *

(نثر) سپیده دم که بیراق براق صلح افراشته قینوب وفود اضواء وانوار
 اردو که نهاره نفاقم ایتدیلر مسلمه جماعت اهل السنه والجماعه ایلله

ادای مکتوبه فجر ایدوب صوب روزی رسان مخلوقاته دست نیاز ورجا
برداشته قیلدی و گروه مؤمنین جهاد آیین غریوانین ایله ولوله انداز آسمان
وزمین اولدقد نصکره تکرار اقامت رزم و پیکاره اصدار فرمان قضا جریان
ایلدی

❖ بیت ❖

❖ دود ریاد کرباره جوشنده کشت ❖

❖ بهر سوی سیلی خروشنده کشت ❖

(نثر) جدال آموزان رستم نبرد و جگر دوزان هیجانورد پریردن حملات
هزبرانه سسراغاز و جان و دلدن برو جهله آهنگ تک و تاز ایتدیلر که روح
فرامر زوجان قهرمان

❖ بیت ❖

❖ صدهزاران آفرین ای پهلوانان زمین ❖

❖ بویله اولسون اولیحق عالمده قهر مشرکین ❖

(نثر) مضمون بر آورده لسان حال ایتکده بی اختیار اولوب قداحه مقاتله دن
درون مرقدلینه جهان اولان شراره رشک غبطه آمیز خاک لحدلرندن
رسته اولان چنزار نوحاسته بی همرنگ خاکستر ایلدی شمعون زوبه درون
درع تجلدی بر دوش ایدوب سپر غیرت صوری ایله دفع نیره و تیر دلیران
خنجر زن و شمشیر کیر تصور یله صورت نمای تثب و قرار اولیحق طرف میسره دن
عبدالرحمن بن صعصعه تکاور صرصر خرامان خارش همیز تحریک ایله
سر میدان رزمگاه سوروب

❖ بیت ❖

❖ سلیمان شد و باد را اندزود ❖ ❖ چه بادی که هم باد و هم دیو بود ❖

(نثر) بر مقتله عظیمه قیلدی که جیش پرطیش عدوی از قالدی که سرگردان
مفاوز پریشانی قیله بعده عبدالرحمن بن جریر حله قیلوب اولدخی نیجه
خیث الو جود کفر آلودک سر نخوت پذیرین غدای شیر شمشیر و نیجه
سنگ جسم ناپاکک طعمه مار سیاه زنجیر ایلدی

✽ نظم ✽

✽ گروهی خراشیده از تیغ و تیر ✽ گروهی بزنجیر خواری اسیر ✽

(نثر) بعده محمد بن مروان حمله قیلوب ناکاه جریح نیرة تیره دلان روسیاه
اولغله هرهم تیر زخم اولق ایچون رو براه سمت خرگاه اولدی اندنصکره
محمد بن العزیز حمله قیلوب گروه مکروه دوزخ نشینانک زمین سینهلرینه
جویبار تیغندن آب خرابی فزای هرکی اولقدر اساله ایتدیکه مزارع و مراتع
وجود بی نفع و سودلرین سیل فتاغرقاب ایدوب فی الحال خاشاک جسم
ناپاکلرین کلخن حیمه ایصال ایلدی

✽ نظم ✽

✽ بهر سو که شمشیر او کار کرد ✽ یکی رادو کرد و دورا چار کرد ✽

(نثر) پس آنکاه مسله دلاور مانند نره شیر جکر در ننجیرگاه صفوفه توجه
قیلوب توسن چاپک خرام پیل اندامن که ماصدق گفته شاعر در

✽ بیت ✽

✽ رخی جهنده تیر دواندک خور و بیارو ✽

✽ از آهوان برده کرو در پویه و در تاختن ✽

(نثر) مصافکاه سوروب برو جهله جنک و پیکار ایتدیکه کافه مجاهدین
اولروز دهادده خون عدویه سیراب اولوب مسله دلیره قطعاً اهل شقادن
استغنا کلیوب کتدکجه زبانه خشم و کین مشتعل و ملتهب اولوب عین و یسارنده
راست کلدیکنه شراره زخم ایله اذاقه چاشنی عذاب حیم ایدر ایدی
عبدالرحمن بن صعصعه و سایر رؤسای عساکر پیشگاه مسلهیه حاضر اولوب
پیش رکابنده نمایان ایتدکلی دستبرد مظفرانه و دار و گیر دلاورانه محیر
عقول فحول اولمشدر بطلال غازی سمندچا پیکر امدن جدا اولوب پیاده لکی
حائیدن فرسان دشمندن نیچه نامدار سواری زین حیاتدن فساد خندق
مات و روانه نشیب درکات ایلدی شمعون ملعون یوزیکرمی بیک مقداری
شجیع نامداره استظهر غروری ایله قلبکاه سپاهنده ثابت و برقرار اولوب
احتمال مغلوبیت و انهرامی اخطار قلب تشوش مداری ایتز ایکن

✽ نظم ✽

✽ همی تابکر دانی انکشتری ✽

✽ جهانراد کرکون شودد اوری ✽

(نثر) عبدالرحمن بن صعصعه عجله ايله ملتها حضور مسلميه كلوب بوقاش
 زرنكار بشارتی پای انداز جنائب كئائب جيل العواقب قیلدی و دید که (عنت
 جناب حقه دما دم هزار بار (نثر) شمعون نابكارك جان خبیثی بو حین ظفر قرینده
 روانه درکات حجیم اولوب سربی سامانی کوی بازیچه گاه جهاد و دستخوش
 صمصامه اجناد اولشدر همان اول طرفه شتابان روان اولق کرکدر که
 ساحه ملك عدو خس و خار منازع و محاصدن معرا اولوب حسب المرام
 اجتناء ثمار کام زمانیدر پس مسله اکتاه پیام سعادت انجام سالف البیانده
 اهتمام ایدوب یا عبدالرحمن روایت ایتدیكك قضیه متوقع الحصولك تحقیقنه ندن
 جاز مسن دیجك عبدالرحمن مذکور بسط جواب ایدوب اثنای دارو کیرده علوج
 رومدن برینك کریبانی پنجه ضبطه کبروب پرسش چگونگی احوال ایچون
 اول دام افتاده یه نثار دانه گفتا ایتدیكمده الحاله هذه شمعون مقدمه جیشنده
 مباشر مصاف ایکن دلاوران عربدن برینك جریح تیغ سرشکنی اولوب کله بیدولتی
 غلطان زمین فنا اولشدر دیو خبر و یردی دیجك هنوز کله شمعونك قطعی
 کلامی مقطعه یمدن بطلال فرخنده مقال کلوب سر آلوده نجون شمعونی انداخته
 زیر قوائم توسن سردار مظفر نصرت اثر قیلوب همیشه سرکردنکشان مخالفین
 زیر سنابك خیل کده بو وجهله یا عمل اولسون دید کده کلبالك شکر و ثنا برداشته
 و رایات سرور و ابتهاج افراشته قلندی مسله سر بریده شمعونی آغشته خاک
 و خون کور یجك روی نیازی نهاده زمین ابتهال ایدوب دمعه السروری
 آغشته خاک سجه هزارا دانه جد و ثنا قیلدی

✽ بیت ✽

✽ برین تیسر قتح و ظفر که جان بخشست ✽

✽ هزار شکر خدا صد هزار شکر خدا ✽

(نثر) ایدرك بقیة السيوف كشتكانك خاشاك جسم ناپا کلرندن ساحه غبرانك
 تنظیفنه اشارت فرما اولدی همانا اسود جنود روبه نهادان مشرکینك پوست

خیالترین اجساد بوسیده لرندن جدا ایتکه مباشرت قیلوب اول خر طبعان
 علف خواری یک یک فرستاده چراگاه بوار ایتدیلر (الحاصل) اطفاء شراره
 زود میر وجودا شرار ایچون بروجهله اساله جویبار قهر و دمار ایتدیلر که مسافر
 روزخر که سپاه فام شاهی بر پا ایدنجه اول فشه برکشته دن اثر مانا پید اولوب
 جهله سی پریشان چنکستان این المفر ومظهر مقال تفرقوا اولدیلر بر قاج لک
 ولوک مجروح ومفلوک صعلک بدسلوک که پیش نیره پشت فرسای غازیان
 بی پروادن حصن عموریه التجا آرزوسیه بادیه بیما اولمشلر ایدی تعقیب
 اولنوب کشتلریله دروازه مدینه مذ کوریه منتهی اولنجه طرفین رهگذری
 چارسوی قصابه دوندردیلر و درون قلعه ده بولنان ناتوانلر سیل عرمرم
 جیوش آهن پوش اسلامیه ک هجوم و خروشدن خس وخار کبی دردیگردن
 افتان وخیزان نشیکاه فراره پریشان و روان اولوب قلعه و خانمانلرین
 مقحقه الابواب ترک ایتدیلر علی الصباح که سردار لشکرگاه آسمان یعنی مهر
 منیر تابنده سریر درخشان سپاه روسیاه ظلامه شکست و یروب سپهسالاران
 ثابت و سیاری تارمار ایدی قاطبه لشکر مظفر غصنفر فراغت واجلال ایله
 حصن عموریه دخیل ایدوب پسران نازنین سایه پرورد و عرایس عذر اعدار
 نادیده درد واقشه زربفت وامتعه دلکش بسترینه آکین ومفرش منقش
 جواهر کرانها ونقود نامعدود دیبای زر نشان وتفاریق مسک سود اقسامندن
 بر مرتبه غنائم کثیره دسترس میسر اولدیکه تعیین مقدارنده مستوفی ادراک
 بین العجز اولدیغندن حسابن حواله قلم جذرا صم قیلشدر

❖ نظم ❖

- | | |
|-------------------------------|---------------------------------|
| ❖ زمین شد ز بار غنیمت کران ❖ | ❖ بینگاه لشکر کران تا کران ❖ |
| ❖ دل و دیده مفلسان کشت پر ❖ | ❖ ز بسیاری زخت اسب و شتر ❖ |
| ❖ ز کافور عنبر زمشک عیر ❖ | ❖ ز سیفور دیبا و خز حریر ❖ |
| ❖ بیدار زیبا بقیمت فزون ❖ | ❖ کرانمایایی ز غایت برون ❖ |
| ❖ طرائف بنجر من جواهر بمن ❖ | ❖ زده توده توده در هر وطن ❖ |
| ❖ که دریابد آنرا مهندس شمار ❖ | ❖ نه سرمایه چندان در آمد یبار ❖ |

(نثر) اجمالا داخل فذلکۃ تخمین محاسبین اولان فی بی نه سایه مقداری بوجه
اوزره کشیده دفتر تعیین اولمشر که یالکز سنجیده میزان تقسیم اولان
زرناب یوزسکسان سکز کره یوز بیک عددینه بالغ اولوب غنم جنسندن اولان
اون ایکی بیک رأس اوله

❖ بیت ❖

❖ تاجهان رسم دستبرد نهاده ❖ ❖ دستبردی چنین ندارد یاد ❖
(نثر) بونجرت رابحه ده جانب تاراج کران مسلمیندن تلف اولان سرمایه
ارواح مؤمنین تفقد اولند قدده بومر تبه جان بازارنده التیوز اوتوز نفر غازی بیک
نقدینه روحی داخل همیان شهادت اولدیغی ظاهر اولوب طرف اسلا میانه
بوندن غیر زیان ورأس المال وجود هر ابطیه بوندن زیاده نقصان
ترتب ایتمدیکی رسیده هر تبه تحقیقدر مسلم بوفتوحات و غنائمی عرضه داشت
بارگاه سلطانی قیلوب کیفیت ضبط و حفظنده مترقب فرمانی اولیحق جانب
عبد الملکدن پیام اورا حسنت اولان برید سعید پی ذکر اولنان غنیمت (وفیئک
بین الغامین) توزیعنه رخصتیا اولغین مأمور خدمت امانت اولان رجا بن
حیات مباشرتیه حق وعدل اوزره تقسیم و بذل اولندی بعده مسلمة دلاورینه
عسکر طغرائره اقدام تقدم ایدوب بالاتفاق جانب تکفوریه یه تحریک دوال
عزیمت ایتدیلری

❖ آمدن عساکر اسلامیه بحصن حصین تکفوریه و محاربه ❖
❖ تکفور بیدین و منهزم شدن مشرکین ❖

تکفور اکبر که هر بعنشین تختگاه استانبول اولان الیون تیره درونک دامادی
ایدی پیشگاه قلعه تکفوریه ده اسلامیان ایله آماده مقاومت اولوب حضرت
امیرالعربک بوشوکت واجلال ایله قدوم بی باکانه سن کور یجک تهیه برک

وسازتک وتازده بذل مجهود ایدوب میدان دلاوریده مرا را آزمایش وجود
ایتمش التی یک فرسان صر صر سوارایله عزم کارزار ایدوب طریقه مناقضه
اوزره غازیان مؤید من عند الله ایله مباشر جنگ و پیکار اولدی ازقالدی که
اول امرده سلاک صفوف مجاهدینی کسسته وعصای اتحاد غزاتی شکسته
قیلق مرتبه سنی نمایان ایدوب مراکز قرار کاهدن دائرة سپاهی جدا قیله
(القصه) امراض هائله و بایده کی آفت رسان جسم لشکر اولوب مزاج
مجاهدینه خیلی اختلال و پریشانی ویردیلر بدن علیحدن راحت و حضور
برطرف اولدیغی کی مبارزین دیندن سامان تحمل کیدوب

❖ نظم ❖

❖ تحمل کرچه محمودست لطف پیکران آرد ❖

❖ نه چندان تحمل کن که مردی رازیان آرد ❖

(نثر) هربری آرزوی کناره سلامت ایله طرف برطرف تنهار و بادیه بیقراری
اولمق علایمی آشکار اولیجق مسلمة رفع عقیره غیرت قیلوب (الی این یا اهل
الشام فلا شام لکم ان غلبت الروم علی دیار کم والی این یا اهل العراق
فلا عراق لکم ان تولیتهم من علوج الروم الیوم الیوم یعلم الله لکم صدق الیقین)
دیوب چار جهت معسکره نعره زن حث و تحریض اولدی ورجا بن حیات
دخی طرف آخردن (یا معشر المسلمین الی این تهزمون یا اهل العراق والذین
من اهل الصلیبان و عیدة الاوثان) دیو فریاد برداشته قیلوب نقل آیات وعد
ووعید ایله تقدیم مراسم تهدید ایلدی و مبارزین کوفه دن برشاب شجاعت
نصاب خلال صفوفده جولان کنان تشویق شجعان و نفس پر قبول قبول
تأثیری ایله تهییج لجأ جدال و اشغال نأرة قتاله اشتغال ایلدی بوکلمات غیرت
آمیز حیث انکیز تب زد کان فشل و جبن اولان ساده لوحان کار نادیده به
فسون صحت اولوب کالاول تحصیل مزاج کین ستانی ایتدیلر و کانون سینه لرنده
ملتهب اولان نار غیرت ایله زبانه پاش خرمن جمعیت کفار و آتش انداز خانمان
صبر و قرار اشرار اولدیلر شویله که دود سیاه آهاری اژدهای آتشین دم
رنک کده اوج هوا به متصاعد اولمده باشلدی امانه چاره ارادت علیه قهاریه
عسکر مسلمتک فی الجملة کوش مالیه تعاقب ایتمکله دلاوران اسلامدن بطلال

غازی و محمد بن مروان ودخی نیجه مردان جان ستانك خيول و سر اکبته
 آسیب زخم سنان دشمنان اصابت ایدوب بالضرورة پیاده مباشر مبارزه اولق
 لازم کلدی بودار او کبر و هرج و مرج اناسنده قضا ايله تکفور مغرور اندام
 مسلمہ بی آزردہ زخم تیغ ایدوب فتادہ بستر ناتوانی قیلغله هجوم لشکر جندسر
 بریده کبی حرکتدن قالوب رونهادہ خاک دمبستی اولدیله بوسبب ايله نیجه
 ضعیف القلبک درونہ خاطرہ انصراف و عودت و سوسه انداز راحت اولوب
 انہزام اهل اسلام تحقق بولش ایکن عبدالرحمن بن صعصعه و محمد بن
 عبدالعزیز هر بری بر طرفدن هجوم شیرانه و حمله دلیرانه ايله بر هر زن کتیبہ
 اصحاب شرك و فساد و دغدغه و انداز وجود اهل بغی و عناد اولدیله
 شکسته نہال وجود مسلمہ ده دخی فی الجمله آب و تاب افاقت نمایان اولوب
 نسیم فتح و تائیدینہ رایات فلک سای اسلامیان تحریک و لجہ شوق مؤمنین
 ہیچہ باشادی * اول کون رؤسای قبائل دست شمشیر کیر الی ايله ادای
 فریضہ غزا و زبان جوهر پاشلری ايله تحریض و اغرای جنک و ہجایہ
 مشغول اولوب (یا اهل الاسلام اليوم اليوم یوجب الله لکم الرضوان) مقالہ سی
 پیرایہ تیغ زبان پیر و جوان اولمش * مسلمہ دخی اشعار سلامت وجودی ایچون
 بانک بلند ايله بنم مسلمہ سر عسکر دشمن شکن دلاور حد لله کلمہ وجودم
 حرف علتدن صحیح و سالمدر احتمال فقدانله پریشان اولنلر حضور یمد کلوب
 جمع اولسونلر دیو بشارت فرمای عسا کر اولیحق قلب لشکر ده قوت جدید
 پیدا اولوب آن غیر منقسمده عسکر مسلمہ غالب و مظفر و رهط فجره منکوب
 و مدحر اولدی

❧ بیت ❧

❧ دولشکر شد از قدرت کار ساز ❧

❧ یکی سر نکون و دکر سر فراز ❧

(نثر) جند کفار مستعد الادبارک کال هریمتلی هنوز آشکار اولما مشیکن شاه
 انجم سپاہ ظلام امداد عسکر اسلام ایچون همعان رجال الغیب همجناح
 سروس نصرت اولغله یعنی طلیعہ شام اردوی دشمنی اخاطه قیلغله اعداء
 لئام دوزخ مقام بالتمام منہزم اولدیله

❖ بیت ❖

❖ ز تیغش شدند انچنان تار و مار ❖

❖ ز خورشید تابنده چون شام تار ❖

(نثر) بطلال فرخفال باب مدینه تکفوریه په شتاب ایدوب و دروازه حصارده
نسر طائر وار قرار ایلدی ❖ و حصن مذکوره التجا امید یله جان آتوب کلان
بر کشتگان بی سروسامانی قید علایق صحندن تخلیصده مشغول اولوب نامداران
مشرکینی بر ربر جانب بئس المصیره ارساله اشتغال ایتدی ❖ مبادی شبده
سر تکفور مغرور صولجان تیغ شجوان ایله نشیکاه تیرانه غلطان اولغین سائر
خذه فجرة طرف طرف پریشان اولدن غیری درمان بولیوب ❖ رهگذر لری
مغیلا نزار تیر و تبر اولغین پلاس هزار پاره عمر لری آویخته چنگال اوله رق
رونهاده خاك مرگ اولوب غارتاریک مقبره دن غیری نهان اوله جقیر بولنماغله
جمله رونهاده کورستان وانزوا کرده نیران اولدیلر ❖ و غارتگران عرب
بلا من احم درون قلعه ده وضع قدم ایدوب انای تصور لرنده کنجای شپذیر تحیل
اولیان مر تبه مغانم کشره په دسترس اولدیلر ❖ متفق عایه نقله خبردر که
بو قدر حرب و قتال اناسنده کناره کیر صحرای شهادت اولنلر بشیوز مقدارینه
بالغ اولمشدر ❖ و بوفتح و نصرتده امین بیت المال (رجا بن حیات) دفتری
موجنبجه آویخته چنگال شهبازان جدال اولان تحف امتعه فاخره اقسامندن
غیری تکفوریه مالندن داخل میزان تقسیم اولان زرناب التی کره یوزیک
التون اولوب جهل سی قطار عدله میان میان مجاهدینده توزیع و بدل اولندی ❖
و مسلمة سماحت آیین کندو وایه سن دخی ایشار مبارزین ایتدی ❖ ساحه
حصن تکفوریه خس و خار وجود اشراردن منطف و پاک اولد قد نصکره
صحن لطیفنده یکر می کون تمام اختیار مکث و آرام اولنوب بعده سماوه کبرایه
عطف زمام یکران اقدام ایتدیلر

❖ آمدن هر دان ممالك كشای عرب ❖ بقلعه سماوه و مصاف
❖ کردن جیش ظفر مقرون با فریطون خدعه نمون ❖ میسر شدن
❖ فتح قلعه سماوه و کریختن ❖ افریطون بجانب مسیحیه ❖

اول زمانده مدینه سماوه متان و فسحت و معموریتده آبروی جمیع قصبات
و بلدان جهان اولوب چار جهت عالمه چهاردر عظیمی مفتوح و کشاده ❖
و هر گوشه سنده هزاران هزار مائده عیش و صفا آماده ❖ بر شهر عظیم
ارم نظیر ❖ و برجایگاه رفیع دلپذیر ایدی ❖ سر رشته کوتوالی قلعه مذکوره
افریطون نام بطریق بی توقیقک و بسته دست تصرفی اولوب میان کبرای
کبران دوزخ آشیانده کمال ثروت و یسار ایله صاحب اشتهار بر مغرور نابکار
ایدی ❖ طنطنه شوکت حشر اسلامیه هراس انداز طبع پروسواسی اولیحق
تدبیر محافظه شهرستان وجودینه مأمور اولان محارزان حواسی دمبسته
حیرت اولوب مستشار سخیف الفکر و واهمه دن بو باده چاره خواه ارشاد
اولدقده رهنمای سمت کریز اولمغین ناچار فرار ایدوب قلعه سماوده تحمل
اضطراب تحصن ایدی

❖ بیت ❖

❖ یکی رخت می بست بهر کریز ❖ ❖ یکی تیغ و یکان همی گرد تیز ❖
(نثر) از جانب دلاوران عسکر ❖ ونزه شیران صفدر ❖ پیرامن حصاردن
نزول ایدوب اول مظنه کنج شایکان اولان شهر عظیمی اژدر لر کبی احاطه
قیلدیلر و درون قلعه ده چایکیر اولان گروه پرشور که نیروی بازورینه
غرور ایله کندولرین شیرقوی پنجه غابه قهر و زور صانورلر ایدی ضفادع و دیدان
وموران کبی هربری بر سوراخ کور ماننده کریزدن غیری چاره نجات بولمدیلر
دشمن شکاران آهنین دستک صدمه کوه افکنلرندن چهره حضورلری خراشیده

وافکار اولیان بعض خود پسندان غرور اندیش پرتشویش احتمال مقاومت
 پرخاش آزمایان مجاهدین ایله و رای باروی قلعه دن جنك محشانه به آغاز ایدوب
 مدافعه تهمتان رستم نبرد ایچون وضع مناجیق ایدوب حجر انداز طرف لشکرگاه
 مسلمین اولدیلر * بو طرفدن دخی کاتدین تدان مدلولیله عمله آهنگ و ترتیب
 مناجیق ایله آغاز جنك اولوب مسلمین مشرکینه و کفره مؤمنینه و رای جداردن
 رمی حجار ایدرک تمام قرق کون رسم کارزار برقرار اولدی ایام اربعین جدال نهایت
 بولجیق هوای مجادله ده نوع اعتدال نمایان اولوب خاکنهاد مشرکینه جرات
 خوف و خشیت دشمنکله سردی زمهریر خذلان ایله خون جگر لری منجمد ایکن
 ذوبانه باشلیوب چشمه سار دیده لرندن شکل خونابه ده روان اولدی بالاخره
 تسلیم مفاتیح قلعه دن غیری تدبیردن مایوس اولوب طریقه ایصال خبر انقیاد
 و ابلاغ پیام اهلا و سهلا ده متردد لر ایکن بطارق افریطوندن بر بطریق
 سینه حریق مهتدی سمت استیمان اولوب حمامه تیر ایله جانب معکسه
 نامه پران ایلدی * و مظلومونده الطاف مسلمنه دن نیازمند امان اولوب مرغ روحم
 پنجه سختگیر شهبازان عسکر دن سالم قالورسه یعنی همای همت مسلمه کنجشک
 پر شکسته وجودی زیر جناح حمایته آلوب وعقاب جانشکار نبال مجاهدیندن
 خلاص اولوب فضای آزادی به صالمق جائز اولور ایسه ابواب مسدوده قلعه دن
 برین بخت همایون شجاع العرب کی کشاده قلیق ذمته فرض اولسون دیو
 عهد ایلدی باب احتمال فتح قلعه منسد ایکن بو خبر ورودی ایله ابواب
 مسرت مفتوح اولوب حصن درون مسلمینه هر طرفدن تجاریان سرور شادمانی
 قطار قطار احوال تفاریق کامرانی ایله دخوله بشلدی

* بیت *

* مشو ملول که فتاح باب مشکله *

* که یک دریچه بیند د هزار بکشاید *

(نثر) شبانگاه دربان قصاصدریچه زرین جناح روزی اغلاق و پرده نیلی فام شامی
 آویخته باب قلعه هفت آسمان ایتد کده اشارت مسلمه ایله بطلال خجسته حال
 روانه دروازه حصار اولوب بطریقه تقدیم لوازم عهود و مواتیق ایتد کد نصرکه
 اول درناک ککرده طریق قلعه دن در اعظمندن کلید انسدادی برداشته

قیلوب بطلال هم رکاب اولدیغی ابطال ایله ابطال طلسم وجود بد سکا لان ایچون
درحال درون حصن معظمه وضع قدم قیلدیلر * وغافل و آگاه ناتم و یا انتباه
مصادف اولدقلری روسیاه مکرده راهی ابلاغ پیام و او یلای اهل و عیال ایچون
درکات حیمه ارسال ایتدیلر * و قلعه نیک سائر ابوابندن دخی اقفال انسدادی رفع
ایدوب مترقب رخصت دخول اولان منتظران آن رخصته اسماع مضمون
آیات نصر و فتح ایدیجک جمله مجاهدین موحدین شکرگان جمله کویان اشارت
(فاد خاوها) ایله یکدیگره مرده رسان اولوب مسلمه و مسلمین دخول قلعه
سماوه ایله کامکار اولدیلر

بیت

* چو فیروزی مرد کرد دبید * در چاره رازود یابد کلید *
(نثر) و صحن زیبا سنده بسط بساط زراندود عیش و عشرته اشتغال ایتدیلر
افریطون تیره درون حرکت مذبح ایله کنهین یردن یره اوروب برسوراخ تنک
حفرة نشاندن مثال مار زخناک دم بریده نالان و عریان تخلص جسم یتاب
و توان ایدوب برک خزان کی افغان و خیران قلعه مسیحیه القاء خرلاشه
وجود ایتدی * بومر تبه های وهوی و غوغا اشناسنده اولکون عسکر مسلمیندن
طقوز نفر غازیدن غیری بر فردک کپوتر جانی آشیانه بدندن بالکشیای جانب
جنان اولدی

بیت

* چوازر رکران شد ترا زوی شان * با هن قوی کشت بازوی شان *
(نثر) بعده سالما و غانما مقر افریطون اولان حصن مسیحیه فتحه عزیمت
قیلندی

* عزیمت فرمودن عساکر اسلامیه بقلعه مسیحیه و هجوم کردن *
* شماسن و مقابله نمودن با سلامیان و کشته شدن شماس و مظفر شدن *
* اهل ایمان *

افریغون که یغما کران موحدیندن هارب (و خرب الله غالب) بنجه سندن
 تخلص متاع حیات ایچون برکنج سلامت طالع ایدی کیدرک قلعه
 مسیحیه التجالیدوب وجود محنتکشنه اول جایگاهی ملجأ و ملاذ اتخاذ
 ایتشیدی * مجاهدین نصرت قرین اول کبرکبر آینه آنده دخی مجال راحت
 قومیوب آیت کریمه (سنعذبهم مرتین) مضمونی اوزره تکرار مباشرتک و ییکار
 اولدقلرین مشاهده ایدیجک رئیس مقدمه الجیشی اولان شماس نام خناس
 پروسوای بیحد و قیاس لشکر سلاحپوش و مردان نیرزه بردوش ایله مقابله
 مسلم و مسلمینه فرستاده و جانلری چیقجه ضرب و حربه آماده قیلدی *
 نتیجه سخن شماس پرمکرو فن سسکسان بیک شجیع و بهادر کافر تیغزن ایله
 مقابله چند ظفر بین مؤمنینه خروج ایدوب

* شعر *

* بوقت لایطیق الیث فیہ * * مساوره و لالذنب اختیلا *

(نثر) بداء سرزاهده تصادف ایتدکده بی تردد و توقف هجوم ایدوب
 کوز آچدر ممغله اسلامیان ترتیب صفوفه زمان بولمایوب

* نظم *

* دلیری بهنجار کردن نکوست *

* چو کار افتد کار کردن نکوست *

* بجای که هنجار بایدنه زور *

* شود شتر بیچاره دردست مور *

* درنکی که ان نیز برجای نیست *

* عدورا قوی کردن ازرای نیست *

* شتاب و درنکی بهنکام خویش *

* سلامت دهد مرد انجام خویش *

(نثر) بووجه ناماً مول اوزره گروه دشمنک هجوم بدیهی الظهورینه
 صورتنای مقاومت اولق ناملایم دستور حکمت اولغین عسکر اسلامکینه
 جانب سماویه انصراف و عودتی مناسب قانون عقل و رویت کوریلوب
 بالضروره طرف مذکوره عنانریز اولق صوابدید حکمت شناسان باهر التمیز اولدی

❧ شعر ❧

❧ اللیل داج والکباش تنطع ❧ ❧ فن نجا برأسه فقدرنج ❧
 (نثر) شماس لعین سائر فجرة دزوخ مکین ایله تعقیب جیوش مسلمین ایدوب
 ظمان تفسیده لب ققاع دارو کیر اولان غزاتک نیجه سنه اسقای صهبای
 شهادت ایتدیلر قلعه سماویه ایصال ساز و سلب سلامت قیلنلر مجدد ا ترتیب
 ادوات غیرته بذل همت قیلوب ینه بالاتفاق خرامان سمت پیکار وروبراه
 کیر و دارو کاروزار اولدیلر (القصة) پیشگاه قلعه سماویه ده ینه صفوف
 مصاف آرسته قیلنوب

❧ نظم ❧

❧ خروشی برآمد زهر دو سپاه ❧
 ❧ بر فتند یکسر سوی رزمگاه ❧
 (نثر) رایض چایکسوار خاور کار میدان مشرق دن نهایت حلبه مغربه
 ات سور نیجه عسکر اسلامدن یک یوز نفر دلاور سر نهاده زانوی خور و مستریح
 ضریح پر نور اولدیلر عاقبت شماس لعینک سر نکبتداری ربوده شیر شمشیر مسلمین
 اولیحق افریطون تیره درونک خس وخاشاک قواسی ضرام اضطر ابله مختدم
 وخائمان صبر و قراری مثلم اولوب خولک زخم خورده کبی نفس خست طرازی
 ایله قصد سربازی و آغاز کاو تازی قیلوب سرمیدانه ات سوزدی ودلا وران
 عربدن مبارز طلب قیلدی

❧ بیت ❧

❧ در آمد بمیدان بقصد نبرد ❧ ❧ همی کرد جولان و میخواست مرد ❧
 (نثر) نره شیران عربدن جرة الحرب عالی نسب مسلمة والاحسب مقابله
 خصم بدکیشه خروج ایدوب برقاج حله رستمانه ایله تحریک قداحه
 کشا کشدن صکره ناکاه شعله پیکان سنان ایله وجود ناز پرورد مسلمه داغدار
 زخم اولوب ارد نیجه محمد بن عبدالعزیز میدان چیقوب قضا ایله اولدخی زخماک
 سنان دشمنان اولدی بعده عبدالرحمن بن صعصعه چیقوب اولدخی زخماک
 اولدی بعده محمد بن الاحنف حله ایدوب اولدخی زخماک اولدی بعده
 محمد بن عبدالله بن سعید چیقوب اولدخی زخماک اولدی بعده عبدالله بن جریر

حمله ایدوب اولدخی زخمتك اولدی بعده امین بیت المال شجیع فرخفال
 رجا بن حیات آهنگ حملات حیدرانه قیلوب عون مدد رسان کائنات ایل
 طرفه العین ایچره پنجه کشتی لئیمک وجود پر خباتک کشته وعیدیم وفرستاده
 قعر جحیم ایلدی در عقب ضحاک بن یزید سلمی حمله قیلوب اولدخی خود رسان
 بدبختان مشرکینه بروجمله نماینده قهر و کین اولدیکه چشم بدینلرینه
 پهن دشت جهانی تنک وتار ایدوب راه بیابان فسادن غیرى مقر و گوشه
 جاه غیادن اعلامقر بولیمادیلر لیکن حد اعتدال دن بیرون جدال و قتاله
 کوشش ایتمکله وخامت هوای کارزار جانته کار ایدوب حرارت شوق آخرت
 ایل لوله نیرزه ستیزه کاران بی اماندن شربت شهادت خوشکوار نوش ایدوب
 ریان سلسبیل رحمت اولدی بواشناده محمد بن عبدالعزیز که سابقا زخم خورده
 دست قهر بد کیشان اولمغله سر نهاده بالین ناتوانی ایدی بر مقدار افاقت بولوب
 سمند چاپکخرامی پالغزیده مغاک قعر رها اولوب پی بریده رفتاره اقتداری
 بر طرف اولمغین افریطون ملعون فرصت بولوب اولازخیم سنان ایل جسم
 ناز پروردینه آسیب رسان اولدی ثانیامقراض تیغ ایله کردن کافور التباسندن
 فرق پرلمعاتی جدا قیلوب اول سرور دولتمندی انداخته جانب اسلامیان
 ایتمکله باد پایان صرصر اثر طبایع مجاهدین جدل پیشه متوحش اولوب
 میان عسکره نهایتده المواضطر اب دوشدی سابقا دشته وقعه ضحاک ایل
 سینّه تحملاری چاپکاک ایکن (ع) یک داغ نیک ناشده داغ دکر نهاد (نثر)
 فقدان وجود محمد بن عبدالعزیز زخم بر زخم داغ برداغ اولوب طلب مرهم
 راحت آرزوسيله هر بری بادیه پیمای این المفر اولق فیکرنده ایکن مسله و بطلال
 زخم سابقدن فی الجمله افاقت بولوب تکرار سر اغاز جنک و پیکار ایتمکله
 اثناء تراکم سخت مقاتله ده ابر کف بطال دن صاعقه تیغ خونبار سر ناپاک
 افریطونه در حال نازل اولوب مغزو استخوانک خرد وخیر ایدیچک بالای
 کوهسار سرنده آشیانساز اولان زاغ جیفه خوار جان بحسی شکاف
 تارکندن نشیکاه دوزخه پرواز ایلدی کویا استراق سمع ایچون صوب سمایه
 توجه نبیتی ایله بالای کوهه عروج ابلیس ایدی که شهاب تیغ بیدریغ بطال دن
 مطرود ورجیم وزور قهر قهرمانیسی ایله فتاده قعر جحیم اولدی

❖ شعر ❖

❖ عفریت نرمی بالشهاب لدی الوغی ❖

❖ و قدرمی العفریت بالشهب فی الفلک ❖

(نثر) هلاکیء افریطون دوزخ مکان حیاتبخش اسلامیان اولوب بو عنایت
بدیهی الظهور الهیه قاطبه فئه اسلامیه نک مایه نشاط و انبساطی اولغله
ترتیب ضیافت شکر ایچون قدمنه کلشنسرای شوق و سرور اولوب مجوع
جنک آوران دسته کل وریحان کبی بریره مجتمع اولوب دماغ دشمنان عطسه
فزای قهر و دمار اولدیلر و سرناتراشیده خون آلوده افریطونی بالای نیره
وموی ژولیده پر خون ایله توغ نصرت کبی پیش ریات فرقدسای اسلامیه ده
برداشته قیلندی بومر تبه دنصکره لشکر کافر سپاه جلادت اثر مسلمه ناموره تاب
آور مقاومت اوله میوب بالضروره کریوه کرد بیابان هزیمت اولق لازم کلدی
کتائب اسلامیه دخی بقیه السیوف فئه پرسینه نک جیفه اندام هاویه مقاملرین
انداخته خندق اسفل سافلین ایدوب مستعد استخدام اولنلرین پیرایه سلا سل
واغلال ایتدیلر بر حصن مسیحیه بی دخی فتح ایدوب اول قلعه غنایمدن
بیک کره بیک ویکرمی ایکیبیک زرناب کامل العیار داخل میزان تقسیم اولدی
ومسیحیه دیدکلری سواد اعظمک شش جهت جهانه ابواب جنت کبی
هشت در عظیمی کشاده و چارسوی واسواقنده اسباب تنعم و صفا حددن
زیاده حاضر و اماده اولغله برمدت آرامگاه سپاه اولغله روا کوریلوب
التی ای مقداری بلده مذکوره ده اختیار قرار اولندی و دارالامان دمشق
معموره ده حوالی مسیحیه یه منتهی اولجه کافه ممالک ونواحی زور پنجه
طاقت شکن غزاة ایله داخل حیطة تصرف اسلامیان اولوب اها لیبی ناچار
الترام نموده جزیه و باج و تعهد کرده عوارض و تکالیف مسلمه اولدیلر
و تفصیل فتوحات مذکوره آستانه عبدالملکه عرض و اعلام اولنوب استشاره
اقدام و احجام ایتد کلرنده ینه پیام سعی و اهتمام وارد اولغین استیصال
تختگاه الیوشه توجه لازم کلوب اول سمتیه قدم بر قدم عزیمت و نهضت

قیلندی

❖ آمدن جیوش بقرارگاه الیوش و مدعی شدن آن مدهوش ❖

قرارگاه الیوش مدهوش اولان بلدة صغيرة وصف آخر ايله شهر تپذیر اولیوب
مالکی اولان لعین بی دین مذکوره اضافتله مشهوره و بلدان سالف البیانه
نسبت ايله مدینه صغيرة اولوب صحنده قرار ایدن شرزمه اشار ضعیف
الوجود قلیل المقدار اولغله اجناد انجم اعداد مسلمه ايله مقابله یه استعدادلری
حاکم قسطنطینه طرفندن استمداده الجا ایدوب جانب حری دود مذکوره الجاوار سال
مال و رجال باینده بسط رجا ایتدیلر کار فرمای دارالملک استنبول دخی اسعاف
دخواه لرندن فوق المحوظ مساعدده ایدوب اول تقریب ايله الیوش بیهوش التی بیک
مقداری کافر نیره دار ايله پیشگاه مدینه مذکوره آماده کارزار اولدی نه حال
ایسه برکون بر کجه صورتمای غیرت اولوب بالاخره کندی کشته نصال جدال
وعسکری پایمال اخیال آجال اولدی اول بلدة صغيرة ده مع صفرها و حقارتها
بی نهایت نفایس امتعه و نقوده دسترس میسر اولوب مبارزین دین آنده دخی
فوق المحوظ نصاب کامرانیدن محظوظ اولدیلر اجناس اثواب و لباس بحد
وقیاسدن غیر یالکز التی بیک و قیه ذهب تمام العیار وایه مردان کارزار
اولدیغی مجمع علیه نقله اخیار دزاند نصرکه مقتضای رضای عبد الملك ملک
ارا ايله توجه نمای جانب قسطنطینه عظمی اولوب کذر کاهنده اولان قلاع
و بقاعک عموما بی زحمت و تکلف و بلا تردد و توقف

❖ بیت ❖

❖ با آنکه ناکشیده یکی تیغ از نیام ❖ با آنکه تانهاده یکی تیر در کان ❖
(نثر) داخل قبضه تصرف جهانگیر اولدی

✽ توجه نمودن مسلمة نامور بادلاوران عسکر بجانب قسطنطيه ✽
 ✽ وعبور کردن دریا و مباحثت فرمودن بنیاد حصن غلطه ✽
 ✽ وجامع کبیر ✽

جناب مفتی الابواب و مسهل الصعاب و حضرت میسر الامان مسبب الاسباب
 بوقدر حصون ممنوع عن الدخول دن رفع اقفال تعسر قیابوب مفتاح
 تصر فلین بلا تعب و و تعذر تسلیم ید مؤید مسلمة نیکبخت فرخنده فال
 ایتد کد نصر کره

✽ نظم ✽

✽ عروس مملکت آن برکنار کیرد تنک ✽
 ✽ که بوسه بر لب شمشیر آبدار دهد ✽
 (نثر) آرزوی دراغوش غانیات فتح و ظفر له بازوی علو همتن که موزون نهال
 شجره ثابت الاصل ایمان و دیانت در کردن معشوقه استانبوله آویخته فیلق
 ملاحظه سیله بر طرف ساز صبر و سکون اولوب بی کلفت منازع و مخاصم
 و بی محنت مقاوم و معارض (ع) فتح و نصرت در یمین و عز و دولت در یسار ✽
 (نثر) فتح ممالک و دیار ضبط نواحی و اقطار ایدرک مقابله قسطنطینه ده
 نزول ایتدیار

✽ نظم ✽

✽ دایری که نصرت بودیاری او ✽	✽ نیارد کسی تاب دیدار او ✽
✽ از آن روی سرمست هیبت فرای ✽	✽ که فیروز مند افریدش خدای ✽
✽ بترسد ز نجیر و آهو کسی ✽	✽ فراهم شوند ارچه کجایی ✽
✽ زهی دولت مر دفر خنده عزم ✽	✽ که نصرت بودیاری او روز رزم ✽
✽ نیاید بجهت این سعادت بحیب ✽	✽ که نا که بیدار کرد د زغیب ✽

(نثر) پاسبان چارسوی هفت آسمان اولان ماه تابان سکز کره تبدیل شکل ایله
اطراف افق جست و جواید نجه یعنی دفعه کاه بدر و کاه هلال اشکالنه تمثیل
ایدوب صور مختلفه ده تجسس جوانب عالم فیانجه محل مذکوره ده اختیار آرام
اولوب طناب خیام نقل و حرکتی مربوط اوتاد قرار ایتدی

❧ نظم ❧

❧ چو جیشش دران کشور افکند جوش ❧

❧ برآمد ز کشور نشینان خروش ❧

❧ گروهی بهر در حصار ی شدند ❧

❧ گروهی دکر زینهای شدند ❧

(نثر) و بواثناده جانب رومدن احضار عمله و مز دوران و تهیه معماران
و مهندسان ایدوب مستوفی سفن معابر اعداد نصکره عبور بحره شروع
اولد قد نصکره لشکر الیونک بعض خود پسندان و زعماسی که سایه پروردناکار
دیده ابتر اولغله زور بازوی موحدیندن بیخبرلایدی اوچ کون روی آیده ریج
عاصف و هوای مخالف کبی مانع کذار اولق زعمیله متصدی کارزار اولدیله
ولی دلبران صرصر هجوم و کوه ثبات گروه مخالفینک جرأت مغلوبانه لرینه
قطعا نکه اندازالتفات اولیوب بی وهم و بی باک جست و چالاک نسیم نوبهار کبی
عبور بحر ایدوب خاشاک وجود اشراری تارومار و کله لرین حباب دریای قهر
دمار ایتدیله اند نصکره حذای قسطنطنینده فرسخین فی فرسخین بر حصن
آسمان مماسه وضع اساس ایدوب صحتده حالیا عرب جامعی دیه کله مشهور
اولان سعید لطیفه طرح انداز بنا اولدیله حصار مذکور مدار قهر عدوی
پرشر و شور اولغله مدینه القهر نامیله تسمیه اولندی اسلامیانکه بنای حصن
مذکوره آغاز ایدوب اساس ایچون حفر خندقه شروع ایتدیله الیونان صحن
جهانده کندولره جای قرار بر طرف ایدوکن تیقن ایدوب وجود بی نفع
و سودلرین حفر کوره مباشرت قیلدیله بنا که روی اردنه چیقوب صورت
ارتفاع پیدا ایتدی مشرکین بی دینک حصن ویران ابدانی خا که برابر اولوب
اساس ناستوار حصار دولتری قعر زمینه یکدی برج و بارولر که کنکره بروج
آسمان کبی رونق انتظام بولدی ملاعین بد آیینک دیوار ناپایدار وجود لری

رخنه رخنه وسینه بی شکیب و سکننداری چاکچاک اولدی قلعه نك هر قلعه شاهقه
 کردون مماسی که تمام اولوردی دولت سریع الزوال مشر کینک بر رکن رکینی
 منهدم اولوب قلعه اتفاقلری صورت ویرانی بولوردی پرداخت صخره پاره
 ایچون استادلر هر تیشه که اورورلر ایدی سر کرد نکشان مغرورینه طوقنوب
 مغز واستخوانلرین خرد و خیر ایدردی وزیر تیشه دن جهان اولان اخکرلر
 شراره جیم کبی جانلرینه اراثت حالات عذاب دوزخ قیلوب احراق خرمن
 حیاتلرینه آتش افروزو برق خانمانسوز اولوردی وضرب تیشه دن پران اولان
 سنک ریزه دخی حوالی شهر اشرا ره پریشان اولوب مرغان راحت و حضورلرین
 کشته بیجان ایتمک سنک فلاخن و محصول مزارع صبر و طاقتلرین افتایه
 تکرک بلا کورینه ایدی طرح ابنیه و مساکینه مباشرت اولند قدقه تقطیع
 نجارلر هزاره لر که کشیده قیلدی لر اول مبتلایان کشاکش امید و بیمه خراش
 جان پر عنا و سو هان عمر فرسا اولوب شجره جسم ناپاکلرین پاره پاره ایلر ایدی
 واره دن متساقط اولان ریزه اول افعی نهادله قطار مور اولوب هم نیجه
 شیرز کچن مغرورلری اهلاک و افشاده در کار ایدی مسمار لریله اجزای بنانک
 یکدیگره پیوسته اولدیغن کورد کچه کاید بد نعلری بر برندن بر بند جدا اولوب
 کویا باشلرینه جلاد قضا یوز یرده قزمش میخلر قاقرا ایدی نتیجه سخن اول
 حصن حصین اسلوب متین و طرز حصین اوزره تمام اولیحق الیونیانک بنیان
 سامانلری خراب اندر خراب اولوب عسکر موحدینک دور و دراز مکث و قراره
 عزیمتلرین مشاهده دن فوق الغایه پریشان حال اولدی لر عاقبت رهین (الغریق
 یتشبت بکل حشیش) مقتضای رأی سخیف التشویشلری بو کار ضروری بی
 مقتضا اولدی که بالای قلعه قسطنطنینه ده وضع مناجیق ایدوب مسافران جنک
 آوران ایله ایراقدن مر حبا ایلیه لر هر چند بومقوله ادوات جنک آور ایله
 تدبیر مدافعه ده بذل مقدور ایتمش لر ایسه کار کر اولیوب ستیزه جویان شیردل
 و شتر کینه ورزم آزمایان آهن دست پولاد سیندی بک و بی پروا میدان کار زارده
 حیدر کرار وار کوکس کروب مکث و قراره قرار و یردی لر و اثبات دعوائی
 بی باکی ملا حظله سیله طرح بساتین و حدائق و کروم ایدوب انامل ظفره
 حسب المرام اجتناء فوا که امل و کام قیلدی لر و رجعت و ایاب احتمالک خاطر لرینه

کتور میوب همین مقیاس کی مرکز غیرتده ثابت واستوار اولوب سمت اوطانه
 قطعاً نکه انداز ارزو اولیوب تمام یدی سنه بوحال اوزره آیین رزمه خلل
 ویرلیوب قانون خونفشانی وقواعد کین ستانی اجرا سنده سرمو مسامحه
 جواز کوستراسی هر صبحگاه که دربان زرین کلاه قلعه دوازده کتکره آسمان
 عصای زراندود شمشعدیه اتکا ایدوب مصرای باب نهار اولان صبح صادق
 وکاذبی کشاده قیلور ایدی طرف مسئله مسلیندن هجوم ومطارده وجانب
 الیون مشر کیندن مدافعه ومطارحه اسبابنه تشبث اولنوب شبانگاه باب نیلی
 پرده شامه کلید سیمین ماه آویخته اولدقده الیونیان حصن ستانبوله کریز
 ایدوب هربری مماثل حفره نیران اولان زیر زمینارنده رونهاده خاک ضجرت
 واسلامیان مدینه القهره رجوع ایدوب سردار ذربفت اوتاغ خورشید تشریف
 جلوه گاه مشرقین ایدنبجه خاف (وجعلنا الیل لباسا) ده فراغ بال ایله غنوده
 خواب راحت اولورلر ایدی همانکه سپهسالار نهار برق براق صبحی افراشته
 قیلوب بستر زرنشان کهکشانی نور دیده ایده وزال زمانه عمود مخبری
 سرعزیت زنگی سیرت ظلامه حواله ایدوب غرفات طاق زبرجد رنگ آسماندن
 تماشای کو کبه سلطان شام ایدن اطفال وزنان ثوابت وسیاره اغلاق روزنه
 مطالع ایتد کد نصکره هربری منزلگاه اختفایه کیده ینه کالاول رجال قتال
 آهنگ جدال ایدوب سمند صرصر خرام عزمی زیران وتیغ زهره شکاف
 قهری درمیان قیلورلر ایدی ایام هفت سال مذکوره ده طریقه مستحسنه سلوک
 مجاهدین اولوب دارالخلافه دمشق قدن جلوه کر منصه ظهور اولان تحول
 کارفرمایان سلطنت خبرلری کوشزد عسکر اولمادین وسست رایان واهمه
 پرست میانه تفرقه اختلال ویرمدین برکون مسئله جمیع افراد اجناد کتیه
 ونجهیرلرینه اصدار امر ایدوب حسب الاشاره مجموع کتائب وقبائل بالاتفاق
 باب اعظم قسطنطنینه یه شد نطق هجوم ایدوب

✽ نظم ✽

✽ اجل فتنه را کار سازی نمود ✽

✽ بزرگ با بزرگ دستبازی نمود ✽

✽ بگردون شد از نای زرین خروش ✽

✽ بدریای لشکر در افتاد جوش ✽

(نثر) الحاصل مبارزین طرفین آهنگ دارو کیر ایدوب هنگام شام ایرد کده
 ینه عسکر اسلام آیین پیشین اوزره قرار کاهه رجوع ایتک اعتقادی ایله
 جرأت نمایان وسخت چان دشمنان درون حصن ستانبوله دخول ایتدیلر
 لکن پرخاشکران دشمن شکار مسلمین فتح قلعه دن غیری وجهله تسلیه
 خاطر بولیه جغن بیدینلر تیغن ایدوب قبای صبر و قرارلری چاکچاک اولدی
 (ع) یاکام من براید یامن زجان برایم (نثر) دیهرک حل عقده تعسیر
 فتحه سی وودوند ان همتن اعمال ایدوب یدی کون مع الیالی علی التوالی
 مؤئل مؤمنین اولان مدینه القهره وسوسه رجعتی خاطره کتور میوب پیشگاه
 دراعظمده کروه مجاهدین ایله کرا کرد فوجا فوج قیام و مستمر اقدام
 نیل مرام ایتدیلر بوهفت روز فیروزده که دشمنان بلاندوزه محاکمی احوال
 (سبع لیال وثمانیه ایام) در صرصر پرخاشه سکون کلیوب یالکز آینه
 تیغ بطالده مشاهده صورت هرک فنایدن زوسیاهلر عدد قریب من ماته و سائر
 دلاوران لشکرک کشته تیروتبری التیوزدن متجاوز اولق اوزره تحقیق
 کرده راست کویان نقله در بوجهله امتداد مدت محاصره دشمنان بدطینته
 ارائت احوال قیامت ایدوب ایام مذکوره ده که ساعتی (مقدار خسین
 الف سنه) کورنمشدر مشاهده ایتدکلری شاید جانکداز هفت سال سابقده
 کوردکلری آسبب دور و درازی منسی اولوب سیلاب راحت شوی مشقت
 صفحه سینه بی سکینه لرندن محو نقوش طاقت ایتکه

✽ نظم ✽

✽ چون نباشد درد تو پروای درنگ ✽

✽ پای همت برکش از میدان جنگ ✽

✽ بگذر از فکر دلازاری غیر ✽

✽ بر زبان ران نکته الصلح خیر ✽

(نثر) مضمونی اوزره سمت استیمانه مهدی اولوب طرف مسله سرعسکره
 بوجهله ارسال نامه مصالحه کونه تصدی ایتدیلر

✽ صورة مكتوب ✽

(الى مسلمة بن عبد الملك امير العرب من اليون (اما بعد) فقد احرقنا بلادك وقتلت بطارقتي وحصرتني في مدينتي وبلغت مني كل مبلغ و قد اردت ان اجمع عليك جوع الروم كلها ثم اصول عليك صولة واحدة افرق جمعك واقتل اصحابك وابدد شمالك ثم اني احببت ان لا اجعل ذلك وقد عرمت على مصالحتك على ان احقن دماء اصحابك واصحابي وعلى ان اسالمك وتسالمني فان ذلك ابقى لك مكتوب من قوم رسيده يمشكاه سردار مظفر ومعرض رؤسا وقبائل واركان عسكر اوليحق بوطرز بلاغت طراز اوزره نعمة پرداز جواب اولمق استصواب اولندي

✽ جواب مرغوب ✽

(بسم الله الرحمن الرحيم) من مسلمة بن عبد الملك الى اليون كلب الروم (اما بعد) فانك ذكرت ان تجمع الجموع فلو قدرت فعلت ولكن الله مهلكك ان شاء الله تعالى وهذا امدادي ياتي من الشام وهم ذوالباس والنجدة وهم اصحاب الدين والقرء ان لا يريدون الاقتالك يطلبون بذلك الجنة لا يريدون الدنيا ولا اهلها هم اشد حبال الموت منك للحياة يطلبون بذلك جنة النعيم واما ما ذكرت من امر الصلح فاني قد آليت بعين ان لا ارجع الى بلادك حتى ادخل مدينتك فان ابررت بعني والوقوف على بابها حتى اموت او يفتحها الله سبحانه

علی یدی واما ما ذکر ت من مالک و ما تصالحنی علیه فان ذلك حقیر عندی
 ذلیل فی عینی ان کان قد عظم علیک کثرت ذلك فانه لا یکثر عندی و بعد
 ذلك فانی ان وصلت الی مدینتک والافهی الجنة * همانکه الیون مضمون
 کتاب عتاب مشحون مذکور حاوی اولدیغی زهرابه مذاق سوز جواب
 تویخ امیر ایلہ تلخ کام اولدی جان خبیثه آتش اضطراب دوشوب ماده
 امتدادات حیات اولان جگر صد چاکی پاره پاره ولخت لخت اولوب شکل
 خونا به ده شکاف دیده سندن پر کاله پر کاله زمین سیئه سنه ریزان اولدی
 فریاد کنان جامه دیران نتف شعرات ریش و کیسوانه مبا شرت ایدوب
 مسله نامور غضنفر اتقام نهیک التقامک دخول قلعه دن غیری طریقله
 تسلیه سی بین الاستحاله ایدو کن تیقن ایتکه حضرت امیرالعربک دخواهنه
 مساعده اولور سه حیت جاهلیه سنه شین و عار لاحق اولوب اقرانی اولان
 ذوالقرونث رهین شماتت و نفرینی اولق لازم کلور جواز کوستر من ایسه
 بومقوله خصم چیره دستک پنجه قهر و نکالندن تخلص کریبان جان ایتیه جکن
 بیلور الحاصل کشاکش تردد و تخیره عذاب اضطرابه دوشوب بالاخره
 مرادات مسله بی اسعاف و مضمون جوابنه انقیاده ناچار اولوب شفاها مکالمه
 تفاصیل امن و امان ایچون بالای دروازه قلعه یه صعود ایدوب مسله نک
 در حصاره قریب تشریفی درخواست ایلدی مسله سر افرازدخی صورت نمای
 جواز اولوب برقاج خطوه حرکت ایتد کده الیون مغبون قرطه اکرام و تعظیم
 ایلہ عرض منظومه نی ساز ایدوب ای سپه سالار سرباز اسعاف ملحوظاتکه
 راضی و رضای خاطر کدن زیاده رعایت و اکرامه ضامنم لله تعالی بعد یومنا
 هذابوبلا کشان ایلہ معامله ده طریقه رفق و ملائمتی پید شهاد ایدوب اساله چشمه
 خس بند خون مشر کینده ادوات استجمال انداخته کنج توانی قیل و قطع عروق
 حیات فجره طغائده مشر فیاب غزاتی براز زمان اغماض و مسامحه و تأخیر ایلہ حالا
 طویله تصر فکده اولان خیول و دواب اقسامندن و خزانه ضبط کده یولنان
 امتعه و اثواب جنسندن مر جمع و معتبر صنوف تحف و هدایای فاخره اعداد حضرت
 اولوب مجلا پیشکش مهل عالی قیلمتی مقرر در دیچک مسله نوع رضایی
 مشعر تحریک کوشه ایروبی قبول ایدوب عسکر اسلامه که اول زمانده انجق

الشمس بك مقداری مر دنبرد باقی قالمشیدی توجیه خطاب ایدوب ای دلیران
دشمن شکن وای زره شیران خصم افکن حالا مصلحت وقت ومقتضای مقام
وبحث طویل الذیل مجادلہ نك سیاق وسباقند ملایم کلام اولدر که کتائب
اسلامیه مسلح و مکمل صف بند تھیو اولوب بو محاذہ اشارت فرمائند مترقب
اولدر دیدی پس عبدالسلام وعسکر اسلام بالاتفاق التام نعره سمعوا وطاعه یی
پیوسته کنند کردون ایدوب تابع ومتبوع کیلروار ایسه پیرامن سردار
عالی تبارده صف صف قیام ایتدیلر

نظم

دگر باره شیران بجوش آمدند * بسر افکنی درخروش آمدند *
کشیدند از قاف تا قاف صف * بکوشش نهادند جانها بکف *
(نثر) ایون بو جمعیت سپاهدن وتکرر تھیو ناگاهدن پروهم و بیم اولوب فزع
وفریاده باشلیدی جانب سردار نصرت شعار دن استفسار داعیه ترتیب
صفوف ایدوب بندن بوهر تبده انقیاد وفرونتی صدورند نصرکه تجهیز
لشکر هیچ نأره ضرردن مر اندر دیدی مسله دخی بو احر نأره خاطر سوز ایله
فتیله فروز داغ درون ایون بدروز فته آموز اولدیکه حالا عزیمت مر دایم
بو هیچ اوزره قرار داده در که حصن قسطنطنینه یه بای وجه کان دخول
ایتمیجه رجوع ایتم و بعد کیرک که ایاصوفیه نامیله شهر تپذیر در جمیع
محایک چشم جهان بینم تماشا ایتدیر منیجه کتیم معلومک اوله که بوامل
دروغ پیوسته حصول اولورسه فیهما والادر قلعه ده متوقف دم تشریف
قابض الارواح اولق ذمت همته واجب اولمشدر زیرا الحاح دخول قلعه ده
سبق یمین حسبیله مجبورم ومقتضای حیت دینیله ارتکاب معذور حشّه مانع
قوی اولغله بوامنیله حصونه بذل کنجینه اقدامده معذورم دیجک ناچار ایون
مخزون دخول قلعه ده رضا کوستردی اما بر مقدمه عاجزانه بسط ایدوب روی
نیازی فرسوده زمین ابتهال ایتدی و دیدیکه ای خداوند معظم وممالک کشای
مسلم سپهسالار ثابت قدم بوهر اد خاطر عاطر کدخی قرین حصول اولسی
علی الرأس والعین وذمت بلا کشم دین اواسون (ع) قدم بر چشم ماند خیر
مقدم * (نثر) نهایت الامر نیاز مندمکه جله عساکر نصرت مآثر که مساعد

دخول اولیوب یالکز نفس نفیسک ایله تشریف بیوره سز که بو قدر جیش بیحد
و کرانه سینۀ بی طاقت مملکت متحمل دکدر شویله که مجموع سپاهه اجازت
فرمای دخول اوله سز قطان شهرک اخلال آسایشارینه باعث اولوب دبدبۀ
حشر اسلامیه دن خانمان کفر زیر و زبر اولور و علی هذا التقدير مفاد مصالحه
نابود و نتیجه استیمان مفقود اولوب بو جانب دن مصروف کنجینه نیاز ورجا
لغو و هبا اولق لازم کلور دیدی مسئله غالیجناب زبون کشاک مخالف دأب
دلیریدر دیو اسعاف مرام الیونه جواز کوستردی و تنهها بی نصیر و قفادار عزم
دخول شهر اشرار ایدوب بطاله تنبیه ایلدیکی کندی تخت ریاستده علم کش
انقیاد اولان آهن دلان اجناد ایله در قلعه بی محافظه ایدوب لازم کلور سه اغاثه
و اعانه باینده بذل مقدور ایلایه شویله که مسئله ادای مکتوبه عصر دن نصیره
سالما خروج ایدر ایسه هر حباه والا وجودینه بی دینلر آفت رسان اولدقلری
متعین اولور سه پس اخذ انتقامه اقدام ایدوب خانمان الونیانی مظهر
(فجعنا عالیها سافلها) قیله و عیاذا بالله تعالی بواهر مستنکر مقرر اولیحق
امر امارت عسکر محمد بن مروانه مفوض اوله دیو اهتماما تمهید مهام وصیت
قیلوب متوجه دخول شهر اولدی

❧ بیت ❧

❧ برآمد بر آهوی توسن دلیر ❧

❧ چو خورشید رخشنده بر پشت شیر ❧

(نثر) هر ویدر که باب حصن قسطنطنینه یدی سال ایدی که بخت دشمنان
دژ مکش کی مسدود اولوب ایکی غریق بری برندن امید مدد رسانی ایله
یکدیگره آویخته اولدقلری وجه اوزره اول دراعظمک جناحینی غرقه دریای
خون اولمائه بری بری ایله معانقه ایدوب احد مصرعینی مدت مذ کوره دنبرو
واتسکای جانب جدار ایتما میشدی الحاله هذه تشریف مسئله ایچون مفتوح
اولوب جناب مسئله دخی ترتیب اسباب جلادنده مبالغه ایدوب کمال شکوه
و شوکت امیرانه ایله رکاب اشهب صرصر خرامنه که ما صدق گفته شاعر در

✽ شعر ✽

✽ وکل ذوایه فی رأس خود ✽ ✽ تمت ان تکنون له شکالا ✽
 ✽ بود التبر لوامسی حدیدا ✽ ✽ اذ احذی الحدید له نعالا ✽
 (نثر) بی با کانه وضع قدم ایدوب خلعت سفید محتشمانه لرین دربر و عمامه
 بیضای امیرانه سن بر سر قیلوب طرفی دستار مطالای خاور پیکرندن ایکی زانوسنه
 ایکی طیلسان زراندودین شعشه وارصالوب پدر بزرگوارینک تعلیق ایتدیکی
 سیفی در میان ایدوب ونیره دشمن رباسن الله الوب دراعظمندن درون
 حصن مستحکمه ات سوزوب

✽ نظم ✽

✽ بتدی درون راندیکران چنان ✽

✽ که کوشنده رابسته از کف عنان ✽

(نثر) سمند باد پای همایون قدمنه کوشه مهیر تیزیتورد کده زیر نعل مه
 پیکرندن زور توجه صرصر اثری ایله جهان اولان هر شراره جهان
 افروز دیده دشمنانه برق خانمانسوز کورینوب چارجهت شهر اشرا ره آتش انداز
 اضطراب اولدی بووجهله که بنیان صبر سامانلری خاکستره دونوب خانمان جسم
 وجانلری خراب اندر خراب اولدی الیون ککرده تحمل نوعا عرض احتشام
 وتحمل خاطره سیله در قلعه دن مبعده کیره وارنجه جله کفاری رهگذره
 ترتیب ایدوب (متکئین علی اسلتم) صف صف قیام ایتدیدی سکان عالم
 بالا اول یکه تاز قهرمان روشن بوجرات رستم پسندینه حیران اولوب

✽ نظم ✽

✽ افرین ای روزگارک قهرمان صفدری ✽

✽ عرشه آص شمدنکرو تیغ ثریا جوهری ✽

(نثر) مضمون ترانه زبان استحسن ایتدیلمسله دلیر بوقدر جمع کثیر و شرمه
 شریطدیر میانندن نه شیر نخجیر کیرکی (ع) التفات ایتمز کذار ایلر خرامان شیر نر
 (نثر) مصداق قبحه بی پروا روان وقصر متضعضع الارکان الیون طرفنه
 خرامان اولدی اول بی دین تیره بخت وآواره تاج وتخت بالای کاخدن جبهه
 سای خاک پای امیرالعرب اولق آرزوسیه نزول ایدوب تعظیم تام ایله

اولا التمام ایدی عجم الایادی مسله ایله اظهار کمال تواضع ذل افتقار ایلدی مسله
دخی گوشه چشم ایله نگاه انداز التفات اولوب رسم مألوف اکا برملوک اوزره
الیون سمنسن دیو فی الجمله مظهر عزو خطاب ایدیجک جواب نعم صدورند نصکره
پزشش سمت ایاصوفیه قیادی الیون ذلیل طرف عبادتگاهه دلیل اولوب
مسله سمنند چاپکخرامنه سوار اولدیغی هیأتدن درون کنشت مذکوره دخول
ایدیجک بطاریق وقسیسین ورهبان فزع و فریاده بشلیوب بز وضع جبین
ابتهاال ایتدیگمن سجده کاهمزی رومیدر بورسمه پایمال ایلک دیو آغاز
کریه وزاری قیلدیلر مسله واغلو طه بی مال هرزه خواران بدفعالدن تحاشی
ایتیوب مینه ومیسره تماشای عجایب تمایل واشکال ونظاره غرائب تصاویر
محیر الرجاله اشتغاله ایکن برکوشده کرسی زراندود اوزره موضوع
چشمائی یاقوت احردن وینسی زهر داخضردن مصنوع برصنم اعظمه
نظری دوش اولدیکه تعیین قیمتده صراف دقیقه شناس ادراک
بین العجز اولوب سیر دقایق نقوشندن شخص باصره حیران ومدخوش
اولور بلا تردد توقف صنم اعظمه مذکوری زجر الهم اخذ ایدوب قربوس
سرجنه وضع ایلدی بودستبرد بی باکانه سندن رهبان بوکره فتاده دریای
اضطراب دامن الیونه صارلدیلر و ناله و فریادی اوج آسمانه صالیدیلر
ای شاه کبران نیچون بو حالی کوسترسن و دین مسیح و آیین نصارانک بوجهمله
مذلل و مهان اولدیغنه مساعد اولورسن دیوجفایه باشلدیلر الیون مؤاخذه قوم
مستعد اللؤمدن مضطر اولوب مسله یه بومضمون اوزره نیازمند اولدیکه ای امیر
عرب وجهانکشی بی تقصیر والانسب رعایت خاطر عاظر کرده بذل مقدور
اولمشیکن جمله مزی آزرده آزار ایتدیگک یتز می عاقبت معبودمزی دخی دست
قهر کدن تخلص دامان و کریان ایده مدی لطف ایله بز یه بویه تعجیر ایتنه
جانمزی معبودمزی الوب کتمه دیدی مسله دخی قسم یاد ایدوب (ع)
هیئات تضرب فی حدید بارد (نثر) بوالتماس بی مماس حیر قبوله موصول
اولق بهر حال امر محالدر خواه ناخواه بالجبر والا کراه اولوب کیدرین دیجک
الیون کلام بی نفوذینک دل مسله یه عدم تأثیرین کوروب فرط تأثر دن
ناولک نیازی جانب رهبانیه انداخته قیلوب ای بلا کشان بدکیش و کشیشان

پرتشویش بویغ قضای دست چوپ ممانعه ایله مدافعهیه امکان خاطره سن
برطرف قیلق کر کدر کندی پرداخته دست صنعمن اولان صنم ناچیرنی
الوب کدرسه (ع) کهمن زنبیل در بغداد کم نیست (نثر) بحق المسیح
والصلیب کندی مالمدن سیره بوندن فاخرو پرکار بریادکار معبود پیدا ایدین که
سائر مسجود و معتقد من انک یاننده کوه هر داری قدر اعتباری اولیه
زیرا شویله که حالا مسلمه تنهاویالکز برادم بو قدر بیک کافر جگر در میانندن
جمله نک معبودنی الوب کتمک منافی حیت جاهایه کبرانه در دیوب سالک
سمت عناد اوله یز بطلال معلوم الحالدر در قلعه ده مهیا و بهانه جنوی غوغادر
فی الحال کلوب بی تکلف صنی الدیغندن غیری جمله مزی صنم بی روح مقامنه
قویوب چاپای اجسام مزی پاره پاره قیامور دیچک دردناکار معبودنا پرداخته لرینک
کندولندن عاجز و بیچاره ایدو کن تیغن ایدوب بالضروره ترک نزاع
امتناع ایلدیلر و مسلمه صنی پیش زین زرینده معبددن اخراج ایدوب الیون
ناتوان بیک دوان کبی پیش رکاب امیرالعریده پکیان و دوان اولدی
وسط شهره کلد کلرنده رغمالهم صنی بالای نیره سنه نشانده قیلوب ملاعینک
تحقیر وجود و تشهیر معبودلرنده بذل مجهود ایلدی رهبانیه و بطارقه بو حالی
کوروب ناقوس وارزارزار فغانه باشایوب دست سینه کویلرین دره طباباز
ملامت قیلدیلر (ع) مصائب قوم عند قوم فوائد (نثر) هر چند ابلیس
لعین درون مشر کینه القای اهلاک مسلمه ایله وسوسه انداز فساد اولمش ایسه
ملاحظه استتباع تخریب والتزام هلاک قوم و قبیله لری عروق و اعصاب
جراً تلرین کسته قیلوب بالاضطراب تجلد ایدوب تجرع زهرابه قهر
ودماردن غیری تدبیردن مأیوس اولدیلر

❖ بیت ❖

❖ برق غیرت چو چنین میجهد از ممکن غیب ❖

❖ خود بگو که من دل سوخته خرم چه کنم ❖

(نثر) مسلمه نامدار تماشای غرایب شهر و بتخانه ده وقت معبوددن تجاوز
مکت و قرار ایتمکله زمان معبود هرور ایدوب غروب به قریب اولمشیدی حتی بطلال
دخول قلعه به تهیو ایدوب تنیه مسلمه اوزره مباشر قتل عام اولق مقامنده ایدیلر

فضل کرم کار ساز ایل طلیعه صبح پر نور ظفر ظهور ایدوب مشرق باب قلعه دن
خاور شمشه پاش کبی روی منیر مسلمه کشور کیر باش کوسرتوب جمال تابداری
(فی ایمن الاحیان) نمایان و مشرف ساز انجمن اعیان او لیجق جسم عسکره
تازه جان کلوب کلبانک شکر و ثنا وز مزه اهلا و سهلا بی پیوسته قبه
آسمان ابدیلر

✽ شعر ✽

✽ بشری لقد حصل الاقبال والظفر ✽

✽ المسلمون علی الکفار قد ظهروا ✽

(نثر) پس انگاه مسلمه و سپاه شیر نخجیر کیر کبی فرح و فخور و تهج و مسرور نعره
زنان مباهات کنان دارالامن قدیم لری اولان مدینه القهره رجوع ایدوب
بر هفته قدر زمان فراغ بال ایل ترتیب بزم راحت مشغول اولوب مترقب ورود
مبلغ معهود و منتظر وصول مال موعود اولدیلر

✽ نظم ✽

✽ دولشکر بمنزل شد نداز مصاف ✽

✽ کروهی بنجالت کروهی بلا ف ✽

✽ همه شب غنودند تا صبحدم ✽

✽ ا زین سو بشاردی ازان سو بغم ✽

(نثر) تمامی ایام اسبوعده جانب الیوندن خزانه معهوده وصولنده نوع
مسامحه احساس او لیجق تکرار صوب سپهسالار جم مقدار دن طرف الیون
خاکساره بو مضمون اوزره نامه همایون ارسال اولندیکه ای الیون از طرف فیاض
مطابق عسکر اسلام مظفر محض وغالب مطلق ایدی حالا عزیمت پاندم بونک
اوزرینه در که وعده ایتد یکک اموالی ارسال ایده سن و یا قلعه که ینه هجومی مقرر
یلور وقتکه آماده اولور سن حضور الیونده شقه رایات نصرت و بادبان فلاك عزت
نامه همایون کشاده او لیجق اردوی حواس الیونه غوغای بیم هزیمت تفرقه انداز
فلاکت و بندرگاه سینه درد آلود ملعونه یغما کران بلا و محنت تارا جمای ضجرت اولوب
اسباب سلامتدن ینه تشبث ایده چکن یله میوب بالاخره بورسمه جواب تبصص
امیر تسطیر ایل عذر خواه اولدیکه یا میر دایر نامدار باهر الوقار وای سپهکش

عالمگیر جلیل الاعتبار جناب والانساب ایلہ عبد ذلیل خاکسارک اولان ایون
 بمقدارک عرض وانہاسی بودر کہ حالا عجلالۃ الوقت اولان بیک وقیہ سیم
 خالص بیک وقیہ زرناب و بشبیک رأس سمندار مایہ جزیہ نامیلہ تقدیم خاکراہ
 وجواہر کرانبہا ایلہ مزین و مرصع مذهب ذات کرمشعارہ مخصوصا اهداء
 پیشکاہ قیلندی والطفابی نہایہ ملوکانہ لرندن مسؤلدر کہ موصول قبول
 اولمرندہ ذرہ مسامحہ یہ مصارف قیلنوب بو جزیرہ دن اختیار ہجرت و بلاد
 فسیحہ رومدن مناسب کوریلان جای دلکشده اقامت بیوریلہ والسلا مبالا کرام
 ہمانکہ نامہ و تحف سالف البیان نظر سردار عالیشانہ وساطت سفیر نصرت
 ایلہ رسیدہ و بارکاہ مسلمہ یہ سماط عزت کبی بیک کشیدہ اولدی صغیر و کبیر
 وادنا و پیر فقیر و امیر (مصرع) شکر نعمتہای تو چندانکہ نعمتہای تو (نثر)
 مدلولانی پیرایہ طبیحہ لسان ایدوب روزی بخش انس جان و مد درس ہر ناتوان
 اولان رب مستعان درکاہنہ عرض شکر و سپاس بی قیاسہ اشتغال و حصول
 خاطر خواہ دریرینہ لری ایلہ کسب سرور بال ایدوب حسب المراد آزین بند
 شہرستان دوران اولدقد نصکرہ آہستہ آہستہ مہان و کہان ہمان
 نہضت کن ارتحال اولدیلو و بقیہ عسکری یوقلمہ ایدوب ہفت سال جدالدہ
 دست قضا وضع اعدا ایلہ قرین تلف اولان مبارزہ کاران بہشت آشیانہ
 معلوم اولق ایچون خیل و جنودک موجود و معدودک دفترایتد کلرندہ دارالامالہ
 دمشق قدن ہمرکاب مسلمہ اولان سکسان بیک رہ نورادن پرخاس و نیرددن قرق
 درت بیک نفر باقی قالدیغی ثبت صحیفہ تحقیق اولغلہ اموال و ہدایا مذکورہ بقیہ
 غزاة ستودہ صفات بلندہ توزیع و تقسیم اولنوب اکلیل مہدی کردہ بی دخی مسلمہ
 بعض بطارقہ یہ یوز بیک التونہ فروخت ایدوب ثمن ہر قومی علی السویہ دلاوان
 دشمن شکارہ بذل و ایثار ایلدی مصلحت قسمت غنائم تمام اولیجق جناب مسلمہ
 میان صفوف اسلامیانہ رایت فتح و ظفر کبی برپا اولوب اولوب اولایان
 دواعی صلح و آشتی ایچون برخطبہ بلیغہ حسان پسند ایلہ زمزمہ سنج حسن
 ادا اولدقد نصکرہ وجواہر نقود عباراتی نثار سامعہ حضار ایدوب ایہا الاخوان
 محاط علمکزاولہ کہ یدی سند دنیرو بن مشاہدہ غرات موت و معاینہ سکرات مرک
 وفوت ایدوب اخلاق نظام عالم توہمی ایلہ چکدیکم محن و تردد و تحیردن

سزری آگاه ایتمشیدم مبادا اول احوال موجب الاهیوالدن خیر ایتکله
بنیان اتفاق عسکر خلیپذیر اولوب امر جهادده کسلان اوله سز امدی
قرین فهم وانها نکر اولسنکه بنی قاعد الجیش وسپهد جنود طیش ایدن
پدر بزر کوارم عبدالملک ستوده کار ملک فناپذیر دنیادن استعفا ایدوب سریر
سلطنت وکامر انیدن نزول و سخن منازل جاودانی به دخول ایدوب امر
امارت مطلقه بی برادر م وایده وصیت قیلوب بعده اساتیده کار گاه تدیر اولان
مشیران مشتری تأثیر صنعی ایله فرزند آخری سلیمانه مفوض قیلنوب حالا کار
فرمائی سلطنت سریع الزوال و مهم سازی دولت زود انتقال منوط رأی سلیمانیدر
حتی جزیره قسطنطنیه به نزول و وصول هنکا منده امین بیت المال مسلمین
رجابن حیاتی دیهیمگاه شاهه ارساله باعث و بادی یومعنی ایدی تا که حضور
سلطان نوظهورده استیفاء حال مجاهدینه ساعی اولوب عزل بی هنکام ایله رایات
اسلامیه نیک سرحد منصوره دن برخالف زمانده رفع و تحوله اقدام ایدر لر ایه
دفع سوء صنیع بداندیشان ائمامه اهتمام ایلیه الحاصل اول زماندن بودمه دک
گاه توهم عزل و انفصال و گاه تفکر منع جدال ایله مبتلای کشاکش اختلال ایدم
فلا اله الا الله و الله دشمن دینی بو وجهله زبون و رایات اقبال منکون سار اولمدین
زور بازوی همت ایله فرقه اعدای بلاکش عذاب هون و اول واز کونه بختان
دوزخ مکینک حال قسوت مألارین دکر کون و دیده و دلارین سینیه
صدچاکاری کبی غرقه دریای خون ایتک نصیب اولدی

✽ نظم ✽

✽ منت خدا که هر چه طلب کردم از خدا ✽

✽ برشتهای همت خود کامر ان شدم ✽

(نثر) الحمد لله تعالی علی فیوضاته الباهرة که هر نه جانبه صرف قوه قاهره
قلمش ایه کمال تقاب و ظفرله کامیاب اولوب هر طرفدن نصرت فتح باب ایله
رجعت وایاب وقوعه کلدی

✽ نظم ✽

✽ که برماچو کرد ایزد کار ساز ✽

✽ در کار سازی و اقبال باز ✽

✽ بهر سو که تو سن برانگیختیم ✽

✽ زبده خواه خون در زمین ریختیم ✽

(نثر) دیوب کلامه فیصل ویرزی و سرنامهٔ حمد داورایله معنون اولان
مقالهٔ مدعاسنی شکر ایزد پرورد کارایله مقطعهٔ یتوردی وقتا که جنود سپاه پیام
ارتحال عبدالمکی استماع ایتدیلر بالاتفاق دود آهی پیوستهٔ آسمان ایدوب زخم
مصیبتیهٔ هر همسای تعذیب و آتش دل غمناک مسلمیه بو مضمون ایله رشحه پاش
تسلیت اولدیلر

✽ نظم ✽

✽ بسا شاهان بادولت که دیدیم ✽ ✽ بغیر آنکه در دفتر شنیدیم ✽
✽ همه در خاک رفتند و غنودند ✽ ✽ نوکوی در جهان هرگز نبودند ✽
✽ بجا اسکندر و جشید و فغفور ✽ ✽ بجا مر دان دعوی دار مغرور ✽

(نثر) پس انگاه جملهٔ انام متفق الکلام ملک زادهٔ عالیتباره تقدیم هر اسم اقدام
ایدوب ای خیر الخلف عبدالمک و ای سالک احسن المسالك مقام پدره ذات
شجاعت شعارک جمله دن الیق و امر سلطنته سائر دن احق در خصوص صاف
ممالکده ارتکاب صنوف مهالك قیاب آسایش ملک و ملت خصوص مننده
بو مرتبه ده سعی و همت ظهوره کتور مشیکن غیرک سلطنتله نه مناسبتی وارد
البته سکا بیعت و امر و فرمانکه تبعیت جمله نک اقصای امالی و مراد بالی در
و بلا تأخیر علم افروز مهم ساز استعلا و گروه مسلمینه امام و پیشوا اولق کر کسن
دیو مقالات سوق و القای مرتبهٔ غوغایه ایرشدر دیلر مسلمیه که عواقب امور
ملاحظه سنده فتور و قصور دن دور فرطتد بیرو تحری ایله مشهور هر دکار دان
وفیل سوف اذعان ایدی بورای ناروادن امتناع ایدوب بن طمس وجوه اعداده
بو مرتبه صرف کلیت ایلش ایکن حالا روامیدر که شواهد عصیانیه اجترأ
ایدوب صوابید اولی النهی اولان رأی قرار دادهٔ اکابره مخالف باعث تهییج
لجهٔ شر و غوغا اولهم حاشا ثم حاشا مخالف جمهوره تصدی امر محال
و بوماده ده نحن بالجماعه قولندن غیری کلام اختلال انجام تفوهی نه احتمالدر
الحاله هذه بندخی سائر اعیان و اکابره بیعت و سریر آرای امارت اولان سلیمانیه

تبعیت ایلدم سزله دخی لازمدر که بکا تابع مطلق اوله سز و سلیمان زمانی
جانشین عبد الملك یله سز

✽ بیت ✽

✽ شنید مکه این شاه نو خاسته ✽

✽ سیری دار داز دولت آراسته ✽

(نثر) من بعد رضای خاطر م مقصود ایسه بو مضمونک خلافتنه ذاهب اولیوب
اقدام دعوی استخفاف اماراتی زبانه بکنکه جنانه کتور میه سز دیچک
عسکر اجناد روی انقیاد کوستروب اوج شهر کامل جزیره مدینه القهرده
اختیار مکث وقرار ایتدیلر شهر مذ کوره ختامنده تکرار الیون نابکاره
بو یوزدن اصدار نامه لازم کلدی و مضموننده ای رئیس رهط کفره و سرخیل
کروه فجره حالا دیار خرابکدن خروجه عزیمت اولندی و یزدن طلب عافیت
ایتدیکک وجه اوزره سنی وایه کیر نعمت احسان ایتک مستحب کورلدی
امدی مدینه القهرده بنا کرده مجاهدین اولان جامع عظیم و عبادتگاه
مکر مکه و دیعت امتدر زینهار و هزار هزار زینهار برجر مکر و بر تخته پاره
محقر تغیر و محملندن تحریک ایتیه سز زیرا ایمان و عهد جنود بو وجه اوزره
مقصود در که جامع شریفه بو وجه من الوجوه تعرض ایدرسک فی الحال
رجوع ایدوب اهلا ککده بذل مقدور و سعی موفور اولنه و اولتقدیر جه
تاجناب قادر و قهار ذوالجلال توابع ولوا حقکله سنی لکرده خزی و نکال
ایدنجه تیر و کان همتی سکونه و شمشیر سعی قراب فراغه الحاق و ادخال
احتمالی امر محالدر سائر ابنیه و آثار موحدین خصوصنده رأی سخیفکه مداخله
اولمز اما بشرط آنکه عسکر اسلام دیار کدن پا کشیده اولینجه قطعاخیرا
و شرأ تعرض ایتیه سن و الانقض عهده محقق یله سن دیو بیورلدی الیون
بلاکش مضمون کتاب سعادتبخشی معلوم ایدند کده (ع) فقوالک مسموع
ورأیک نافذ ✽ (نثر) مدلولیله رد جواب ایدوب مادام موکب اسلامیدنک
کرد مرا کبی ابر صاعقه بار ظلمانی کبی صحن جهانی دیده مزه تار و عالم پهنایی
جسم مزه طار ایدوب مسامع کدر شنو مشر کین صهیل افراس مجاهدین ایل
پرطنین اوله محافظه ابنیه و شهر و قلعه ده وجود جسمیسمله اهتمام ایدوب راهب

هادب مر تكتب المتاعب روحم بتخانۀ بدغده منزوی ایکن بروح روح لله
جامع شريفك برجرى محندن تحريك اولنموب انشاء الله تعالى سخن لطيفنده
الى يوم القيام آيين دين محمد عليه السلام مرعى اولق مقرر درو حالا ذات ملكي
الصفات ملكي الصلابته مخصوصا بيشكش طريقه هزار سمند مایه صبارفتار
وبيك وقیه زرناب كامل العيار وبیک قبای مطلاى زرین تار اهدا وارسال
اولنمشر امید در که حقارتنه اعتبار اولنموب مظہر شرف قبول اولمغه سزاوار
کوريله دیو تسطیر جواب ایتدی مسئله دخی اشیاء مذکورہ فی تقبل ایدوب
نسق سابق اوزره بین الغزاة توزیعى باینده اجراء قاعدۀ (الہد ایا تشترک)
قیلدى بعده مباشر اسباب نهضت اولوب بطالہ فرمان ایلدیکہ جنود ظفر
بین مؤمنین سفاین ومعاربہ تحمیل ایدوب ودریائی کذار ایتدیرہ وکندوایکی یوز
مقدار فارس حارس ایلہ جزیرہ ده تأخر ایدوب بالتمام عسکر اسلام طرف
اسکدارہ عبور ایدنبجہ توقف ایلدی اولدمکہ امواج افواج ساحل بحره
کذار ایدوب جزیرہ دن قطع علایق ایلدیلم مسئله ہمر کاب اولدیغی
دلاوران ایلہ ینہ باب قسطنطنیہ کلوب الیون افسردہ درونہ ساعت رحلت
ورمان حرکت قریب اولوب عز وسعادتلہ عزیمت ہجرت ایلدم اکر دخی
برمرادک وارایسہ رکابمہ عرض ایلہ علو ہمتہ سنک کبی دشمن سر کشتہ
حال فرومایہنک انجام مرانندہ توقف وترددہ مانع قویدر دیوب مضمون
نشید ابلہ عملہ سالک اولدی

✽ نظم ✽

✽ بران ینک بختان هزار افرین ✽

✽ کز افتاد کان دور دارند کین ✽

✽ توانا چو پیش تو شد ناتوان ✽

✽ مزن کر چہ دشمن بود ناتوان ✽

✽ کر مکن چو دست تو بالا ترست ✽

✽ فروماند کانرا کرم بہترست ✽

(نثر) الیون مکدر درون التفات مسئله دن مشرور اولوب متوجہ مصافحہ
ودستبوس اولیجق مسئله صور نمای استنکاف اولمغله ناچار تقبیل اقدام

ایند که نصکره استجازه تشیع ایلدی طرف مسله دن مساعده اولمیبوب
قرارگاهکه رجوع ایله دیو تنیه اشارت صدور ایتکه الیون ملول و محزون
درون حصن ستانبوله و مسله شکفته درون جانب معسکره توجه قیلوب
نسیم صباکی عبور بحر ایتد کد نصکره جمعیتگاه سپاهه وصول بولوب
آرام ذات با احترامی ایچون سرور فتح و ظفرله فرح فخور مخیمگاه اجلا لده
بر یاقینان چادر سپهر آسایه نزول ایلدی

❖ بیت ❖

❖ بفیروزی آمد سوی بارگاه ❖ ❖ بفیروزه کون چرخ زد بر کلاه ❖
(نثر) روایت حاکم حکایت بوجه از ره مبتدر که امتعه واسلحه وانواب
ودو ابدن جلیل و قلیل خطیر و حقیق برشی یسیر ترک اولمیبوب هر کس مالک
اولدقلری اشیای برمتها برداشته قیادیلر و کنار در یاده بر هفته مقداری فراغ
بال ایله آرام اولندقد نصکره درایات حل و تر حال افراشته قیلنوب رو براه دمشق
اولدیلر الیوندخی نهضت موحدیند نصکره مدینه القهره کیروب عسکر اسلامک
نواحی مسیحیه به وصولرندن خبردار اولیحق جامع کیردن غیری جمله ابنیه
مسلمینی هدم ایدوب هفت سال سابقده کوپال قهر بطالیدن مظهر اولدیخی
زجر و نکال انتقامی زعم فاسدی اوزره آثار ابراردن آلوب ایدان اهل ایمانه
مضرت رسان اولغه اقتداری اولمیدیفندن بنیان شهر مدینه القهری خاک ایله
یکسان ایتکه کین ستان اولدی ازیں جانب کوره مبارزین طی منازل ایدرک
ساحل فراته واصل اولوب عبور نهر مذ کوردن نصکره قلعه مسیحیه داخل
اولدیلر و مقدا اول اطراف و انحاءک محافظه سنه تعیین اولنان جمیع مبارزینک
حضور مسله ده اجتماعنه فرمان عالی صدور ایتکه جمله طوائف مذ کوره
حصن مسیحیه کلدیله سابقا اهالی قلعه مذ کوره تابع تسویلات ابلیسیه
اولوب حیل و نفاق و نقض عهد و میثاق تد بیرنده اولدقلری پیوسته مرتبه
یقین و لغله مذکور مستعد القتالی کشته شمشیر و نساوان و اطفالی بسته زنجیر
قیلنوب قلعه خانمانلرین خا که برابر و سرای و ایوانلرین زیر و زبر قیادیلر بعده
سمت تکفوریه به عزم اولنوب التی ای اول بلده معموره ده احام افراس آرام
اولندی بواثناده جانب سلطان نافذ الامر حقیق دن جل شانه غزاة مجاهدینک

اکثری دارالضیافه جسته کوشه نشین سماء پر نعمای (و ماتشاهی الانفس)
اولی ایچون سفارت ملک الموت ایله دعوت اولوب خلق مسافر خانه دارالبقایه
سورمک ایچون چاوشان و بامیان عسکره استیلا ایدوب بوسبب ایله مهل مهل
ایچره اکثر حشرو عازم عالم آخرت اولدیله منازل صحتده قلان بقیه
مرابطین یوقلمه اولندقدده خیام عافیتده یکر می بشبیک نفر موجود بولوب
ماعداسی دارالقراره سفر ایتدیکی مقرر اولدی

✽ شعر ✽

✽ الحکم لله ان الامر لیس لنا ✽

✽ وما یفید سوی التسلیم للقدر ✽

(نثر) بوباعشدن دل پردرد مسئله ده برسوزشور افکن حادث اولدیکه بنیان
صبر و سامانی سوزان اولوب دود آهی تیره ساز ابدیه مهر و ماه اولدی و دست
اضطراب ایله کلوی تحمیلن فشرده و کریبان طاقتک میا کچاک ایلدی

✽ شعر ✽

✽ فسمحقا لدهر ساورتی همومه ✽

✽ و شات ید الایام ان لم تقلب ✽

(نثر) دیهرک گاه چرخ ستبره کاره خطاب و گاه مقتضای قضایه رضا ایله
تسکین شراره اضطراب ایدر کن دهر یدادکار طریق آخر ایله دل اندوهکین
مسلمه بی تکدره تهیئه اسباب ایدوب ناکاه بو پیام وحشت آمیز ایله ناره حزن
و غمی تکرار التهاب پیدا ایتدیکه جانب رجادن مکتوب مشعر الکروب ورود
ایدوب مضمونده مشرف ساز اکیل جهان بانی اولان برادرک سلیمان بن عبدالملک
دخی تخت سلطنتدن تخته تابوته نزول ایدوب مر حوم مر قومک وصیتی اوزره
ارکان دولت قاهره عمر بن عبدالعزیزه بیعت قیلدیله

✽ شعر ✽

✽ وانا نجوم الارض مجدا و رفعة ✽

✽ اذا واحد یخفی فیظهر واحد ✽

(نثر) ایلدی سندخی اظهار مخالفتدن حذور اولوب رأی جمهوره تبعیتدن
زینهار تعمل و توانی یه جسور اولیه سن عادل مرضی الشیم ورعیت پرور

و مجتنب جور و ستم اوله سن صناید بنی امیه و اکابر قریش و اهالی اطراف
و آفاق بورای صائب اوزره بیعتلری اجماع امت ممضی و بودعوی حکم قاضی
الحاجات ایله فصل اولمش برقرار داده مدعادر حالانی احلاله سعی ایتک نامناسب
و علی کل حال جانب جهورده بولنق واجدر صواب بودر که بلا اهماال دمشق
روان اولوب عیال و خویشان ایله ملاقی اوله سن و پایه سریر سلطنته
یوز سوره سن سنک کی نصاب کماله مالک و طریق و سداده سالک بر مخدوم محبوب
القلوب و ممدوح بی قوادح و عیوب که شرف نسب دخی طراز خلعت و منشور
دولتی اوله هر حالده مظهر لطف شهر یاری و فرمانفرمای عنوان کاره بختیاری
اولماق نیجه متصور در لابد وجود شریفک محتاج ایله ورای و تدبیرک معول عایه
اولق امر مقدر در فضل حق ایله هر مراد خاطرک میسر در

❖ بیت ❖

❖ تو صدر مسند لطفی و عالم جانی ❖

❖ ز غزل منصب ده روزه دل مر نجانی ❖

(نثر) دیوب جواهر نصیح پند و ایشاردر تسلیه سودمند ایلدی دل مسلمه به
و آز سلطنته میلاندن مستغنی قیادی الحاصل دستیاری رأی محمد بن الاحنف
ایله جزرو مداقدام و احجامدن خلاص و قدم نهاده عزم در گاه و توجه
نموده صوب پادشاه اولدی و ملازمان خدمتیه توجیه خطاب ایدوب
ای برادران دین و رفقای نبرد آیین جزم و یقین بو مضمون صحت قرین
و بو معنای اصابت رهین جمله کزه خاطر نشان و دلنشین اوله که صبای حق
ادا ونسیم سخن صواب انما بو مقوله صحیح الفحوی در که هب دهن مشک تر
محمد بن الاحنفدن وزان اولدی نفحات حسن حالز ساحه پهنای دنیایه نشر
ایدوب غنجه آمال تعلقاتی شکفته و خندان ایدم جک بو اقوال نجسته مآلدر
و مضمون مکتوب رجادن دخی بو حریفک سلطنته اهلیت و استعدادین
متخلص اهل انصاف و سینه صاف ایدوکی بنمدخی متیقمندر امید در که اول
مشرب صاحبی اولان صاحب سعادت قدر جایی غایتده مجنب و تقصیر
و افاضه و مکرمتده مترتب مقدمات توقیر اولق فهم اولنور بلکه خوانمندن
ابر دو اشق اولوب ساز حه سیرتی کمال اعتدالده دال اولق کورینور (ع)

آرم بر آستانه تسلیم سرفرو (نثر) امید وارم که فوق المحفوظ اکرام و رعایت ده
محفوظ ایدوب مقربینده جای نشست ارزانی قیله و علی هذا التقدير مرأت
ملاقاتدن صدر امامی نمایان اولوسه اظهار مأمول ایتش اولور واکر صورتمای
استنکاف معامله واضرار زاره سالک اولمغله مقتضای دور ستیزه کاره تبعیت
قیلورسه (ع) از جور فلک نخستین اینست (نثر) ناهمواری آثار تقصیرات
و تالیف سیئاتمزد در دیوب تصور دن حیران احتمالن اخطار تفکر گاه ایتیوب ختم
کلام ایدیجک کافه ناس استصواب یدوب

❖ نظم ❖

❖ جهان زیر فرمان وزای توباد ❖

❖ فلک چون زمین زیر پای توباد ❖
(نثر) دیوب وفقك الله یا امیر زمین مه سن دمساز کلبانک شکر و ثنای فتح و ظفر
قیلیدیلر و طریقه سابقه اوزره تعیین مینه و میسره اولنوب قطع منازل و طی
فراسخ ایدرک عموریه کلوب جدار قلعه مذ کوره بی اساسنه دک هدم ایلدی
اند نصکره خرامان جانب شام اولوب اوتوز یک آدم ایله باب دمشق و اصل
اولدقده بامر الله اول کون رجا بن حیات جرعه نوش جام ممات اولمغله
سرنها ده بالین خشت لحد اولمشدر دیو طرف دمشق قدن کلنلر پیام آور کدر
اولدقلری ناکاه سمع ملک زاده پیوسته اولیجق بومصیبت علاوه مصائب
سالفه اولوب بر مرتبه ده تکدیر ضمیر ایتدیکه آلام سابقه بوکا نسبت ایله
قطره و دریا قیلندن معدود ایدی اما نه چاره (ع) ولیس لما شاء الله مدافع ❖
(نثر) مسئله نک باب دمشق وصولی اشعار و سلطان وقت عمر بن عبدالعزیز دن
استیدان دخول شهر و دیار ایچون آدم کوندروب انتظار پیام رخصت ایله
اوچکون تمام در قلعه ده توقف و آرام ایلدی مسند آرای امارت طرفندن
دخوله اجازت و یرایوب اظهار جفا و آزار ایله عرض و ناموس مسئله شکست
ایر کورمکه تعدد و اصرار ایتدیلر بالاخره الحاح جمیع بنی امیه ایله بعد ثلاثه
ایام سعادت اجازت دخوله نائل اولوب عز و اکرام ایله خروج ایتشیکن انکسار
تام ایله شهره داخل اولدی و امید دستبوس امیر المؤمنین ایله توجه دار الاماره
قیابوب سیاب سفر و راه ایله مجموع مجاهدین همراکب اولدیغی صورته

بارگاهه واروب حجاب وسدنه دیوان ملاقاتده منع ایدوب نالان وکریان
 قرارگاهه عودت قیلدی ایرتسی بیک مقداری ممتاز جنود ایله عازم اولوب
 ینه دولت رخصته فائز اولیوب بیک جهان درد و حزن ایله مقرنه رجوع قیلدی
 ایرتسی اخص متعلقات و خدام ایله جبین سای درگاه اولوب ینه مراده ظفر
 بولیوب آه و واه ایله ایاب لازم کلدی ایرتسی بنی عمی و اخواتیله واروب ینه
 محروم رجوع ایدوب ایرتسی ایکی نور عینی اولان پسر لر یله و بر نفر
 خدمتکار یله پیشگاهه یوز سورمکه رخصت بولیوب زبانه یأس و قنوط زوایای
 سرای درو ننده بولنان کالای صفای خاطری خاکستر ایدیجک جانب کار
 ساز کریمه توجه قیلوب یار باه بو حقارت ایله عالم تباه اولق قنغی کناهمک
 جزاسیدر

❖ نظم ❖

❖ چند مائزده کلیه حیرت باشم ❖

❖ چند بسمل شده خنجر غیرت باشم ❖

❖ چند بر خود زخم از دست جنون سنک بسر ❖

❖ چند رسوایی بازار ملامت باشم ❖

(نثر) دشمن دینه ایتدیکم قهر و کین مقابله سنده امید وار لطف
 موعود ایکن سلطان وقت طرفدن بو وجهله سزاوار عتاب و نفرین اولنک
 حکمتی ندرا کر تبدلات سلطنت خبری ورودنده امکان سرکشتی و مخالفت
 وار ایکن الحاح سپاهه اعتبار ایتیوب وسودای سلطنت ایله اخلا نه بادی
 اولیوب انقیاد حکمنه استیجال ایتدیکم مکافات ایسه زهی وضع نادر برابر
 خوشا امر مستنکر دیوب اولکیجه تا صباحه دک روزنه دیده سی نسیم خواب
 راحت ایله بسته اولیوب دو چشم خونباردن عبرات خونین و سینه شرار
 منارندن زفرات آتشین صاچوب کندی کننن لوم و تشنیه سر آغاز ایدوب
 امید راحت نسیمه ایله نقد فرصتی اتلاف ایدن ایله حیره شره بو قهر و اذامحل
 و سزادر دیوب عاقبت هزار حسن و انکسار ایله تک و تنهایی یاروبی یاور و بی غمکسار
 و خادم و برادر هر چه بادا باد کویان و افتان و خیران نالان و کریان دارالامارمیه
 روان اولوب ارازل خدمه دیواندن ابتذال استشفاع ایله مذل و مهان اوله رق

❖ شعر ❖

❖ یا ایها الرجل المرخی عما مته ❖

❖ هذا زمانك فاستأذننا عمرا ❖

(نثر) دیهرک جمله اعیان قریش و قبائل عرب دیوانخانه ده موجود ایکن
 بوشکل ایله دخول ایدوب سنت سنیه اسلامیة اوزره سلام و یریمجک مسند
 آرای جاه و جلال طرفندن رد سلامه تغافل اولنوب توقف کثیر دنصکره
 رد حقیقی مشعر اشارت یسیر ایله رد ایدوب مسلمة ناصرا دوحزین بر ساعتدن
 زیاده مترقب اشارت بنشین اولدی اول ساعتده نیلدن حرمانه مقتضای
 مقام شهادت ایتمکین دور و دراز اقدام ادب اوزره قیام ایدوب بی اختیار
 چشمانی سقای دیوانخانه شاه و باد آهنی فراش بارگاه ایلدی واکت شاه جرم
 وکناهه جرأت ایدوب ای میر عادل تخت نشین بی معادل عبد فقیری بومر تبده
 تذلیل و تحقیر باعث ندر

❖ بیت ❖

❖ کر خطابی کرده ام الاعتذار الاعتذار ❖

❖ ورکناهی کرده ام الاجتناب الاجتناب ❖

(نثر) جرم وکناهم بستر استراحتی پشت سمند زحمته مبدل قیلوب قهر
 جبارة عصا تده دقیقه فوت ایتیموب راه دینده هزار مشاهده سكرات موت
 ایتدیکم ایسه بدن خیر اولنلر دخی بو جرمدہ مشترک اولورلر واکر نیچون
 لجه مضمون نعم الامیردن اغراق آرزوسیه اعظم بلاد رومده درون الیونی
 تکدیر ایتدک یور یلور ایسه علم الله اولدخی مقتضای خود رأی و خود کامیدن
 نشأت ایتیموب فرمان اولی الامر ایله وقوعه کلمشدر دیو کلامنه فیصل
 و یریمجک طرف سلطانیدن بوجواب نمایان اولوب ای مسلمه کناهک بومذکور
 اولان امور دکل بلکه سبب عتاب ورنجش خاطر بوقدر عسکر اسلامی
 اول مرتبه ده دور دراز مسافهیه آلوب کیدوب اتعاب مسلمینه باعث
 اولدیغندر (حضرت شفیع الامم صلی الله تعالی علیه وسلمدن منقول اولان
 قول مقبول اوزره بوم جزاده عادل حقیقی حضرتی احقاق مخلوقات ایتدکده
 برمومنک علت افناسی ایله مؤخذ اولنلر تخلیص کریبان جاننده بین العجز

ایکن پس بو طریقده مقتول اولان جمع کثیرک جوابنده نه وجهله متدارک
اعتذار سن حوالی و عموریه قتی ایله اکتفا ایتیوب بو قدر گروه مسلمینه اقصای
دیار رومه سفر ایتدیرمک ندن لازم کلمشیدی بو طبقه ده اختیار تکلفات مشاق
ایتمدن مراد کندویه شجیع العرب و نامور و دایر عالی نسب بیدرمک ایسه
بعد الیوم وقع ما وقع رقی کشیده دفتر سیئاتک مضی ماضی قانونی اوزره
غفل و جهلک سببیه صدور ایدن خطیئاتکی عفو ایتدم دیوب قعوده
رخصت و یردی و عجایب ممالک روم و قسطنطنینه پرسشنه سر آغا ایدوب
منصب سرداری بی سراق عبدالرحمانه توجیه ایتدی و حدود عموریه دن
تجاوز ایتیه دیوتنبیه ایلدی مسلمه دخی سنین مذکوره ده مشاهده ایتدیکی
احوال کما هو الواقع حضور سلطانیده بر بر تقریره باشلیوب حضار مجلس
دامن دامن جواهر پاش تحسین ایشاری ایله تسلیه خاطر عاظرنده رعایت شرط
اهتمام ایدوب مساعی جلیله سی نیت خالصه یه قرین اولغله ذکر جیلی پیرایه
دفتر ایام و قصه یر حصه غزواتی حضرت شیخ اکبر کی عزیز و جلیل الشانک
ترجمانی خامه مشکین ارقامی ایله رسیده مسامع ذوی الافهام و جریده جهانده
الی یوم القیامه باقی و مستدام اولدی

✽ خاتمة الكتاب ✽

(مصراع) منت جناب حقه دمام هزار بار ✽ (نثر) بو خوشه چین
خرمن افاضه ابرار و کوشه نشین سمط افاده اخیار و احرار کرامت شیخ
عالمقدار ایله بو حکایه لطیفه عبرتمونی بو اسلوب دلکش و مر غوب اوزره
ختمه یتوروب بو طرز یاران پسند خوش طبعانده ثبت مسطر تفصیل
ایتمک میسر اولدی

❖ نظم ❖

❖ از شکر خدای خوش کنم کام ❖ ❖ کاغذ صحیفه شد بانجام ❖
 ❖ یارب که من سیاه نامه ❖ ❖ کار دستم این ورق بخامه ❖
 ❖ امید که هر خرد پناهی ❖ ❖ از چشم رضا کند نکاهی ❖
 ❖ انصاف من ارتوندهی ای دوست ❖ ❖ خود نافه کند حکایت از پوست ❖
 ❖ ورتو بدهی بسی سیاهم ❖ ❖ من قیمت بقل خود شناسم ❖
 (نثر) هر چند مایه فضل و بلا غدن بی وابه اولان فقیر کپایه نک آثار طبع
 فرومایه سی خصوصاً تعیین جاه و جلالت محروم و مأیوس و اکثر از منده
 حزن و ملال ایله مختلط و مأیوس اوله کار فرمایان دستگاه رد و قبول طرفلرندن
 نفیاً و اثباتاً مظهر التفات اولق هیئات هیئات لکن مجتنب شوائب جود
 و اعتساف اولان اجله اشرف صاحب الانصافدن درخواست عاجزانه
 و التماس مستمندانه قیلتور که (لائنظرالی من قال) مقالی ایله عمل بیوروب
 رثات هیأت و حقارت شان محرر الحروف حسبیلله کالای تعبیر و ادای شتر
 کربه بی مزه نک انداخته مطرح استنکاف اولسی روا کورلیه که هنوز اسباب
 دواعی تحریر و املا وفق دلتواه اوزره حاضر و مهیا و سرمایه حسن و ادا
 اولان مهمات نسخ ادبیه استصحاب ایله ترتیب ادوات انشایه اقتدار ماییدا
 اولمشدر که مشاطه خامه حسب المراد الفاظ عبارات فصحا پسند ایله حللی
 بند کردن و کوش اولمغه مجال بوله حقا که بنم کی آزرده احزان و آلامک زاده
 طبع فلاکت انجمای پیرایه حسن انسجامدن انجق بومر تبه ده وایه کیر
 و حصه دار اولور

❖ نظم ❖

❖ شب تاسحر و صبح تاشام ❖ ❖ در کوشه غم نکیرم آرام ❖
 ❖ تاخون نرود زپای بر سر ❖ ❖ دستم نشود زاب کشت ❖
 ❖ کرازتک و بوی آب و نانم ❖ ❖ بودی قدری خلاص جانم ❖
 (نثر) قوت قدسیه حضرت مصنف الاصل ولایتینا هیدن امید و ارهتم که
 بو ثمره شجره ملا حظة رهین الفتور هر نقدر استعداد دور غبتدن دور و همجورایسه
 اول جناب عا لیک یمن تأثیر انفاسی ایله چاشنی لطافتدن حصه دار اولوب

ساغر آشامان بزم معارف بونهاده طباق صحایف اولان میوه خوشکوار
لطائف ایله تفکّه و تنقلدن خالی اولیوب بوتقریب ایله مترجم نامراد شکسته
فؤادک یار اولسی لازم گله

❖ بیت ❖

❖ این نسخه سزای آفرین باد ❖ ❖ انشاء الله همین باد ❖

(نثر) اگر چه اثنای ترتیب و تنقیحده بحر مواج تاریخ آشنالندن بعض
اکابر مورخیندن ذهبی و امشالی تحقیق روایت حضرت شیخه مخالفدر
دیو ایراد نقض ایدوب اقوال تاریخ نویسانی مقال سدیدالمآل شیخدن ترجیح
طریق ایله عنانگیر ادهم چاپکپای کک فقیره تصدی ایتدکری خیلی زمان
اجاله یکران زباندن اشغال ایتشیدی لکن بوتازیانه سانحه غیبیه ایله اول مقوله
سست روان شارع سدادی وامانده میدان رشاد و پادر کل راه عناد ایتک
میسر اولمشیدیکه بومقوله احوال غریبه بی وقوعی اوزره معلوم ایدنک معاینه
موقوف اولوب وقید تحریر توارینحه دل بسته اولنلر دخی (ان صدقاوان کذابا)
طریقه نقل و روایت ایله تحقق مدعا ایدوب قطعا طوائف مذکوره نک برای
افراغ قالب حکایت ایتدیکی قضیه نک وقت صدورنده بالذات موجود
اولمق دعوا سنه سالک اولیوب رأی العین مرتبه سیله ادعای معاینه و شهود
ایتمه شدلر بوتقد یرجه عنعنه روا تده اهتمام ایدوب بالذات محاربات مذکوره ده
اثبات وجود ایلین عبد الله بن القیس الهمدانی اسنادیله تصحیح دعوی
راوی ایلین عزیز مسلم کک مقالات صحت اساسی خبرک کلمات بی مساسی
ایله خلاف تدبیر خلاف اولمغی حاکم عقل سلیم تجویز ایتک احتمالی بر طرف
اولور بلکه مقتضای عدل و انصاف اقوال ارباب اعتساف کلام شیخ
بزرگوار ایله اضمه محلال پذیراستنکاف اولمقدر عزیز سدید التمیز نک مرتبه علوشانی
تعریف و بیاندن مستغنی و معلوم هر شریف و دنیدر (مصراع) بدین
تفاوت ره از یکجاست تابکجا (نثر) با این جمله بوراق الحروف ملمهوف ملترم
ایراد اصح قاویل متکفل اثبات صدق دقایق و تفاصیل اولیوب مقصود
اصلی دیباجه کتابده ثبت صحیفه اولند یغی اوزره اشارت و الحاح ایله

جناب عبداللہ بن الیقس الہمدانیکن مضمون خبر بدیع الاثر حضرت
 شیخ الشیوخ جمیل السیری لسان ترکی ایله بو طرز معتبرہ ده
 قلمہ کتورمک العہدہ علی الراوی مقالی بومقوله حکایہ
 پردازان زمانہ یہ سند قویدر امید در کہ (ع) ہر بد کو
 نماید در چشم نیک بینان (نثر) مدلولی مانع تعیب
 وموجب استحسان اولہ والسلام تم بعون اللہ تعالیٰ

❖ بیت ❖

❖ ہر کہ خواند دعا طمع دارم ❖ ❖ زانکہ من بندہ کنہ کارم ❖

م م


م

در علیہ ده وزیر خاندہ طاطایوس دیوید جیان بسمہ خانہ سندہ

۱۲۸۵

طبع اولندی

سندہ



DATE DUE

To renew
call 292-3900

[illegible]

HIGHSMITH 45-220

